

$$\frac{12}{1}$$




C⁷
A



*Quatuor hominis novissima
Mirabilium Mirabilissima.*

Antuerpiae, Apud CORNELIVM WOONS. Anno 1661
Con. Graeco et Praebono.



Assistentia Germania Soc. IESU
VETERIS

HOMINIS

PER

EXPENSA

QUATVOR

NOVISSIMA

METAMORPHOSIS,

ET

NOVI

GENESIS.



AVCTORE

R. P. GUILIELMO STANIHURSTO
Societatis IESU.

ex dono



Auctoris

ANTVERPIÆ,

Typis CORNELII WOONS sub signo
Stellæ aureæ. 1661.

Cum Gratia & Privilegio.

THE
AMERICAN
REPUBLICS
IN
THE
WEST

BY
JAMES H. COOPER

NEW YORK
1845

PERILLUSTRI,
A C
G E N E R O S O
D O M I N O
D. I A C O B O
V A N B A E R L A N T,

TOPARCHÆ IN BAERLANT DIE-
RIXLANT, VBEMELINGE,
BOVCHAVT, &c.



Xpositurus conci-
sâ brevitare, Mira-
bilium omnium
mirabilissima, sive
quatuor hominis
novissima, ne, qui ea complecti-
tur liber à me elucubratus, sine
tutelâ vagaretur, Tibi placuit,
quô plus placeret, Tuoque con-
secrare nomini; propterea, quod
id Tibi multis deberi nominibus
videatur. Quapropter illud, quod
præsto, non tam est officij, quàm
de-

DEDICATIO.

debiti. Ad hoc enim opus, quod nunc publici facio juris; multum Te habere juris, multa non modò ostendunt, sed convincunt. Imprimis, tanta illa mihi olim cum filio tuo Lovanij, & nunc Tecum Antverpiæ conjunctio, & necessitudo; quid aliud est, quàm Tibi, ut par est, gratificandi quædam quasi necessitas? Huic accedit ætas; quæ cum ad senium non modò est declivis, sed præceps; vitæ tuæ pars est novissima, atque adeò, hisce quæ hîc propono, Novissimis finitima. Agis porrò in hac Tuâ extremâ ætate, quod omnes agere decet, & quod egisse se scribit, Varro; vir planè omnibus ijs artibus, quæ libero homine dignæ sunt, mirificè perpolitus.

I. Rust. I. Annus, inquit, Octuagesimus admonet me,

DEDICATIO.

me, ut sarcinas colligam, antequam proficiscar è vitâ. Gravior Tua, quàm Varronis est ætas ; utpotè, qui annos supra Octoginta, binos recenses : sed hæc ætas inclinata non Te, ut sarcinas jam primum colligas, admonet, et jam prætextata jam pridem admonuit. Quid enim aliud fuit omnis Tua vita, quàm continua quædam vel præparatio ad finem vitæ, vel præmeditatio eorum, quæ à fine vitæ consequuntur ? Quam ob rem mortem venturam, non ut multi, sollicitus formidas ; sed ut citò veniat, securus invitas. Undè erit illa Tibi expectatissima, quia nunquam non à Te expectata. Hinc non est quod metuas novissima hominis, horâ novissimâ qui, totos dies in illorum meditationem Te totum ingurgitas.

D'EDICATIO.

Nec ullus Tibi vel jucundior est auditu, vel acceptior relatu, sermo, quàm frequens de illis sermocinatio. Tunc enim verò totus lætitijs incedis; non nescius Te, vergentem in vitæ occasum ætate, auspiciatissimæ æternitati non modò propinquum, sed proximum: ad illam, exquisitis virtutibus, tanquàm gradibus ascendere studiosissimè contendis. Hujus rei testatissimum subministras argumentum; dum, quot diebus, cùm nequeas pedibus, nixus aliorum manibus, ut rei Divinæ intersis, per Templum non tam incedis, quàm adrepis. *Vt* (quid ni hîc utar verbis offic. 16. Tullij?) *quotiescunque gradum facias, toties Tibi tuarum virtutum veniat in mentem*; sed licet, suo Te destituant officio pedes, non tamen

DEDICATIO.

men per Virtutis stadium procedis pededentim, & sensim, sed cursum. Quo prodis ætatem Tibi magis lassam, quàm fractam. Hanc tam singularem in Deum pietatem, Majores tui, quasi hæreditarium patrimonium Tibi reliquerunt. Hæc enim Tuæ familiæ est, si non sola, certè prima laus, in medio nationis prævæ, nunquam fuisse prævam, nec Hæresis contagione depravatam, sed ab omni ejus labe semper fuisse illibatam. Inter heterodoxos semper fuisse Orthodoxum; nunquid est quasi paradoxum? Fuerunt igitur in Zelandiâ tui, quotquot recenseres, Majores, quasi totidem orbæ Religionis relictæ tutores. Tu eam laudis viam rectissimam esse, ducens, quam Majores tui, heroicis suis
ve-

DEDICATIO.

est prudentia, non alio fine accumulare op^{er}is, quàm ut Christi causâ, egentibus conferas opem: sic expendere tuas fortunas, ut earum beneficio, evades perenniter fortunatus; sic possidere tua omnia, ut sint omnium: tuum denique facultatibus, locupletare ærarium, ut sit Christi gazophilacium. Sed, ne quid Tibi deesset ad cumulum gloriæ, Doctrinam, Virtuti, tanquam ancillulam, pedissequamque aujuxisti: ita ut stirpe, & nobilitate sis inter Patriæ tuæ primos, eruditione, & humanitate supra primos: atque adeò omnibus sis & Naturæ, & Gratiæ, Doctrinæ, & Virtutis dotibus cumulatissimè instructus. Sed, ne vestræ modestiæ ruborem incutiam, reliqua dignissima præconio, venerabor silentio:

DEDICATIO.

tio: scio enim, malle te facere laudabilia, quàm à Te facta laudari. Quamobrem ad libri, quem Tibi consecro, argumentum, stylum convertam; & quos, quamque uberes ex eo fructus, legendo, liceat referre, quàm potero succinctissimâ brevitate perstringam. Quanti sit facienda Philosophia, quæ non voluntatem ad virtutes inflamat, sed intellectum duntaxat variarum rerum, quæ ad salutem ad modum nihil conducunt, cognitione illustrat, liquet ex verbis Synesij Antistitis: *Quod si ho-* *Epist.
100.*
minem nactus fueris. inquit, qui strenuè, ac viriliter philosophetur, ad eum investigandum, & Græciam, & Barbarorum oras peragrarè, minimè reprehendendum fuerit. Si tantum pro-
scientiâ, quæ inflat; quid non pro-
scientiâ, quæ ædificat? Si lubeat
(ut

DEDICATIO.

(& cui non lubeat, cum nulli non liceat ?) non argute in porticu Chryssippi, nec solerter in Academia Platonis, nec subtiliter in Liceo Aristotelis; sed Christianè in Academia Christi, Philosophari sit Tibi, quod frequentes gymnasium, cæmeterium, cui infideas scamnum, sepulchrum, quem inspicias, liber, cranium. Hocce in loco, ubi oculis undique obijcientur loculi, & quæ illis clauduntur mortuales umbræ, docebunt Te, omnia transire instar umbræ: hisce spernere, præter Animum, in Te omnia tua; & doceberis, ut sis tuus: *Memorare nivissima tua.* Quæ comparari potest scientia, cum novissimorum memoriâ? Quid cohortari ad Virtutem ardentius? quid à vitijs acrius revocare? quid vituperare im-

DEDICATIO.

inprobos asperius? quid animare bonos impensius? quid cupiditatem vehementius frangere potest? Nihil excogitari potest opportunius, quod hominem officij, in quocunque statu fuerit, admoneat, sive ut doceat, sive ut terreat, sive ut concitet, sive ut reflectat, sive ut incendat, sive ut leniat, quàm novissimorum recordatio. Illius est tractare animos, ejus omni modo permovere. Hæc modò perfringit, modò irrepit in sensus, inserit de mundo, & ijs, quæ sunt mundi, novas opiniones, & evellit insitas. Hæc efficit, ut homo, sit, licet insignitè improbus, irascatur, mitigetur, invideat, faveat, contemnat, admiretur, oderit, diligat, cupiat, speret, gaudeat, doleat: denique, ut omnibus, veluti in patenti Oceano,

DEDICATIO.

Oceano , affectibus velificetur. Ita ut censendus sit pervenisse ad ultimam improbitatis lineam , quisquis altâ oblivione sepeliverit , novissimorum Memoriam. Sed in ipso hujus argumenti curriculo, plura occurrent , quæ horum memoriam inculcent; & qui indè pro salute , referri possit quæstus, commendent. Currentem incitarem, si , ut novissimorum recorderis, operosè Te commonerem. Illorum enim memoria , est jugis occupatio tuæ memoriæ. Convenit igitur cum tuo perenni , cui incumbis studio, & cui intendis negotio , hæc novissimorum recordatio: adeoque spero in hâc tuâ ætate , licet ingravescente , non fore grave , hoc quod Tibi consigno opus , subinde oculis lustrare , & quæ Tibi con-

con-

DEDICATIO.

conducent libare, ut sic plenus
sicut dierum, sic, & meritorum,
animum illibatum, Deo, à quo
accepisti, reddas. Quod, ut fiat,
patere hoc animi benevolentis,
honorantique testimonium, à
me deferri, & hunc librum stylo
quidem impolito, & abjectum;
sed argumenti utilitate, & nobili-
tate illustrem, humanitate, quâ
soles excipe, tolle, lege, & vale.

*Perillustreis Dominationis Vestrae
Officiosissimus Clientis :*

P. GUILIELMUS STANIHURSTUS
Societatis IESV.

AD LECTOREM.

*Ephes.
4.22.*

DUOS, in uno homine, esse homi-
nes, est testatissimum Spiritus
Sancti effatum, magno maximi Apo-
stoli calamo exaratum. Sic enim ipse
ex Saulo olim, jam Paulus; hoc est, ex
homine veteri, jam novus: *Deponere,*
secundum pristinam conversationem, VET-
TEREM hominem, qui corrumpitur secun-
dum desideria erroris. Renovamini autem
spiritu mentis vestre; & induite NOVUM
hominem, qui secundum Deum creatus est.
Homo VETUS est Adami: NOVUS est
Christi. Ille de deorsum: hic de sur-
sum: ille de terrâ, hic de cælo: ille à
Naturâ: hic à Gratiâ: ille est inferior:
hic superior: ille est homo animalis:
hic spiritualis: ille est in domo Adami,
Cain: hic Abel: ille est in familia Ilaa-
ci, Esau: hic Iacob: ille est ex Agar,
filius ancilla: hic ex Sarâ, filius libera.
Denique homo VETUS, est de terrâ ter-
renus: Homo NOVUS, de cælo celestis.
Quantum ergo est intervallum inter
terram, & cælum; tantum est & discri-
men inter hominem Veterem, & No-
vum. Nonnè igitur, si homo Vetus,
fiat Novus, talis erit illa Metamor-
pho-

Gal. 4.3.

*1. Corin.
15.47.*

AD LECTOREM.

phosis, qualis nec unquam commen-
tus est Ovidius in suis Metamorpho-
seos libris? Quid est Metamorphosis,
nisi formæ Mutatio, Transmutatio,
Transformatio, Conversio? An non
esset magna rerum conversio, atque
aded stupenda Metamorphosis, si lo-
lium fieret lilium, zizanium triticum,
palea frumentum, hædus agnus? qui
erat *vas in contumeliam*, fieret *vas in ho-*
xorem: si *Æthiops mutaret pellem*, & *par-*
dus varietates suas? Major, adeoque &
mirabilior fit rerum transmutatio;
dum homo Vetus, fit Novus. Inaudita
fuit transformatio, dum lapides à
Deucalione, & uxore trans tergum
jactati, conversi sunt in homines: sed
quod in Ovidio est fabula; modò in
Ecclesiâ, est historia. Etiam lapides
vertuntur in homines. Audi Oracu-
lum Ioannis Baptistæ: *Potens est Deus*
de lapidibus istis facere filios Abraha. Au-
di & Dei promissum: *Auferam cor lapi-*
deum de carne vestrà; & dabo vobis cor
carneum. Sed obstupescendas illas in
hominibus, quas Spiritus Sanctus,
beneficio Gratiæ operatur Metamor-
phoses; accipe à Sanctis Patribus;

Rom.
9.22.
Ierem.
13.23.

Mat. 3.9.
Ezech. 36
62.

AD LECTOREM.

Ex varijs
in Mat.
locis.
Hom. 21.

Chrysoſtomus ſic loquitur : *Invenit* (ſcilicet Spiritus Sanctus) *Publicanum,* & *fecit Evangeliftam* : *invenit perſecutorem,* & *Apoſtolum reddidit* : *invenit latronem,* & *in paradifum induxit* : *invenit meretricem,* & *Virginibus coaquavit* : *fugavit malitiam,* & *induxit benignitatem* : *exterminavit ſervitutem,* & *induxit libertatem.* Nos miramur in Ovidio *Actæonem* mutatum in cervum; *Danaides*, in vespertiliones; *Atlantem*, *Mauritaniæ Regem*, in montem. Hæc, & majora ab Ovidio ficta, ſæpius à Spiritu Sancto ſunt facta. Convincit id lacteus Orator Lactantius : *Da mihi virum, qui ſit iracundus, maledicus, effrenatus ; pauciſſimis Dei verbis, tam placidum, quàm ovem reddam. Da cupidum, avarum, tenacem: jam eum tibi liberalem dabo, & pecuniam ſuam, plenis manibus largientem: da timidum doloris, ac mortis; jam cruces, & ignes, & periculum omne contemnet: da libidinoſum, adulterum, ganeonem; iam ſobrium, caſtum, continentem videbis: da crudelem, & ſanguinis appetentem; iam in veram clementiam furor ille mutabitur, &c. Tanta Divina Sapientiæ vis eſt, ut in hominibus*

L. Inſtit.
6, 25.

AD LECTOREM.

minis pectus infusa, matrem delictorum, stultitiam, uno semel impetu expellat. Non igitur, immerito libro meo præfixi hunc titulum: *Veteris hominis Metamorphosis*. Et cum fieri non possit; ut Vetus homo moriatur, quin Novus nascatur: addidi illud, & *Novi Genesis*, id est Nativitas. Sed quo pacto fiet, hæc Veteris hominis Metamorphosis, & Novi Genesis? sine longâ temporis morâ, citissimè; sine ullâ corporis molestiâ, facillimè; sine ullo tædio, aut fastidio, jucundissimè. Sic enim idem Iacantius: *Gratis ista sunt, facile, citò; modò pateant aures, & pectus sapientiam sitiat, &c. Quis hæc Philosophorum aut unquam præstitit; aut præstare, si velit, potest? Qui cum atates suas instudio Philosophiæ conterant; neque alium quenguam, neque seipsum (si natura paululum obstitit) possunt facere meliores. Itaque sapientia eorum ut plurimum efficiat, vitia non excindit, sed abscondit. Pauca verò Dei præcepta, totum hominem immutant; & exposito Vetere, Novum reddunt, ut non cognoscas eundem esse. Pondera illa verba: Pauca præcepta*

AD LECTOREM.

Eccles.
7.40.

Apo.
1.17.

1. *Ioan.*

2.18.

2. *Corin.*

5.17.

psal. 9.
17.

Iob 21.

13.

Philip.
3.10.

cepta totum hominem immutant. Plus dico; inter pauca, sufficit unum præceptum, ut homo Vetus mutetur in Novum, videlicet illud Sapientis: Memorare novissima tua, & in æternum non peccabis. Si memineris novissimorum; qui fueras virtute novissimus, fies primus: si recorderis novissimorum; diliges eum, qui est primus & novissimus; eris & securus in novissima hora: imò per expensa novissima, fies in Christo nova creatura; id est, è Veteri homine, fies Novus. Meditatio mortis, erit tibi innovatio vitæ. Si tibi proponas sæpè extremum Iudicium: illicò, qui tibi erat quasi ignotus; à te cognoscetur Dominus, iudicia faciens. Si descendas vivus ad Infernum cogitatione tuâ: non amplius duces in bonis dies tuos, ne in puncto ad inferna descendas. Si mente sepius ascendas ad cælos: conversatio tua erit in cælis. Atque ita de terreno, fies cælestis; hoc est de Veteri, homo Novus. Ut talis evadas; hæc pauca, quæ de novissimis scripsi, evolvas: & ei, qui scripsit, fave, & vale.

PRO

AD LECTGREM.

PRO HOMINE

VETERI, CONSILIUM,

PRO

NOVO MONITUM.

Omnes morimur, Ecclesi. 26.

V T ardore novofias ex veteri, Homo
Novus, sint tibi alte animo infixa,
gemina Ecclesiastici verba. Omnes mo-
rimur, quid dici posset ad brevitatem suc-
cinctius? quid ad veritatem nervosius?
Omnes morimur. Est oraculum, non è
tripode affusum, sed è calo prolatum: non
depromptum è Sybilla folijs, sed excerptum
è Spiritus Sancti paginis. Omnes mori-
mur. Sunt duo verba, sed quorum verita-
tem confirmant infinita exempla, sexcenta
funera, quotidiana experientia, SS. Patrum
testimonia, historiarum fides, Oratorum lu-
mina, Parnasse oracula, Philosophorum pla-
cita, lex Divina, & humana: denique om-
nia hoc clamant, inculcant, hortantur. Om-
nes morimur. Si dubitas, reminiscere, ubi
sint ani tui? ubi abavi, atavi, pro avi, maio-
res? ad experientiam te revoca, respice ca-
mitteria, tumulos visita, quotidiana attende

C 4

fune-

AD LECTOREM.

funera: Omnes morimur: Qui omnes? viri? Etiam fœminæ; senes? etiam iuvenes; pauperes? etiam divites: Ignobiles? etiam Nobiles; Philosophi? etiam Iurisperiti: Omnes morimur. Forsan horres illa tam inauspicata verba, quæ mortem prænuntiant & si, votis tuis Deum obsecundare velle censeret, optares tibi indulgeri illud singulare privilegium, quod olim ab Alexandro Magno, magno ambitu flagitabant Philosophi quidam. Cùm Alexander latè per orbem terrarum arma victicia circumferret, ac remotissimas orbis Regiones non magis suis cursibus peragraret, quàm triumphis, atque victorijs illustraret, audiuit propè adesse catos, ac eruditos quosdam Philosophos, quorum verba, tanquàm Apollinis oracula omnes suspiciebant. Hos, ut ex responsis, recondita cuiusdam sapientis viros esse, experientiâ ipsâ comperisset: Reti-te, (ait Alexander) à me quodcunque munus & accipietis: cui Philosophi; volumus, à te immortalitatem obtinere. Risit ad hæc verba Alexander, & irrisit Philosophos: sapientes vos, ait, esse censebam; nunc verò iudico vos esse ignorantes: mihi id, quod flagitatis, præstare nequeo; quomodo vobis tribuam? Mortalis ergo (aiunt) es tu? sum.

Vi

AD LECTOREM.

Vt quid ergò tanquam immortalis mundum universum turbas, eiusque dominatum tanto ambitu quæris? Hoc in mente Alexandri infixo aculeo abiêre Philosophi, ad se rediit Alexander. Hoc si expositis Privilegium, petis aliquid, quod à nullo potest donari; atque ideò à nullo prudente debet postulari. Nulli enim mortali in vitâ mortali conceditur immortalitas; quia, ut antea dixi: Omnes morimur. Vnde bene Ter-

tullianus: Mutuum debitum est in

se *nativitati cum mortalitate: forma moriendi, causa nascendi est, Cui acci-*

nit D. Cyprianus: Nascimur, morimur,

ideoque nascimur morituri quia prius morimur nascituri. Et quid mirum?

Commorandi nobis natura hospiti-

um, non habitandi dedit, ait Romanè eloquentie non tantum lumen, sed inex-

haustum flumen Tullius. Denique hanc gratiam frustra ab ullo peti, ex Senecæ

verbis intellige: Nemo tam imperitus est, ut nesciat sibi quandoque morien-

dum, tamen cum propè accesserit, tergiversatur, fremit, plorat. Quid fies miser? quid ploras? omnes hâc ne-

cessitate ducuntur. Eo, ibis, quo omnia eunt? Ad hanc legem natus es.

*l. de carne
Chri. c. 6.*

*serm. 6. in
Psal. Qui
habitabat*

philip. 4.

Epist. 67.

AD LECTOREM.

Hoc Patri tuo accidit, hoc Matri; hoc omnibus ante te, hoc omnibus post te. Quantus te populus moriturorum sequetur? quantus comitabitur? Fortior opinor esses, si multa millia hominum tibi commorerentur, atqui multa millia hominum, & animalium hoc ipso momento, quo tu mori dubitas, animam varijs generibus amittunt. Tu autem non putabas te ad id aliquando perventurum, ad quod semper ibas? *Credote ex his verbis intelligere non posse à mortali, concedi immortalitatem. Fortasse iuvenes prerogativam quam iuvenis quidam à Parente sibi impertiri postulabat, flagitabunt. Rem obiter perstringo. Vir quidam, ut stemmate inclytus, ita &*

opibus splendidus de Miugorri nomine, filium habebat, quem ad disciplinae militaris tyrocinium, Marti devotum, armis probe instructum destinavit. Sed alia esse hominum consilia, quàm Dei decreta, eventus docuit Patrem, & eventum didicit Filius. Nam cum Divino magis instinctu, quam fortuito casu filius Claram vallem, D. Bernardi famâ celebrem, pertransiret, illic contemplatus alterius militiae tyrones, sub Dei

aqui-

Vincenti-
us T. 3.
spec. Mo-
rals. 693.
l. c.

AD LECTOREM.

aquilis stipendia facientes, & praelia Domini praeliantes: ac deinde animo secum reputans, & qui sacra, & qui profana militia auctorati sunt, morti esse obnoxios; hoc tamen discrimine, quod qui Deo militant, eos amplius longe maneret donativum, corona quippè gloria immarcescibili exornari: peritus profana militia, insit mundum res suas habere, & ad Christi castra, sub eius vexillis meriturus, transfugit, ibique exuens arma iniquitatis, induit se armaturam Dei, ut adversus rectores tenebrarum harum, bonum certamen certaret. Quod ubi parens intellexit, ratus turpissimam inustam esse notam suæ familiae; ob hoc novum genus, quod filius amplexu fuerat, militia, insigniter stomachatus, concito gradu fertur ad illud, quo se filius contulerat claustrum; ubi ruptis omnibus iuris humani, ac Divini claustris, extremum toti monasterio minatur excidium, ni confestim remittant, quem admisserant filium, Antistes foras egressus, his verbis insolentis hominis furorem inflammatum sopivit, non extinxit. Filium non gravatè ad parentem rediturum, si modò
unam

AD LECTOREM.

unam, quæ in Regione eius vigeret, consuetudinem aboleret; sin minus, acquiesceret, & filium votis gaudere sineret. Placuit homini incondito conditio. Exhibetur eius conspectui filius, conditionem exponit: Vna, inquit, mi parens in vestrâ Regione mihi displicet consuetudo, quod illic aequè iuvenes moriantur, ac senes. Hanc rogo, ut abroges; sin minus, illic persistam vivere, ubi mori iuuenis non timeam, senex

expetam. His verbis parentem sibi prius succensentem accendit, ut militiam, & ipse non quidem desereret, sed mutaret. Enimvero & ipse eidem, cui filius, voluit adscribi militia, ut eadem cum filio donaretur corona Iustitiæ. O gratum Iuueni privilegium, si possit vita produci usque ad senium, usque ad decrepitam etatem; si posset antiquari hac iuuentutis nimium quantum ingrata consuetudo, ne hîc morerentur aequè iuvenes, ac senes. Iuvenes mori possunt; senes debent: imò verò Iuvenes non tantum mori possunt, sed ut plurimum solent. Fortasse non displicebit quibusdam donum, quod quidam referunt largitum fuisse filiis suis, alterum illum

Ita Val-
lensis de
regimine
vita hu-
mana f.
Cxx.
xii.

AD LECTOREM.

illum mundi instaurati parentem Noë-
 mum : Is post prodigiosum illud mundi
 submersi nau fragium , maximamque elu-
 uionem , cum filios , filiasque in varias
 emitteret terrarum Regionēs ; ne illicu-
 piditate longius euagante liberè volita-
 rent , sed intra modestiæ gyrum conti-
 nerentur , munus cuiuslibet obtulit non
 quidem utile censu , sed fertile fructu.
 Quod illud ? singulis distribuit è lipsanis,
 ossibusque Adami portionem aliquam : Vni
 dedit Caluariam ; alteri manum , isti co-
 stam pectoris , alteri coxendicem , ut il-
 lorum aspectu ; in amplissimo , quem ut
 hereditatem adibant terrarum dominatu,
 mortales se meminissent , & ne nimium
 se efferrent. Quid si è camiterio selecta
 huiusmodi ossa mortualia tibi in manus
 offerem ? sed apage , inquires : ossa canibus
 projiciuntur . Quidquid ad mortem spec-
 tat , viventibus displicet . Mortis cogitatio
 percellit mentes , commemoratio offendit
 aures , contemplatio ledit oculos . Tamen
 si velim quid impertiri accomodatum tuo
 statui , ac conditioni , nil Mortis imagi-
 ne possum offerre opportunius , nec vili-
 us ad evitandam æternam mortem , ad
 ob-

Iacobus
 Edisennus
 Sijrus. La-
 bata. Ap-
 parat. T.
 i. f. 367.

AD LECTOREM.

obtinendam sempiternam vitam. Quia ex illis , de quibus loquitur Ecclesiasticus :

I. Corin.

15. 31.

Omnes morimur, tu unus es, qui morieris ; ut mortem non tantum non metuas , sed expetas ; dic cum Paulo , sed & fac , quod Paulus : Quotidie morior. Qui debes in mundo mori semel, mundo morere semper. Qualibet dies vite, sit tibi mors alicuius culpa. Hodie morere tua Iracundia , cras Luxuria, perendie Invidia, post Acedia , semper alicui vitio. Qui in peccatis natus es totus ; ut viuas , morere peccato. Hoc facis , dum illi peccata aperis, qui habet potestatem demittendi peccata. Si ita moreris : mors tibi erit non modò votum, sed summa votorum : mori tibi erit, non solum nunc , antequam morieris , desiderium : sed tunc , cum morieris , gaudium. Fateor, iam passim vivitur, (ut quidam dextrè observavit) pro Honore , Ore , Ære , Re ; hoc est, eo referuntur propè omnes cuiuslibet hominis conatus , ut viuat, dite scat, comedat , honoretur. Hoc modo , si viuas modò : finis peritura vita, erit tibi initium sempiternæ mortis. Morere

ante

AD LECTOREM.

ante mortem, sed ut Paulus: Quotidie morior, cur? pro vestrâ gloriâ. Tu quotidie morere; si non pro alienâ, certè pro tuâ gloriâ: quæ una est tuæ militiæ corona, tuæ peregrinationis patria.





Morte morieris. Gen. 2.
Ne mortem paveas, à malo caveas.

P R O O E M I U M

DE MORTE.

A Vctores non pauci, in paucis fide digni, referunt, Atheniensibus Proceribus tam delicatas fuisse aures; ut Mortis non dicam commemorationem, sed neque nomen solum possent sustinere. Hinc lex fuit apud illos; quam infringere, capitale erat facinus, ut si necesse esset denuntiare mortem Patris, aut Matris, aut alterius, consanguinitate, necessitudine, vel affinitate coniuncti; illud præstari debebat per aliquem, qui jam ob letale crimen, reus mortis è tribunali fuisset pronuntiatus. Propterea, quod iudicarent hominem illum, qui tam ferale nuntium deferret, ac tam funestâ commemoratione, eorum aures laderet, indignum esse vitâ, dignissimum morte; atque adeò è numero hominum eijciendum, & è finibus humana naturæ exterminandum. Si vos, quicunque hac legitis, similis cum Atheniensibus indolis esse crederem; haud equidem tantum mihi præfiderem, ut auderem & oculos vestros tam horridis funestare spectaculis; & aures tam tristibus sauciare nuntijs, & animos

A

tam

Heb. 4.
27.

tam inquietis perturbare cogitationibus ,
& terericulamentis ; qualia gigni solent ,
dum de terribilium omnium terribilissimo,
Morte, instituitur sermocinatio. Sed quia
vos, & indole, & naturâ, & genio, certè
fide, & Religione ab Atheniensibus discre-
pare non ignorem; ideò vobis omnibus huius
argumenti Lectoribus, quin & Parentibus
vestris, consanguineis, affinibus, ac amicis,
liberâ voce, funestum, triste, horrificum,
ego ipse reus mortis, defero mortis nun-
tium, verbis Paulini Oraculi, Divino in-
stinctu fusi, & à magno Apostolo scripti,
nimirum : Statutum est hominibus
semel mori. Morieris tu, quisquis hæc
lectitas, & de morte minimè cogitas? Mo-
rieris tu, qui viribus valens, ingenio flo-
rens, scientiâ pollens; pleno gradu in
curriculum avi ingrederis, spe letus, &
erectus, qui grandia meditaris, insolentia
moliris, & ambulas in mirabilibus
super te. Morieris. Non credis? Statu-
tum est. Vbi? In magno illo foro, in
secreto sanctissima Trinitatis Concilio, in
sublimi Divina Potentia pratorio, in
arcano aterna Sapientia gymnasio, in
metuendo Iustitia tribunali, ubi de om-
nium capitibus habita sunt comitia. Sta-
tu-

tutum est. *A quo? Ab eo, apud quem* Iac. I. 17.
 non est transmutatio. *Ab eo, qui de*
se loquitur: Ego Dominus, & non
mutor. Ab eo, cuius statuta, & verba
eventu tam sunt certa, ut dicat: Cæ- Malac. 3. 6.
lum, & terra transibunt, verba
autem mea non præteribunt. Sta- Matth.
tutum est. Quomodo? Aeterno Dei 24 35.
decreto, quod non potest mutari; in-
violabili lege, qua non potest infringi.
Illud ergo, quod in principio, ante om-
ne principium, fuit a Deo statutum, erit
mihi scribendi, tibi legendi argumen-
tum. Utinam! quanto meo conatu, tan-
to & tuo fructu. Illa igitur, qua mor-
tem antecedunt, qua comitantur, qua
sequuntur; denique regulas mortis uti-
liter appetenda, charactere magis ad mo-
tum pio, quàm ad plausum docto; suc-
cinctè exponam. Tu è lectis selectiora
selige; selecta mentibus imprime, mori-
bis exprime: sic erit pretium opera, me
in scribendo, te in legendo hoc argumen-
to, impendisse operam.

CAPUT I.

*Novi hominis , ex attentâ Mortis
Consideratione, Genesis.*

Iob 17.

VT homo vetus ex utero ; sic homo novus, nascitur ex tumulo. Novi hominis idem est, & pater, & mater, Mortis memoria. Audi loquentem è suo fimeto, optimum morum magistrum Iob : *Putredini dixi , pater meus es , mater mea , & soror mea vermibus.* Ecce hic patrem, & matrem novi hominis ; putredo : quæ putredo ? sepulchralis. Ex putredine , sanie , pure, vermibus, & cinere cadaveroso , nascitur novus homo. Nec opus , ut homo novus concipiatur, & nascatur, vel longâ temporis diuturnitate , vel magnâ laboris difficultate ; novus homo, & facillimè concipitur , & citissimè nascitur. Hoc fit uno contuitu oculi, & brevi actione animi. Nunquid quoties oculos convertis ad speculum, nascitur nova effigies in speculo ? Ita ut idem sit , speculum
aspi-

aspicere , & in speculo imaginem
 affingere ? Nostin , quem ad finem
 inventa sunt specula ? Seneca putat
 inventa , ut homo seipsum nosceret.
 Socrates usus est speculo ad morum
 disciplinam : undè discipulis suis sua-
 debat , ut se in speculo contempla-
 rentur ; ut qui sibi pulchritudine pla-
 ceret , satageret , ne corporis digni-
 tatem , morum dehonestamento
 contaminaret ; qui verò minus visen-
 dam in se formam spectasset , gnavi-
 ter contenedret , ut virtutis splen-
 dore , inopiam formæ collustraret , ac
 ingenio , corporis damna compensa-
 ret. Profunt ergò specula , si nobis
 illa inserviant , non tam ad crinium
 censuram , quàm ad morum discipli-
 nam. Sed ut magni æstimandum ; sic
 & maximè commendandum est spe-
 culum , quod dum aspicitur , repentè
 novus homo concipitur. Accipite hîc
 speculum , cuius intuitus , si vis , erit
 novi hominis partus. Refert auctor *Specla*
 Neotericus , quendam ex sacrâ D. *berghin*
 Dominici familiâ , celebrem Divini *Concion.*
 verbi , quod ad populum Parisijs ex- *parte*
 ponebat , Oratorem , solitum qua- *Æstival.*
 dra- *p. 317.*

draginta esurialium dierum tempore
subindè ad alias excurrere civitates,
ut populum è suggestu, ad virtutes,
& virtutum adhortaretur exercitiâ.
Itaque exeunte jam Quadragesimâ,
matrona quædam magis spectatæ
formæ, quàm vitæ; nobilis ut san-
guine, sic, & libidine; cùm Patrem
abiturum, ultimùm salutaret, obse-
cravit impensè, & flagitavit im-
portunè, ut proximâ quâ rediret
vice, secum conferret speculum
Parisiense. Hoc se facturum, sanctè
promisit alter; & quàm fuit in pro-
mittendo liberalis, tam fuit in exe-
quendo fidelis. Quapropter elapsis
aliquot mensibus, cùm ad illius Ma-
tronæ rediret ædes, contulit secum
speculum; non vitreum, sed osseum;
non sumptum in foro à mercatoribus,
sed in cœmiterio à vespillonibus.
Ingressus domum, jubet per Domi-
nam convocari omnes domesticos,
asserens se contulisse speculum Pa-
riensiense, exquisitissimi artificij. Illa
de munere læta, præcipit actutùm
adesse famulos, ancillas, omnesque
contubernales; jactitans exponen-
dum

dum omnium oculis concinnum aliquod speculum, Parisijs allatum. Tum vir Religiosus, amoto quo speculum texerat velo, producit in omnium conspectum, horrificam calvariam. Post hæc ipse nervosâ, & aculeatâ oratione ad hoc spectaculum, pupugit spectantes. Tu, ait, ô Domina, speculum flagitasti! En speculum, aptum non concinnandis criminibus, sed reformandis moribus! fuit illa olim, quod tu es modò: ubi jam sunt geminæ sine lumine cavernæ, fuerunt quondam blandæ oculorum pupillæ: cranium illud depile, exornavit crispata calamistris cæsaries: circa oculos jam effossos, rosæ rubuerunt genæ: circa dentes, fuerunt corallina labra, intus lenocinans lingua. Quod tu es modò, fuit illa olim; eris & tu olim, quod est modò? simul ad hæc verba & obstupère, & conticuère omnes, cunctis vox faucibus hæsit. Huius speculi aspectus, fuit aspicientium salus. Sed illa præ cæteris Domina, quæ speculi obtinendi erat præ alijs cupida, sprexit præsentia, & coepit cogitare futura. Vndè

non tantum fui dissimilis ; sed jam prope alia , talem ab illâ die instituit vitam , qualem se duxisse , sciebat se optaturam , cum esset appetitura mortem. Atque ita, mortis cogitatio, fuit novi hominis generatio. Ecce tibi , forsan non optabile , sed tamen utile pro animi salute speculum , haustum è cœmiterio cranium. Tale si in tuo habeas musæo, quod sæpè intuearis speculum , stabis semper quasi in speculâ ; & ut præsentia despicias , & de futuris tibi prospicias. Hoc speculum non est veneris illud fallax , & subdolum , quo in lubricâ , ac fragili glacie fluxam corporis pulchritudinem intueberis ; sed velut in diviniore crysallo, rerum sublunarium , vitæ fugacitatem, mortis certitudinem , id est, ut Plato sentiebat, veram Philosophiam , speculando disces. Ito ergo ad cœmiterium , tanquam ad Christianæ Philosophiæ seminarium ? aperi demortui hominis tumulum. Sta illic paulisper, ubi brevi cades. Sepulchrum cadaveris exanimis , mutabit tibi animum Incipies jam nunc mundo mori , si cogitaveris te brevi morituru-

turum. Consideratio mortis, erit tibi inspiratio novæ vitæ. Deinde, confer inde mortis spoliū, informe cranium; confer ad tuum cubiculum, ut illud identidem intuearis, quasi speculum. Multa, quæ te officij moneant, non tantū videbis, sed audies. Illud enim cranium licet elingue, est tamen loquax : multa dicit, dum nihil dicit : licet taciturnum, est tamen verbofum; suo silentio, altum clamat : licet mutum, canit classicum : sine linguâ docet, sine voce monet, sine verbis movet : dum nil pronuntiat, multa tibi prænuntiat. Placet audire Læconicam huius muti Rhëtoris orationem? Hoc tibi tacitè dicet cranium, quoties ad illud conversus attendes animum : Vix natus cœpi vivere; & mox ad vitæ metam, incœpi currere. Illud quod inter matris uterum, & tumulum, spatium est medium; est punctum, quod in tempore est minimum. Vnde inter illa duo extrema, Nasci, & Mori, minus est, quàm ictus oculi. Vbi incipis, statim desinis, idem est fabulæ prologus, & Epilogus. Sæpè illius memento, salutem depen-

dere ab ultimo momento. Summa erunt omnia, ubi venerit summa dies. Sit tibi non modò prima, sed tota, & sola cura, salutem curare. Hoc unum tibi est necessarium, aliud quidlibet supervacaneum. Nunquam tibi hoc excidat; pati potius omnia, quàm ut excidas Dei gratiâ. Inter omnia hoc unum cave præ omnibus; ne quid agas, quod egisse pænitebit, dum animam ages. Denique eris homo novus, si sæpè cogitas novissima. Hæc erit huius muti Oratoris ad te exhortatio; & post eam fors in te erit vitæ, morumque innovatio.

PRAXIS.

Fuit hoc familiare D. Antonio pronuntiatum. *Ut quis evadat perfectus, duo tantum sunt necessaria. Primum, credere se hodie incepisse Deo servire: Deinde, hodiernum diem esse ultimum vitæ.* Si hæc dies quàm Deo consecrasti, sit prima, cum nihil Dei causa sit à te actum, quid non agendum? si ultima, quomodo non agendum? Hic ergò collige omnes
COR-

corporis, & animi, Gratia, & Naturæ vires ; ut nulla sit vel mentis cogitatio, vel cordis desiderium, vel oris verbum, vel manuum opus, quod non tota totius hominis contentione dirigatur ad Deum : sic totam, cum sit ultima, diem, exigas, quam mereatur coronare felix Æternitas. Mane altè animo imprime hæc aurea verba D. Scholasticæ, *Dies unus benè impensus obsequio Dei, plus valet, quàm milliones annorum ad obtinendum universum mundum.*

CAPUT II.

Homo vetus ad intuitum sepulchri evigilat ; & iam novus, sibi invigilat.

Quid aliud est sepulchrum, quàm Mortis domicilium? inde tamen sæpe hauritur vitæ præsidium. Ex morte ipsâ ritè considerata, resultat in animâ novæ vitæ præstans simulacrum. Sic fæditas inseruit decori, deformitas venustati, peccati stipendium, Virtuti, somnus vigiliæ. Patet id ex verbis Iob,

Iob 21.
32.

Iob, loquitur is de homine insigni-
tè scelerato : *Ipse ad sepulchrum du-
cetur ; & in congerie mortuorum evigi-
labit.* Exquisitissimis coloribus ex-
primit hîc Iob lineamenta hominis
impij, ac potentis ; qui fractis om-
nibus juris humani, ac Divini repa-
gulis, Dei contemnit monita, vio-
lat præcepta, explodit consilia; imò
qui sacrilego ore hæc plena impie-
tatis verba in Deum deblaterat :

Iob 21.15

*Quis est omnipotens , ut serviamus ei ?
& quid nobis prodest , si oraverimus
eum ? Recede à nobis , scientiam viarum
tuarum nolumus ?* Et id genus , alia

Ibidem
11.30.

execrabilia, quæ recenset Iob. Tan-
dem Iob, quasi desperans de huius-
modi hominis salute, certum illius
exitium denunciat, his verbis : *Quia
in diem perditionis servatur , & ad diem
furoris ducetur.* Quasi dicat ; Actum
est de illo, conclamatum est de eius
salute, perditissimus est. Quid, in-
quies, nullumne homini illi reli-
quum est obtinendæ salutis præsi-
dium ? Vix occurrit, quia ut Iob
paulò post testatur : *Quis arguet co-
ram eo viam eius ; & quæ fecit , quis
reddet*

reddet illi ? Quis illius erit roboris, ut audeat ? quis illius fiducia, ut præsumat ? quis illius virtutis, ut valeat, posito omni metu, Principem valentem viribus, pollentem divitijs, scatentem vitijs, admonere officij, insignia illius carpere flagitia, ac salubria suggerere consilia ? Res nimium quantum difficilis, imò periculosa plenum opus aleæ. Arguit Ioannes Herodem ; sed jacturâ capitis. Arguit Propheta à Deo legatus Ieroboam ; sed & in carcerem fuit relegatus. Arguit Ieremias Regem, & Principes impios ; sed projectus fuit in lacum, sustentandus pane doloris, & aquâ angustia. Quis igitur arguet coram eo viam eius ? vix reperiatur : vel si quis, furdo canet, non audiet. Quid igitur agendum cum homine, de quo jam est actum ? Non est remedio locus, ubi quæ fuerunt vitia, sunt mores. Quid subsidij ô Iob ! Restat unum, & præter illud, aliud nullum. Quod illud ? *Ipse ad sepulchra ducetur ; & in congerie mortuorum evigilabit.* O præsidium expedi-

tis

tissimum cuiusvis etiam desperatissimi hominis ad salutem adducendi ! Non cum huiusmodi homine agendum est rationibus studiosè excogitatis , non proferenda exquisita , quibus illum convincas , argumenta ; non adducenda horribilia , quibus terreas exempla ; non promenda , quibus illum attones , verborum fulmina : sed ut eum errantem reducas ad viam vitæ , adducas ad receptacula mortis , ad sepulchra : exhibe eius oculis spectabilem mortuorum congeriem : & dicto citius , qui fuerat surdus , audiet sana consilia ; qui fuerat cæcus , videbit præsentia pericula ; qui fuerat imperterritus , horrebit futura supplicia ; qui fuerat paralyticus , surget ; qui claudus , ambulabit ; qui mortuus , resurget ; qui dormiebat , *Evigilabit*. Placet historiâ rem hanc confirmari ? Liffardus Religiosus Cisterciensis , inclytæ vir profapiæ , diu Monasterij sui subulcus , denique officij sui tam inofficiosi pertæsus , nescio quâ arrogantia ductus ; hæc ipse secum : Liffarde , quid agis Absi ,

Absi ,

Abfit à te , tuiſque tantum dedecus ,
ut grunientes pecudes pascas. Ma-
cte animo Liffarde , ad ea quæ tuo
genere digna ſunt , enitere. Tuumne
deceat gentilitium genus , tam hu-
mile munus ? Sic ſe abijcere , quid
eſt , niſi ad probrum familiæ , avi-
tum ſanguinem proterere ? pudeat
te non pudere tam infamis ſervitu-
tis. Major es , quàm ut te deſpiciant
minimi. Eripe te hoc aſcetico erga-
ſtulo , in priſtinam libertatem , no-
bilitatemque te vindica ? Dixit , cer-
tuſque jam erat , cucullum excute-
re , & aſceterio profugere : ſed jam ,
jam abiturum , retinuit nox , quàm
cùm duceret in ſomnem , ecce tibi
ſeſe oculis eius obtulit , vlr humanã
major majeſtate , quem ſequi juſſus ,
præeuntem ſecutus eſt , januis om-
nibus quacunque incederet , ſpontè
recluſis : ventum ad cæmiterium ,
in quo cùm ſepulchra vaſto dedu-
cerentur hiatu ; Liffardus ad tumu-
lum , in quo putidum quoddam ca-
daver haud ita pridem humatum ,
verminabat , ductus audiit : *Mifer ,*
quo viſ abire ? cumque alia , atque
alia

alia huiusmodi cadavera , contemplari juberetur , & ille propter horrorem deprecaretur , dicens : Parce Domine mi ; exanimes illæ larvæ prope me exanimant : heu ! nequeo porrò illas contemplari. Rursus audivit : Age igitur , & si tibi vis parci , noli superbiâ elatus , Religiosæ vitæ statum deserere. Quid plura ? Ille constantiam pollicitus , ad lectum reversus , horrifico mortis simulacro , fuit ab omni superbiâ liberatus. Sic ad sepulchra ductus , reductus est ad Modestiae gyrum , & virtutis tramitem , ex quo pedem efferre in animum induxerat. Dicam ergò , non quod Salomon : *Vade ad fomicam piger ; sed vade ad sepulchrum piger , & mox cum Davide curre per viam mandatorum Dei.* Vade ad cæmeterium avare , & statim dices cum Zachæo : *Ecce dimidium bonorum meorum Domine , do pauperibus.* Vade ad congeriem mortuorum superbe , & illicò exclamabis cum Ecclesiastico : *Quid superbis terra , & cinis ?* Denique vade Cosmophile , qui mundum sectaris , & ea

Prov. 6.6

Psal.

147. 15.

Luc. 19. 8

Eccle. 10. 9

ea quæ sunt mundi , admiraris , ad congeriem mortuorum , & voluta te inter ossa mortualia ; & confestim occines tibi illud cum Salomone *Eccl. 1. 2* *acroama : Vanitas vanitatum , & omnia vanitas.*

P R A X I S.

Sit tibi Mors à secretis , & consilijs. Nihil committas , quod non commisisse optares ; nihil omittas , quod omisisse te pæniteret , in novissimâ horâ. Sic ergo ante omne opus , seu illud sit animi internum , seu corporis externum , familiariter sermocinare : Ecce Mors , tu Divinæ es Iustitiæ administra , tuo subditus sum imperio : mihi enim quod patri meo , jam pridem dictum est : *Morte Morieris* : Cùm igitur nullum sit mihi effugium , audiam Sapien- *Gen. 2. 17* *Eccl. 6. 6.* tis consilium : *Consiliarius sit tibi unus de mille.* Quoties pendebo animi , dubius quid pro salute animi me facere vel deceat , vel oporteat ; tu unus mihi eris , qui , quæ sunt obscura ; illustres ; quæ ambigua , ex-

B

pla-

Gal. 5.
17.

Rom. 8.
13.

planes ; quæ ignota , patefacias , consiliarius ? Ecce impotens sui Iracundia instigat , ut de illatâ injuriâ fumam vindictam ? vult manum proferam ad ferrum , jubet me cum inimico descendere in arenam. Quid hîc factô opus ? Cave , reponet mors : Olim quod vis facere , pænitebit fecisse ? Dum mihi lenocinatur caro ; iterum adi tuum consiliarium , & dic ei cum Paulo : *Caro concupiscit adversus spiritum ; pellicit me suis illecebris , ut saltem vel cogitando , illis me oblectem ; titillat me suâ voluptate , ut illi saltem desiderando assentiar .* Quid hîc mihi suades ? si sapias , respondebit illa , audi meum consilium , quod est Spiritus Sancti oraculum : *si secundum carnem vixeritis , moriemini .* Quantum ergo metuis mortem , tantum oderis carnem . Iterum , dum te Avaritia invitat , ut vel obtineas , vel possideas contra fas aliena bona ; dum Intemperantia te impellit , ut helluando te ingurgites , vel potando inebries ; semper ante quodcunque opus , sit tibi perfugium ad tuum Consiliarium

rium : audi , quid illa suadeat. O quàm multa , ut facias , suadebit ! quàm non pauca , ne facias , dissuadebit. Nec Salomon cum omni suâ sapientiâ , suggerit tibi utiliora , quàm Mors consilia. Tibi igitur consulès , si illam semper consulas ; si ad illius consiliorum normam , instituas vitam , stupebunt alij tuam vivendi formam ; eritque omnium interrogatio , quæ est apud Isaiam : *Quis consiliarius eius fuit?*

CAPUT III.

Hominis fragilitas, temporis pernicitas.

Nobilis ille Vates , cælestium arcanorum Interpres Isaias , audiverat fortè resonantem ex alto vocem , & dicentem : *Clama.* Quasi *Isa. 40. 7.* diceret ; Illud quod tibi dicturus sum , & quod à me auditurus es , nolo in aliquo angulo , sed in publico ; non in obscuro aliquo gurgustio , sed in celeberrimo theatro ; non modestâ , aut gracili voce , sed contentissimo clamore ; non aliquibus , sed omnibus annuntiari. *Clama.*

Quid clamabo ? *Omnis caro fœnum ;
& omnis gloria eius , quasi flos agri :
Exsiccatum est fœnum , & cecidit flos.*
Hoc est : tam futilis , & fragilis , &
caducius est homo ; ex carne licet ,
& ossibus conflatus , cum omni , quâ
fulget gloriâ , quâ floret dignitate ,
quâ valet auctoritate , quâ pollet
potestate , quâ abundat opulentiâ ,
quâ se jactat scientiâ , quâ eminet
sapientiâ , totoque Fortunæ , & Na-
turæ choragio ; & mundi , quo tu-
met apparatu , ut minimo minimi
venti corruat afflatu. Quid mirum ?

In psal.
53.

*Omnis caro fœnum ; & omnis gloria eius ,
quasi flos agri.* Scitè expendit hanc
similitudinem floris D. Augustinus :
*Isti florent felicitate sæculi , & pereunt
in virtute Dei : Non enim quomodo flo-
rent , sic pereunt : florent enim ad tem-
pus , & pereunt in æternum : florent
falsis bonis , & pereunt veris tormentis.*

Confer te ad agrum , aspice Maij
tempore fœnum , quomodo floret in
pascuis , viget in campis , viret in
agris ; quàm amænum præbet via-
toribus spectaculum ? quàm mol-
lem fatigatis torum ? At exeunte

Iu-

Iulio ; quod antea virebat in agro,
 aret in horreo ; quod prius gratum
 præbebat hominibus spectaculum,
 jam seruit brutis animantibus in pa-
 bulum. O delicatule Trossule ! illa
 tua caro, quæ in capite , flavis cri-
 spatur comis ; quæ in vultu , roseis
 purpurascit genis ; quæ in cervice,
 lacteo candet nitore ; quæ in ore,
 corallinis rubet labijs : illa caro,
 quæ induitur bysso, & purpurâ ; cu-
 ius auribus , quidquid iucundum ;
 oculis, quidquid pulchrum ; nari-
 bus, quidquid odoriferum ; fauci-
 bus, quidquid dulce ; manibus ,
 quidquid molle est , offertur , non
 est nisi *fanum*. Expecta adhuc pau-
 lisper juvenis formose, brevi de te
 dicetur: *Cecidit flos*. - O quàm benè
 non malus Poëta:

*Nos quoque florvimus, sed flos fuit ille
 caducus.*

Ovidius.

Hodie sumus validi , cras morbidi,
 perendie mortui , deinde sepulti,
 paulò post à vermibus exesi, tan-
 dem in cineres conversi: eodemque
 sæpè, & temporis momento, & lo-
 ci puncto , & exhalamus animam,

& accipimus decretoriam sententiam ; & calente adhuc corpore , stamus coram Iudice ; nosque prius ad æternitatem miramur abreptos , quàm metuebamus abripiendos. Sic uno momento stamus , altero cadimus ; uno valemus , altero rigemus ; uno vivimus , altero morimur. Non modò summa est , hominis dum vivit , fragilitas ; sed & maxima temporis , ut vivat , brevitās. Est effatum Paulinum : *Tempus breve est.*

1. Cor. 7. Quid aliud clamat sol , dum annuam orbitam emensus , eandem remetitur ; quàm *Tempus breve est* ? Quid aliud illa frequens noctium , ac dierum vicissitudo ? quid aliud succedens Infantia , pueritia , pueritiæ Adolescentia , adolescentiæ Iuventus ; huic reliquæ ætatis partes clamant ; quàm *tempus breve est* ? Id ipsum asserit Iob : *Breves dies hominis.* Pondera suis momentis , quia
Iob 14-5 sunt magni momenti , singula verba. Non dicit breves dies hominis senis , decrepiti , deponenti , sed hominis. Adolescens es , sed homo ? fortis , vegetus , validus ; sed homo:

mo:

mo : ebullit in venis juvenilis sanguis, stant firmæ in corpore vires; sed homo es ? *Breves dies hominis.* Sæpè adolescens florens ætate, nobilitate, ingenio, tanquam flos egreditur, & repentinè conteritur. Non raro Juvenis comptulus manè procedit velut sponsus de thalamo; & vesperi jacet in tumulo. Hanc temporis brevitatem confirmabit tragica Saulis historia : Saul decreto-riam cum Philistæis pugnam pugnat-urus, jussit per Pythonissam, Sa-muelem è funere excitari. Adest metuendâ majestate suspiciendus Samuel. Vide hîc inter unius diei, & noctis moram minimam, maxi-mam rerum omnium conversionem. Stabat utrimque copiosissimo belli-cæ pompæ apparatu instructissimus exercitus : Versabatur hic Saul in-ter quadrigas, & carpenta; inter turmas equitum, & cohortes pedi-tum; inter lituos, & cornua, Mar-tio pulvere non indecore sordidus : ducebat exercitum, instruebat a-ciem, cogitabat victorias, medita-batur triumphos, sperabat trophæa;

Re-

1. Reg.
28. 19.

Regnum denique suum ad feram posteritatem firmare moliebatur. Interim, dum hæc animo agitat, ecce tibi feralem Samuelis ab inferis excitum vocem : *Cras tu, & filij tui mecum, eritis ; sed & castra Israël tradet Dominus in manus Philistinorum.* O quanta, & quàm admiranda rerum omnium repentè vicissitudo ! quàm præcipitès rerum vices ! Hodie stat in campo exercitus ferro metuentus ; cras jacebit Mortis manu prostratus. Quot hodie stant hîc animata corpora ; tot cras jacebunt inanima cadavera. Quàm benè

Senect.

L. de
Epist. 61.

Tullius : *Quis est tam stultus, quamvis sit adolescens, cui sit exploratum, se ad vesperam esse victurum ?* Præclare item Seneca : *Id ago, ut mihi instar totius vitæ sit dies ; sic illum aspicio, tanquam esse vel ultimus possit.* O si cum vel Senecâ quemlibet diem aspiceremus tanquam vitæ postremum, æternitatis primum ! quid ageremus ? Accerferemus pollinctores, locum sepulchralem in cæmeterio quisque sibi metaret ; linteum funebre appararet ; cum ves-

spel-

spillonibus de efferendo funere pacisceretur ; tumbam mortualem sæpè inspiceret ; testamentum conderet ; tum alijs omnibus curis sepositis , conscientia latebras discuteret ; inde erutas animi labe in aures Sacerdotis conijceret ; Sacro Viatico, immensum æternitatis iter initurus, mentem corroboraret, præcingeret lumbos, pararet lampadem, exspectaret sponsum, vigileret, teneret lucernam in manibus ; denique unum id ageret, saluti consulere. Hæc ageres, si non nescires hunc diem tibi postremum elucere. Quid differs pænitentorum in crastinum pænitere, qui hodie commisisti pænitenda ? Audi Gregorium : *Qui pænitenti veniam spopondit ; peccanti diem crastinum non promisit : semper ergò postremum diem debemus metuere, quem nunquam possumus prævidere.* Cavè ne cùm steteris in limine æternitatis, tibi occinas, illud serum Hannibabilis, negligentis Romæ occupandæ post victoriam Cannensem, occasionem: Cùm potui, nolui ; cùm volui, non potui. Ho-

Hom. 12.
in Evang

die potes, quidquid velis; cras forsitan non poteris, licet volueris? O quàm erit triste ab arrodente conscientiae verme æternùm cruciari! toties mihi ingeminanti. Heri potui æternam nancisci gloriam, nolui: heri potui hos declinare cruciatus, nolui: heri potui æternum esse beatus, nolui: heri potui nunquam esse miser, nolui: Quid ita? in crastinum distuli, qui ignorabam, quid esset futurum in crastino? Imitare, si tibi vis consultum, illud cuiusdam viri Religiosi monitum; qui cùm ad insequentis diei convivium esset invitatus, respondit invitantibus:

Petrarcha l. 3

Memoral. enim cras agendum sit, vos, quibus vacat, cogitate; ego enim à multis annis crastinum non habeo.

PRAXIS.

Si vis in hâc mortali vitâ, ubi homo repletur multis miserijs, stare in ipso fastigio supremæ felicitatis; semperque vivere sine metu, tutus sine luctu, lætus; sine ærumnis, beatus:

tus : ita vitam institue , ut omni tempore , Conscientia tibi dicat ; si hâc horâ , & momento , mihi esset moriendum ; nihil occurrit Sacerdoti aperiendum , nisi fors ab ultimâ confessione. Adeoque si vox illa mihi insonet : *Ecce sponsus venit* ; paratus sum in hoc statu illi occurrere. Si mihi subitò dicatur : *Dispone* Mat. 24,
domui tue , quia morieris ; Reponam ; Ila. 38, 1.
 jam pridem disposui , lubens moriar. Si hoc modo vivas ; potes mortem non modò expectare cum desiderio , sed invitare cum gaudio ; potes securè in utramque aurem dormire , quia si mors subitò te opprimat , in Domino obdormies.

CAPUT IV.

Quid sit mori ?

CUicunque contigit nasci ; eodem necesse est , & mori. O brevem vocolam ! mori ; non continet , nisi duas syllabas , & quatuor literas ; sed actus moriendi , complectitur omnes quæ timeri solent
 mise-

miserias. Mori, non est nisi unicum verbum ; sed quæ mortem antecedunt , comitantur , sequuntur nullus nec verbosissimus Orator poterit unquam dicendo explicare. Faciamus hîc quasi Anatomiam illius arcani , & prodigiosi verbi, videlicet Mori. Quid est Mori ? Mori est relinquere omnia in hoc modo aspectabilia , & sensibilia. Primum, quàm est perpeffu acerbum proscribi patria, mitti in exilium ? Cùm Tullius amandaretur in exilium, viginti millia civium Romanorum, pullo amictu, luctus testandi causâ, eum comitabantur. Quid hoc est collatum cum morte ? Mori , est, debere pro omni tempore, deferere in quo vixisti, mundum; in quâ natus es , Patriam ; ubi vixisti , urbem ; quam incoluisti domum ; in quo manducaſti, triclinium; in quo ſtuduisti, muſæum ; in quo quieviſti, lectum ; in quo ambulasti, hortum : omnia penitus loca ; ſicut nullus in toto orbe futurus ſit angulus, in quo poſſis amplius, vel ad momentum conſiſtere. Alia jam proſequere.

quere. Mori, est dicere perpetuum
 vale parentibus, fratribus, sororibus,
 consanguineis, affinibus, amicis, fa-
 mulis, domesticis, civibus, populari-
 bus, (verbo) omnibus hominibus; sic
 ut nullus omninò sit futurus; qui te
 proficiscentem in illam ignotam pe-
 regrinam, admirandam comitetur
 Regionem æternitatis. Princeps qui-
 dam impiè potens, & iniquè dives,
 cum morti se proximum cerneret,
 conversus ad sibi adstantem Palati-
 nam Familiam: Eia, inquit, vos fide-
 les Palatini mei, succurrite quæso, &
 ab imminente morte, hâc me vice
 eripite: Et si nunc omninò morien-
 dum erit, saltem comites mihi itote,
 & ne in periculosâ hâc & ignotâ pro-
 fectione solum relinquitè: & hoc
 æquum est, ut qui fuistis parti-
 cipes meæ gloriæ, & felicitatis, ne in
 tam calamitoso statu me deseratis?
 Ad hæc ipsis silentibus, nulloque
 condicere volente; in rabiem actus
 Princeps, periuros illos, & perfidos
 insanis clamoribus vociferans, per
 summam indignationem spiritum in-
 faustum eiecit. Mori est, deserere
 om-

Bellard.
in Prato
exemp. l.
2.1.

Job 1, 21.

omnia bona corporis, Fortunæ, Naturæ: Tunc igitur spoliatur omnibus vestibus, supellectili, pecuniâ, opibus, thesauris, agris, fundis, prædijs, ædificijs, possessionibus; omnibus iumentis, quæ habebat in stabulo, piscibus, quæ in vivarijs; arboribus, quas in silvis, fructibus, quos in agris; floribus, quos in hortis; frumento, quod in horreo; dolijs, quæ habebat in caveis, *Nudus in hunc mundum venisti, nudus exhibis.* Et si Cræso fueris ditior; non licebit tecum sumere, nec ex agris, spiculam; nec ex thesauris, obulum; nec ex armentis, ungulam; nihil penitus, Nihil, Nihil. Mori est, deferere semel, & simul omnes voluptates, delicias, convivias, tripudia, spectacula, aucupia, venationes, ludos; omnia; quæ vel oculos blandè oblectant; vel aures suaviter demulcent; vel nares odore recreant; vel palato sapore blandiuntur; vel tactum molliculè afficiunt. Nunquam amplius posse oblectare oculos aliquo lumine, solis, lunæ, stellarum, lampadis, cerei, facis. Mori est, pati extremas undique in corpore, & animo angustias:

tunc

tunc enim supini sunt vultus ; oculi
patentes, immobiles, & extincti; con-
tractæ nares ; os lividis dentibus hi-
ans, longum, difficilem, raucum, &
graviolentem reciprocans halitum;
arescunt fauces; stupet omnis sensus;
qui superat in facie color, diffluit;
omnis venustas in ore evanescit ; e-
rumpit ex omnibus poris frigidus su-
dor, ab ite genis rubor, succedit pal-
lor; paulò post rigor, tum fætor, dein-
de rancor ; tandem omnium, qui in-
tuentur, horror. Non fit minor in ad-
stantium affectibus mutatio ; fluunt
lachrymæ, personant suspiria, audi-
untur eiulatus, editur planctus, exci-
piuntur novissima verba ; conclama-
tur, quamdiu spirat, fovetur moriens:
mortuus, statim nudatur, deferitur à
propinquis ; & qui prius in illis erat
amor, desinit in abominationem. Mo-
ri, est in lubricâ arenâ cum formidan-
do illo hoste, cum potestatibus tene-
brarum, cum mundi Principe, cum
leonè rugienti decertare, congregi,
luctari pro sempiterna salute animæ;
ut huic æternum benè, vel æternum
malè sit : Et quidem pugnabis toto
cor-

Psal.

41. 14.

Apoc.

12. 12.

Dan.

13. 13.

corpore infirmus, omnibus artubus debilis, gravissimâ calamitatum mole circumvallatus, letali sudore perfusus, mortifero morbo oppressus; & solus : *quoniam non est tunc, qui adiuvet, aut adiuvere possit.* & pugnabis cum hoste invisibili, cum hoste vaferrimo, cui mille nocendi artes; cum hoste ferocissimo, qui tunc insurget in te, *cum irâ magnâ, furore insatiabili, & horrifico, sciens quod modicum ubi residuum, tempus habeat.* Tunc omnia ossa, artus, nervi, arteriæ, articuli, singulaque totius corporis membra si possent humanâ voce resonare; non aliud clamarent, quam illud Sufannæ : *Angustia sunt mihi undique.* Mori, est corpore rigido, & frigido jacere in stramine, involui abiectâ sindone, includi angusto loculo; efferri per vicum, & compita sarcophago; ad templum, pone comitantibus, & lamentantibus amicis, & vicinis; indè deduci ad cæmeterium, ex cæmeterio ad sepulchrum, passis funibus demitti in cæcum telluris antrum, obtegi terrâ, lapidibus, ac defunctorum ossibus; tum fætere, tabere, consumi, rodi à ver-

vermibus, putrifieri, ac tandem in pulverem reverti. Quid denique est mori ? Mori est, animam migrare ad alteram vitam, in alium orbem, in domum æternitatis, in Regionem incognitam ; ubi terræ opes, nullius sunt valoris ; honores, nullius pretij, scientiæ, nullius æstimationis : ubi omnia, quæ sunt mundi, quia momentanea, nullius sunt momenti. Est animam sisti coram inevitabili æquissimi judicis tribunali ; illic accusari, judicari ; ac tandem æternum vel in cælo gloriâ coronari, vel in orco poenâ cruciari. Ecce Iliadem mirabilium, quæ complectitur una illa vocula, Mors, binæ illæ syllabæ, Mori ? Iam forsitan quæres, quod Discipuli olim à Christo : *Dic nobis, quando hæc erunt, & quod signum adventus mortis, & consummationis vitæ ?* Respondeo cum Christo : *Vigilate, nescitis diem, neque horam.* Fors illa omnia à me prædicta, à te prælecta evenient tibi sequenti horâ ; fors vesperi, vel certè cras ; vel hoc mense, aut anno : quidquid fuerit, illud certum est

C

quod

Matth.

24. 36

Matth.

25. 12.

1. Cor.

quod aliquando ; nec illud incertum quod brevi , quia *Tempus breve est.*

P R A X I S.

Ne Mors , quàm certò expectas , tibi eveniat inexpectata ; ad illam tua omnia dispone , animumque totum compone. Quotidie tibi ipse , quasi morienti prælege preces illas usitatas Ecclesiæ , quæ recitari solent ad spondam lecti , dum quis moritur , videlicet : *Proficiscere anima Christiana de hoc mundo* , &c. Itemque Litanias , omnium Sanctorum , ac B. Virginis , ardeatque ad latus cereus benedictus. B. Albericus , qui se , suosque omnes ex asse B. Virgini manciparat , morti iam proximus , post accepta morientium Sacramenta , Litanias dicere aggressus , cum collecto ad extremum spiritu tenerrimè diceret : *Sancta Maria ora pro nobis* ; facies eius (inquit Auctor vitæ) cœpit quasi Divinâ luce perfusâ , intermicantes effundere radios ; & mox velut in somnum

Apud
Bollandū
26. Janua
c. 5.

num leviter solutus, animam efflavit Sanctissimam, posteaquam suis, quos Mariæ omnes addixerat, dixisset : O si vidissetis cælestem illam gloriam, quàm omnibus vobis jam paratam aspexi ! O quàm sanctè Litanias ! quamque non è frigidâ consuetudine diceres, si post illas recitatas, mox te moriturum tibi persuaderes ! Colebat Antiquitas Deos Limentinos, quibus cura liminis in domo erat commissa : tibi Limentini sint sancti, quos in æternitatis limine, ut bene in domum Æternitatis inducant, in Litanij oras.

CAPUT V.

*Homo vetus, reddit animum ex de-
formi pulchrum inspiciendo
sepulchrum.*

Maria stabat ad monumentum, plo- Ioan. 20.
rans. Quid mulier facis ad
monumentum ? quid quæris in se-
pulchro ? Quæro, quem amisi, di-
C 2 lectum.

lectum. Sed ille jam abiit, evasit, erupit : abiit è vitâ ; evasit è mundo ; erupit è tumulo. Quid vitæ Auctorem quæris inter mortuos ? Quia nusquam , dum perditus est , vel certius quæritur , vel citius invenitur Auctor vitæ , quàm in loco mortis. Si mortem contempleris , morietur in te mundus , nascetur Christus. Sepulchrum , natale est solum omnium Virtutum. Cæmeterium , est Christianæ Philosophiæ gymnasium. Urna illa feralis , schola est , in quâ uti docentur omnes Virtutes ; ita & dedocentur omnia vitia. Descende in hanc arenam ; prodibis indè non indecoro pulvere fordidus , dum intelliges te è pulvere conflatum , in pulverem brevi , reversurum. Imitare hanc mulierem ne sis effæminate mulierosus , ut evadas vir. *Maria stabat ad monumentum.* Tu , qui tam pertinaciter stetisti in viâ peccatorum ; sta cum Mariâ ad monumentum. Brevi jacebis in monumento : sta prius ad monumentum , ut illic suis momentis ponderes ultimum , à quo æternitas pendet,

det, momentum. Sta ad monumentum, dum vita agitat pedes : sta, antequam morte cadas : sta, dum tempus fugit ; dum curris ad metam, dum properas ad domum Æternitas. Doctior evades, stādo ad monumentum cadaveris ; quā frequentando lyceum Aristotelis : utilius tibi erit stare ad monumentum ; quā studere in musæo, sedere in cauponā, ambulare per forum, venari per silvas, stertere in lecto, quiritari in curiā. Hōc enim loco, nullus est vitij locus. Sta ad monumentum, in quo jacebis, sine voce mutus ; sine auditu, surdus ; sine visu, cæcus ; sine motu, rigidus ; sine calore, frigidus ; sine sensu, stupidus ; sine vitā, mortuus. Sta ad monumentum, in quo putebis, fætebis, contabesces, computresces : in quo pure, & sanie diffues, à verminibus corroderis, & tandem in cineres convertereris. Stanti ad tumulum, cadent tibi de capite, quibus coronatus es, rosæ ; diffluet è manibus, quam tenes, testitudo, & cythara ; quiescent agiles, quibus solum pulsas,

C ;

pe-

pedes; conticescet arguta, quâ epithalamia concinis lingua; claudes vagos, quibus vana intueris, oculos.

Ad tumulum confundetur Superbia; submittet se Arrogantia; obmutescet Iactantia; pallebit Audacia; frigebit luxuria. Contemplatio sepulchri, vitiorum omnium erit sepulchrum. Stans ad sepulchrum, hæc

106

17. 10.

Iobi verba menti imprime: *Dies mei abbreviabuntur; & solum mihi superest sepulchrum.*

Post exactam olim infantiam, Pueritiam, Adolescentiam, Iuventutem, Senectutem, & omnes ætatis partes; post tot labores, curas, sollicitudines, conatus, studia, contentiones; post tot gaudia, convivium, tripudia, spectacula, certamina, victorias, triumphos; post sanitatem, morbos, ultimum halitum, postremum momentum, mortem, denique, post omnia, unum superest omnibus. Quid illud? Respondeat, cuius responsum est velut effatum: *solum mihi superest sepulchrum.*

Ecce hîc tuum, ô Rex, palatium! tua, ô Princeps, Basilica! tua, ô Consul, curia; tuum Cansidice, fo-

rum;

rum ; tuum , Advocate , musæum ;
 tuum , Philosophe , Lyceum ; tua
 Magister , schola ; tuus , ô miles , cam-
 pus ! tua , Orator , rostra ; tuum ,
 Concionator , pulpitum ; tuum , Cæ-
 nobita , claustrum ; tuum , Sacerdos ,
 Templum ; tua denique , ô homo ,
 domus ! post obitos agros , vicos ,
 oppida , provincias , regiones ; post
 lustrata omnia terrarum loca , unus
 tibi superest locus : quis ille ? locus ,
 tumulus , angusta trium ulnarum
 caverna ; angustior quatuor palmo-
 rum urna . Postquàm vixisti diu su-
 per terram ; unum superest , ut ja-
 ceas sub terrâ Et hæc omnia tibi
 brevi evenient . Audi enim Iob : *De*
utero translatus ad tumulum Cuicunque Iob 10.
 contigit concipi in utero ; ei necesse 19.
 & jacere aliquando in tumulo : *De*
utero ad tumulum ; hoc est , de angu-
 stijs , ad angustias ; de tenebris , ad
 tenebras ; de carcere , ad carcerem .
 Totum verò quod intercedit inter
 uterum , & tumulum , vitæ spatium ,
 quantum est ? Vix tantum , quan-
 tum est in loco punctum ; in tem-
 pore momentum ; in re minimâ ,
 C 4 quid,

quid minimum ? hoc est , propè nihilum. Et in hoc puncto loci , & momento temporis , quid agimus ? quid non agimus ? qualia agitamus ? Inter omnia porrò quæ agis , ne actum agas , hoc est , frustra vivas : Sta sæpè ad monumentum ; & cogita , post omnia quæ egimus , diximus , cogitavimus , hoc erit postremum , cadere in sepulchrum. Hic est nostræ fabulæ ultimus actus ; nostræ Scenæ Epilogus ; nostri operis colophon ; omnium dictorum epiphonema ; omnium gestorum clausula ; omnis consummationis finis. Hæc cogita ; & pervenies in vitæ fine , ad ultimum tuum finem.

PRAXIS.

Quodlibet horæ sonantis præludium , sit tibi quasi ad pugnam in-eundam , classicum , & adhortatio ad vitæ novæ exordium. Quâlibet horâ , insonet auribus tuis ; illa Spiritus Sancti tuba : *Hora est , iam nos de somno surgere. Surge ergo , qui dormis ?* Dic tibi ipsi , quod familiare

S.

Rom.
12.11.
Ephes.
5.14.

S. Terefiæ : Jam fum unâ horâ viciniore morti, ſepulchro, æternitati. Si horam, quæ ſequitur, impenderis cum animi quæſtu, cum magno meritorum cumulo, quanto exultabis gaudio? Si daretur æternitatis vel in cælo, vel in orco incolæ frui unâ noſtri temporis horâ : quomodo illam iuſumeret? iſte, ut augeret gloriam; hic, ut evaderet pœnam? Non eſt in horâ momentum, quod non ſit infiniti momenti : quia quolibet momento potes operari æternum gloriæ pondus. Et hoc non ponderas?

CAPUT VI.

Novus homo, nova videt, audit, intelligit; dum ſepulchra inſpicit.

VT veluti homo novus, nova omnia facias; necceſſe eſt, nova videas, audias, intelligas. Hoc, quod eſt neceſſarium, nanciſceris, ſi non modò ſtes ad monumentum foris,

Ioan.¹

20.11.

ris, & aspicias, sed inspicias. Cùm enim dixisset Ioannes de Mariâ: *Stabat ad monumentum foris, sequitur; inclinavit se, & prospexit in monumentum.* Qui ergò stetisti ad monumentum; inclina te, prospice in monumentum. Tu ergò Rex, descende de tuo solio; Princeps, de throno; Iudex, de tribunali; Senator, de subsellijs; tu superbe, descende de tuo fastigio; & inclina te, ut declines à malo. Ad quid? inclina te ad terram, ad ultimam tuam domum, ad monumentum; & prospice, ut tibi prospicias, in monumentum; & erit tibi firmissimum, quo te propugnes, munimentum. Si in illud prospicias, prò qualia videbis, audies, intelliges! Quid ibi videbis, nisi capulum è quatuor asseribus compactum? in eo sepulchralem sindonem, sub eâ putidum cadaver, in eo osseum monstrum, horrificum spectrum? in capite, squamosos serpentes; super oculos, ventrosos bufones; in ventre, teretes lumbricos: per omnia membra, rodentium vermium fædum examen.

O

O spectaculum, quod intueri, mors est propè intuentis ! Quid illic ol-facies ? Quid ? quod nullius possent excipere nares, sine vitæ propè dispendio, sine mortis periculo : incredibilem fætorem, intolerabilem odorem, inexplicabilem mephitim; quæ si latè exhalando sese explicaret, totum vicinum aërem pestilentissimâ lue inquinaret. Quid illic audies ? profectò : quàm fuisti mirabilium spectator, tam eris terribilium auditor. Non mihi consilium est eorum, qui perennibus addicti sunt pænis, lugubres nœnias, lusus, elegias, epicedia recensere; totum hunc aërem clamorissimis ululatus, implerent : imò omnes colles, valles, antra, specus, agri, saltus, tesqua, maria, loca omnia inaccessibleia, & recondita, denique tota hæc rerum universitas, lamentabilibus eorum questibus horrendum personarent. Age ! ita ad monumentum hominis, quem hominum omnium censes fuisse felicissimum. Aperi tumultum, admove aures, & quid dicat, diligenter attende. Non per-

Sap. 5. 7.

Job

17-18.

percipies alia verba ; quàm digito Dei expressa in libro Sapientiæ: *Lassati sumus in viâ iniquitatis, & perditionis : ambulavimus vias difficiles, &c. Quid nobis profuit superbia, aut divitiarum iactantia? Transierunt omnia illa tanquam umbra.* Si aliud accedas sepulchrum ; ut illam, quæ illic latet, umbram audias loquentem, hæc ab illâ excipies verba: *Dies mei transierunt.* O dies, quàm multi numero ! quàm æstimabiles pretio ! quàm celeres tempore : in ictu oculi transierunt ! Tot dies trivi in infantiâ, futiliter ; tot dies consumpsi in pueritiâ, inutiliter ; tot dies expendi in adolescentiâ, negligenter ; tot dies exegi in juventute, perniciosè ; tot dies recensui per omnem ætatem : ubi dies illi ? *Transierunt.* Vbi dies illi gentiles, quos lætus, & alacer traduxi in convivijs, helluando ; in nuptijs, tripudiando ; in phæriste-rijs, ludendo ; in theatris, spectando ; in foro, otiaando ; ubique peccando ? *Transierunt.* Transierunt dies salutis, dies meriti, dies Iubilæi, dies placandi Dei, promerendi cæli, agen-

agendæ pænitentiaë , augendæ gratiæ , obtinendæ gloriæ? *Transferunt* : sed quomodo ? *Transferunt* vacui , sine merito : steriles , sine fructu : inanes , sine lucro. Si alterius orationem è manibus , non pigeat excipere auribus : hæc tibi attendenti occinet. Sta viator , antequam jaces cadaver ? Nusquam tibi opportunius fui locutus , quàm è loculo ? nec utilius monui , quàm è monumento ? Crede mihi jam umbræ , omnia bona , præter summum Bonum , umbra sunt : & velut umbra prætereunt. Tum primum cognovi : quod omne quod in mundo , est mundi , non sit nisi fumus , dum jacui funus. Sum , quod eris : fui , quod es. Si sapias , hîc vive Deo , morere mundo : & memento , quia hæc , quæ æstimamus omnia , non esse nisi somnia , credes in ultimo vitæ momento. Hæc , & id genus , alia , ex alterius mundi incolis excipies , quibus sapias , pronuntiata. Sed quid illic intelliges ? quid discas ? Discas contemnere tui ipsius contemptum , despicere despicabilia mundi : quæ nulli

nulli sunt bona, nisi malis. Intelliges, nihil in hoc rerum statu esse stabile: nihil constans, nisi inconstantia; nihil non sub Lunâ fragile: nihil in hâc vitâ esse miserius, ipsâ vitâ: vanum esse, quidquid non est Deus, vel ex Deo, vel ob Deum? Denique intelliges omnia in hoc mundo esse futilia: in altero admirabilia. Hæc sunt, quæ in tumultis conspicias, è tumultis audies, per tumultos intelliges. Prostrans ad hæc defunctorum receptacula tenebrosa, abijcies opera tenebrarum. Evades ex veteri, homo novus, videndo, audiendo, intelligendo è manibus tot nova. Ita contigit Sylvestro Auximano, qui cum otio subsisteret ad sepulchrum cujusdam nobilis, juxta ac divitis adolescentis: fixit illic paulisper gradum, & cogitabundus aliquamdiu hæsit: ac tandem alto ex imo pectore, educto gemitu, sibi ipse dicebat: *En ego sum, quod hic fuit: & brevi ero, quod hic est.* Plus illi profuit hic tam succinctus Laconismus, quàm quivis potuisset verbosissimus Syllogismus:

Nam

Nam repenti didicit omnia, quæ sunt in mundo, ijs, quæ sunt supra mundum, post habere: iussitque sine morâ, mundum res suas habere: & ut esset suus, deservit sua: egressus quippè cæmeterium, ingressus est Asceterium, Tanti refert, ut Christiani hominis officio perfungaris, consuere vitâ defunctos.

PRAXIS.

Cùm multùm referat, imò plurimùm conferat ad suscipiendum in illâ ineluctabili mortis lucta, è cælo patrocinium, multos è cælitibus habere patronos, ut illos in ultimâ tuâ necessitate habeas tibi propitios: consulo, cùm incerta tibi sit certissimæ mortis dies: ut illos Sanctos singulari cultu prosequaris, qui in Ecclesiæ fastis, aut Martyrologio, ut vocant, coluntur illo die, qui tibi erit postremus. Dies unus certò tibi erit aliquando novissimus: quis ille, tibi est incognitus. Illis ergò tuum sæpè offeres obsequium, quos Ecclesia illo die colet, quot tibi
ex

ex hâc vitâ erit migrandum. Vel certè si id minus arrideat, aliud suggero. Confice syllabum omnium tuorum, quos in menstruis suffragijs, fortitus es, præsidum : illorumque Litánias indies ad illum finem, ut tibi in novissimâ horâ patrocinentur, recita : & tibi morienti jube à Sacerdote recitari. Quas non è cælo experieris suppetias : ubi tot habebis, qui in lubricâ illâ arenâ succurrant, cælitum copias ? Cùm B. Cherubinus, ex D. Francisci Familiâ, pijsimus Asceta ageret animam : *Minorum Chronico* *parte 3.* occurrerunt ei sexaginta sex millia Animarum, quas ipse suis concionibus, cælo infererat. Non poterat illi deesse auxilium : cui patrocinebantur tot cohortes auxiliariæ.

CAPUT VII.

Mors multis est invisâ ; quia non paucis improvîsa.

INter omnia, quæ mortalibus in hâc vitâ solent evenire mala : nulla sunt, quæ vel acrius pungunt, vel gravius

gravius affligunt, vel acerbius cruciant, quam quæ repentè, subito, improvise contingunt. Si vrbs aliqua repentè, et inexpectatè ab hoste invaditur; proh quanta est confusio, quæ clades, quæ funera! communi omnium voce mox conclamatur ad arma; *Arma viri, rapite arma viri, hostis habet muros!* Curritur sine ordine per vicos, & compita; non sunt arma ad manum, itaque passim obuij ab hoste contrucidantur: ardent tecta, profanantur delubra, expilantur domus; vrbs tota, militi est præda. Vndè tanta illius civitatis calamitas? vnde incendia, rapinæ, compilationes, strages, cædes? Quia repentè hostis supervenit. E terrâ, vela demus in mare. Si post diuturnam oceani pacati malaciam, aëris quietem, ventorum iustitium, repentè tetro nubium globo inhorrescat cælum. Si subito vndique venti:

Incabuère mari, totumque à sedibus imis,

Vna Eurusque, Notusque ruunt, creberque procellis Virg.
Africus, & vastos voluunt ad sidera fluctus. Æneid.

Insequitur clamorque virum, stridorque rudentium: 84.

Franguntur remi, tum prora auertit, & vndas,

Dat latus, insequitur camulo, præruptus aquæ
mons: D

Et

Et tandem oppressa fluctibus navis, petit ima fundi. Vndè illa, & navis & nautarum, & vectorum ruina? Quia repentè, & improvise, illis fæda incubuit tempestas. Nihil periculosius peregrino; quàm si ex insidijs, & latebris repentè exiliat latro, vel grassator, eumque impetant. Nihil luctuosius homini opulento; quàm si repentè ex summo felicitatis fastigio, velut turbine quodam deijciatur ad extremas calamitates. Vndè & ipse Deus; cum properet enormia, quæ commiserunt flagitia; malis extrema minatur mala; omnia tepentina sunt, quæ minatur. Sic enim detonat ore Ieremiæ: *Repentè veniet Vastator super vos.* Ore Isaïæ: *Repentè veniet in te miseria, quam nescis.* Ore Pauli: *Cum dixerint pax; tunc repentinus veniet interitus.* Vndè rectè Plutarchus: *Subita, & improvisa, facillè de statu rationis deijciunt.* Hæc si vera sint de strage civitatis; de naufragio navis, de iacturâ bonorum gravissima esse, quia sunt repentina; quid dicam de eo, quod est terribilium omnium terribilissimum, de morte, inquam?

Ierem. 6.

Isa. 47.

Thes. 5.

De Ira
cohib.

si illa sit repentina , quid homini contingere potest funestius ? Mortem , tanquam malorum ultimum , omnes vulgò exhorrescunt , licet tardè , prævifa , expectata veniat ; quid erit , si illud , quod malorum est extremum , veniat non expectatè , sed improvisò ? Quàm hoc sit formidolosum homini etiam innocentissimo , liquet ex Iob , his eius verbis : *si repentinè interroget , quis respondebit ei ?* Illa , de quâ hic facit mentionem Iob , interrogatio ; est raptus quidam hominis ante Dei tribunal , iudicialis quæstio , & examinatio , inopinata mors. In iudicio autem non respondere , tacitam commissi criminis innuit confessionem : Nam si quis in iudicio interrogatus , & postulatus tacet ; lis ei æstimatur vt victo. *si ergò repentinè interroget , quis respondebit ei ?* Quis est tam innocens criminis , tam purus sceleris , tam integer vitæ , tam vacuus culpâ , tam remotus ab omni suspitione delicti , qui ei possit respondere , seque ab obiectis purgare criminibus ? profectò , si Deus sic repentinè interroget , homo ob-

Iob 9.12.

mutescet ; si obmutescat , iam se accusat ; ne dicam , condemnat. Quandò quis morbo corripitur , & mortem non subito irruentem , sed pededentim adrepentem prævidet , eam certò expectat : itaque ad eam , eo quo par est modo , sese componit ; cum otio , & maturè secum præmeditatur , quemadmodum respondeat Iudici interroganti : conscientiam expiat ; sacro se viatico præmunit , sacramenta omnia suscipit ; iniquè possessa restituit ; inimicis iniurias remittit ; testamentum condit ; heroicis heroicarum virtutum actus elicit ; eleëmofijnas distribuit ; & totum se , suaque omnia Deo committit ; atque ita paratus , securus , munitus , non tantùm mortem aduentantem non formidat ; sed tardantem inuitat. Quamobrem , si Iudex illum interroget de commissis criminibus , faciliè respondebit : Fateor , commisi , inquiet , pænitenda , sed eorum me pænituit ; aliena sustuli , sed & ablata reddidi ; intuli iniurias , sed & contuli eleëmofijnas : si te graviter offendi , offensum pijs operibus

bus te mihi propitiaui. Quapropter pænitentia factorum , respondendi vt facultatem , sic præbet & facilitatem. At verò , si repentè interroget de Naturæ , & Gratiæ dotibus tam munificè tibi impensis , de beneficijs propè innumeris in te congestis ; de tot bonis ad bona opera instinctibus ; de occasionibus merendi à te neglectis ; de socordiâ in negotio salutis ; de eius præceptis à te violatis , de monitis non auditis : si , inquam ; de rebus plurimis , maximis , difficillimis subitò , nihil minus expectantem interroget , Deus immortalis , quî illi respondebis ? Claudetur tibi os , flebit lingua , obstupescet mens , trepidabunt artus , contrimescent membra exhorrescet animus , obrigescet spiritus ; & tuo silentio , priusquam Iudex suâ sententiâ , te condemnabis. Nihil igitur potest homini in hac vitâ evenire formidabilius , aut tristius ; quàm repentè spiritum intercludi ; repentè ex hoc mundo abripi in domum æternitatis ; repentè cogi ad reddendam rationem villicationis ; repentè ci-

tari ad tribunal æquissimi Iudicis. Tunc repentiè mala omnia simul, & semel totâ mole in miserum incumbunt ; tunc personare infausta illa Chrijsaorij verba : Inducias vsque mane ; Quid hoc est ? nouissima hora est ? Necdum conscientiam tot contaminatam flagitys, expiaui ; necdum rebus meis disposui ; non solvi debita ; non restitui iniquè ablata ; non condidi testamentum ; non sumpsi sacrum vaticum : hinc clamor , eiulatus , desperatio , confusio in familiâ , formido in conscientiâ , ubique angustia. Ex his fit manifestum ; sic nos debere vitam instituere , vt parati simus quovis tempore , mortem oppetere. Sic vitam instituit, quisquis se posse quotidie mori cogitat, & quasi quouis die moriturus se præparat :

Nam prævisâ minus ledere tela solent.

*Consol.
ad Marc.
c. 9.*

*De discip.
Christ,*

Et benè Seneca : *Auferi vim præsentibus malis , qui futura prospexit.* Refert ad salutem , diem mortis nobis esse ignotum. Reddit rationem D.

Gregorius : *Latet ultimus dies vt obseruentur omnes dies.*

P R A X I S.

Vt bevè obeas vltimum diem; expende aliquot dies , feriò , & pensiculatè tecum considerando , quid vulgò fieri soleat, vel quid tu ipse fecisse te optares, novissimo die & fac modò, quod tunc fieri solet. Tunc voles condere testamentum, fac modò, discutere latebras conscientix, & totius anteactæ vitæ errata in memoriam revocare, vt illa sacerdoti patefacias, fac modò: ignoscere inimicis tuis, deponere odia, obliuisci iniuriarum, inire cum adversarijs pacem, hæc iam sanus peragas : tunc singulari pietate Christum, ritu viatici suscipies; iam nunc dum accumbes sacræ mensæ, semper eodem virtutum apparatu, illuc accede, eoquæ desiderio ac si statim à sacro illo epulo esses mortem appetiturus. Hæc omnia si modò exequeris, dum es incolumis sine ægritudine; mors tibi nunquam obuëniet inprouisa : illam enim expectas, dum ad illam ita te præparas ; si expectas , nunquam

Gregor.
supra.

tibi erit inexpectata, sed potius
veniet à te expectata. Ut sis igitur
in morte securus; sepone prius om-
nes, quæ cuivis in morte familia-
res sunt curas: *Nam serò parantur
remedia, cum mortis imminet pericula.*

CAPVT. VIII.

Summi momenti summum momentum.

QVando venit summa dies, & illi-
us diei summum momentum;
tunc quæ ab eo sequuntur, summa sunt
omnia. Quia post illud temporis
punctum, sequitur interminata in-
finitæ Æternitatis linea. Itaque ut
intellectus summum illud momen-
tum, suis momentis trutinet; illius
momentum fusius explanabo. Prop-
ter hominis, quo viuet, vltimum
momentum, nihil non egit æternus
Pater: nihil non portulit æternus
Filius; nihil non contulit Spiritus
sanctus. Propter illud momentum,
Pater è cælo misit Filium in terras:
propter illud, Filius Dei, infans
natus est in stabulo, iacuit in præ-
sepio, vagijt in feno. Quid quid
deinde

deindè per triginta tres annos à primo momento quo cæpit spirare in Matris utero, vsque ad vltimum, quo expiravit in Crucis patibulo, velegit, vel dixit, vel pertulit, vel cogitavit; fuit propter vltimum hominis momentum. Idèd sunt quatuor Evangelia, vt inde hauriremus documentum, feliciter terminandi vltimum momentum. Ideo sunt septem sacramenta; totidem Spiritus sancti Charismata: ideo decem Dei, quinque Ecclesiæ præcepta, tria Religionis vota, idèd tot ubique terrarum habitæ conciones, tot conscripta librorum volumina, tot excogitata salutis præsidia. Cur tot Anachoretæ in solitudine, in cavernis terræ, in ferrarum spelæis, in summâ vitæ asperitate, ætatem omnem exegerunt? Cur Laurentius in candenti torretur craticulâ? Cur Sebastianus toto corpore excipit telorum filuam? Cur tot alij invicti Christi pugiles in equuleo *distenti sunt*? alij vero *ludibria, & verbera experti, insuper & vincula, & carceres? lapidati sunt secti sunt, tentati sunt, in occisione gladij mortui sunt?* cur alij, cir-

Heb. 11.

35.

Mat. 19.
29.

cuierunt in melotis, in pellibus caprinis egentes, angustiati, afflicti ? propter ultimum vitæ suæ momentum. Ideò sunt tot Religiosorum virorum Asceteria, tot Monachorum cænobia, tot virginum claustra, tot sacerdotum Tempia, Cur tot iuvenes, et puellæ in flore ætatis spreto mundo, & omnibus mundi delicijs, reliquerunt domum, & fratres, & sorores, & Patrem & Matrem ? nonnè fuit, ut vitā æternam possiderent ? Ergo propter ultimum momentū : quia æternæ vitæ possessio, non dependet à solâ vitâ ; sed à vitæ momento ultimo. Hinc iam in confesso est, quanti sit momenti, ultimum vitæ momentum : quandoquidem omnia, quæ prohibentur mala, quæ iubentur bona ; quæ vêtantur vitia, quæ imperantur virtutes ; quæ declinantur pericula, quæ audiuntur pia consilia ; quæcunque ab Apostolis, ac deinde viris Apostolicis sunt acta, dicta, scripta, cogitata, tolerata ; quæcunque à Deo in cælo, vel in terrâ sunt condita ; omnia, singula, vniversa, sunt propter ultimum hominis momentum. Huius rei veritas

tas est testatissima , ideoque nec indiget testimonijs. Nunquid omnia sunt propter nos homines, & propter nostram salutem? hoc est, ut homo euadat æternam mortem, acquirat æternam vitam? vita hæc, & mors, adeoque salus hominis dependent ab ultimo momento; si enim ultimo illo momento fueris participes Diuinæ Gratiæ es hæres æternæ Gloriæ; si reus letalis culpæ, es hæres perennis pænæ. Hinc iam consequitur, non posse, nec nouem Angelorum Choros, nec omnes Cælites, nedum hominnes; licet, forent singuli sapientiâ Salomones, exertis omnibus ingenij, industriæ, & intellectus viribus, vel secum concipere, vel nobis exprimere, quanti sit momenti, bonum, vel malum esse hominis ultimum momentum; siue quanti sit ponderis, bene, vel malè mori. Res hæc est exploratissima: quia cum Intellectus etiam Angelicus, certis sit circumscriptus limitibus, fieri nequit, ut concipiat infinita bona, et mala, quæ ex bonâ, vel malâ mor- & consequuntur. Quæ cum ita sint, de-

deberetne per omne totius vitæ nostræ curriculum, fluere vllum momentum, quo non simus cum curâ anxij, & cum timore pavidj, & cum circumspecttione solliciti pro ultimo vitæ momento; vt illud nobis sit finis omnis mali, principium omnis boni? Sæpè, sed & maturè tecum animo volue; qualia videbis, audies, intelliges, optabis soluto iam vinculo arctissimo corpus inter & animam, post novissimū momentum, post vltimum halitum, post extremū emissum spiritum; omnia, quæ tunc occurrent in altero illo mundo, erunt tibi nova, peregrina, inaudita; supra omnem fidem incredibilia, supra omnem eloquentiam inexplicabilia, supra omnem intelligentiam incomprehensibilia. Nunc igitur seridò, ne fors postea nimis seridò, cave, ne horæ novissimæ momento novissimò, occupet te mors peccato letifero obnoxium. Ne tibi contingat, quod impio illi Dijnastæ Balthazari? Quantus subito invasit stupor, pavor, horror Balthazarem; cùm in illo sumptuosissimo convivio legeret sibi imminere fata
mel

em horam! ubi minus expectandum est letum; quàm in convivio, ubi omnia læta? Et scitis, quale fuerit convivium? Audite eius apparatus ex Danielis historiâ. *Balthazar Rex fecit graude convivium Optimatibus suis mille; & unusquisque secundũ suam bibebat a-* Dan. 5. 1.
tem. Precepit ergo iam temulentus, ut afferentur vasa aurea, & argentea, quæ asportaverat Nabuchodonosor pater eius de Templo, quod fuit in Ierusalem, ut biberet ex eis Rex, & Optimates eius, uxoresque eius, & concubinae. Itaque iam omnes in omne genus hilaritatis sese effundebant: edebant dapfiliter, bibebant liberaliter, gestiebant hilariter; sonabant cijtharæ, & tibiæ, & buccinæ; circumstrepebant omnia, iocis, risibus, cachinnis, tripudijs. O inexpectata rerum omnium conversio! sequitur in eâdem historiâ Danielis. In eâdem horâ apparuerunt digiti, quasi manus ho- v. 5.
minis scribentis contra candelabrum in superficie parietis, aula Regia: & Rex aspiciebat articulos manus scribentis. Tunc facies Regis commutata est; & cogitationes eius conturbabant eum; & compages renum eius soluebantur, & genua eius ad invicem collidebantur; Expende illas

voculas : *In eâdem horâ*, quâ nunquam per omnes vitæ horas fuerat lætior, incundior, securior; & vt sibi videbatur felicior. *In eâdem horâ*, quâ inter vxores, & concubinas, & optimates, omnibus, quas optare poterat, circumfluebat delitijs. *In eâdem horâ*, quâ fors Imperij sui fines propagare, victorias, & manubias & trophæa, & triumphos meditabatur. *In eâdem horâ* intelligit sibi migrandum ex hâc vita. Cave ne in eâdem hora, quâ indulges genio, & studes crapulæ; quâ vivis Bacchanalia, quâ agis Saturnalia; ne in eadem horâ, quâ vertes in orbem pedestripudiando; quâ tenebis cijtharam, & tympanum; ne in eâdem horâ, quâ contaminatus fueris noxâ letali, invadat te letum: ne eâdem horâ moriatur corpus, quâ mortuâ est anima. Hoc si contingat, eâdem horâ in puncto ad inferna descendes.

PRAXIS.

Hæc pauca quotidie, vel manè dū è strato confurgis, vel vesperi cū decumbis tecum considera. Tot ab Adamo, huc vsque fuere olim funera; totidem brevi erunt, quot iam in vi-

vis censentur capita : tu inter omnes, vnus es ex omnibus ? de quolibet iam defuncto , vnum hoc dici potest. Fuit ; de nobis , Sumus , de singulis , Erimus ; Fuisse , nihil est ; Esse , momentum est ; Fore , æternum est. Semper enim ; vel in panâ inter dæmones ; vel in gloriâ inter Angelos , immortales erimus , ubi mortales semel esse desierimus ? Vndè inter Futurum esse, & fuisse, medium est punctum , & momentum : punctum loci ; momentum temporis : nihil minus est in loco , quàm punctum ; nihil minus in tempore , quam momentum. Sic ergò vive in puncto loci , vt aliquando potiaris Regno cæli : sic impende momentum temporis , vt evâdas æternitatem supplicij , acquiras æternitatem gaudij.

FINIS
DE MORTE.



Ite, Venite, ex ore Iudicis: Mors est mali vita boni hominis.

DE EXTREMO IUDICIO.

Nihil est ad salutem homini utilius communi omnium Sapientum iudicio, quam crebro sibi proponere, extremum Dei iniustos & improbos Iudicium. Quantus ex tam uberi argumento, sperari & possit, & vero debeat fructus, paucis verbis innuit S. Augustinus. Nihil est utilius populis quam loqui de temporibus futuris. Imo S. Chrysostomus adeo hoc argumentum vult inculcari, ut dicat: Singulis diebus, & horis oportet ante oculos nostros proponere Dei Iudicium. Consentit cum illo D. Gregorius: Præsentis temporis ita agenda est lætitia, ut nunquam amaritudo sequentis Iudicij recedat à memoria. Augustinus vult nos loqui, & cogitare de Iudicio Dei, sæpe; Chrysostomus, Singulis diebus, & horis; Gregorius, semper. Vbi tanta est tantorum virorum, qui hoc argumentum commendant auctoritas, quæ inde non speranda utilitas? Sed si non satis permoveat humana, accedat, & divina auctoritas. Chri-

Epis. ad
Exstim.
Hom 4.
in Gen.

Hom. 32.

stus calo iam insertus, volebat totum innovari mundum, ubique gentium, ubique terrarum promulgari Euangelicam doctrinam, destrui idola, everti inanum deorum aras, confringi illorum simulachra, refutari vanam Philosophorum doctrinam, adduci gentiles omnes ad novam, & peregrinam religionem, moveri omnes ut humilitatem, castitatem, paupertatem reiectis opibus, honoribus, gloriâ, amplecterentur: ut omnes accurrerent meritori sub signo Crucis, quod Iudais erat scandalum, Gentibus stultitia, omnibus maledictum. Res magna. Quis perficiet? Insillus grex, 12. piscatores. Recte. Sed quomodo ea mundo persuadebunt? Quid dicent coram oratoribus, Philosophis, Iudicibus, Regibus, Tyrannis? Quibus argumentis confundent eorum sapientiam? Quibus rationibus confirmabunt suam, quam predicant religionem? Quibus stimulis excitabunt eorum socordiam? Quibus facibus inflammabunt ignaviam? Quibus praesidijs flectent contumaciam? Extollent illis Virtutis pulchritudinem? Sed Virtus illis nec de facie nota est: Proponent vitiorum turpitudinem? Sed nil est ulli turpe,

*turpe, quod omnibus est commune: quid
 quid est illicitum, apud illos est publicum.
 Forsan allicientur cali gloria? Imo di-
 cent, calum cali Domino. Horrebunt fors
 proposito Inferorum supplicio? Sed ne qui-
 dem an Inferi sint, sciunt: & si sciunt, con-
 temnunt. Tu ergo o Christe, qui concionandi
 imponis præceptum, iisdem concionandi præbe
 argumentum. Præbuit, & quid præbuerit, au-
 dite: & non aliud fuisse invenietis, quam
 hoc ipsum quod tractamus. Stabat primus
 Apostolorum Petrus in celebri Gentilium
 corona, quibus ait (verba sunt D. Luca in
 actis Apostolorum) Ipse præcepit nobis Act. c. 10.
 prædicare populo, & testificari, quia
 ipse est, qui constitutus est à Deo Iu-
 dex vivorum, & mortuorum. Nullum
 ipsa æterna Sapientia indicabat esse argu-
 mentum, quod haberet plus vel roboris ad
 persuadendum, vel terroris ad percellen-
 dum, vel virtutis ad totum mundum inno-
 vandum, quam quod omnibus instabat Iu-
 dicium. Expertus hoc ipsum fuit is qui à
 Divo Chrysostomo vocatur argentea Spiri-
 tus S. Tuba, magnus ille Evangelica doc-
 trina buccinator D. Paulus. Stabat, ut
 reum decebat, Paulus abiectus, & humilis
 pro tribunali, in quo sedebat cum fastu Iu-
 dex,*

dex, Felix nomine; aſidebant in ſubſellijs, qui Paulum accuſabant Iudæi. Caput Paulus ſumma cum gravitate, atque facundia diſſerere de Juſtitia, caſtitate, fide Chriſti, ac tandem de futuro olim Iudicio, perorare. Quo ſucceſſu? Qui vix potuiſſet ſperari. Cum de Iudicio diſſereret Paulus, repente Felix qui conſidebat in ſolio Iudex, ac ſi ipſe fuiſſet iam reus, caput mutare colorem, toto paliebat vultu, immutata eſt facies eiſ, erecti ſteterẽ capilli, cohorruit animo, tremuit corpore, genua ad ſe invicem collidebantur, & iam prope exanimis omnibus artibus trepidabat: quaſi non audiret loquentem de Iudicio, ſed ipſe iam ſtaret iudicandus. Quæ cuncta paucis his verbis expreſſit D. Lucas. Diſputante autem illo (nimirum Paulo) de Juſtitia & caſtitate, & de Iudicio futuro tremefactus Felix, reſpondit. Quod nunc attinet, vade; tempore autem opportuno accerſam te. Quod ſi ita tremuerit Ethnicus, quid ni ſperem à te lector Chatolice, hoc tragico argumento inſciendum timorem Domini, qui eſt Initium Sapientie, hoc eſt, principium Gratia?

*Act. 24.
25.*

CAPUT I.

Evigilat homo vetus sonitu tubæ sepulchralis, citantis eum ad Iudicium.

N

Ulla re vel citius , vel facilius
excitabitur è suo , quo sopitus
est veterno , homo vetus , dum ob-
strictus est letali noxa , quam si eius
auribus insonet , ultima mundi tuba.
Perceperat illius tubæ clangorem
aure prophetica Sophonias , idèò
diem Iudicij , *Diem tubæ & clangoris* *Sopho. c.*
appellavit. Quod & Christus confir- *I. 16.*
mat iuxta ac Paulus : Christus ijs
verbis : *Et mittet Angelos suos cum tu-* *Mat. 24.*
ba , & voce magna. D. Paulus : *In mo-* *3^o*
mento , in ictu oculi in novissima tuba ; *I Cor. 15*
canet enim tuba , & mortui resurgent *§ 2.*
incorrupti. De hac tuba loquitur D.
Gregorius. *Vox tubæ terribilis , cui* *in I. 46.*
omnia obediunt elementa , quæ Petras *corr.*
scindit , inferos aperit , portas areas fran-
git , vincula mortuorum dirumpit. Du-
bitatur an unica tantum , an plures

inflandæ sint tubæ, cum dicat Christus : *Mittet Angelos suos cum tuba* : Si mittendi sint plures Angeli, plures inflandæ videntur tubæ. D. Chrysostomus, Anselmus, & alij censent, plures mittendos Angelos, & singulos cum suis tubis. Sunt qui existimant Archangelos singulos, qui fuerint tutelares Præsides Provinciarum, in singulis quas custodierint Provincijs, tubam inflaturos. Itaque per totum Belgium tubam inflabit Archangelus custos Belgij, alij per suas Provincias. Hic porro tubarum strepitus, paululum ante Resurrectionem incipiet, & audietur à mortuis, vi, & ope animarum, quæ sonos sentiunt, & colores, non secus atque Angeli, & offerent se corporibus suis, quæ eodem temporis puncto instaurabuntur, & suis restituentur animabus, simulque perstreptentium tubarum fragores exaudient. Præter tubam, putant aliqui adhuc edendam sonoram per orbem universum vocem, à tubæ sonitu distinctam : cum dicat D. Paulus : *Ipse Dominus in iussu,*

su, in voce Archangeli, in tuba Dei.
Putant ergo aliqui immensam quandam, & late resonantem vocem, & articulatam efformandem, videlicet illam Ecclesiæ familiarem: *Surgite mortui, & venite ad Iudicium.* Hæc vox, & tuba talem edet sonitum, qualis ab initio mundi usque ad illam horam non fuit auditus. Erit fragor qui obstupescendo murmure per montes & valles, per aspera saxorum, ac plana camporum, per silvas & tesqua, per pagos, & oppida, per terras omnes, mariaque omnia late remugiet, ac raucoboatu personabit. Hic ipsæ tubæ clangentis sonus ad summa usque cælorum pervadet, ut inde deducat beatas omnes illas animas, quæ post redivivum Salvatorem ad eam usque horam admissæ fuerunt in cælum, ut antiquum cum corporibus suis connubium meliore conditione redintegrent. Idem illud tonitru totis illis Inferorum cavernis reboabit, abducetque omnes reproborum animas, quæ ab ortu rerum ad illud tempus, illuc descenderunt.

Illa tuba sepulchra omnia aperiet, & deposita corpora, ab omnibus elementis integra, atque inviolata reposcet. Vere dici potest illa dies belli, & stragis, & sanguinis, dies, quæ toti orbi rupta pace, sed præcipue improbis, bellum æternum indicet. Atque aded in huiusce rei signum tubæ per sepulchra regionum perstrepent, & clangorem bellicum edent, aded horribilem, ut ad imos usque antipodes audiendus sit, & ad illius auditum, quid quid hic in terris, prosternendum. Quale erit spectaculum ad primum huius tubæ sonitum, non ut olim tantum muros Ierochontinos, sed pyramides excelsissimas concidere, montes altissimos tremere, inferorum claustra reserari, mortuos sepulchretis egredi, ac totum mundum timore concuti? Tunc verum erit illud paradoxum: *Veniet tempus quo damnati nolent egredi ex inferno, & beati nolent manere in calo.* Damnati nolent egredi ex Inferno, partim ne videant faciem fulminatricem Iudicis, partim ne subeant probrum pu-

publicum condemnationis, partim ne cogantur assumere corpora, quibus præter animæ poenas, novas alias luant, adeoque duplices. Beati contra optabunt egredi ex cælo, tum ut oculis suis aspiciant Iudicem, & auribus percipiant illam optatissimam & expectatissimam sententiam, Venite Benedicti; tum ut corpori suo iam glorioso uniantur. Utinam tuba illa terribilis insonaret auribus nostris dum iacemus molliter inter cygneas plumas, & nescio quas vel læva mente cogitationes volvimus, vel levi corde desideria concipimus. Utinam in medijs convivij dum toto mento, & mente sumus effusi in cupedias, & patinas, & struices, & calices, & cantharos; iterum streperet illa tuba. Si velis lætis auribus excipere illam formidandam, quam tunc in die tribulationis inflabit tubam, Divina Iustitia, audi tubam illam Iubilæi, quam nunc in die salutis, inflat Divina Misericordia. Quoties dum solus in cubiculo lectitas pium codicem, dum in sacro tribunali

errata sacerdoti exponis, dum mensæ accumbis Eucharisticæ, dum verbum Dei è cathedra audis; Divini spiritus instinctu, afflatuque cælesti, percipis insonantem animo illam Misericordiæ tubam: *Hora*

Rom. 12.
11.

est iam nos de somno surgere. Nunquam Deus aliquem gravius castigat, vel etiam subito mori permittit, quin Misericordiæ suæ tubam, quæ officij eum moneat, & ad resipiscendum moveat, præmittat. Idè

psal. 94.
8.

tam seriò monet David. *Hodie si vocem eius audieritis, nolite obdurare corda vestra.* Non dicit si audieritis in Paschate, quo lex iubet quemque Sacramento expiatorio animum purgare, si post annum, si post mensem, nequidem si cras. Sed *hodie si vocem eius audieritis*, id est tubam invitantis Misericordiæ ad gratiam, ad vitam, ad perfectionem, ad salutem: *nolite obdurare corda*, nec obturare aures. Plerumque enim cardò constat hic esse surdum. Id olim expertus est maximo suo damno, ut pote animæ suæ exitio, nobilis quidam de quo commemorat S. Bona-

ven.

ventura in vita S. Francisci. Hic ut erat vir gnaviter impius, letali correptus est morbo, quocum infestaretur, unicum sibi delegit in illa necessitate perfugium, D. Franciscum, qui forte in eadem commorabatur civitate. Franciscus paucis ad Deum fuis precibus, homini morbido restituit valetudinem: quem incolumen serid admonuit, ut serid resipisceret, ad frugem rediret, ne quæ ei reddita erat salus corporis, esset interitus animæ. Promisit: sed promissi, simul & Dei, & à Deo obtenti immemor beneficij, redijt canis ad vomitum, fus ad volutabrum, revolvitur ad pristina scelera. Sed non gratis fuit Deo ingratus. Nam cum nocte quadam in plumeo iaceret, & quiesceret strato, nescio quo infortunio, indubie Divino consilio, tectum domus corruit, eumque somno, vitijsque sepultum improvise obtrivit, nec prius oculos aperuit, quam ubi se è plumis reperit in flammis, è lecto in orco.

OBSERVATIO MORALIS.

3. Reg.
19. 12.

Alia erit vox Dei ultimo mundi die, alia est modo, cum est dies salutis. Tunc erit tempus belli, nunc est tempus pacis. Tunc vox Dei erit tuba, nunc est aura, tunc erit tubæ sonitus, nunc est auræ sibilus, tunc erit sonitus terribilis, iam sibilus tenuis; Sic eum percepit Elias: *Post ignem sibilus auræ tenuis*. Ne tunc horreas tubæ sonitum, nunc audiauræ sibilum. Quælibet inspiratio Sancti Spiritus, est cælestis auræ sibilus: si percipias hunc ex alto sibilum, erit ad animi iubilum, quia erit pro animo iubilæm. Hic sibilus est vox Misericordiæ, quæ nunc loquitur minaciter, ut timeas, nunc suaviter ut diligas, nunc fortiter, ut doleas, nunc hilariter, ut gaudeas. Insonat varijs hominibus, in varijs locis, Salomoni in lecto, Saulo in campo, dicens Saule, Saule, Augustino in orto, cum audiret Tolle, tolle: Francisco in templo, Huberto in sylva. Cave ad eam vocem sis surdus, quia sæpe
ab

ab illa dependet tua salus. Non percepisse hunc tenuis auræ sibilum, fuit multis ad exitium.

CAPVT II.

Post tubæ sonitum , sequitur Resurrectio corporum.

TUBâ ubique, & per omnia cælorum, terrarum, inferorum spatia resonante, mortui tanquam ab altissimo somno excitati, è tumultis patetactis resurgent & celerrime ad locum Iudicij transferentur. Sed quanto discrimine resurgent electorum & improborum corpora! Petit S. Paulus. *Quomodo resurgent mortui? Quali autem corpore venient?* Idemne erit corpus diuitis Epulonis, & Lazari? Caini & Abelis? Judæ Apostoli & Judæ proditoris? De discrimine itaque corporum, quibus omnes in magno illo theatro comparebunt, erit nobis sermo 1. Contemplemur electorum, deinde reproborum corpora. Panduntur omnia in Ægyptiaca solitudine sepulchreta,

I. Cor. 15
35.

pulchreta, ex quibus prodeunt illi ætate venerabiles, ac canitie olim suspi-
 ciendi viri, Pauli, Antonii, Hilarion-
 nes, Pachomii, Paphnutii. Aspice
 nunc illa corpora, in recessu olim so-
 litudinis macerata, sole torrida,
 aqua, & paucis dactylis pasta, jejuniis
 enecta, insomniis exanguia, exaf-
 perata ciliciis, verberibus lacera: quæ
 tesquæ & sylvas, quæ specus, & antra
 incoluerunt, vepribus, & spinis prope
 insepulta. Nulla jam apparet in ge-
 nis macies, nullus in vultu pallor,
 nullæ in oculis lachrymæ, nullus in
 tergo sanguis, nullus in pectore li-
 vor. Ubi jam saxum tuum Hierony-
 me, quo pectus percutiebas? Ubi ô
 Paule vestis tua è palmis contexta?
 Ubi ô Joannes zona illa tua pilosa, &
 hispida? Ubi tuum ô Hilarion cilici-
 um? Quanta in fronte serenitas, qua-
 lis in oculis fulgor, quæ in genis ve-
 nustas, quam insignis in omnibus
 membris decor! Fulgent jam illa cor-
 pora quatuor exquisitissimis dotibus
 nobilitata, nimirum claritatis, agilita-
 tis, subtilitatis, impatibilitatis. Quod-
 libet ergo corpus electi, immenso
 splen-

splendore coruscabit, asserente, Christo fore, ut *justi fulgeant sicut Sol in regno Patris eorum*. Mirabilis quoque erit eorundum corporum agilitas, ut huc illucque se pro arbitrio transferant, nulla gravitate tardante, adeo ut sapiens justos comparet scintillis, quæ vento agitante omnem in partem feruntur. *Tanquam scintilla in arundinetis discurrent.* Insigni quoque subtilitate prædita erunt illa corpora, adeo ut alia corpora facile penetrare possint. Sicut corpus Servatoris beatæ vitæ redditum, ingentem illum lapidem quo Sepulchrum tegebatur, sine ulla scissione penetravit in mortem spiritus, qui carcerum muris, portisque retineri non potest. Deinde nulli perpeffioni obnoxia erunt hæc corpora. Quatuor has corporis gloriosæ dotes colligunt Theologi ex illis verbis Pauli: *Seminatur in corruptione; surget in incorruptione.* Ecce dotem immutabilitatis *Seminatur in ignobilitate, surget in gloria.* Ecce claritatis: *Seminatur in infirmitate, surget in virtute.* Ecce agilitatis: *Seminatur corpus animale, surget spirituale.* Ecce subtilita-

Mat. 13.
43.1. Cor.
15. 44.

tis

tis dotem. Sed interim dum nos ver-
bis exornamus beatorum corpora, ec-
ce tibi, summa pernecitate Animæ
electorum è cœlo ad suos tumulos, in-
de ad corpora advolant. Deus im-
mortalis, qualis hic erit occurfus, in-
de Animæ in cœlo, hinc corporis è
tumulo? quam lætis oculis corpus af-
piciet beatam suam animam! quales
erunt Animæ, & corporis dialogi,
quam suavia colloquia, quam dulcia
oscula, quam amabiles amplexus! au-
dite panegyricam, quam tunc Anima
ad corpus habebit orationem. Occur-
ret Anima dicens carni: Eja Soror, &

Cant. 2. Sponsa carissima salve. *Iam hyems
transijt, imber abiit & recessit, surge anima
mea, & veni.* Implevit Deus desideri-
um nostrum: ô carissimum corpus,
ubi hætenus delituisti? Ubi per tot
sæcula domicilium habuisti? Deus
bone, tune in obscura, & fœculenta
sepulchri caverna, in cineres, & pul-
veres redactum, in cadaverosa ossi-
um congerie jacuisti: & ego paradi-
sum huc usque incolui? Hoc cene ope-
rum tuorum præmium? Hæc cene su-
dorum, & laborum tuorum merces?

Alia

Alia te manet mecum remuneratio. Tu comes itinerum & laborum meorum fuisti; tu mecum injurias, & contumelias propter Christum pertulisti; tu jejuniorum, & vigiliarum laborem, tu crucem poenitentiae, tu victus difficultatem, tu rerum omnium inopiam mecum sustinuisti? Quoties ori tuo panem subtraxisti, ut Christum in paupere aleres. Quoties vestem ut pauperem vestires, tibi ipsi detraxisti? Quoties renunciaisti possessionibus tuis, & opibus, & juri tuo, ne pacem cum proximo non haberes? Aequum igitur est, ut quæ mecum in lachrymis seminasti, mecum etiam in exultatione metas; & ut quæ fueras poenitentiae, jam comes sis & gloriæ. Exurge igitur de pulvere, & conjungere mihi mecumque ad percipiendum laborum tuorum præmium veni: Pergamus læti, atque alacres ad judicis dexteram cum ceteris; nam hodie æternam coeli gloriam nullo tempore finiendam ambo precepturi sumus. Tunc igitur animus carnem, & caro animum dulcissime amplectentur, & felicissimo ac indissolubili nexu conjungen-

F

jungen-

Gant. 2. jungentur, & in ictu oculi corpus quatuor illis gloriosis dotibus nobilitabitur. Tunc dicet spiritus carni : *Ecce tu pulchra es amica mea, ecce tu pulchra es: & respondebit caro spiritui: Ecce tu pulcher es dilecte mi; & decorus.* Sic ergo una unientur corpus & anima, caro & spiritus.

325.

VI. Sed modo ab electis ad improbos, & eorum corpora oculos convertemus. O quã erunt disparis conditionis corpora reproborum ! illa pro illustri splendore, tenebrosa obscuritate induentur, quæ congruat tum, tenebroso illi carceri, externisq̃ue tenebris in quas projiciendi sunt, tum internis tenebris, in quibus vivere, æternumq̃ue vivent. Et sicut splendor beatorum corporum comitem habebit, admirabilem quandam pulchritudinem, ita istorum corpora odiosissimam foeditatem. Eadem corpora prægravia erunt, ea præsertim quæ pigritia à suo officio rite fungendo abduxit. Etsi autem immortalia erunt corpora, & indissolubilia (nullius enim erit aut bonis aut malis ultra mortis locus) erunt tamen mirum in

in modum patibilia; nec ullo membro carebunt , ut , quoniam membris omnibus peccato servierunt, membris omnibus patiantur. Nullo morbo laborabunt, quo ulla in parte corporis morsus doloris hebescat, aut retundatur , sed ubique potius acerrimè atque acerbissime sentiatur. O infelix qui unius dentis dolorem ferre non potes, quid facturus es, si in illo perditorum numero censearis, quibus post acceptam à Deo maledictionem, omnes dentes, omnia ossa, omnes venæ, nervi, arteriæ, omnes pedum, manuum que digiti, omnia viscera , omnia intestina dolebunt. Erunt ergo omnia illa corpora tanquam foedissima monstra squallida, lurida, nigra, gravia , foetida , graveolentia. Sed videamus quo pacto illa resurgent. Aperitur in Babylone marmoreum mausoleum , indeque egreditur Alexander olim Magnus, jam minimus, ille erecto collo Bucephalum, coronam, ac sceptrum postulat: sed mox dimittit supercilium, ac cristas, & mæsto vultu terram intuetur. Surgit in Grecia Xerxes , circum-

cumspicit ubi sint equitum turmæ,
peditum cohortes: Videt se solum.
Surgit in Italia Tullius, pulpitum fla-
gitat, rostra quærit; sed mox confusus
filet. Prodit dives Epulo, quærit men-
sam, & byssum, ac purpuram: videt se
iis destitutum. Egreditur è tumbâ,
impia jesabel: requirit speculum, cala-
mistros, fucos, strophium & nusquam
videt. Surgit hic Cæsar sine dia-
demate, Rex sine corona, Princeps
sine purpura, Senator sine toga,
Miles sine sago, Philosophus sine
pallio, Eques sine ocreis, Episcopus
sine mytra, Abdas sine pedo, Sacer-
dos sine casula: omnes nudi. Dum
ita stant super tumulos illa maledicta
cadavera, illa inauspicata corpora,
ecce tibi è centro terræ, ex caligino-
so Inferorum spelæo emergunt æque
maledictæ Animæ, quæ ubi venient
in conspectum suorum corporum,
proh Deus! qualis hic erit utrimque
ululatus, quam flebiles utriusque
Elegiæ, quam aspera Animæ in cor-
pus satyra: quo vultu se mutuo in-
tuebuntur. Quam ægre hoc par con-
jugum sibi dabit manus? quot male-
dictis

dictis se mutuo lacerabunt , quot
diris se devovebunt ? Quibus ver-
bis se mutuo salutabunt : ô infelix
corpus (inquiet anima) tu initium,
ac finis calamitatis meæ : ô non
amplius sodalis meus , sed infen-
sissimus hostis ; non amplius adju-
tor , sed persecutor , non amplius
mihi eris domicilium , sed ergastu-
lum. O merito infelix ! quam carò
jam mihi constant momentaneæ
voluptates illæ tuæ ? ô fætida caro !
quanta tu mihi tormenta tuis ille-
crebris thesaurizasti ! Hæccine est
illa caro , propter quam tot commes-
sationibus , & ebrietatibus vacavi ?
propter quam tot fornicationes ,
tot sacrilegia , tot adulteria per-
petravi ? propter hunc saccum ster-
corum , regnum cœlorum amisi ?
propter hunc vilem & putridum
truncum , vitæ æternæ jacturam
feci ? ô palatum infelicissimum !
propter te ego terras , & maria fa-
tigabam. O venter infortunate &
quomodo ita insanivi , ut te pro
Deo colerem ? Hactenus ego qui-
dem tartareis ignibus arsi ; sed nunc

tempus est , vt & tu mecum particeps sis poenæ , quia fuisti & confors culpæ. O centies millies maledictum corpus , cur tu mihi obviam occurras ? Cur non potius in tenebrosa & purulenta sepulchri caverna , æternum in cinere , & pulvere delitescis ? O te sceleratum , ô me infelicem quæ ad immaniora tormenta experienda denuo tibi conjungor. Veni miserum , & iniquum corpus , nunc enim oportet nos coram summo Iudice comparere ; atque sinistram ejus manum cum improbis tenere , ad infauitissimam maledictionis sententiam percipiendam. O Furia , ô spiritus tartarei ! Quid moramini ? cur me non discerpitis ? cur ad nihilum me non redigitis ? O maledicta dies infelicitis meæ natiuitatis , quæ fatum hoc dirum , & infaustam hanc cœli figuram habuisti , ut pro momentaneis voluptatibus cruciarer. Hæc igitur atque alia generis ejusdem Anima , in carnem suam , cum ingenti rabie atque odio evomet , quam tamen cum hic in terris cum illa
mora-

moraretur, tanquam Deam colebat, atque ut ejus libidinibus satisfaceret, Dei legem frangere, ac violare non verebatur. Quam violentum Animæ tunc erit, denuo uniri tam infausto corpori? Itaque tunc miserum illud corpus incipiet horrendum stridere dentibus, Anima vero aëra implere lamentabilibus questibus. Quippe tam corpus, quam Anima ex omni parte, & ab omnibus creaturis destituentur; Quia, ut bene Chrysostomus, *Ibi non erit resistendi virtus, nec pœnitentiæ locus, nec defensionis tempus, nec fugiendi facultas, nec latendi possibilitas, nec apparendi securitas, nec satisfactionis utilitas; & ex angustia omnium nil remanet ibi, nisi luctus: Quia, nec proderunt divitiæ divitibus, nec parentes filiis, nec Angeli pro hominibus intercedent. Ita ipse.*

OBSERVATIO MORALIS.

Maximum hic futurum ostendimus discrimen inter proborum & reproborum corpora. Hic debet fieri

ri electio : Tale enim ibi corpus resurget , quale hic vivet. Nam ut ait Apostolus, messis sementi respon-

Gal. 6. 7. debet : *Quæ seminaverit homo , hæc & metet.* Non vis ad vitam suscitari appenso ad collum laqueo instar Iudæ proditoris , & fronte notâ desperationis inscriptâ ? Fuge illius avaritiâ ; prodicionem execrare. Non vis excitari à mortuis Caino similis, inustus stigmate perditorum ? Ne illius invidiam de alienis bonis , multoque minus cædes innocentium imiteris. Times tanquam alter Esau redivivus comparere ingratus Deo, infestus hominibus ? ne ingluviem fecteris ; ne probos ut olim Esau, persequare : Nullus aliquando inventus est canis , aut lupus , nullus ursus , aut leo , rabidiore fame stimulatus , iis qui hac olim vita ventrem , quasi Deum coluere , jejunium & ciborum abstinentiam contempserunt , & tenui , breviqûe coenâ, dæmonianimam suam vendere.

CAPVT III.

*Crux ante aduentum Iudicis apparens in
aere , varijs vario se exhibebit
Schemate.*

Post tubæ sonitum formidabilem,
post resurrectionem corporum
admirabilem, post separationem Ius-
torum à reprobis terribilem, illico
signum magnum apparebit in cælo,
illud ipsum quod erectum fuit olim in
monte Calvariæ, quod erit Iustis ad
solatium, reprobis ad supplicium.
Pater ex verbis D. Matthæi. *Tunc pa-* 24. 30.
rebit signum Filij hominis in cælo. Pleri-
que SS. Patres conspiranti assensu
existimant, hoc signum fore ipsissi-
mam crucem, in qua Redemptor
mundi, pro salute nostrâ, inclinato
capite tradidit spiritum. Deferetur
ergò Crux per angelos, priusquam
in scenam prodeat supremus Iudex,
statueturque in conspectu omnium,
veluti signum Redemptionis nostræ,
et inclytum victoriæ trophæum, ac
F 5 nobi-

nobile amoris in nos monumentum. Exponetur autem orbi vexillum Crucis in ipsa Iudicij die, paulo antequam Iudex in throno suo iudicaturus confideat. Sunt qui existimant una cum cruce proferenda alia Dominicæ passionis instrumenta, lanceam, columnam, flagella, spinas. Favet D. Thomas sic loquens. *Niente Domino ad Iudicium, signum Crucis et alia passionis indicia demonstrabuntur.* Alij censent, apparente Cruce etiam electorum frontes vi Angelica, cruce notandas. Sic enim D. Ioannes vaticinante spiritu aliquando futurum edixit, cum Angelos sic inter se colloquentes induxit. *Signemus servos Dei nostri in frontibus eorum.* Quapropter electi omnes habebunt in fronte expressum signum Crucis, et ex illo signo, Pastor agnoscet oves suas, Magister discipulos, Iudex electos, Dux milites, Pater filios. Sunt non pauci ex SS. Patribus qui sentiunt producendam cum Cruce et Arcam fœderis, quæ fuit typus, et umbra Crucis. Et confirmant suam sententiam D. Ioannis oraculo sic scribentis.

Opus

cap. 244.

Apoc. 3.7.

scribentis. *Et apertum est Templum Dei in calo, et visa est Arca testamenti eius in calo.* Vt liqueat omnibus benè convenisse veterem legem cum nova, nec tam adversa, quam diversa præcepisse. Ubi iam Crux omnium oculis conspicua apparuerit in medio aëre, .
miro splendore circumfusa : *Tunc* (ait Evangelista) *plangent omnes tribus terræ.* Hoc est, impij omnes aspectu crucis exulcerati, edent clamorissimum quendam cum mæstissimâ lamentatione planctum, qui toto aëre, confuso strepitu personabit. S. Augustinus sic loquitur de illo planctu. *Tunc plangent omnes tribus terræ, videntes accusatorem suum, id est, ipsam crucem, & in ipso arguente cognoscent peccatum suum, serò & frustra fatebuntur suam cecitatem.* Flangent ergò impij, quia videbunt tunc exposita suis oculis omnia salutis suæ instrumenta, & Christi stigmata, æquè ac sua scelera, quæ illorum fuerunt causa. v. g. Videbit Iudas se sua proditione Christum adegisse in crucem; videbit dives Epulo, se suis delicijs confixisse Christum,

Apoc. II.
19.

Serm.
130 de
temp.

Christum , videbit superbus se suis honoris punctis , avarus se suis fraudibus , ac usuris , adulter se suis libidinibus , pugnax se suis mucronibus , transfixisse Christum , videbit quisque impius , quot plagas suis sceleribus Christo inflixerit , quot spinas eius capiti , infixerit. Videbunt ergò Christum , non iam amplius tanquam sub iudice reum , sed verè Iudicem reorum ; videbunt non iam contemptibilem , sed plane terribilem ; videbunt cum cruce quidem gloriosa , sed non in cruce ignominiosa. Ita enim Augustinus. *Sedebit Iudex , qui stetit sub iudice , damnabit verò reos , qui falsò factus est reus.* Plangent ergò omnes tribus , pectora sua percutientes. O quam iustam plorandi , & lamentandi causam habebunt ! Plangent eo quod non amplius possint agere pænitentiam , nec effugere Dei Iustitiam , nec declinare maledictionis sententiam. Plangent ob præterita scelera , præsentem confusionem , futura supplicia. Deflebunt sortem suam tristissimam , **or-**
tum,

de verb.
dom.

tum suum inauspicatissimum, & finem suum infelicissimum. Crux ergò quæ solebat esse amoris signum, & fæderis, spes peccatorum, solatium afflictorum, refugium desperatorum. Tunc erit malorum omnium prognosticum, impiorum terror, belli signum, & ruina peccatorum. Nullum ergò o peccator habebis refugium, tota spes concidit, nullum asilum, dum arbor redemptionis, lignum vitæ contra te insonabit, edetque vocem non ut modò gratiæ, sed vindictæ. Si Crux terret, quis consolabitur? si totius pietatis signum exanimat, quis animabit? si Christi sanguis contra nos voriferetur, quis pro nobis clamabit? Si in Christi vulneribus, & visceribus, quæ misericordia affluunt, iam misericordia non invenitur, ad cuius opem confugiemus? Crux ergò exhibetur ad maiorem improborum punitionem. Pròducetur deinde Crux, ut omnes Iudæi, qui olim clamabant; Crucifige, Crucifige, & impij Christiani, inimici Crucis Christi;

Christi ; qui rursus crucifixerunt eum , agnoscant , illud ipsum esse lignum , cui illum confixerunt. Quomodo tunc stupebit Pilatus , qui tradidit eum voluntati Iudæorum , ut crucifigeretur ? quid Annas , quid Caiphas , quid Sacerdotes , & Scribæ , & Pharisei , dicent , qui nihil non egerunt , ut cruci affigeretur ? quomodo illi plangent ? Rarum est , quod contigit nostro sæculo ; in ditione Peruana , uti refert Antonius Valthrinus. In eius ditionis provinciam , cum quidam Christiani fugissent , unus ex ijs inter sarcinulas , Crucifixi imaginem fortè coniecit : qui cum postea ad illius Provinciæ Metropolim pervenisset , multique admirabundi quærerent curiosius , quid illud esset ? Respondit illum esse Christianorum Deum. Quæ res hominum sermonibus celebrata , ad Principis aures pervenit : is eadem videndi cupiditate inductus , in aream palaty cum trecentis circiter viris processit , hominemque sibi cum imagine sisti iussit , quam cum

in

Raderus,
viridax.
p. 1. f. 273

in manus sumpſiſſet , diligenter
contemplatus. Hiccine , inquit .
Deus eſt Chriſtianorum ? Ille ipſe ,
inquit Indus. Tum Princeps, ain tu?
Hiccine Deus eſt , quo adiutore
Chriſtiani Jngas , totumque reg-
num Pervanum ſubegerunt ? Cum
Indus affirmaret ; At hic , ait Prin-
ceps , homo eſt , omnibus crucia-
tibus necatus ; ſimul ad imaginem
expuens , homini reddidit. Mirum
dictu ; ſtatim ut Indus in manus
accepit imaginem , cæpit illa caput ,
quod in dextram partem inclina-
tum habebat , ad ſiniſtram conver-
tere , & oculos in Principem , cæ-
terosque qui aderant deſigere , qui
omnes continuo, præter eum , qui
Crucifixi tenebat imaginem , con-
ciderunt proni in terram ; ac tri-
bus horis ſine ſenſu , ac ſpiritu
mortuis ſimiles iacuerunt. Quocum
populus mortuos exiſtimaret , in-
gens tota urbe luctus excitatus eſt.
Interea Princeps , ac deinceps cæ-
teri ad ſe rediens , ſurgensque ex-
clamavit , Verè magnus eſt Chri-
ſtianorum Deus : reliquisque om-
ni-

nibus stupore quodam defixis , ac pavidis , pænâ propositâ edixit , ne quis in posterum Christianorum Deum blasphemaret: atque extructo, ornatoque iuxta palatium sacello , ibi Crucifixi imaginem collocari , atque ab omnibus adorari iussit. Ille Princeps postea cum filio unigenito sexsenni , mutatis vestibus, ne posset agnosci , contulit se ad oppidum proximum , ubi erant nostri Patres , ibique sacro Baptismatis fonte ablutus est , & statim post expiravit. Quod si Indi illi steterint ita attoniti , ad exiguum illud Crucifixi simulachrum: quid dicent in die Iudicij omnes Iudæi , Ethnici , Gentiles , quando videbunt Sacrosanctum Crucis signum in aëre sublime, tanto conspicuum fulgore? Nonne illi merito inquirent , Hoccine est lignum illud , quod Iudæis erat scandalum, Gentibus stultitia? Hoccine est lignum , quo fractæ sunt tartarorum fores , euacuatus limbus , aperti cæli , debellati hostes , deiecti demones , sublata mors , deiecta idola,

la , proscripta ex toto orbe idololatria ? Hoccine est lignum triumphale , quo sibi Deus Christianorum totum subiecit orbem , quo sibi acquisiuit potestatem omnem in cælo , & in terra ?

OBSERVATIO MORALIS.

Iam Crux est arbor salutis : in ea Christus salus nostra extendit ad nos manus , ut nos amplexetur : in eâ inclinat caput , ut nos osculetur , & orationibus nostris annuat , in eâ distillat balsamum sanguinis sui , ut vulnera nostra curet , in ea nobis pectus suum patulum offert , ut nos in visceribus suis condant , & ab ira ventura abscondant : iuxta eam Virgo , ac Mater eius , ut pro nobis intercedat . Sed in illa die nihil horum amplius in cruce reperietur . Ubi tunc Deipara ? Ubi apertum latus , ubi sanguis , ubi caput inclinatum , ubi brachia amplexantia , ubi Christus ? Audi Oseam . *Vadent ad quarendum Dominum , & non invenient , ablatum est ab eis.* O verbum asperum ! Nos ut con-

G

specta

Cap. 5.

Ipecta illa cruce , gaudeamus , & exultemus ob salutem per crucem obtentam , dicamus cum Paulo. *Cal. 5. 14.* *Absit mihi gloriari nisi in Cruce Domini nostri IESV CHRISTI.* Veneremur hanc crucem Salvatoris , dum adhuc in nostro hemisphærio lucet dies salutis. Convertamur iam toto corpore , & corde ad crucem & crucifixum , & dicamus cum matre nostra Ecclesia: *Quarens me sedisti lassus , redemisti crucem passus , tantus labor non sit cassus.* Te obsecramus per illam crucem quam in curuo corpore , inclinato vertice , capite spinis coronato , fractis humeris , lacero tergo , sanguinolentis pedibus , lachrymantibus oculis , suspiranti corde , pro nostra salute portasti , repens per plateas Ierusalem , ad montem Calvariæ ; Per illam crucem te obsecramus , quam perfudisti tuo sudore , tuis lachrymis , tuo sanguine , in qua pro inimicis patrem orasti , latroni paradysum promifisti , Patri spiritum reddidisti , ut hæc Crux in die Iudicij sit nobis instrumentum vitæ , non mortis , salutis , non perditionis , clavis denique cæli,

cæli, ubi tecum æternum regnemus,
qui regnasti à ligno.

CAPUT IV.

Bene expensus descensus è cælo supremi Iudicis, erit ascensus ad cælum novi hominis.

Quidquid hætenus de supremo Iudicio, de die Domini magno, de tremenda illa cælo, terræque, Divinæ Iustitiæ tragædia, vel à me dictum, vel à te fuit lectum, non fuit nisi quoddam ad ea quæ sequuntur, leve præludium. Quod enim in hoc argumento est impijs maximè formidandum, est ipsa formidinis plena Iudicis persona. Postquam Deus gravissima intulisset supplicia Samaritanis, quasi hætenus illis pepercisset, mox subiungit. *Postquam autem* Amos 4: *hæc fecero tibi, præparare in occursum Deitui.* Ac si dicat Deus. Hætenus cum igni, cum fame, cum bello, cum elementorum omnium in vos conspirantium furore, & similibus plagis

G 2

luctati

luctati estis : velites illi fuere , & quasi levioris armaturæ milites ! nunc ventum est ad triarios , iam imminet pugna decretoria , nunc cum Deo tibi , non cum Dei creaturis , sine aliquius interuentu , agendum est. *Præparare in occursum Dei tui.* Instar umbræ , aut picturæ sunt poenæ hucusque recensitæ , si cum poenis tibi in occursum Dei inferendis comparentur. Ab enervi , & imbecilli creaturæ brachio molles tantum ictus accepisti : in occursum Dei tui Iudicis , vulnera senties à gigantea , ab omnipotente illata manu. Dominus Deus exercituum nomen illi. Præparare ò miser in occursum Dei tui. Modò , quali , quantoque , & quam formidando cum apparatu & gloriæ pompa venturus sit , erit stupor audire , horror cogitare. Certum est ad maiorem formidinem incutiendam reprobis , ignem , Iudicis adventum antecessurum. Quod ex regio Vate est nimis quam exploratum. *Ignis ante ipsum præcedet , & inflammabit in circuitu inimicos eius.* Et eodem plalmo. *Ignis in conspectu eius exardescet ,*

*Psal. 96.
3. & 4.*

&

& in circuitu eius, tempestas valida. Sublimiori adhuc cothurno ambulans tragicus orator Isaias exaggerata quadam eloquentia eundem hunc, de quo agimus, terribilem apparatus Iudicis describit. *Ecce Dominus in igne veniet, & quasi turbo quadriga eius, reddere, in indignatione furorem suum, & increpationem suam in flamma ignis, quia in igne Dominus diiudicabit, & in gladio suo ad omnem carnem.* Quis non horreat, audiens flammeas quadrigas, ignea carpenta, fulminatrices rotas, atram caliginem, procellosos turbines, validam tempestatem, & id genus alia tristitia Iustitiæ instrumenta? Ex quibus verbis, alijsque similibus, hic rerum gerendarum ordo elici potest. Cum primum Angeli cum Crucis coruscanti vexillo, alijsque insignibus perpeffionum Christi apparverint, ignem è cælo ubique fulgurante ruiturum, eumque latè in omnes terræ fines, hominibus desertos, devolaturum; & omnia circumquaque opera hominum, si qua

Cap. 66.

15 1

prioribus cladibus superfuerint ,
infestum deuoraturum tanto ardore
ut montes ipsi instar ceræ liquef-
cant. Interim Iudicium magna ce-
leritate fiet , dum ignis properan-
do , aut provolando potius eo per-
ueniet , ut in circuitu Iudicis , ini-
micos inflammet ; Et cum primum
eius decreto , æternis ignibus ad-
dicti fuerint , eos flamma circum-
voluta corripiat , tellusque horren-
dum dehiscens , excipiat in ima
terræ viscera , ipsumque Tartarum
præcipiti casu proruentes , cum
flaminis quæ stagnum efficient
ignis , & sulphuris tot corporum
mergendorum & cruciandorum
capax. Cæterum Evangelistæ maie-
statem , qua Iudex Deus è cælo
veniet ita describunt , ut cogitare
possimus tanquam ante ambulones
Angelos , Archangelos , & Pote-
states , & Principatus , omnesque
cælestium Virtutum choros , armis
Divinæ Iustitiæ consentaneis ac-
cinctos. Hos præibit Archangelus
Michael districto fulguranti gladio,
tanquam summi Regis armiger.

Cæle-

Cælestem hanc cohortem severo vultu Apostoli consequentur, non iam martyrij quo quisque interfec- tus est insignibus ostentatis, sed iudiciaria potestate. *Et glady accipi- tes in manibus eorum ad faciendam vin-* *psal.*
149. 6.
dictam in nationibus, increpationes in populis. Ponè sequetur B. Virgo non iam Matris misericordiæ, & peccatorum refugij prænotata titulo, sed severitatis in eisdem demonstra- tione formidabilis. Vestis illius pur- purea, indicabit columbæ sine fel- le olim nobis notam mansuetudi- nem, eo die in sanguineam leenæ feritatem, contra peccatores con- vertendam. Hæc secum reputans Malachias, intuitus comitatum igneum, & feralem Divini Iudicis; sudoris anhelii vi magna, & capil- lorum sese arrigentium tremore concussus, clausit oculos, ne illo- rum faceret iacturam, faciemque alio avertit. Atque ne quis tanti timoris causam miretur, ait: *Quis* *Malach.*
stabit ad videndum eum. eccl. Ipse enim 3.
quasi ignis conflans. Quasi dicat: Quid quid vidi, ignis erat, flam-

G 4
ma,

ma ; incendium. Imo vero metus , qui ab illa flamma , tempestate , & metuenda Iudicis maiestate incutietur , tantus erit , ut Isaias dicat.

Isa. 2.

Ingredientur (nimirum impy) in scissuras petrarum , & in cavernas saxorum , & in voragines terra , à facie formidinis Domini , & a gloria maiestatis eius , cum surrexerit percutere terram. Quis non obstupescat , iuxta ac horreat , dum audit de hoc

Iob. 14.
13.

Iudice loquentem Iob ? *Quis mihi hoc tribuat , ut in Inferno protegas me , & abscondas me , donec pertranseat furor tuus ?* Quid sibi vult hoc Iobi votum ? Solenne est omnibus , qui in extremo versantur discrimine vitæ , ut ad securum confugiant locum , convolent ad asilum , ubi amicorum tutela protegantur. Sed quæ securitas sperari potest in ipsa Divinæ Iustitiæ ferali officina , in malorum omnium , quæ ab homine timeri possunt , domicilio , in illo ergastulo , ubi Deus omnes furoris sui indignantis effundit habenas ? In illo loco ubi nulli sunt nisi capitales Dei inimici, Animarum tor-
tores,

tores , corporum tyranni , uno verbo , in Inferno ? Infernus est miseriarum omnium receptaculum , non miserorum refugium. Quomodo illum protegent iuratissimi ipsius hostes , qui eum tot calamitatibus hic in terris involuerunt , facultatibus exuerunt , fortunis spoliarunt , ulcere pessimo per totum corpus percusserunt , Dæmones inquam ? Solent illi homines non servare , sed perdere , non protegere , sed interficere. Tamen Iob cum non nesciret , quam foret res plena immensi cuiusdam horroris , intueri vultum irati Iudicis , & corameius tribunali præsentem se sistere , mitius illi videbatur vel in ipso horribilium omnium horribilissimo loco , Inferno commorari , ibique inter truculentos Animarū carnifices caco-dæmones versari , & ab ijs cruciari , quam Deum Iudicem , ex arcuata nube in impios fulminantem contemplari.

OBSERVATIO MORALIS.

Quis nostrum hoc timet? Forsitan intra triduum, infelix, coram horribili illius tribunali citaberis, in quo condemnatus ad Inferos detruderis, perpetuis pœnis cruciandus! Morti tamen cum ita vicinus sis, rides, lascivis, gestis, in ipso æternitatis limine iocaris, in ipso prope naufragio cantas, in ipso unde deiiciendus es patibulo, tripudias. Nunquam iram Iudicis animo volvis, nedum tibi eum propitium reddis. Sed quid versipellis ille satan, præstigijs te suis circumventum fascinat? Omni quippe ratione conatur hanc hominum animis extremi Iudicij memoriam penitus eradicare. Quod insigni similitudine S. Antonius Patavinus illustrat. Solent, inquit, bombices tanto per tonitru perhorrescere, ut eius auditu fragore statim emoriantur, & ipse glomus ijs loco sepulchri sit. At qui bombyces alunt, quo eos ab interitu eripiant, sonitu quodam exiguo quotidie excitato eos ad maiorem

*in Serm.
quod.*

rem fragorem excipiendum assuefacere solent, ne cum repente forsitam tonitruum fragor insonuerit, confestim emoriantur: Eadem plane industria, ne dicam versutia utitur & adversarius noster diabolus: quippe cum probè norit nil magis ad peccata in animis suffocanda, & extinguenda conducere, quam sonitum, strepitum, tonitruum, & fragorem Divini Iudicii; omni ratione conatur ea ad mundi crepitacula, id est, ad exiguos, & fractos vanitatis, inanis gloriæ, & ambitionis tinnitus assuefacere, ut postea rei adeò necessariæ memoria amissa, etiamsi Divinorum Iudiciorum fragorem ex concionatoris detonantis ore excipiant, parum, aut nil moveantur; vitamque securè sine ulla prorsus formidine traducant: & sane solent mundi huius fragores, & strepitus quibus nos Diabolus assuefacit, aures nobis obtundere, ne Divinorum Iudiciorum, quæ instar tonitruum reboant, sonitum, aut fragorem audire valeamus. Nos contra, non tantum Divini Iudicii tonitrua è pulpito attentis excipiamus auribus, sed & tacitis

im -

imprimamus mentibus, sæpe in memoriam revocantes, quam exacta, & rigida non tantum de gravibus, sed levissimis, non tantum de maximis, sed de minimis reddenda sit ratio delictis. Ita ut ausus fuerit dicere Isidorus. *Ad districti Iudicis examen nec iustitia iusti securae est.* Imo ut Abbas Agaton ait. *Si Deus nobis imputaret distractiones cordis, & negligentias, quas in orationibus nostris & officio Divino incurrimus, salvi esse non possemus.* Non est quod nobis imponamus nostrâ hic scientiâ, prudentiâ, & astutiâ: Quia coram Dei Tribunali nil poterunt, nec valebunt allegationes advocatorum, nil sophismata logicorum, nil rationes oratorum, nil Aristotelicæ argumenta subtilitatis.

CAPUT V.

Iudicis è cælo descendentis, & in throno confidentis magnificus apparatus.

TAndem præmissa horrida ignium, ac flammarum tempestate,
Index

Iudex ipse é cœlo, aperto veluti sipario, in scenam prodibit. Pompam vniuersam qua prodibit, S. Spiritus Scribæ Euangelistæ breviter quidcm, sed neruose sacro stylo expresse-
runt. Matthæus duobus locis. *Videbunt*

Filium hominis venientem &c. & 25. Mat. 24.

Cum venerit Filius hominis in maiestate sua, & omnes Angeli cum eo, tunc sedebit super sedem maiestatis suæ. 27.

Marcus scribit venturum cum virtute multa, & gloria. Mar. 13.
Lucas, cum potestate magna & maiestaie. 26. Luc.

Itaque ut quæ per Euangelistas sparsa sunt varijs locis, in vnum coacervemus cumulû, constat venturum primò in nubibus, secundò cum Angelis, tertio cum virtute, quartò cum gloria, quinto cum maiestate, & quidem multa, ac magna. Singula hæc modò pro nostro modulo accurate exponamus. Ordiamur a nubibus. *Videbunt Filium hominis venientem in nubibus.* Hic primò dubium occurrit, sit ne Christus venturus in una tantum nube an verò in pluribus? Ratio dubitandi suboritur ex verbis D. Lucæ dissimilibus a verbis Matthæi, & Marci: nam Lucas dicit Christum

Christum venturum *in nube*, reliqui vero Evangelistæ, *in nubibus*. Communior est opinio descensurum Christum in una nube, sed quæ multis alijs nubibus erit circumfusa, ad maiorem gloriam ostentandam. Rupertus existimat fore nubes procellosas, ignem, fulminaque iaculantes. *Non erunt, ait, nubes pluvis rorantes terramque refrigerantes, sed nubes tempestuosæ, ignem spirantes, fulmina iacientes.* Verior erit hæc sententia, si dicamus ex parte superiori fulgidas & placidas nubes fore, ex inferiori vero procellosas ac turbulentas. Circuibunt ergo Dominum nubes tempestate plenæ, fulminibus, igneisque iaculis in impios vibrantibus. Alterum quod ad huius apparatus magnificentiam valebit, erit Iudicis thronus, Dixit enim ipsemet sessurum se in throno magnificentissimo & qui eius deceat maiestatem. Sic enim interpretari possumus illud: *Sedebit super sedem maiestatis suæ.* & David: *Psal. 95. ravit in iudicio thronum suum.* Erit quoque hic thronus aspectabilis, ex nubibus enim fabricatus erit, sed eo artificio-

tificio ac magnificentia , quæ & Angelorum redoleat industriam singularem , & digna fir illo omnium electorum Principe , illo ipso die, quo supremus omnium gentium Iudex sedebit , quo subditis omnibus specimen dabit dignitatis suæ , quo suis olim contemptoribus illudere quodammodo , & insultare volet, gloriæ, ac pulchritudinis suæ magnificentia. Faceffant omnia supremorum Iudicum antiqua tribunalia, Prætorum , Consulum, Proregum. Faceffant omnia folia Regum, Pontificum , Imperatorum, Valeat ille quoque Salamonis thronus ebore, atque auro renidens , tantaque arte constructus, ut verè de illo scriptum sit. *Non fuisse factum tale opus in univ-* 3. Reg. 10. 18.
sis regnis. Sequitur iam in Matthæo: *Et omnes Angeli cum eo. Cum autem venerit Filius hominis & omnes Angeli cum eo.* Quos intellexit D. Lucas cum dixit, *venturum cum potestate magna!* sive ut Luci 21. 21.
habet Matthæus *cum Virtute multa*: id est cum magnis Angelorum copijs. Hæ nimirum sunt Angelicæ legiones , quas habebat in potestate, illo ipso

ipſo tempore, quo à militibus captus, vinctusque tenebatur : legiones innumerabiles , ordine pulcherrimo, & corporum fulgore gratiſſimo incedentes. Itaque in Die Iudicij ne vnus quidem Angelus manebit in cœlo, ſed omnes omnino cum eo deſcendent , eumque quaſi deum , & Dominum ſuum honoris cauſa, quaſi ephæbi comitabuntur. Vnde Chryſoſtomus clarè fatetur, cœlum tunc evacuandum, quia nullus erit in cœlo Sanctus , nullus quoque Angelus, neque etiam Chriſtus. Erit igitur in cœlo ſolus, qui cœlum, & terram implet, Deus. Præterà eſt admodum probabile , Angelos omnes tunc aſſumpturos corpora, ex aëre condenſato, in iſſque ſplendidis glorioſè apparituros : alioquin enim hæc Chriſti Angelis ſtipati gloriâ, & poteſtas, non poſſet videri ab impijs, & reprobis , quorum tamen cauſa maximè exhibebitur. Cum ergo innumerabilis ſit Angelorum multitudo , tunc longè , latequè ſuprema ſacræ regionis undique per multa millia milliarium uſque ad ipſos cœlos replebunt,

bunt, & immensi exercitus speciem præbebunt. Valde quoque credibile est, dæmones etiam in corporibus assumptis, sed tetrīs, horridis, & terrificis apparituros, vel quia alio qui ab impijs videri non possent, vel quia pertinet ad Christi qua homo est, & Iudex, gloriam, & impiorum confusionem, ut videantur. Quam admirandum igitur erit spectaculum, hic videre decies millies, centena millia legionum Angelicarum, æris regione latissima sursum, deorsumque explicatura; nunc Iudicis laudes canentium, nunc fortia facta Sanctorum, nunc improborum calamitati insultantium, iuxta veterem Divinæ sapientiæ comminationem. Tunc implebitur illud, quod dixit Dominus Caiphæ, in Concilio Iudæorum. *Videbitis Filium hominis sedentem à dextris Virtutis Dei.* Mirabile spectaculum, in sublimi ære, videre corpore glorioso, sedentem in throno splendido, circumfusum innumeris Angelorum legionibus, totum hæmisphærium usque ad cælum occupantibus, st-

H

patum

Mat. 26.

patum ad dextram immenso beatorum hominum exercitu, qui omnes solis instar splendent. Inferne in terra ad sinistram, infinitam multitudinem damnandorum humiprostratam, gementem, ululantem, vociferantem, quæ superficiem terræ longè, lateque occupabit. Furientibus in eos dæmonibus, & omnem rabiem suam in illos euomentibus? Aderunt ergò illic omnes creaturæ rationales. Nullus erit in toto cælo, nullus in tartaro, nullus in purgatorio; nullus in aliquo orbis angulo, sed omnia loca toto illo temporis spatio, quo exercetur Iudicium, erunt planè vacua, aderuntque in valle Iosaphat omnes Angeli, homines, dæmones. Hic ergò atolle oculos, ut spectes, maximum qui unquam Christo exhibitus fuit, vel deinceps tota æternitate exhibebitur, cultum, honorem, reverentiam. Quam primum Christus è cælo per àera delapsus venerit in conspectum immensi illius theatri, ac tam celebris confessus: & iam in magnifico throno

Iudex

Iudex vivorum , ac mortuorum federit : statim omnes quotquot ibidem præsentēs consistēt , tum in àère sublimes , tum in terra depressi , Angeli , homines , electi , reprobī , & dæmones ipsi prono vertice , flexis poplitibus , submississima tum corporis , tum animi reverentia Christum ut naturalem Dei filium , ut Regem Regum , ut supremum cæli , terræque Dominum venerabundi adorabunt ; implebiturque illud magnificum Pauli de Christo effatum. *Omne genu flectatur , celestium , terrestrium , & infernorum , tunc omnis lingua confitebitur , quoniam Dominus IESUS CHRISTUS in gloria est Dei Patris.* De communi hac omnium adoratione evidenter scribit David. *Omnes gentes quascunque fecisti , venient , & adorabunt coram te Domine , & glorificabunt nomen tuum.* Deinde Paulus. *Omnes stabimus ante tribunal Christi : scriptum est enim : Vivo ego dicit Dominus , quoniam mihi flectetur omne genu , & omnis lingua confitebitur Deo.* Vbi nunc es Pilate , emerge ex illa

Philip. 2.
Psal. 8. 5.
Rom. 14.

H 2 execranda

execranda reproborum colluvie, caputque huc attolle, oculos eleua: Tua ipsa hic usurpabo verba à te olim die Parasceve prolata. Tu in amplissimo Ierosolijmæ foro, coram immensa Iudæorum multitudine cum Christus staret vinctis manibus, redimito spinis vertice, vulneribus hiulcis plenus, toto corpore sanguinolentus, toto vultu lividus, clamabas coram omni populo:

Ioan. 19. 5: *Ecce homo.* Huc, huc modo oculos converte. Ecce homo, Cui data est omnis potestas in cælo & in terra. Ecce homo, qui à Deo constitutus est Iudex vivorum, ac mortuorum. Ecce homo, ò perfidi Iudæi quem furore rabidi petijstis in crucem agi: vociferantes, crucifige, crucifige. Ecce homo ó impij? quem postposuistis Barabbæ, dicentes; non hunc sed Barabbam. Habetis vobiscum iam homicidam, & latronem Barabbam reum, Christum vero Iudicem. Vos clamabatis, non habemus alium regem nisi Cæsarem. Confugite iam ad vestrum Cæsarem, adferat iam vobis opem.

Non

Non habebitis iam Christum qui vos beet regem , sed qui condemnet Iudicem. Ecce quomodo iam sedet in magnifico folio , qui iacuit novem mensibus in matris utero ; sedet iam in throno , qui olim iacuit in foeno. Sedet in monte gloriæ , qui prostratus iacuit sudans , aqua & sanguine in monte Oliveti , monte angustiae. Sedet in tribunali Iustitiae , qui toties stetit vinctus manibus coram tribunalibus iniustitiae. Sed quid hic verbis meis cruento miseros Iudæos , quos satis in die illo furoris punget Divina Iustitia ? Converto sermonem ad Catholicos , & quid ni ad te lector , quem de rei illius , quae de ago , indignitate , non tam cupio esse lectorem quam Iudicem.

OBSERVATIO MORALIS.

Legisti quomodo in magnifico illo amphitheatro omnes & Angeli , & homines , & dæmones sacro quodam horrore undique circumfusi , præ gloria , & maiestate Iu-

H ;

dicis ,

dicis , eum prono corpore sint adoraturi. Tuum iam postulo iudicium. Possentne quid non dicam fieri , sed prope concipi , indignius , quam nos Christianos , qui tam certâ , & indubitâtâ fide credimus Christum in arâ ad stare præsentem Iudicem , quem credimus nos aliquando iudicaturum ; tanta tamen adstare illic irreverentia , inverecundia , immodestia , quanta puderet adstare coram viro aliquo honorato , in dignitate constituto? Totum templi spatium repletur cælestibus illis genijs , nec in Templo àër tot scatet atomis , quot abundat Angelis , rubet ara Divino Christi cruore , offertur æterno Patri pro mundi expiatione piacularis victima , occupatur arcano mysterio sacer Mijsta ; nil hic agitur nisi quod est cæleste , Divinum , sacro-sanctum. Et interim dum hæc peraguntur , stabit procax aliquis iuvenis , qui intolerabili impudentia , lænocinabitur oculis , gesticulabitur manibus , fabulabitur lingua , vagabitur per quævis nefanda

da animo , perinde ac si non à presbitero res Divina ageretur in delubro , sed ab histrione comædia exhiberetur in theatro. O impie ! quomodo audes coram tuo Iudice , coram quo flectetur aliquando omne genu , vel erectus stare , vel uno tantum genu flectere ? Vides quomodo populus universus ad illa verba , *Et Verbum caro factum est* , Ioan. i. statim incurvo corpore in terram sese inclinat , quasi tanti beneficij , quanti est Verbum pro nobis incarnatum , pondere oppressus , stare amplius non possint ; & tu non tantum audis verba illa proferri , *Et Verbum caro factum est* , sed & vides , & credis ipsum Verbum incarnatum , & pro tua salute incarnatum , illic præsens esse , & non maiori honore prosequeris illic Filium Dei , quam inane simulachrum Iovis , vel Mercurij. Et si ingreditur crepitantibus calceis , & byssiva togâ , nescio quæ sordidula pellex , tergus obvertes Filio Dei , totum corpus venerabundus obvertes mancipio fors diaboli. Quid di-

ces dum adstabis tuo Iudici ? Non credidisti hæc ? Ergo fuisti perfidus ? credidisti ? ergo fuisti impius, & pro alterutro crimine condemnandus.

C A P V T VI.

*Ante ultimum Tragædiæ actum ,
deunt Varij reproborum actores.*

PROduximus improbos, tanquam plurimorum scelerum reos ad magnum forum, ad celeberrima comitia, ad terrificum tribunal, ad latè patens, & immensum illud theatrum, ad æternam ignominiam illudendos, ac detestandos. Iam superest ut illi omnium oculis obiecti, coram in omnium luce & conspectu ab hominibus, Angelis, dæmonibus, Deo coarguantur ac condemnentur; ut ita tandē veluti publico totius universi præconio, voce, & tabellis notentur, & sēpiternæ infamiæ obijciantur. Postquam cælum, terra, sol, sidera, elementa, muta omnia atque inanima impios redarguerint, & tota rerum
vniuer-

vniuersitas conspiranti voce clama-
verit , quod olim in concilio suo Iu-
dæi contra Christum! *Reusest mortis:*
Surgent mox contra impios Catho- *Mat. 27.*
licos Gentiles , Et nici, Turcæ, in-
fideles omnes, quorum virtus maior
à sola natura, & imbecilli eius lumi-
ne, quam Christianorum cum natu-
ra eadem, à gratia, eiusque clarissi-
ma luce. Hic ergo cum impio Christi-
ano gentilis. Tune Christianus? Ubi
religio, ac sacrorum cultus? Is Chris-
tianus qui nec templa, nec aras, nec
focos sacros, nec sacrificos, nec
vestales ullas, neque divinos homines
reveretur? Qui templa velut arces
propugnat, impugnat, expugnat?
arasque pro haris habet, neque ami-
cus, aut inimicus est usque ad aras,
sed & inter templum, & altare fun-
dit sanguinem, vel in arâ est sævus?
Christianus tu? Imo infideli deterior.
Iurabas trecentos Ioves ac Deos
omnes passim, & quidquid in tartaro
est dæmoniorum, iuratus vero etiam
Evangelij, & crucis attactu pejera-
bas. Cum rebus adversis affligebaris,
mox erumpebas in verba blasphemæ,
H s

miæ,

miæ , & incesto ore superos omnes
persequeris. Contra illos assurgent
Turcæ , de quibus ita scribitur. *Inter*

Nicol.

Clem. l. I.

ep. p. 51.

*Mahumetistas nullus tam durus casus eis
contingit , ut fracti impatientia redigan-
tur in blasphemias , verum quidquid eve-
nerit non stomachantur ut aurigæ & nau-
ta , sed illud habent in ore , laus Deo. Per-
gent illi in suis accusationibus. Sacer-
dotes ac sacrorum ministros , item-
que viros religione Deo consecratos
contemptui habuit , illorum famam
petulantissimè traduxit , odio secta-
tus est , nomen fictis criminationibus,
ac mendacijs obscuravit. Surget tunc
Alexander Magnus qui Iaddo Sucania
sacerdoti adgeniculatus ; Attilus,
qui D: Leonis oratione cicuratus;
Persæ prisci apud quos Magi in sūmo
honore! Galli veteres qui Druydas suos
maximè venerati , Romani consules,
quorum fasces Vestalibus occursan-
tibus inclinati; sententiæ capitis (illis
casu intervenientis) revocatæ. Et
hic Christianus his adversa gerens
omnia ? Hiccine Christianus divi-
tiarum , regnorumque helluo , cui
uni (ut olim Pellæo Iuneni) non
suffe-*

suffecit orbis , quique obulo mundi ultimo per fas & nefas inhians , in Lazarum Epulone crudelior vixit ? & hic se Christianum iactat ? Surge contra illum Crates , qui opes in mare mergere , quam ab illis in vitia mergi maluit. Tu atro , & ostro in vestibus gravis , & si pretium spectro non pileos , sed arces in vertice geris , quotidieque nova , ac novè ingeniosus in his nimis , stipes in cæteris , somnias. Surgent ergo viri non tantum Ninivitæ , sed & Romani , & Græci , & Persæ , & Tartari , & Turcæ , & Indi , tota denique Barbaria contra impios Catholicos. Sed dum de Ethnicis sermonē instituo , ecce tibi assurgunt Catholici electi , & contra Catholicos in reproborum classe constitutos , debacchantur. Quales hic audiuntur innocentium contra nocentes querelæ ? Hinc apparent viduæ , pupilli , orphani , clientes , serui , ancillæ , afflicti , cæsi , trucidati , & luculentis affecti iniurijs : Inde impij heri , iniqui iudices , crudeles exactores , tyranni , prædones , homi-

homicidæ , pijratæ , & id genus vultures , leones , harpijæ. Discutiuntur iam causæ , quæ à tot sæculis abditæ latuerunt : concutiunt Iudicis tribunal lamenta viduarum , gemitus oppressorum , pauperum lachrymæ , fletus orphanorum , vulnera occisorum , sanguis martyrum. Illic modo è latebris in lugem prodeunt omnes iniquorum aduocatorum strophæ , & technæ , quæstiones eorum , qui aliquando pro decem obolis in vincula coniecti sunt. Quibus pro aliquot teruncijs dictus est dies ; qui pro leviori verbo graviter percussi sunt in maxillam. Tunc Deum habebunt patronum , quem hic videbantur habere adversarium ; tunc potentes potentior se sustinebunt. Tunc retundentur dentes eorum , quibus calamitosos momorderunt ; ungues quibus laceraverunt ; calces quibus percusserunt , rictus canini quibus infilierunt frendentes , hirsuta capita , quibus terruerunt , & omnia cornua , quibus impulerunt , ventilaverunt , & quasi comminuerunt.

runt. Post hos omnes tandem accedet sæuissimus omnium accusator, qui per excellentiam vocatur accusator fratrum suorum, cacodæmon, qui multo acrius quam unquam Tullius vel Clodium, vel Verrem, vel Catilinam, vel Antonium accusabit. Hic teste D. Augustino præsto erit, & recitabit verba professionis nostræ, & obyciet nobis in faciem quidquid fecimus, & quidquid peccavimus, & quo loco, & quidquid facere debuimus. Audite hic eius orationem omni iambo, & satijra acerbiozem, Augustini verbis contextam. *Æquissime Iudex, inquiet, iudica. Iudiciū & Iustitia preparatio sedis tuæ. Iudica meum esse, qui tuus esse noluit, meus est, mecum damnandus est, post renuntiationem, ut quid invasit pannos meos? Quid apud ipsum impudicitia faciebat, cui ipse renuntiaverat? Quid intemperantia? Quid avaritia? Quid ira? Quid superbia? Quid cætera mea? Postremo fugientem à me, confugientem ad te postea, cum meis, quibus*

Orat.
contra
Iudeos &
Pagan
F.6.c.
Psal. 88.
5.

bus renunciaverat apprehendi, in vasorem detinui. In ipsa quodammodo mea possessione à me apprehensus est. Quid enim in circo faciebat, atque ibi furias, lites, insanas voces, inanesque victorias miscebat, cum iam à se alienus sibi met videbatur? Quid in theatro faciebat renuntiator turpium voluptatum? Quid in amphitheatro crudelitates savae oculis suis intuenso? Hac omnia mea post renuntiationem invasit, meus esse voluit, & mea concupivit. Iudica, iudica aequissime, quia quem tu non dedignatus es tanto pretio liberare, ipse mihi se postmodum voluit obligare. Non potes non sententiam contra hos perfidos pronuntiare, eosque mihi adiudicare. Mei enim semper fuerunt, & in omnibus voluntati meae satisfecerunt. Tui erant, quia tu eos creaveras ad imaginem, & similitudinem tuam; perditos quoque proprio tuo sanguine redemeras; sed obedientiam, quam tibi debebant, excusserunt, & mihi per omnia parverunt: mandata tua pravaricati sunt, & mea semper observaverunt: spiritu meo vixerunt; opera mea imitati sunt, vias meas ambulaverunt.

Vide

*Vide itaque Aequissime, quanto potius
ius meum in illos sit, quam tuum. Ni-
hil illis dedi, nihil illis pollicitus sum,
corpus meum pro illis non pependit, &
tamen meis praeceptis per omnia non tuis
parverunt. Si mandarem illis, ut iura-
rent, peierarent, furarentur, occide-
rent, adulterium committerent, &
nomen tuum abnegarent, omnia hac ani-
mo promptissimo fecerunt; pro te au-
tem, qui Deus, & Creator, & Re-
demptor eorum es, qui largitus illis
eras opes, vitam, salutem, qui &
gratiam illis offerebas, & gloriam pro-
mittebas, & qui super hac omnia pas-
sus eras in cruce, ne minimum quidem
pro his omnibus periculum adire volue-
runt. Quoties tu ad ostia eorum venisti
ulcerosus, nudus, pauper, atque fame-
licus; Illi tamen magis solliciti fuerant,
quomodo canes, & equos saturarent,
quam ut tibi stipem darent; magis quo-
modo adium suarum parietes serico, &
auro induerunt, quam ut te detrita
veste cooperirent. Iustum igitur est, ut
vel semel tantæ Maiestatis tuæ iniuri-
am, & contemptum ulciscaris. Hæc
erit amarulenta illa dæmonum ac-
cusa-*

cusatio. Ea omnia dicta à me , dicentur olim , sed alio longe tono, in magino illo foro.

OBSERVATIO MORALIS.

Specul.

Exemp.

V. Poenit.

Supereſt , ne nobis exprobetur à viris Ninivitis , quod pænitentiam non egerimus , iam dum licet agamus , ne pœnitentiam nos non egiffe , dum animam agemus , nos pœniteat. Vti contigiffe fœneratori cuidam ſcribit Ioannes Agrinus Epif. & Cardinalis. Hunc quoties ſanum valentemque adhortatus eſt ſacerdos , ut ad certum , ac ſecurum ſe reciperet pœnitentiæ aſijlum , ſemper cum faſtidientis quadam ſtomachi nauſea regeſſit ; huic negotio ſuum adhuc ſupereſſe tempus , nondum ſupremum ſibi illuxiſſe diem , neque ſolem in proximo minari occaſum ultimum. Paulatim tamen adreſſit non ſuſpecta , letalis ægritudo , aditumque ſtravit ſecuturæ morti. Iamque iterum monetur à Sacerdote æger , periculum ne contemnere velit , hoc ſaltem

tem prehensus rerum articulo, pœniteret scelerum, perque urfurpata Ecclesiæ Sacramenta laboraret pro impetrandâ Numinis gratiâ. Sed & ille cantilenam suam rursus cantare, & consuetum illud repetere cœpit, nondum omnes effluxisse horas, diesque; amplexaturum se pœnitentiam quo tempore opportunissimum videbitur. Tandem cum sensim & valetudo incretceret, & fata propius accederent, & fortius instaret sacerdos, subito ille magnis vocibus lamentabiliter inclamavit. *O pœnitentia ubi es? de cætero pœnitere non valeo, hoc iudicante iusto Iudice, quia facere pœnitentiam dum potui, nolui.* Ita infelicissimus sine resipiscencia, & testimonio dolentis animi super peccatis, æternum perijt. Adeste vos hic, qui cum pigro vultis, & non vultis, quando monemini de exacta conscientiæ culturâ; quorum tota voluntas ad resipiscendum est marcida, eneruis, elumbis. Mihi credite, nascentur denique nova vobis desideria, utinam non & fatua, quibus prior segnities vestra plectatur. Clamabitis olim

CAPVT. VII.

Pronuntiatur faustissima in electos sententia.

ANtequam proferamus in medium fortunatissimam illam sententiam, qua electi æterno præmio afficientur, & corona gloriæ immarcescibili redimiantur, quæri hic posset cur prius ferenda sit sententia illa optatissima, in electos, quam altera illa infaustissima in reprobos? Cur prius beati admittendi sunt in Regnum, quam impij detrudendi ad carcerem? Spectat hoc ad Divinam Iustitiam manifestandam, ut cum mali viderint bonos coronatos, non minus de aliena gloria, quam de sua crucientur miseria. Et hanc rationem adfert D. Bernardus. *Prius benedicti vocabuntur in regnum, quam maledicti in caminum deijciuntur ignis æterni: quo videlicet acrius doleant, videntes quid amiserint.* Neque solum dolebunt

*Bern. 8.
in Psal.
90.*

bunt mali cum beatos viderint, sed etiam cum ab illis videbuntur. Irrideri se ab illis, quos antea irriferant; iniquissime ferent; suam miseriam videri ab illis, quibus ipsi antea suam gloriam obijciebant, ægerrimè sustinebunt. esse ludibrio, quibus antea erant spectaculo, molestissime patientur. Ita tamen Divina Providentia disponet, ut mali videant iustos, & à iustis videantur, quo acerbius crucientur. Sic enim Deus ad quemlibet beatorum. *Oculis tuis considerabis, & retributionem peccatorum videbis. Ut* Psal. 90
cum peccatores senserint suam miseriam prodi, & beatorum oculis ingeri, acrius torqueantur. Itaque ex comparatione cum aliena gloria, dolor de propria miseria incredibiliter augebitur. Sed modo ad beatissimam beatiss omnibus sententiã, quia illi ad gloriã festinant, properemus. Singulorum causis accuratè examinatis, evictaque manifeste veritate Iudex jo ad matrem electorum omnium Reginam, deinde ad reliquos electos vultu iucundissimo, & amabili aspectu conversus, in conspectu reproborum
I 2 ingenti

Psal. 67.
34.

ingenti dolore animi frementium, serena facie, suavissimeque blandiente eos alloquetur, eâ voce, quæ facile ab omnibus circum populis exaudiatur. Poterit enim efficere, ut vocis suæ sonus quousque voluerit, pertingat, cum tubarum sonos ad imum usque tartarum, cælumque empyreum produxerit. Quod David significasse videtur: *Ecce dabit voci suæ vocem virtutis.* Sed priusquam verba illa expectatissima Iudicis proferamus, hic enucleandum, quo idiomate Christus sententiam tam in iustos, quam reprobos pronuntiabit, latino, an Græco, an Hebraico. Tradunt doctores Theologi Syriaca illum lingua, qua usus est, dum inter mortales ageret clara, sensibilibusque id voce prolaturum. Sic ergo Christus prius mente, quam voce eos alloquetur. O electi, ego oculis misericordiæ, quam diu fui, vos aspexi, & charitate æterna dilexi, ego ex infinita mea bonitate segregavi vos à reprobis, & inter amicos hæredes, & fratres elegi. Propter vos, & vestram salutem descendi de cælo, & incarna-

incarnatus sum. Ut vos regnaretis
mecum in cælo, exulavi ego in mun-
do. Non mihi satis fuit vobis dedisse
carnem in cibum, sanguinem in po-
tum, animam in pretium; superest
ut iam tradam regnum meum in
præmium. Eia igitur *Venite benedicti*
Patris mei possidete paratum vobis regnum
à constitutione mundi. Proh Deus im-
mortalis quod incrementum gaudij
in corda omnium electorum infun-
det illa tam amabilis, tam beata vox,
omnibus divitijs ac thesauris, om-
nibus huius vitæ molestijs, ærum-
nisque comparanda. Vox quæ illis
omnes cæli portas patefaciet ad
triumphum. Triumphum plane ad-
mirabilem tot amicorum Dei, tot
hæredum nobilissimi regni, tot for-
tissimorum bellatorum, à quibus
toties devictus est dæmon, calca-
tus mundi fastus, edomita caro,
contempta mors, & formidabilio-
res morte cruciatus. *Venite de te-
nebris ad lucem, de servitute ad
libertatem filiorum Dei, de bello
ad pacem, de morte ad vitam, de
exilio ad patriam, de carcere ad*
I 3 regnum,

Mat. 25.

regnum , de agone ad triumphum ,
de mari ad portum , de Babylone
ad Ierusalem , de mundo ad cælum ,
de tempore ad æternitatem Pa-
thetice hoc verbum exaggerat S.
Hyppolitus , Tract. de consum-
matione sæculi in fine , descenden-
do ad singulos Sanctorum ordines.
Venite , ait , *Propheta propter nomen*
meum expulsi. Venite Patriarchæ , qui
ante adventum meum obtemperastis mi-
hi , regnumque meum desiderastis.
Venite Apostoli , mearum afflictionum
participes. Venite Martyres , qui cor-
fessi me coram tyrannis tormenta mul-
ta , atque supplicia pertulistis. Venite
Pontifices , qui pure mihi sacrificium
die nocteque obtulistis. Venite Sancti ,
qui in montibus , speluncis , & cauernis
terra exercuistis vos , qui per conti-
nentiam , preces , & virginitatem
serviistis nomini meo. Venite adolescen-
tule , quæ thalamum meum exoptastis ,
nec. prater me , sponsum alium dilexistis.
Venite qui dilexistis pauperes , & pe-
regrinos. Venite qui charitatem meam
scrvastis , sicut sum ego charitas. Veni-
te socij pacis , ego enim sum ipse pax.

Sic

Sic ipse. *Venite benedicti.* Quantis lætitijs incedent electi dum audient, illa verba dulciora super mel, & fauum. *Venite Benedicti.* O vox vere gaudy, & lætitiæ, vox victoriæ, & triumphi. O finis omnis defidery. O portus bonæ spei? Italiam, Italiam quondam clamabat Achates. At hi cælum, cælum clamant. *Venite*, ô lætitiâ! *Benedicti*; ô sanctitatem? *Patris mei*, ô divinitatem! *Possidete*, ô securitatem! *Regnum*, ô maiestatem! *Vobis paratum*; ô amorem! Ab origine mundi. ô vetustatem! Quæ causâ tantæ felicitatis? *Esuriui enim & dedistis* Matt. 25. *mibi manducare*; *sitiui, & dedistis mibi bibere*; *hospes eram, & collegistis me*; *nudus eram, & vestistis me*; *infirmus & in carcere eram, & visitastis me.* O remunerationem copiosissimam pro tam exiguo beneficio! ô beneficium immensum pro tam vili dono! ô donum inæstimabile pro tam modico obsequio! Tum demum electis admirantibus tantæ remunerationis magnitudinem, ac simul querentibus quomodo ea quæ

commemorata sunt præstiterint ,
respondebit. *Amen dico vobis , quon-
diu fecistis uni de his fratribus meis
minimis , mihi fecistis.* Non est ergo
contemnendus pauper , nec dese-
rendus , ne in eo deferatur Christus.
Comparentur ab alijs agri , & præ-
dia , ædificentur villæ , constru-
antur urbes , ut inde annui redditus
referantur ; alij negotientur ; alij
manibus laborent , alij militent ,
alij navigent , alij alijs artibus in-
dulgeant , ut pecuniam acquirant.
Vis tu omnibus ijs minus fatigari ,
& plus acquirere ? Opera exerce
pietatis , & misericordiæ. Modicum
est quo pauper indiget , immensum
est quod largienti compensatur. Hic
mihi occurrit quod refertur de Cæ-
sare , proposito nostro peropportu-
num. Causam dicebat apud Iulium
Cæsarem miles unus veteranus , &
causâ premebatur. Itaque timens
ne causâ caderet , quid egit ? Red-
didit Cæsarem memorom cuiusdam
beneficij , quod illi in extrema ne-
cessitate contulerat. Meministi ,
ait , Imperator , sub quadam ar-
bore

bore umbram non spargente , cum velles residere ferventissimo sole , & esset asperrimus locus , quomodo ex commilitonibus unus , penulam suam substraverit ? Memini , ait Cæsar , & quidem siti confectus , quia impeditus ire ad fontem proximum , non poteram , nisi commilito ; homo fortis , & strenuus aquam mihi in galea attulisset. Potest ergo (ait miles) ô Imperator agnoscere illum hominem , aut illam galeam ? Respondit Cæsar , non posse galeam se noscere , hominem posse ; & adiecit. Tu utique ille non es. Merito , ait alter , me non agnoscis Cæsar : nam cum hoc factum est , integer eram. Postea ad Mundam in acie oculus mihi effossus est. Nec galeam istam si videres , agnosceres : macharâ enim Hispanicâ divisa est. Quæ cum audiret Cæsar , mox vetuit illi exhiberi negotium , & agellos de quibus lis erat , militi suo donavit. Longe maior quam Cæsar in hunc suum commilitonem , erit Christi in suos amicos , qui ei obsequium

aliquod præstiterunt , munificentia ,
 & benignitas. Quandoquidem
 quidquid exhibetur officij pauperi ,
 fiat pauperum patrono Christo , po-
 terit quivis in pauperes officiosus ,
 & clemens dicere Christo , quod
 miles ille Cæsari. Meministi ô Do-
 mini , quomodo , cum sub frigido
 Iove , sæviante brumâ seminudus
 algeres , & tremulo corpore pul-
 fares ad ostium meum , te in ædes
 exceperim , & nudum cooperue-
 rim ? Meministi quomodo cum ine-
 dia exhaustus , & fame pallidus
 frustum panis emendicares , sic esu-
 rienti mensam straverim , ibique
 manducaveris ? Ostendet profectò
 se memorem esse , quando coram
 toto mundo tua misericordiæ ope-
 ra deprædicabit , dicens ; *Venite be-
 nedicti. Esuriui enim , & dedistis mihi
 manducare. &c.*

OBSERVATIO MORALIS.

Omniū mentes anhelant , omni-
 um aures expetunt percipere ex ore
 Iudicis illa verba. *Venite benedicti.*

Quid

Quid præsidij ad percipiendam illam vocem, *Venite?* Paucis suggeram. Iam vox Christi sonat ad omnes omnium gentium homines. *Venite ad me omnes, qui laboratis & onerati estis, & ego reficiam vos.* Ad quosdam etiam clamat, quod olim ad Petrum, & Andream, *Venite post me, & faciam vos fieri piscatoreshominum.* Iam etiam hac hora, hoc momento, Christus clamat ad vos. *Venite ad me omnes.* Tu iuris doctor, veni ad me per semitam æquitatis, & iustitiæ: tu Medice, veni ad me per opera Charitatis in ægros pauperes exhibita: tu Advocate, veni ad me per exercitia pietatis in viduas & orphanos expensa: tu paterfamilias, veni ad me per vitæ bonæ exempla domesticis præstita. Tu Nobilis, veni ad me per eleemosynas in pauperes erogatas: tu Iuuenis, veni ad me per castitatem corporis, & puritatem animi. Cur tam pauci audiunt verba Christi clamantis, *Venite ad me?* Quia mundus altiori tono clamat ex opposito. *venite, & fruamur bonis quæ sunt, & utamur creatura tanquam in iuventute celeriter.*

Mat. XI.

Mat. 4.
16.

Sap. 2. 6.

1er.

Martyro.
leg. Rom.
num. 2.
Februar.

ter. Vinopratioſo, & unguentis nos impleamus. Illa vox magis titillat aures, hinc clauſæ ſunt Chriſto clamanti; *Venite ad me.* Quiſquis ergò ambit audire; *Venite benediſti* in die juſtitiaë, audiat nunc vocem Chriſti: *Venite ad me omnes*, in die miſericordiaë. Pulchrum eſt quod refertur de S. Apro- niano: hic cum adhuc gentilis eſſet, & S. Siſinium è carcere educeret vt Læodicio repræſentaret, vocemque è cælo factam audiret, *Venite benediſti Patris mei, percipite regnum quod vobis paratum eſt à conſtitutione mundi*, credens, baptizatus eſt, & poſtea in confeſſione Domini finem vitæ capitali ſententia accepit. Utinam, & nos ſpe audiendæ illius vocis, *Venite*, convertamur à via lata, & ſpatioſa ad arctam, & anguſtam, vt hac via venientes poſt Chriſtum, audiamus à Chriſto *Venite benediſti.*

CAPUT VIII.

Fulminatur decretoria in improbos sententia.

NOn sine ingenti horrore animi, ac membrorum omnium concussione, ac artuum trepitatione, accedo ad illam luctuosissimam, & omni tragædia funestiores Divinæ Iustitiæ catastrophes, quam cum immenso quodam totius vniuersi stupore, ac pauore in valle Iosaphat Iudex exhibebit. Cum iam ab æquissimo Iudice, iucundissimâ voce prolata fuerit ad electos optatissima illa sententia, qua una, mox perfruentur æterna gloria, freudentibus interim præ invidia, & livore, iracundia, & furore, desperatione & mœrore impijs, illico Iudex, omnes iracundiæ, furoris, indignationis, & Iustitiæ vires convocabit, vt eas exerat, & simul ac semel in perduelles sibi inimicos, & capitales hostes effundat. Itaque Christus ad reprobos
humi

humi iacentes, & præ metu in solo palpitantes, iratum, ac plenum indignatione vultum convertet, qualem describit Isaias, qui sibi videre videbatur venientem de longinquo Dominum scintillantibus oculis, & toto ore emicantibus flammis, horribiliorem quam vt sustineri, aut expectari posset, sono vocis incitato, ac frementi, vtpote qui vindictam anhelet, & linguam eius quasi flammam ignis, qui cuncta populetur, & voret. Pergit propheta, & comparat spiritum siue halitum ex pectore eius effusum torrenti vehementi, atque præcipiti, qui ad medium usque collum hominum intumuit, ideoque ad resistendum impotentes secum trahit ac perdit. Denique intentaturum, ait, hostibus suis horribile brachium ad inferendam plagam, quam iam pridem fuerat comminatus, & flammam devorantem, quam ore gestare videbatur, quæ turbinis instar, aut lapidosæ grandinis, inimicos suos humi allidet, atque prosternet. Itaque severa oratione primò illorū scelera, & ingrati-

tudi-

tudinem sic exprobat. O natio perversa, ô gemina viperarum, ô impia capita, quomodo omnium beneficiorum, totque fauorum quos in vos contuli immemores, in me tam ingrati, perfidi, impij fuistis? *Quid* *Isa. s.* *potui facere vobis, & non feci?* Propter vos, & propter vestram salutem incarnatus, vestram naturam indui, vt in ea vos perditos quærerem, & seruirem, famem & sitim pertuli, vt vos cælesti cibo, & potu reficerem: laboravi, & sudaui vt ab humeris vestris molestum, & grave peccatorum onustollerem: proditus fui, vt salvarem, apprehensus vt liberarem: vinctus vt solverem; flagellatus, vt flagella iræ Patris mei à vobis auerterem. *Quid potui facere vobis, & non feci?* Spinis aculeatis coronatus fui, vt vos cælesti gloria coronarem, vulneratus vt sanarem, sanguinem fudi, vt lavarem, brachia in cruce expandi, vt amplecterer; manus aperui, vt benedicerẽ, mortuus fui vt vitã vobis conferrẽ; à mortuis denique resurrexi, vt certum vobis resurrectionis vestræ pignus donarem.

Quid

Quid potui facere vobis, & non feci? Ingrati extitistis passioni meæ, tormenta mea contempsistis, Sacramenta sprouistis, sanguinem meum conculcastis. Tunc detonabit in illos terribilia illa verba Ezechielis:

Ezech. 7. Nunc ergo finis super te & immittam furorem meum in te, & iudicabo te iuxta vias tuas, & ponam contra te omnes abominaciones tuas. Nunc depropinquo effundam iram meam super te, & complebo furorem meum in te &c. & scietis, quia ego Dominus percutiens. Et nequid deficit illis poenitentia, doloris, indignationis, desperationis, extollet felicissimam qua ipsi exciderunt, iustorum sortem, & miserrimam, quam ipsi mox subibunt conditionem, verbis illis Isaia.

Isa. 65.

Ecce servi mei comedent, & vos esurietis, ecce servi mei bibent, & vos sitietis: ecce servi mei latabuntur, & vos confundemini: ecce servi mei laudabunt præ exultatione cordis, & vos clamabitis præ dolore cordis, & præ contritione spiritus ululabitis. His dictis excitatus tanquam dormiens Dominus, tanquam potens, crapulatus à vino ut loquitur David, evo-
met

*psal. 77.
65.*

met totam suam rabiem , effunder
omnes thesauros furoris sui , quos
iam inde ab initio mundi per tot
sæcula coaceruavit , & sicut par-
turiens loquetur , vociferabitur ,
& clamabit pronuntians dirempto-
riam , ac fulminatricem senten-
tiam , ad quam tinnient ambæ au-
res omnium reproborum , Hæc est
illa vox quam ipse Iob , qui licet Iob. 35.
adversus omnia adversa esset rupes,
horrebat , dicens : *Super hoc expa-
vit cor meum , & emoliturum est de loco
suo , audiet auditionem in terrore vo-
cis , & sonum de ore eius procedentem ;
post eum rugiet sonitus , tonabit voce
magnitudinis sue , tonabit Deus in voce
sua mirabiliter.* De hac voce loquitur
David. *Vox tonitrui in rota.* Hæc vox Psalm. 76.
instar rotæ voluet reprobos de pœ-
nis in pœnas, instar rotæ semper à fu-
rente vento agitata, & hoc in sæcula
sæculorum. Erit vox ultima Christi,
sed erit vox omni turbine violentior,
omni tuba clarior , omni elegia tri-
stior , omni rota concitator , om-
ni fulmine terribilior , omni toni-
tru formidabilior. Audite , & hor-
K rete.

rete. Sed quomodo poterit illa sententia ab homine mortali enuntiarī , si ad solam eius memoriam sanguis congeletur , & membra obri- gescant ? O cæli subsistite ! ó terra concutere ; ó mare expauesce ? Hic detonet àër ; hic stellæ de cælo cadant ; hic rupes , petrae , saxa diffringantur ; hic herbæ , plantæ , & arbores exarescant : hic ululent animalia , hic rugiant leones , hic omnes creaturæ tristem , ac lugubrem sonum edant , ac miserorum sorti ah nimis deplorandæ compati- antur. O vox mea tremula , ingredere , & resona per aulas Regum , per palatia Cæsarum , per consistoria Cardinalum , per parlamenta Præsidum , per curias Senatorum , per Academias Doctorum , per delubra Sacerdotum , per musæa aduocatorum , per tribuna- lia Iudicium , per domos mercatorum , per cubilia coniugatorum , per officinas opificum , ut ad sonitum huius vocis , ipsis præ timore capilli erigantur , membra contremiscant , expallescant ora , exhorrescant

horrescant animi. Sed ecce glomerat metundos gressus per flammeas nubes Dominus exercituum, leo rugit, quis non expavescet? Aperit os suum ut tonet. *Discedite à me maledicti in ignem aeternum.* Actum est, conclamatum, desperatum; quia sententia est immutabilis, decretum irrevocabile. *Discedite, ó verbum amarum! A me, ó calamitas! Maledicti, ó, infelicitas! In ignem, ó poenam, aeternam! Ó duratio! Qui paratus est diabolo, & angelis eius.* O horror! ó dolor! ò pudor! *Discedite, ó infelix discessio! Maledicti, ò dira reprobatio! In ignem, ó dolorem! Aeternum, ó sæva punitio! Qui paratus est, ó præparatio ingrata! Diabolo, ó monstrum! & angelis eius, ó incomparabilis afflictio!* Singula verba sententiæ huius immensi cuiusdam doloris ac pænæ augmentum complectuntur. Nos modo dum licet, singula expendamus, ne illa aliquando inviti audiamus. *Discedite, poenam damni continet; Maledicti, poenam iniuriarum; In ignem, pæ-*

nam sensus ; *æternum* , pœnam desperationis. *Qui paratus est diabolo* , pœnam aspectus dæmonum. *Et angelis eius.* pœnam pessimæ societatis. Singula fusius exponam , vos xeposita accurrate expendite. *Discedite à me* , qui Deus vester sum , primum principium , & finis vester ultimus. *Discedite* ab amicitia mea , protectione , regno , cælo , essentia meæ visione , & à perenni æternarum deliciarum fonte. *Discedite* à suauissimo sanctissimæ Matris meæ contubernio , ab omnibus electis , ab Angelorum Hierarchijs , ab Apostolis , Martyribus , Confessoribus , Virginibus. Proh quantus est homini opulento dolor , qui plurimorum floret amicitia , si à Patriæ conspectu , à parentum complexu , ab amicorum consortio , à familiarium suauissimo contubernio ; segregari , & patriam sedem cum exilio commutare cogatur. Audite quid de suo exilio scribat Æschines. *Cum in mentem venit non tantum amicorum , quos istic habeo , sed & cognatorum , & concionis , & colloquiorum,*

Epist. 5.

rum , quæ ibi tecum & cum Philino habuimus , sanguis omnis in alium viscerum locum refluit. Deus immortalis, si sanguis è venis in viscera illi reflu-
erit ob exilium à Patria , segregationem ab amicis : quis dolor erit impys à Patria cælesti ad quam ius habebant ratione Baptismatis , id-
que non ad breve tempus , sed in æternum proscribi ? Ah quam mul-
ti ex ijs , qui ad sinistram consistent videbunt parentes , amicos , fra-
tres , sorores , & sibi olim famili-
ares à dextris Iudicis stare , seque ab eorum amplexu in omnem æter-
nitatem divelli. Quam multi ex il-
lis , qui unius , eiusdemque urbis ,
unius domus , unius familiæ , unius
professionis , quid dico ? unius
tecti consortes extiterunt ; se ab
invicem separari , uno ad dextram
inter electos , altero ad sinistram
inter reprobos manente , dolebunt !
Separari ergo à conspectu Dei , est
plane quæ timeri possunt terribi-
lium omnium terribilissimum. Nam
sicut ait Philosophus *oppositorum eadem
est disciplina : cum in cælo , teste Au-*

gustino, *visio est tota merces*, erit quoque in Inferno privatio visionis, tota pœna ; id est omnium pœnarum gravissima. Ingens igitur supplicium est illud, quod Iudex in hac sententia damnatis infligit. *Discedite à me*, convertamus iam sermonem ad secundum supplicium, *Maledicti*. Ex illo momento tota æternitate, omni ex parte erunt maledicti : Maledicti in anima, maledicti in corpore, maledicti in memoria, maledicti in intellectu, maledicti in voluntate, maledicti in oculis, auribus, pedibus, manibus, odoratu, gustu, & tactu ; maledicti super terram, maledicti sub terra, maledicti in tempore, maledicti in æternitate. De Esau refertur, horrendū infremuit, & rugiit cū à Iacobo fratre sibi esset erepta paterna benedictio. *Auditis Esau sermonibus Patris, irrugit clamore magno, & consternatus ait, Benedic etiam & mihi pater mi.* Qualem rugitum per totum aëra emittent reprobi, cum videbunt se non tantum privari Patris sui benedictione, sed ab eodem æternum maledici, idque pro tam abiectis

Gen. 27.

34.

ectis reculis , pro momento voluptatis , pro puncto honoris , pro aura vanitatis , pro exiguo lucello , pro filiquis porcorum. Sequitur. *In ignem æternum.* In hoc , pæna sensus consistit. Itaque ablegabit illos vivos in ignem , non ad momentaneam exustionem , sed ad perpetuum cruciatum. Ignis enim ille ardebit , sed non consumet ; inflammabit , sed non in cinerem convertet ; cruciabit , sed non occidet ; immensum dolorem adferet , sed vitam non auferet ; non emittet splendorem , sed immittet horrorem ; non effundet lucem , sed caliginem ; non lucidam flammam , sed piceum fumum. Sed in immensum auget pænam ignis ; unica illa quæ sequitur vocula , *Æternum.* Hoc verbum erit verè fulmen quod attonabit aures , perstringet mentes , tremefaciet corpus , totumque hominem inexplicabili dolore perturbabit. Refert Benevenius. Medicus Florentinus quiddam , quod ipse suis met hausit oculis. Vidi ait duos homines , Patrem & filium , qui

Cap. 13.
de abdo-
ris.

cum subito fulmine è nubibus lapso afflati fuissent , eorum corpora reddita sunt adedè attonita , & stupida , ut septem diebus non potuerint comedere , bibere , nec se movere. Quod si illos ita attonuit commune fulmen , quod non poterat nisi corpus lædere , vel occidere , quid erit perstringi illo Iudicis fulmine , quod & corpus , & animam mittet in gehennam ignis ? Tandem colophon omnium pænarum erit , in fausta , tristis , horrida societas dæmonum. *Qui paratus est diabolo & Angelis eius.* Deus bone , quis horror , quis terror , quis metus erit perpetuo degere , ac conversari inter tam terribiles spirituum larvas ; aspicere tam horrenda monstra ante oculos semper obuersantia. Si magnum nobis terrorem incutit umbra defuncti alicuius apparens , ideoque formidamus nocturno illo in tenebrarum horrore sepulchra , & cœmeteria pertransire , aut cubiculum in quo defuncti alicuius cadaver iacet , sine lumine ingredi , ne forsan à spiritu eius terreamur ,
fi

si vero contingat cadaver vel minimum se movere , congeletur præ metu sanguis , vox faucibus hæreat , pili in vertice arrigantur præ trepidatione ; quis terror , quis tremor ille erit damnatis , cum undique in illa spissa horribilium tenebrarum caligine , qua involuntur , innumera multitudine malignorum spirituum , larvarum turpissimarum , atque horribilium dæmonum , assumptis vel ex àere , vel ex illa orci caligine , vel aliunde corporibus , varias formas induentium , ac sua monstrositate terrentium , circumdatos se esse conspexerint ! Pronuntiata hâc infaustissima sententia , ut videbunt miseri spem omnem sibi ereptam ullius , vel minimi solaty , æternumque de sua salute desperatum ; tunc ipsi horrendis ululatibus , ac boatu terribili cælum , terramque replebunt. Tunc ponent in cælum os suum , & immanes blasphemias in Deum evoment. Tunc maledicent diei , & horæ qua nati sunt , parentibus qui eos genuerunt , uberibus quæ eos

K 5

lacta-

lactaverunt , àeri quo spirarunt ,
terræ quam calcarunt , & videntes
se tota æternitate fore miseros , om-
ni iam spe destituti , tanquam fu-
rentes leones irrugient horrendum ,
ut rabidi canes ululabunt , ut des-
perati totos se dedent lachrymis , &
lamentis , atque oculis in cælum ,
terramque , & omnes mundi par-
tes circumiectis , exclamabunt. O
cæli nobiscum plorate , & sempi-
ternos gemitus nostros fociate ! ô
elementa nostrarum miseriarum
commiseratione tangimini ! ô ignis
combure ! ô aqua submerge ! ô ter-
ra absorbe nos , ita ut prorsus ene-
cemur , conteramur , atque in ni-
hilum redigamur ! ô montes , &
colles cadite super nos , necem no-
bis inferte , atque sub vestris ruinis
æternum sepelite. Hæc omnia , &
his infinities grauiora venient super
vos , nisi pænitentiam egeritis.

OBSERVATIO MORALIS.

Vtinam vos Iudices dum iam è tri-
bunali estis prolaturi in reos senten-
tiam,

tiam, vos Advocati dum iam in foro
 dirimetis pupilli, aut orphani litem,
 vos nobiles dum ob minimam iniuri-
 am descenditis in arenā certaturi du-
 ello, vos iuvenes dum noctu in cu-
 bilibus consensuri titillationi car-
 nis, peccare decernitis, utinam tum
 mentibus vestris occurrerent, auri-
 bus insonarent illa terrifica verba,
Discedite a me. Discedite, ah dum co-
 gito, exalbescō. *A me*, palleſco. *Ma-*
ledicti, horrent comæ. *In ignem eter-*
num, voce destituor. *Qui paratus est*,
 contremisco. *Diabolo*, palpitāt cor.
 Et *Angelis eius*, præ metu ac formi-
 dine emorior. Vere, *Horrendum est*
incidere in manus Dei viventis.

Hebr. 10,
31.

C A P V T IX.

*Vtriusque sententiæ executio, &
 omnis temporis consummatio.*

Post citationem cunctorum, &
 citatorum congregationem, post
 disceptationem accuratam, & dis-
 cussionem exactam omnium meri-
 torum,

torum , post prolatam sententiam iuxta cuiusque merita , iam unum tantum superest , ipsa utriusque sententiæ executio. Non enim existimandum est quod in illa summi Regis curia fiat , sicut in quibusdam Conciliorum , aut Principum curijs : in quibus aut veritas causæ non inquiritur , aut inquisita taceatur , aut sub pecuniæ acervo sepelitur , aut sententia non profertur , aut saltem Iudicibus auro corruptis , in tempus diuturnum differtur. Sed lata sententia statim fiet executio : nam cum Iudex sit omnipotens , sermo eius est efficax ; non est qui ei vel se opponendo resistat , vel loquendo contradicat. Vnde dicitur à Matthæo. Statim ut utramque sententiam Iudex pronuntiaverit. *Et hi ibunt in supplicium &c.* Sententia vero executioni mandabitur eo modo atque ordine , quo fuerit pronuntiata , id est , sicut prius dicet Christus ad electos , *Venite* , quam ad reprobos , *Discedite* , ita prius electi admittentur in gaudium Domini , quam reprobi rapiantur ad

Mat. 25

ad pœnas tartari. Vt impleatur illud
 Psalmographi , *Peccator videbit , & psal. 115.*
irascetur , dentibus suis fremet & ta- 10.
bescet , desiderium peccatorum peribit.
 Proh Deus immortalis , qualis erit
 illa pompa , quod spectaculum ,
 quando tot cœli Principes , tot filij
 Dei cum Rege suo triumphantes
 per aëra efferentur in curru aureo,
 in veste regia , in dotibus gloriosi
 corporis , in splendore mirabili ,
 pulchritudine infatiabili , lætitia in-
 finita. Quam decoræ manus , victri-
 ces palmas circumferentes , & lau-
 reas immortalis viriditate rutilantes.
 Quam illustre caput cinctum coro-
 na mille carbunculis , & pyropis
 late fulgurante ! Auribus autem
 quid potest iucundius accidere , illa
 harmonia quæ ex novem choris
 musicorum cœlestium efflorescet ,
 canticum illud Apocalijpticum læta
 voce integrantium ; *Benedictio , &*
claritas , & sapientia , & gratiarum Apoc. 7.
actio , honor , & virtus & fortitudo 12.
Deo nostro in sæcula sæculorum , amen.
 Quibus homines vicissim responde-
 bunt : *Redemisti nos Deo in sanguine*
tuo

tuo ex omni tribu , & lingua ; & populo , & natione , & fecisti nos Deo nostro regnum , & sacerdotes , & regnabimus super terram. Proh qualis hic ascensus ! qui cursus ! qui clamores ! quæ colloquia ! Quæ congratulationes ! Quæ Angelorum , & hominum acclamations ! Qui virginum lætissimus aspectus ! Qui vatum , & Patriarcharum intuitus ! Qui ingressus ! qui cælestium Spirituum plausus ! quam late patens ciuitas ! Quæ beatæ sedes ! quæ secura & clara domicilia ! quam tranquilla possessio ! quæ secretorum communicatio ! quæ gratia nunquam peritura ! quæ visio ! quæ voluptas ! quæ gloria semper & in æternum , & in sæculum sæculi , & ultra permansura ! Hic erit lætissimæ quam divina Misericordia peraget , comedix epilogus. Clamat iam Divina misericordia , claudite cortinas , scena peracta mea est. Mox Divina Iustitia flammeo vultu terribilis tragædiæ suæ catastrophæ peractura , accedet ad reprobos. Quando iam videbunt illi
 int-

intraſſe electos cælum , clauſam
 eius ianuam , accurrentes dæmo-
 nes , terram paulatim diſcedere;
 Proh quis tunc erit planctus , quis
 clamor , quis flebilis ululatus inter
 illos audietur : quam miſerabile
 ſpectaculum illud erit, cum & pecto-
 ra pugnis , & ora unguibus ſædan-
 tes incedent ? laniabunt capillos,
 percutient ſamora , complodent
 palmas , compriment digitos , to-
 tis artubus contremiſcent , omni-
 bus membris trepidabunt : alij in
 terram proni corruent, alij horrore
 attoniti rige bunt ; alij liſmphatico
 pauore acti, huc, illuc velut amentes
 diſcurrent , ora pallor , corda do-
 lor , mentem ſtupor , membra tre-
 mor , languorque occupabunt ; at-
 que interea inceſſabilis immugiet
 gemitus , perſonabit planctus , ob-
 ſtrepet eiulantium numquam mæ-
 ſtior auditus clamor. Ad hæc etiam
 iuſtorum gloriam videntes , turba-
 buntur timore horribili, ſtupebunt,
 ac dicent : *Hi ſunt quos habuimus ali-* ſap. 5.
quando in deriſum , & in ſimilitudi-
nem improperij. Nos inſenſati vitam
illorum

illorum aestimabamus insatiam, & finem illorum sine honore: Ecce quomodo computati sunt inter filios Dei, & inter Sanctos sors illorum est. At nos ubi decidimus? Quo perduxere nos concupiscentiæ nostræ, delitiæ molles? lauta convivia? obsecræ libidines, avaræ opes; blandi sopores, ignava otia, ioci, risus, luxus, luxuria, voluptas? Illa ocijssime desiere, & successit nunquam desitura calamitas. Cur concepti fuimus? Aut cur conceptos non est abortiva mater? vel cur non statim natos abolevit mors? vel adultos oppressit valetudo, vel dispoliavit, & in servitutem captivos abduxit hostis? O quam brevi labore quam magnam potuimus adipisci beatitudinem? Et ecce pro quam modica voluptate in quam immensas incidimus ærumnas. Hic ijs misere lamentantibus aderit repente ignis ille, qui mira celeritate mundo intulerat vastitatem, qui promotus usque ad damnatam turbam incendio, in eam furibundus involabit, & undique circumplectetur, iuxta illud. Ignis

Psal. 96. 3. ante

ante ipsum præcedet, & inflammabit in circuitu inimicos eius. Tum repente terra latissimo hiatu ad inferos usque sub pedibus eorum sese aperiet, & dissiliet, sive uno in loco, sive, quod credibilius est, in pluribus statimque infelix hæc turba, flammis dæmonibusque insultantibus circumfusa, præcipiti ruina deuoluetur simul, in tartarum cum ijs sordibus quæ ex mundi deflagratione reliquæ erunt. Qui tum excitabuntur fragores, quam insani tumultus, quam horrendi clamores ex crepitantibus flammis, undique à disrupta multis in locis tellure, maximèque à confusa vociferatione pereuntium, qui cum dæmonibus confusi clamores edent, atque ulutatus, quibus tanquam ab ingenti tonitru cælum ipsum, tellusque circumsonabunt. Porro Divina virtute fiet, ut brevi tempore ad terminum perveniant: alioquin facile quatuor, aut quinque horis opus esset, ut naturali pondere tantum spatium absoluant, quod putatur esse minime mille leucarum. Simulatque ad terminum pervenerint,

L

terra

terra firmissimè se claudet, & in omnē æternitatem clausa manebit ; ita ut nullus damnatorum possit unquam exire, vel ad supera emergere. Itaque terra omnium reproborum colluvione devorata , totoque illo incendio, quod sola terrarum vastaverat, unam in faciem coibit , qualem ante istam discessionem ostentabat , & undique portas æterni illius carceris obferabit feris , vectibusque adamantinis , ne quando illi cælum, eiusque lumen videre possint , aut portam aliquam patentem viderent, spē aliquam possent concipere libertatis , aut misericordiæ, si forte horrendi eorum clamores ad beatorum usque aures pertingere posse putarentur.

OBSERVATIO MORALIS.

Hic finis erit omnis temporis , & initium æternitatis , nunquam terminandæ . Vt nos igitur cum fine mundi , finem imponamus huic funestissimo argumento , adfero hic quæ in concione de Iudicij die aliquando è pulpito dixit, disertissimus ille

ille iuxta ac pijsſſimus Divini verbi in Hispania præco, Ludovicus Granatensis: qui diſertis verbis aſſerebat certiffimum ſignum eſſe reprobationis non commoveri ad virtutem, vel amoveri a peccato, ultimi Iudicii commemoratione aut recordatione.

*Siquis, ait, ad hæc ipſa quæ dicimus (nimirum de die Iudicii) torpet ac languet, nihiloque magis afficitur, quam ſi hæc omnia ad illum minime pertinerent, vehentiſſimum hoc cæcitatæ, obdurationis, & reprobationis argumentum eſt, Quod quidem vel ex eo, ait, perſpici po- teſt, quod modo dum hæc ipſa tractamus, religioſa & pia mentes, quæ nil morte dignum admiferunt, trepidant, ſtupent, pallent, obmutescunt: perditæ vero homines, & omni ſcelere contaminati, quorum capitibus hæc tantorum malorum tempeſtas incumbit, non modo ſiccis oculis, ſed lapideis etiam cordibus, hæc ipſa quæ dicimus, audiunt. Sic ipſe. Quid enim poteſt horribilius ab homine timeri, quid terribilius ab Angelo fingi, quam excipere auribus illud formidabile tonitru *Discedite à me maledicti.**

Conc. 1.
Dom. 2.
Advent.



Perierunt propter iniquitatem. 163. 74

Qui hic se querit, æternum perit.

PROOEMIUM¹⁶⁵

DE INFERNO.

Homo vetus descendat cogitatione
ad Inferos, ut inde Novus ascen-
dat perfectione ad superos.

Quod fuit olim inclyti in purpura
Vatis seu vouentis desiderium, seu
monentis consilium, ut quibus est cu-
pido ascendere ad Superos, ubi desinent
vivere, descendant in infernum vi- *Psal. 54.*
uentes; hoc ipsum & meum est votum,
ut quotquot sunt per omnes omnium ter-
rarum regiones homines, descendant in
infernum viuentes, ne descendant mo- *Orat. ad*
rientes; ut loquitur D. Bernardus. *frat. de*
monte.
Descendant eò, dum adhuc sunt sine
morbo incolumes, ne descendant, dum
erunt sine vitâ exanimés. An forsân ti-
bi arduum dices, quin & inusitatum,
descendere? An tibi excidit Evangelica
illa parabola: Homo quidam descen- *Luc. 10.*
debat de Hierusalem in Iericho? *30.*
Illa parabola, de te est fabula, imò hi-
storia. Tu es homo ille. Non prius cœ-
pisti vivere, quàm descendere. In ipso,

si nescis , conceptus matris utero , iam inde descendisti de Ierusalem in Iericho. In peccatis enim concepit te mater tua. Quid est autem peccatum , nisi quidam descensus , videlicet à summo bono , ad summum malum ? Quoties peccatum committis , toties descendis. Nihil igitur tibi , si laborem spectes , est facilius ; si usum , familiarius , quàm descendere. Non sapias quæ sunt supra terram , si frequenti cogitatione descendas infra terram. Qui descendit , ipse est qui & ascendit supra omnes cælos. Obserua ordinem ne descendas illic , ubi nullus est ordo. Christus primò descendit ad inferos , deinde ascendit ad cælos. Si nolis aberrare à via celi , sequere eum , qui est via ad cælum. Si ambis ascensum ad Superos , priùs descende ad inferos. Contemplare illic summi mali ; summa mala & nihil tibi proclivius erit quàm declinare à malo , & facere bonum. Illa enim expendendo , fugies scelera , & effugies scelerum supplicia. Pigebit peccare , pudebit peccasse , dum horrebis pœnas , quæ manent peccantes. Hæc , ut olim Lovani j Iurisconsultis consulerem , magisque essent celestis quàm civilis

*Ephes. 4.
9.*

*Iob. 10.
22.*

civilis iuris periti , suggeſſi è ſuggeſtu ; ſed quia ſemel excepta auribus , facile excidunt mentibus , volui quæ dixi olim ad eos è cathedra , omnibus exhibere ſpectanda in tenui tabula ; non neſcius altiùs inherere ſapiùs lecta , quàm ſemel ab alijs audita , à me dicta . Itaque timor quem timebis , ea legendo non erit ad mortem , ſed ad vitam . Nam iuxta adagium , Qui pauet , cauet , atque adeò ſapè quod nocet , docet . Tu igitur ; ad ea quæ ſunt ſcripta , animum attende & nullus dubita , magno niſu ad Superos contendes .

L O C V S , E T S O C I E T A S .

INfernus eſt regio Mortis , regia Dæmonis , cuius porta eſt deſperatio , aula carcer , tapetes tenebræ , menſæ vincula , cibus fames , potus fitis , horologium ululatus , lecti ignes , ordo chaos confuſionis . Eſt tenebricoſum ergaſtulum æternis undique ſeris , clauſtris , repagulis , ca-

Serm. de
Region.

tenisque obseratum; cui supernè iræ Dei imminet sigillum. Ad hoc subterraneum spelæum cogitando descenderat mellifluus Doctor, qui ubi ea quæ geruntur, spectavit; quæ dicuntur, audivit; in hæc verba exclamavit. *O regio dura, & gravis! regio extimescenda, regio fugienda, terra obliuionis, terra afflictionis, terra miseriarum, in qua nullus ordo, sed sempiternus horror inhabitat! locus letifer, in quo ignis ardens, ubi frigus rigens, vermis immortalis, fætor intolerabilis, mallei percutientes, tenebræ palpabiles, horribiles demonum facies! Totus tremo, atque horreo ad memoriam istius regionis, & concussa sunt omnia ossa mea.* Pauciseiusdem loci conditionem perstrinxit Hugo à S. Victore, dum ait, locum esse, *ubi nulla spes boni, nullaque desperatio mali: ubi iurati Dei inimici omnibus quæ optare possunt bonis priuantur, omnibus quæ timere possunt malis cruciantur.*

Lib. 4. de
Ani. cap.
13.

Quis illo loco erit miserorum Princeps? quis Dominus? Is qui à foeditate, & truculentia dicitur Draco; à versutie, & calliditate Serpens: à nocen-

nocendi desiderio Leo rugiens : à magnitudine , & potentia Behemoth : ab ira magna Diabolus. Quos habebunt amicos ? Ne quidem vnum in tota rerum vniuersitate , sed singuli & damnati , & Beati , & Angeli , & dæmones , & homines , illos immenso quodam odio prosequuntur : erunt omnibus creaturis inuisi , exosi , execrabiles , abominabiles , tamquam ipsa abominatio. Quos , qualēsve socios habebunt ? Malitiā improbos , specie horribiles , conditione miseros , rabie furiosos , malevolentia obstinatos . Tu igitur si sapias , imo vt sapias , hæc loca , vbi nulli bono est locus , sæpè cogitando adeas : abdas te sub terra , & omnia tibi displicebunt , quæ sunt supra terram. Imitare illum in deserto Ascetam , de quo in vitis Patrum traditur : *Ego (in-* Lib 7.
quiebat ipse) ob peccata mea Inferno ad- cap. 44
iudicavi me ipsum , dicoque : Esto cum illis , quibus dignus es ; istis post modicum annumeraberis. Aspicio ibi stridentes dentibus , & salientes toto corpore , & trementes à capite usque ad pedes. Video & mare ignis bullientis , & circumfluentes,

& mugientes, ut putant aliqui, usque ad calos attingere fluctus ignis, & in tremendo illo mari innumerabiles homines deiectos, &c. O quàm vicinus es huic loco iam expresso ! Notum est illud Philosophi : Nauigantes tribus tantum digitis distare à morte. Non quantum distant nauigantes à morte, tantum distant viuentes à regione mortis. Auesnè, ô peccator, scire quantum distes ab Inferno ? tantum, ut si hoc momento vivere desinas, altero momento in orco ardere incipias. Totus infernus cum toto suo tormentorum apparatu, non distat à te nisi temporis puncto.

Si illuc timeas, cadendo descendere ; hîc caueas, superbiendo ascendere. Primus descendit ad tartarum, ille cælestium spirituum primas, cum diceret : *Ascendam super altitudinem nubium.* Hinc memor Angelicæ cladis, David exclamat : *Non veniat mihi pes superbiae ; & manus peccatoris non moveat me.* Ibi ceciderunt, qui operantur iniquitatem ; expulsi sunt, nec potuerunt stare. Quæ verba sic exponit D. Ambrosius : *Non*
sim

Isa. 14.
12.

Psal. 35.

In psal.
35.

sim superbus, ne peccem; non peccem, ne mouear; non mouear, necadam; non cadam, ne expellar. Et paulò post: Nescit stare superbia; & si ceciderit, non novit resurgere. Vis tibi proponi Luciferi æmulos? suis, illos, lineamentis ad viuum expressit D. Ambrosius: Eiusmodi sunt erigentes super- L. de A-
cilia, inflato corde, elato pectore, cer- uia &
uice resupinâ; qui solum quidem vesti- Nec. 5. 16.
gijs pedũ perstringunt, tota autẽ se librant corpore, & inani suspendunt examine; in priora gressa procedunt, ad posteriora ceruicem reclinantes; calum spectant, terram autem fastidiunt, tanquam ceruicis dolore suffixi, ut eam inclinare non possint. Ecce Luciferi, in scholâ discipulos; in familiâ seruos; in palæstra milites. Illa vox plena fastu, quam ex turgido spiritu eruçtabat, Conscendam: dicebat enim is: In calum conscendam; transfusa est ad omnes omnium sæculorum homines. Nullus est, qui non ambit conscendere. Est plebeius aliquis civis, qui videt Magistratum in excelsioribus subsellijs confidentem. mox ipse secum: In subsellia illa
con-

conscendam. Est pedarius quispiam, qui ambit dignitatem Iudicis, & ille: In tribunal conscendā, Est aliquis qui vix à limine salutavit Iurisprudentiam, intelligit Cathedram vacare: In Cathedram conscendam. Nemo est, qui non arrogantiae typo inflatus; non crepat illud plenis buccis, cum Lucifero: *Conscendam* Hinc tam multi ad inferna descendunt. Toto ergò cælo, à cælo aberrant, qui, ut eò pertingant, ascendere contendunt. si quæris, quomodò ascendat quis in cælum? dicam, Descendendo: contra verò ascendendo, rectà descenditur ad Infernum. Non opus est alio exemplo, quàm quod iam exposuimus, Luciferi; qui cum ascendere vellet in cælum, descendit ad orcum. Via ergò cæli, est per descensum: via Inferni, per ascensum. Licet cælum sursum sit supra nostrum caput: Infernus deorsum, infra, pedes; tamen, ut illuc attingas, necesse est, te demittas, subicias, verbo, descendas. Scriptum enim est: Omnis, qui se exaltat, humiliabitur; & qui
se

se humiliat, exaltabitur: sic humiliatus est superbus Lucifer; exaltatus humilis Michaël.

T E N E B R Æ.

Tenebra & palpatio facta sunt super speluncas usque in aeternum. In tartarea illa spelunca, ac latebroso, & ^{Isa. 32.} prærupto specu, dicuntur *tenebrae* ^{Mat. 22;} exteriores esse, id est alterius generis quam nostræ hîc tenebræ; non enim sunt aëris obscuratio, sed horridæ, sulphureæ, foetentes, caliginosæ, crassæ, densæ; & quidem tantâ densitate, ut veluti palpari possint, tanto horrore, ac pavore, ut palpitare faciant miseros ex pavore. Quare Anima primo momento quo hanc aspectabilem lucem deserit, quasi iam extremum vale dicens Soli, Lunæ, planetis, stellis, sideribus omnibus, sibi ipsi occinit illud Iobi, *Vadam, & non revertar, ad terram tenebrosam, &* ^{Iob 10.} *opertam mortis caligine, terram miseriae &* ^{21.} *tenebrarum.* Dicitur *terra tenebrarum*: quia ibi tanquam in nativo solo obscuritas prouenit, sicut dicitur *terra auri,*

Sap. 17.

auri, aut argenti, ubi res illæ proveniunt. Ex hoc tenebricoso antro, & fumoso vaporario, velut è tenebrarum pelago ad Ægyptios caligo, & obscuritas exundavit. Hinc Sapiens Ægyptias tenebras vocat, *impotentem verè noctem, & ab infimis, & ab altissimis inferis supervenientem*: sicut voragines quædam eructantes sulphureas flammæ, quod Vulcani os, inferni ostia, & fenestras vocamus. Hunc locum letales, & immedicabiles umbræ occupant. Ibi obscura, & cæca mors, & caliginosus orcus sedem, atque regiam constitutam habent. Ibi per obscurissimam lucem & spissos tenebrarum globos horrida spectra, tristia simulachra, ferales imagines mortis, & letales manium umbræ obuersantur ante damnatorum oculos. Nullus prætereà vlla in re erit ordo, sed incredibilis confusio, quæ in ipsis damnatorum mentibus perturbatis potissimum cernitur: in tenebris enim maximis omnia misceri, confundi, perturbari necesse est. Aliud igitur in his tenebris exterioribus, & interioribus damnati non valebunt

lebunt cogitare quàm de pœnis suis. Illic namque dirigunt totum impetum cogitationis, vbi sentiunt vim doloris. Quare refert Innocentius discipulum quendam apparuisse Magistro suo post mortem. Quem cum Magister intellexisset esse damnatum, quæsiuit ab eo, num aliquæ quæstiones apud inferos mouerentur. Respondit : *Apud inferos queritur solummodo, quid non sit pœna. Ut has tenebras euitetis, ambulate dum lucem habetis, ut non vos tenebra comprehendant. De his tenebris loquitur S. August. O quisquis es flagitiosus, qui soles propter tua malefacta, & adulteria non solum tenebras non horrere, sed querere : qui soles plus gaudere quando lucerna extinguitur : non tales tenebras habebis, ubi gaudeas, ubi voluptatibus carnis oblecteris. Non sic erunt tenebrae. Quomodo ergo erunt ? Ibi erit fletus, & stridor dentium : tortor sine defectu, tortus sine defectu. Ut hasce declinemus tenebras consilio Pauli, Abijciamus opera tenebrarum, & induamur arma lucis.*

Lib. 3. de
contem.
mun. cap.
7.

Ioan. 12.

Rom. 13.
12.

Nonnè hâc nostrâ ætate, plurimos,

Isa. 59.
10.

mos, est reperire; qui, si verum fateri velint, cogentur, de se asserere, quod Iudæi illi apud Isaiam? *Palpavimus, sicut cæci, &c.* Nonnè hoc plurimis conuenit? *Palpavimus, sicut cæci, parietem.* Rectè: quia Christi fide, Iustitiâ, ac Gratiâ ubique propagatâ, & longè, lateque coruscante, quasi cæci, eam non vidimus; & quasi palpantes incessimus, (cæcus enim manum habet pro oculo; vndè prius manu palpan, vestigium explorat, quam in eo gressum figat) Dein addit: *In caliginosis, quasi mortui.* Leo Hebræus vertit: *In sepulchris versamur, quasi cadavera;* quasi dicat, sicut mortui degunt in tetrīs, putidis, ac tenebrosis sepulchris: ita nos, nostris flagitijs, & spurcitijs dediti, in eis hæremus, iacemus, volutamur; in ea impingimus, ruimus, labimur; vt nunquam nobis lux gratiæ, fulgor lætitiæ, splendor veri boni illucescat: ac si planè essemus mortui, exangues, exanimēs. Quot sunt in plurimis Regionibus, Athei; in palatijs, aulici; in curijs, politici; in Academijs, scioli, qui norunt regere

gere, imperio populos, gubernare
vrbes, ferre leges: interim in rebus
arcanis fidei, in mysterijs Christi, in
negotijs cæli, sunt tanquam pueri
elementarij; *palpant*, tanquam cæci,
*parietem; impingunt meridie, quasi in
tenebris.* In salutis negotio, fæda il-
lis est caligo; in rebus Divinis, alta
nox; in percipiendâ rerum æterna-
rum veritate, Cimmeriæ tenebræ.
Cæci, & obscurati iudicij perversi-
tate, bonum malum, & malum bo-
num dicunt; contemnunt æstiman-
da; æstimant contemnenda: cælesti-
bus terrestria, æternis momentanea,
spiritualibus carnalia, salutaribus
noxia anteponunt: atque ita cæci,
stulti, amentes, furiosi, peruersi;
vt illi apud Isaiam: *Palpant, sicut cæci,
parietem; impingunt meridie, quasi in
tenebris.* Nihil illis prodest frequens
concio; nec Dei inspiratio; nec ami-
corum monita; nec conscientiæ ver-
mis; nec timor mortis; nec formido
gehennæ: non terriculamenta, non
lenimenta, nec minæ, nec blan-
ditix: hi cæci, magnis passibus ten-
dunt vt ad tumulum, ita & ad tar-
M tarum.

Psal. 17.
29.

Psal. 118.
135.

tarum. Ne his , ego involuar tenebris , clamo ad te , ô Pater Luminum ! *Deus meus illumina tenebras meas ! Faciem tuam illumina super servum tuum.* O lux cordis mei ! quam cæca , & supra Ægyptiacam caliginem , atrâ nocte circumseptus vivo , cùm mihi vultus tui lumen non affulget. Impingo vndique ; velut , qui in tenebris incedit : & nec vitanda , nec sequenda secerno ; sed modò in hanc , modò in aliam peccati foveam prolabor , non sine præfenti periculo , ut in viâ tam lubricâ huius mundi , tandem in præcipitum salutis meæ devoluar. Exorere , O sol meus supra Horizontem cordis mei , & umbras omnes expelle. Illuminare his , qui in tenebris , & umbrâ mortis sedent. Da mihi , O Amor meus ! ô lux mea , ardere , & lucere ! Amore ardeam ; exemplo luceam ; donec videam *Te in splendoribus sanctorum : ubi Electi tui fulgebunt , quasi splendor firmamenti ; & quasi stelle in perpetuas æternitates.*

Psal.
109.3.

Daniel
12.3.

FOETOR.

DE *cadaveribus eorum ascendit fa-*
tor: Dixit id de Assyrijs Isaias;
 veriùs id asserueris de damnatis. Quot *Isa. 34.*
 illic sunt corpora , tot sunt foecu-
 lenta cadauera , Stomachi eorum
 pestilentibus humoribus grauati , &
 igne circumfuso bullientes, teterri-
 mam perpetuò mephitim exhalabunt ; nec tamen vicissitudo , vel
 epotandi fordida , vel exhalandi gra-
 ueolentia vnquam cessabit. Illa foë-
 tida , & olida cadauera tamquam
 emplastra emplastris adhærebunt.
 Vnde tam immanis , & pestilens
 erit ille foëtor (teste D. Bonauen-
 turâ) vt si vnus tantùm hominis *Diala ja-*
 damnati corpus in hunc mundum *lut, cap.*
 adduceretur , omnes confestim do- *39.*
 mus , pagos , vrbes , prouincias,
 omnes pisces, volucres, bestias, ho-
 mines , totum hunc aërem , vniuer-
 sum denique orbem , pestiferâ lue
 inficeret , & quidquid spirat inter-
 ficeret. Quid facient ergo infinita
 propè damnatorum cadauera , à tot

annorum millibus igne tartareo tota ? Qualis erit ille odor qui ascendet ex sulphureis ignium globis , è tetrìs exhalationibus , & execrandis putoribus ; ex obscœnissimo illo volutabro , ex graueolenti vomica , ac colluvie ; vbi monstra illa verminosa in stercorebus suis volutantur , & veluti computrescunt ? Augebitur in immensum foetor ille ex igne sulphureo , qui crasso , & tetro fumo totam illam cauernam replebit. Solus ille inferni foetor satis sit damnatis ad moriendum , nisi diuino miraculo ad pœnæ æternitatem mori prohiberentur.

ioan. II.

Abominabatur Martha cadaver fratris Lazari , quod quatrìduo in sepulchro iacuerat , adeò vt vix fœtorem naribus sustineret ; vt patet ex illis eius verbis *Domine quatrìdianus est , & iam fœtet*. Quis igitur horror erit videre , tangere , & olfacere putrescentia illa cadavera , quæ in tartarorum barathro iam indè à quatuor , aut quinque annorum millibus sepulta iacuere ? sed rem hanc historiâ confirmemus ? Quod dico , sumpsi ex vitis

1 tis SS. Patrum. Duo erant viri san- *Busto. T.*
guinis claritate illustres, qui cum ad 2.559.
Ædem sacram sese conferrent, fortè
audiebant de horribilibus Inferorum
supplicijs differentem è pulpito sa-
crum Ecclesiasten; qui tartarorum
cruciatus, summa vi eloquentiæ, ac
dicendi ubertatè mirificè exaggera-
bat, & patheticè exprimebat, Ape-
riebat illis illam profundissimam in-
explicabilium miseriarum voragi-
nem; in quibus Divinæ Maiestatis
perduelles supplicio æterno mactan-
tur: proponebat varia, quibus son-
tes in Erebo cruciantur tormento-
rum genera: ostendebat locum illum
esse omnium acerbitatum officinam,
olidam mephitim, puticulos halan-
tes, cloacam mundi, sordium omni-
um fæcem, & colluviem; & alia com-
plura nata metum incutere, & hor-
rore perfundere. Illorum unus, cum
hæc veritate maiora censeret; & ma-
gis ad pompam, quam ad veri nor-
mam, dicta indicaret, dicentis ver-
ba ridendo explosit; & sacrum illum
Oratorem, vt Hijperbolicum Rhe-
torem contempsit: Alter contra, quæ

de orco dicta audiverat , tanquam sibi , ut resipisceret aliquando even-
tura , metuens , immodicè timuit ,
& oppidò consternatus ; spretis , &
mundi illecebris , & corporis lenoci-
nijs , Religiosæ vitæ amplexatus est
institutum , vt evaderet Animæ in-
teritum , Inter hæc tam disparia vitæ
instituta , alter ille , Divini verbi
contemptor , post morbum diutur-
num , devolutus est ad diem extre-
mum : Cum iam conclamatum esset
de eius vitâ ; accessit alter amicus ,
quem & obtestatus est , vt ei à morte
appareret ; & quis esset alterius mun-
di status , edoceret . Itaque vitâ iam
defunctus , nocte quâdam videndum
se illi exhibuit . Et cum alter , quo lo-
co esset , quoue in statu versaretur ,
quæreretur : Respondit alter , malè se-
cum agi ; iam se æternis pænis addic-
tum . Cui Monachus ; sunt ne ; ait ,
tam horribiles in orco cruciatus , vt
Divini verbi Præcones è suggestu an-
nuntiant ; Tunc damnatus : O fra-
ter , ait , nec omnes omnium homi-
num linguæ vel numerare possunt
pænarum multitudinem , vel expli-
care

care magnitudinem. Non possum, inquit Monachus, experiētiā, quantæ sint pænæ, cognoscere? planè, inquit alter: Quo pacto placet pænas experiri, videndo, tangendo, aut gustando? Reposuit Monachus: Nolo videre, quia sum naturâ meticulosus, & videndo terribilia, animus me deficeret. Nolo etiam tangere, quia tactu sum admodum delicatus. Nolo gustare, quia habeo debilem stomachum; sed fac, vt odoratu aliquid percipiam. Tunc alter explicuit, quo erat involutus, pallium: & ecce repenti eruptit indè tanta putredo, tam intollerabilis putor, tam incredibilis fætor, tam abominabilis, & pestilens odor; ut omnes illius Ordinis Monachi, velut amentes, phrenitici, ac planè mentis impotes hinc indè vagando discurrerent, clamando vociferarentur, velut insani; necesseque illis fuerit, ex illo Monasterio migrare ad locum indè longissimè diffitum; ne fæto re infecti, extinguerentur. Si vnum vnus damnati corpus talem mephitim ediderit: quid erit illic esse in-

ter trigesies mille milliones corporum damnatorum ?

Quid illic ages delicatule ? Vbi tunc peregrini muris olentes pelli-
culæ ? vbinam flosculi toties nari-
bus admoti ? vbi aromata vbi bal-
sama ? vbi transmarina suffimenta ?

*Isa. 3. Erit pro suavi odore foetor. Vel vt Va-
cablus vertit, Erit pro musco tabes.*

2. Corint. 2, 15. Quid agetis si contingat vos in hanc
ardentem conijci fornacem pice bul-
lientem, sulphure foetentem, te-
nebris horridam, fumo vaporan-
tem ? In illo sterili solo non erunt
horti, non tempe, non viridaria,
vbi violas & rosas, vbi lilia & nar-
cissos, quos naribus admoueat, in-
uenietis : Ne vos, vt hædos illos
tartareos infestet æternus foetor,
2. Cor. 2. estote hîc *Christi bonus odor.*

F L E T U S.

Luc. 6. **V**Æ vobis qui ridetis, quia lugebitis,
& flebitis. Affetitur D. Bonauen-
tura damnatorum fletum fore tam
copiosum, vt si singulorum damna-
torum asservarentur lachrymæ. tan-
tum

tum olim ex ijs confici lachrymarum posset; quantum est aquarum in toto, quantus patet, Oceano. Nihil fanè prout res habet, dicit S. Bonaventura: adde proinde tu vasto Oceano tot lachrymas, quot aquarum guttas, non modò Rhenus, vel Scaldis, sed & cætera totius orbis flumina, non modo vno die, sed omnibus retro sæculis in mare exonerarunt: quot guttæ pluviæ ab orbe condito in terram defluerunt; adde porró tantum insuper lachrymarum, quantum fuit in abyſſo illa immensa, primâ mundi luce à Deo condita: adde, si ita vis, decuplo, centuplo, immò & millecuplo, denique quantum voles plura; nil hæc omnia, ad immanem illum quem damnatus quilibet effundet fletum. Illa siquidem omnia finita sunt, hic fletus est futurus infinitus. B. Macharius dicit in inferno lachrymas fore igneas, quæ comburant corpora. Edent præterea horrendos ejulatus, gemitus, clamores, inconditos strepitus sonorum, qui in maxima illa caaverna tonitruorum instar latè remugient.

gient. Illic collachrymantibus oculis, adgemiscente pectore, ductis ex corde suspirijs, euocato ex pulmonibus lamentabili clamore, & miserabili ejulatione, infinities verba illa ingeminabunt: *Ergo errauimus*

Sap. 5. 6. à via veritatis, & iustitia lumen non luxit nobis? Accipite flebiles damnatorum elegias & funebres nœnias

*Trac. de
Abre-*

ex S. Ephrem: Tunc amarissimè illachrymantes, eiulantesq; dicunt: O quo pacto in negligentia, atque torpore tempus nostrum transegimus! ô quomodo illusi sumus! quomodo Diuinam Scripturam audientes, irridentesq; nos ipsos irrifimus! Ibi Deus loquebatur nobis per Scripturas, & non attendebamus: hic iam nos clamamus, & ipse suam à nobis faciem auertit. Quid nobis proderunt fines mundi? Vbinam qui nos genuit pater? Vbi que nos peperit mater? Vbi filij? Vbi amici? Vbi diuitia? Vbi substantia, atque possessiones? Vbi turba? Vbi conuiuia? Vbi varij, & intempestiui cursus? Vbi Reges atque potentes? Quomodo à nullo illorum saluari modo possumus, neque verò nobis opem adferre? At penitus derelicti sumus,

mus, & à Deo & à Sancto eius. Hæc erunt quæ pangent miseri carmina. Quanta dementia, non præuenire fletibus fletum: in valle lachrymarum effusè ridere, & quidem amissâ Dei gratiâ, ac iure ad cælestem gloriam? Et hoc est quod S. Thomam adedò præ alijs omnibus capere se non posse identidem dicere solitum ferunt: quî videlicet fieri posset, vt qui se peccati letalis reum sciret, læto, atque hilari vnquam animo esse posset: vtpote qui se tantis fletibus, atque moeroribus obnoxium esse intelligeret.

Sed quid miramur, miratum fuisse D. Thomam? cum plurimi sic vitam instituant, ac si damnatorum supplicia, essent vigilantium somnia, aut anicularum deliria? Hinc, nisi viderint aliquem ab orco reducem; vel legant epistolam aliquam ab inferis scriptam; & pænarum illarum indicem, non credunt. Itaque, ne quid ad huius articuli veritatem confirmandam deesset; permisit subindè Deus, etiam à damnatis, damnatorum pænas, scriptis inde literis con-

Garcias

T. 2.

452. Con-
cion.

Evang.

confirmari. Cum enim vir quidam profligatissimus, ab vxore suâ blandè corriperetur, & officiose admoneretur, vt ad frugem rediret, è cæno emergeret ne, vt Divini è Cathedrâ verbi Præco minabatur, æternas flammâs incurreret; maritus ad hæc vxoris verba: Abi, ait, stulta tu credis seriò hæc à Concionatoribus dici? Comminiscuntur hæc; & fingunt, & Inferorum cruciatus exaggerant, vt panico timore homines deterreant, & in officio contineant: quia si Infernus sit, nec ne, Deus scit: His dictis, repentinâ morte correptus, teterrimum fumum emittere cæpit: exilit lecto mulier, vocantur ancillæ, afferuntur lumina; & ecce truncum iacens cadaver, in carbonem fumigantem conversum, invenitur, has literas carbone Inferni descriptas in manu tenens: *Iam certus factus sum, quod sit Infernus.* Ita, nimirum, qui Evangelio non credunt, hâc ratione erudiuntur; misso, scilicet igne de cælo, vt ait Ieremias: *Misit ignem in ossibus meis; & erudit me.* Nullus opportunior, qui nos erudiat, & doceat

Threm. I.

doceat timorem Domini, Magister, quam hic ignis, mente, & crebrâ cogitatione expensus, & ante oculos propositus. Hoc ultimum est, quod cælestis ille Medicus, ad salutem iam propè depositam conservandam, adhibet remedium. Sicut cùm tumor ulcerosus in corpore sit; & blanda pharmaca non prosunt, ferrum adhibetur candens, & adurens: sic Deus, postquam pietatis remedia, postquam lachrymarum suarum antidota, postquam sanguinis sui adhibuit pharmaca; nec illa prosunt, ferrum, & flammam adferri mandat. Quod ne nobis accidat; hîc oculos fidei amplissimè aperiamus, quæ Deus minatur supplicia, identidem contemplemur: ne oculos, quos hîc clausit culpa; postea aperiat pæna.

F A M E S.

F *Amem patientur ut canes. Sicut Psal. 58.*
 canes præ famis magnitudine occupantur circa sordes; cadauera, fimum, fimeta, & quæcunque ob
 gra-

Ma. 9.

graucolentiam , & corruptionem , aut inutilitatem eiiciuntur extra ciuitatem ; sic impij ut canes famelici seipsos mordebunt , & consumere vorando contendunt. Innuit hoc Isaias : *Erit populus quasi esca ignis: vir fratri suo non parcat. unusquisque carnem brachij sui vorabit.* Quis nescit fame stimulante homines foedissima quæque comedere , feles , mures , rancidos canes , quin & propria membra , ac etiam liberos ? Nec deerunt foeda , & amara æternum esurientibus fercula. Nam in primis lingua & palatum damnatorum humore aliquo semper imbuentur, sed tam amaro , ut neque fuligo , neque fel , neque absinthium , illi æquari vlllo modo possint. Sed nulla maior sitis , famesque est præ illa , quam damnatus quilibet avidissimè desiderat , Deo frui , eiusque cælesti mensa , nunquam saturandus. Ista portò animæ ad Agni nuptias , ad coenam illam magnam aniditas , non nisi canis sagacis impetu , & celeritate indagando potest explicari ; qui dum fame sti-

mula.

mulatur , si semel catenâ colligatus est , & hora coenæ , aut prandij imminet , atque acutissimo olfactu cibos per nidorem odoratus est , videas brutum animal , ire , redire , mordere catenam ; huc , illuc ferri , horrendum ululare , & quasi catenâ solutus sit , iterum atque iterum ad odorem pergere ; sic vt nec voce , nec minis , nec virgâ , nec catenâ queat vis eius appetitiua cohiberi. Scitis miserum illum destitutum veste nuptiali , è domo conuiuij , ligatis manibus , ac pedibus fuisse eiectum in tenebras exteriores. En canem ligatum. O Anima quæ in tenebricosâ illa spelunca semel alligata vltimum tuum finem subodorata es , quid si in aula æterni illius conuiuij epulas olfeceris ? Quid si accumbentes videas torrente voluptatis potari ? Quid si Deum accinctum , ministrantem audias ? Quali impetu in finem tendis ? Quanto desiderio illi mensæ assidere expetis ? Infinito , atque aded impatientissimo. Siste , frustra conaris. Non videbis Deum in terra viventium.

tium. Quis me hîc ligatum tenet? Culpa. Quis huc me damnauit? Deus. Hic nõnne est qui me procreauit? Ita. Cur igitur sic suam exagitat creaturam? Quia sua iam non est. Iam ego Dei non sum, nec penes Deum cura est de me? Nulla. Execror igitur summum bonum, odi Deum, & ab omnibus odio haberi cupio. Sic miseri illi tanquam canes firmissime ligati, ad odorem cælestis conuiuij auidi, cùm videant se inuitos tanto cum impetu illic cohiberi, furore ac fame rabidi, contra Deum latrant, blasphemant, ululant. Caue; quia non paucis dum calix est in manu, vinum in labijs, cibus in gutture; dum eructant crudam, & indigestam crapulam, repentè intercluditur spiritus & iam bene saturi, ac strenuè temulenti, reperiunt sese inter ignes, vbi famem patientur vt canes.

Quam illi mereantur intolerabile, famis, & sitis tolerare tormentum; facile intelliget, qui illorum epulorum vitam brutæ pecudj, quam homini similiorem sibi ob oculos proponat.

nat. Illam nobis proponit, quasi in
 tabulâ expressam D. Chrysostomus,
 qui certè illos voracissimos lurcones,
 ac bibacissimos helluones, tam ap-
 positis coloribus depingit, vt nil illis
 ad veritatem exponendam nec addi,
 nec demi possit. Cui non est onerosus
 homo aqualiculum pinguisimum parans,
 & quasi bellua marina, trahendus? Non
 loquor de his, qui naturâ sunt tales; sed
 de his, qui delicatâ vitâ, corpora sua
 effecerant talia. Oritur sol, & claros ubi-
 que radios diffundit, excitat singulos ad
 opera. Agricola arrepto ligone properat;
 faber ferrarius suos folles apprehendit; &
 singuli opifices, quod sibi congruit; &
 inuenies vnumquemque sua instrumenta
 in manus sumere. Mulier, fusum, &
 telam: Ille autem, quasi porcus statim à
 matutinis horis ad pascendum ventrem
 egreditur; querens, vt mensam sumptu-
 osam instruat: tametsi hoc solum sit bruto-
 rum primo mane pasci; quoniam ad nil
 utilia sunt, quam vt mactentur. Illa au-
 tem, qua dorso gerunt, & operibus apta,
 etiam ipsâ nocte ad opus egrediuntur. Hic
 autem è lecto surgit, sole iam totum im-
 plente forum, & omnibus labore satiatis.

Surgit autem sese distendens, sicut porcus, qui saginatur: optimâ diei parte, in tenebris consumptâ. Deinde sedet longo tempore in lecto, præ hesternâ erapulâ invenire vestes, & alia non valens, & consumptâ magnâ parte in illis; tum se ipsum comit, & ornat, & procedit turpitudinis spectaculum; nil habens hominis, sed omnia, quæ sunt bestia, in humanâ formâ apparent. Oculi lippiunt; vinum, os olet: misera Anima, quasi in lectum coniecta, ob varietatem ciborum sine fine infusorum, pondus carniû circumferens, sicut elephas: tandem veniens, sedet in locis; dicit, facitque talia, ut melius esset, illum adhuc dormire, quam vigilem esse; si tristitia narrentur, quâvis puellâ trepidior fit; sin lata, puello quovis latior, ac mollior. Vultus eius oscitationibus plenus est; omnibus adheret, qui volunt malè agere. Quomodo non omnes, talem condemnabunt, & domestici, & amici, & cognati? Quis non iustè dicet, onus hic est terræ? frustra advenit in mundum talis? imò non frustra; sed in malum sui capitis, in damnum proprium, in detrimentum aliorum? Vestro iam iudicio; quis hominem humanissimo-

iufmodi, quem Chryfoftomus, cum porco, belluâ marinâ, elephante, & cum quâlibet beftiâ meritò confert, dignum iudicabit, qui ad nuptiâs Agni, qui ad Cœnam illam magnam, qui ad illam menfam, cui Deus ipfe administrat, qui denique in domum cœleftis conviuij admittatur? Egregiè ventrosos illos gnatonos, & patinarios paraſitos fugillat idem, qui ſupra Chriſtianus ille Demofthenes: *Tempus belli, tempus certaminis eſt; tu autem ſedes in delitijs? Tu impinguas teipſum, certaturus? ſtat adverſarius ſtridens dentibus in te; tu autem effuſus es, & menſa addictus? Chriſtus præ fame tabeſcit: tu autem præ gulâ teipſum diſrumpis? Nunquid ſacrificandi ſumus, quod impinguamus nos ipſos? Quid ſuppeditas vermibus tam ſplendidam menſam? Quid amplius facis, quam ſaniem? Cur fontes ſudoris, & fæces, in te deponis? Cur defodis Animam? Cur craſſum parietem, craſſiorem facis? Cur magnum fumum, & nebulam? Nullus ergo ſperet poſt Bacchanalia, & ſaturnalia, cœleſte convivium; ſed timeat æternum ieiuniũ.*

In Acta.

c. 13.

Hom.

27.

VERMIS

CONSCIENTIÆ.

Ecclesi. 7.
19.

V *Indicta carnis impij, ignis, & ver-*
mis. Conspirans est Theologo-
 rum, quin & SS. Patrum opinio,
 damnatos veris torqueri vermibus:
 adeoque in Auerno esse prope innu-
 meros vermes horribiles, foedissi-
 mos, immortales, æternos, qui pe-
 culiari præter ignem poenâ, corpo-
 ra scelestorum affligant, & acutissi-
 mum dolorem inferant, ipsi doloris
 expertes. Ita D. Basilius: *In inferno*
vermium innumerabilium genus vene-
nosum ac carniuorum erit, esitans qui-
dem, nec tamen se satians, intolerabi-
les dolores morsibus infligens. S. Ansel-
 mus in Elucidario: *Tertia in inferno*
pœna est vermes immortales, id est, ser-
pentes, & dracones visu, & sibilo hor-
ribiles, qui ut pisces in aqua, ita vi-
uunt in flamma. Itaque scaturiet vn-
 dique per nares, oculos, aures, os
 examen foedissimorum vermium,
 qui

In Psalm.
33.

qui perpetuis morsibus omnia intestina, & singula membra acerrimè vellicabunt. Quod tormentum eò erit intolerabilius, quòd cùm singuli ictus, ac morsus sint mortiferi, nullus tamen vitam auferat, etiam optantibus mori.

Alius ad hæc est vermis, qui non corpus, sed animum corrodit: nimirum quòd neglexerint per omnem vitam, oblatam occasionem salutis, ac temporis non redituri irreparabilem iacturam fecerint. Docet id S. Humbertus è sancta D. Dominici familia vir vnde quaque magnus sequenti historia. Homo quidam religiosus pijs aliquando precibus occupatus, seria futuri æui consideratione distinebatur, cùm ecce tibi vocem lugubrem accipit, ignarus vnde adlaberetur. Quæsit ergo quis gemeret, quid etiam ploraret? Ad quem tristis iterum sonus: Sum vnus ex damnatorum turba. Quid verò, inquit ille, tam luctuosè suspiras? quid defles tam calidè? Cui denuo querula vox: Noueris ò magne Numinis amice, me, cæterof-

N 3

illud tempus, quod nunc est acceptabile; postea erit irrevocabile, & eius damnum irreparabile? Hoc tempus est super omne pretium inæstimabile: & tamen, quam parvi illud æstiment mortales, intelliges ex Innocentio Pontifice; ubi graphicè exprimit varia variorum hominum negotia, quibus expendunt dies salutis. *Currunt, & discurrunt* Cap. 12
mortales per sepes, & semitas; ascendant montes, transcendunt colles, transvolant rupes, pervolant alpes; transgrediuntur foveas, ingrediuntur cavernas; rimantur viscera terræ, profunda maris; incerta fluminis, opaca nemoris: in viâ solitudinis, exponunt se ventis, & ruinis, & præcipitiis, imbribus, tonitruis, fulminibus, fluctibus, & procellis. Metalla cudunt, & conflant; lapides sculpunt, & poliunt; ligna succidunt, & dolant; telas ordiuntur, & texunt; vestes incidunt, & consuunt; adificant domos, plantant hortos, excolunt agros, pastinant vineas, succendunt clibanos, extruunt molendina; piscantur, veneantur, & aucupantur: Meditantur, & cogitant; consiliantur,

& ordinant; querelantur, & litigant;
 diripiunt, & furantur; decipiunt; &
 mercantur; contendunt, & praliantur;
 & innumera talia, ut opes congerant,
 ut questus multiplicent, ut lucra secten-
 tur, ut honores acquirant, ut digni-
 tates extollant, ut potestates extendant.
 & hac quoque labor, & mentis afflictio.
 Sic miseris transeunt dies salu-
 tis, donec diem obeant, & dum
 illi sine fructu transeunt, isti sine
 fine pereunt.

I G N I S.

TAm erit vehemens ille ignis, ut
 nec omnes omnium hominum
 lachrymæ, nec omnes omnium rivo-
 rum, torrentium, lacuum; fontiu-
 um, fluminum aquæ, nec omnes
 abyssi & maria, in vnum conflata,
 nec omnes dæmones, vel Angeli ex-
 ertis omnibus viribus possint vel vni-
 cam illius extinguere scintillam. Mi-
 raris vim flammæ? Desines, si cau-
 sam ex Isaia consideres. *Flatus Domini*
sicut torrens sulphuris succendit eum.
 Quasi dicat; Indefessus Divini furo-
 ris

ris halitus, quasi sulphureoseuomet
torrentes, efficietque, vt ignis ille
nunquam langueat, nedum deficiat.
Deinde, ignis corpora quidem com-
burit, non tamen consumit; vnde
ne vnus quidem pilus inter tantos,
rotque flammaram crepitantium
globos, totâ æternitate peribit. Ex ^{*in cap.*}
Caietani mente, idem ignis damna- ^{*25.*}
tis ergastulum erit, & vincula qui- ^{*Matth.*}
bus corpora constringantur in gehenna,
nexus quo mens adigatur ad cogi-
tandum acerbitem supplicij, &
voluntas cogatur ad impatientiam
pœnæ, & inde orietur lugubris
mœror, absoni gemitus, luctus per-
ennis, ejulatus impatiens, feræ la-
chrymæ, & insanus furor. Refert ^{*Tom. 3.*}
Granatensis, virum quendam sancti-
tate clarum illi dixisse, sibi cauteri-
um in aure inustum, vt à morbo
quodam curaretur; dolorem verò
breui illo tempore tantum fuisse, vt
si Deus ei optionem dedisset alteru-
trum eligendi, aut secundum caute-
rium perferre, aut ordinem aliquem
religiosum quantumuis asperum, &
rigidum ingredi, se maluisse hunc

ingredi quam noui cauterij cruciatum sustinere. Proh! si tantus est dolor, brevissimâ temporis morâ pati in aure cauterium, quid erit toto corpore per omnem æternitatem sustinere voracissimum inceudium? vbi singula corporis membra, quin & venæ, & arteriæ, & fibræ, & intestina, & viscera, & ossa, non secus quàm spongia in medio oceano aquâ, sic illa in stagno illo ardente igne replebuntur. *Quis habitabit*

Isai. 33.

ex vobis, cum ardoribus sempiternis? Quis ex vobis, qui nil oletis nisi balsamum, & vnguentum; nil calcatis nisi rosas, & violas; nil expetitis nisi delicias, & epulas? qui ducitis in bonis dies vestros, in lasciuiâ noctes? Quomodo uos delicatuli trosculi, quibus tormentum videtur intollerabile, summâ cute momento vno, perferre minimam minimæ flammæ scintillulam; poteritis æternam noctem dormire in candenti lecto, in ardenti furno? Attendite, & expedite verba S. Augustini, vt euadatis flammâ ardoris sempiterni. Non erit iste ignis, sicut focus tuus, quo ta-
men

In Psal.
49.

men si manum tuam mittere cogeres, facies quidquid voluerit, qui hac minatur, Si dicat: Scribe contra caput patris tui, scribe contra caput filiorum tuorum; nam si non feceris, manum tuam immittam in focum hunc; facies, ne ardeat manus tua. Minatur ergo inimicus tuus tam leue malum, & facis malum; minatur Deus æternum malum, & non facis bonum?

Intellexerat hoc æternum malum, ille D. Dominici magni Patriarchæ filius, vir morum integritate celebris. Hic Rege Castellæ con-
 uente, per quosdam ad flagitium Canti-
prato l. 2.
c. 3 n. 45. pellectus fuit; qui pellicem adorna-
 runt, quæ eum salaciter, & falla-
 citer inuitaret ad scelus: eî locum,
 tempus, opportunitatem omnem
 condicit. Adest illa, nocte concubia, Spinellus
de Beatâ
virg.
 à Monacho dum intromittitur: sed
 clam ipso, testes ex insidijs rei e-
 uentum operiebantur. Dum ecce,
 ut ad cubile venit, in medio pau-
 mento, ex succensis carbonibus, ad
 mensuram corporis sui, flammeum
 stratum exhibet; nec mora, super
 illud se nudum conijcit, sic eam
 com-

compellans: veni, hielectus dignus,
ubi libidinem expleas. Accurrunt
ex insidijs Proceres, hominem at-
tollunt: sed citra adustionem, & ni-
hic intercessisset, ipsam pellicem
igni addixisset, sed suffecerat sibi ig-
nem ignibus extinxisse.

DESPERATIO.

Matth.
25.

Dan. cap.
5.

Clausæ est ianua. Rex Balthasar
cum in conuiuio vidisset tria
arcana verba scribi in pariete, qua si
à manu hominis, *Mane, Thecel, Pha-*
res: facies commutata est, & cogitatio-
nes eius conturbabant eum, & compa-
ges renum eius soluebantur, & genua
eius ad se inuicem collidebantur. Ita ni-
mirum inauspicati ominis tria illa ver-
ba erant, licet nondum à Rege in-
tellecta. Tria sunt verba quæ dam-
natos atrociter perturbant, ob quæ
omnium genua ad se inuicem colli-
duntur: nimirum, *Clausæ est ianua.*
Primo momento quo infausti anima
ingreditur illud ferale ergastulum,
omnis infelicitatis receptaculum,
clauditur illi ianua spei, misericor-
diæ,

diæ ; quietis , felicitatis , gratiæ , pietatis , solatij , omnis boni . Omnes consolationis aditus illi sunt obstruati , luctus ac mœtoris omnes aperti , Adamantinis feris clauditur Infernus ; clathris ferreis hic carcer munitur . Hinc desperati ab omnibus tanquam rabidi canes , iugiter vluant contra cælum , cælites , Deiparam , Christum , Deum : optarentque omnes secum damnari . Intellectus enim damnatorum , qui Deum non videt nisi in effectibus perniciosissimis , flammis vltricibus , pice liquatâ , ardenti sulphure , horrenda societate , plagisque dæmonum , foetenti , ac tenebricoso carcere , alijsque id genus malis , quibus accedit æternitatis incrementum , quo exigui temporis peccata vindicantur : Intellectus , inquam , damnatorum nil aliud videns , aut voluntati repræsentans , furioso , atque implacabili odio in Deum feretur , à quo tota hæc vindicta proficiscitur : & vicissim ex desperatione ardebit infinito vindictæ desiderio , Dei que (si fieri posset) conculcandi , atque

exter-

exterminandi. Nihil igitur intellegi offeretur, quod vel minimum possit adferre solatium. Patet id exemplo Aristotelis, quem aiunt à morte cuidam suo apparuisse discipulo, ac dixisse: *Omnia quaecumque sciebam, oblitus sum, solum mihi superest hoc scire, quod in æternum perierim.* Hoc ne æternum cogites, hinc modi omnes excogitandi, ne pereas. Tunc serò serivales; quia, ut scitè Epiphanius, *Post hominis mortem obsignata sunt promptuaria, & impletum est tempus, & certamen perfectum est, & euacuatum est stadium, & corona data sunt, & qui decertarunt, quiescunt, & qui non certarunt, non amplius adsunt, & qui in stadio victi sunt, deiecti sunt, & omnia palam consummata sunt, post factum hinc discessum.* Hinc ergo antequam animam agis, agenda est poenitentia, ne fatuus cum fatuis virginibus audias triste illud *Clausæ est ianua.* Quæ ianua? Clausæ est ianua omnis solatij; ô luctus! omnis gratiæ: ô iactura! omnis meriti: ô infelicitas! omnis misericordiæ: ô miseria! omnis spei; ô desperatio! omnis

Magali-
nus in
Iudic. n.
43.

Hæres.
59. lib. 2.

Matth.
25, 10.

nis boni : ô malum ! Tibi ergo ipse consule , quia si momento illo , quo in ictu oculi clauduntur omnia , fuerit anima tua destituta gratiâ , æternum audies : *Clausâ est ianua.*

Memoriæ proditum est in fastis Ordinis Cisterciensis , quendam , qui illius Ordinis intrauerat familiam , & amplexatus fuerat institutum , inchoatæ illic vitæ pænituissè ; atque adedò , voluissè , vnde pedem *Vincentia* extulerat , & Ordinem deserere. *us T. 3.*

Quod , cum iam firmiter secum decreuerat : apparuère illi , qui dudum fuerant mortui , parentes eius , qui hoc eius decretum damnabant ; & ne exequeretur , dissuadebant. Tandem , cum nec sic à proposito , & quod animo agitabat consilio , posset revocari ; mater mæsta penitus denuo se spectabilem exhibuit ; & ab eo , cur Ordinem deserere proposuisset , quærebat. Respondit is , non posse se tantam tam rigidi Ordinis sustinere asperitatem : Tum ad illum , mater. Et amabo te , inquit , fili , Inferorum pænas quâ sustinebis ? Cum reponeret alter , Ordinem hunc

hunc videri sibi ipsas Inferorum ad-
 æquare pœnas; cuius vigiliæ, qua-
 si perpetuæ, silentium amarum,
 lectus ferreus, cibus insipidus, ves-
 titus asper: intulit mater, Placet,
 ait, fili vnum, sed modicum Infer-
 ni experiri tormentum; & cum alter
 placere sibi oppidò, responderet.
 Audivit tam horribilem porcorum
 grunnitum, vt nullum quantumcun-
 que fragosum tonitru posset cum eo
 conferri: videbatur ei totum supra
 caput eius scindi, & in partes findi
 cælum; & cum præ dolore, ac ti-
 more clamaret, & animo deficeret;
 mater deficientis animum confirma-
 uit, & mox cessauit ille sonitus. Vel
 ille clamor satis illi fuit, vt in arrep-
 to vitæ instituto persisteret, & ad
 mortem usque perseueraret. Sed
 quales erunt Desperatorum quere-
 læ, cuiusmodi vlulatus, quid lamen-
 tando miseri illi deplorabunt? Acci-
 pite mæstas Damnatorum elegias,
 flebilesque nœnias, ac lugubres les-
 sus ex D. Ephren. *Tunc amarissimè il-*
lachrymantes, ciulantesque dicent: O,
quo pacto, in negligentia, atque torpore
tempus

*Tract de
 abrenu-
 n-
 cia-
 tione,
 sub finem
 Tom.*

tempus nostrum tranſegimus ! O , quomodo illuſi ſumus ! ò quomodo Diuinam ſcripturam audientes , irridentesque , nos ipſos irriſimus ! Ibi Deus loquebatur nobis per ſcripturas ; & non attendebamus : hic nos iam clamamus ; & ipſe ſuam à nobis faciem auertit . Quid nobis proderunt fines mundi ! Vbinam , qui nos genuit pater ? Vbi , quæ nos peperit Mater ? Vbi filij ? Vbi amici ? Vbi diuitiæ ? Vbi ſubſtantiæ , atque poſſeſſiones ? Vbi turbæ ? Vbi conuiuia ? Vbi varij , & intempeſtini curſus ? Vbi Reges , atque Potentes ? Quomodo à nullo eorum ſaluari modo poſſumus : neque verò nobis ipſi opem adferre . At penitus derelicti ſumus , & à Deo , & à ſancto eius ? Hæc ſerunt , quæ pangent Deſperati cormina .

ÆTERNITAS.

INter infinita tormentorum genera vnum eſt quod damnatos acutiſſimè urit , quod ſibi dictum eſſe nimis verè illud Ieremiæ intelligant : *Perditus in æternum eris .* Immane ſupplicium perferunt à cæca nocte , quæ Cap. 51.
26.
O ſtygiæ

stygiæ tenebræ secū vehunt & exclu-
dendo solem, commune capituoꝝ so-
latium. Neque tolerabilior est mephi-
tis illa, quæ exhalatur ex Inferorum
cloaca, plena pestilentissimi foetoris.
Augent dolorem multiplices lachry-
mæ, quæ ex oculis quasi continuo
fonte fluunt. Porro miseriam miser-
rimorum apud Inferos ciuium ac-
cendit ignis stygius. Acerba hæc
omnia. Sed nil his omnibus acer-
bius illo, quod singulis tormentis
totâ mole incumbit, Æternitatis
pondere. Hoc immensum pondus
cum his momentis ponderasset salax
quidam Iuuenis (de quo Granaten-
sis,) sic ipse secum differere. Non pos-
set inveniri homo aliquis in hoc
mundo sani cerebri, qui totius mun-
di imperium vellet admittere eâ con-
ditione, vt per annos 30. aut 40.
in lectulo plumis molli, in culcitra
rosis & lilijs strata extensus iaceret.
Quod si ita est, quæ mania, quæ
phrenesis, quæ hominum dementia,
velle pro re nihili amplecti lectum
ardentem, in quo torreatur æter-
nūm? Ea cogitatio sic hominem pu-
pugit,

Dux pecc.
l. 1. p. 1. c.
10.

pugit, ut ad frugem redierit, & tandem ob exquisitas, quibus pollebat, virtutes, in Antistitem fuerit adscitus. Penetrauerat in ipsa Æternitatis adyta Eminentiſſimus Cardinalis Bellarminus, cum illa verba Louanij in D. Michaeli templo è suggestu proferret: *Tam horrenda res est, sine fine torqueri, ut licet unus tantum ex omnibus filijs Adami supplicio esset maſtandus, merito omnibus pauendum, ac trepidandum esset.* Si ista non credimus, ubi est fides nostra? Si credimus, ubi iudicium? Si sanæ mentis sumus, si Divinis oraculis, si Prophetarum vaticinijs, si Ecclesiæ, si Christo, si Deo fidem adhibemus, quo pacto tam horrendo periculo imminente dormimus? O Æternitas! (exclamat non-nemo) *quem cui consideratio non mouet, caret vel mente, vel fide.* O quæ calamitas! immersum esse in stagno sulphureo, velut victimam destinatam ad pœnas persoluendas, in igne excitato flatu iræ Diuinæ: nil amplius circa se videre, nisi terrificæ dæmonum spectra ad nihil su-

Serm. de
Infer.

P. adag.
Chris. p. 1.
c. 8, 9, 8.

pereſſe , niſi ad tormenta & crucia-
tus in toto corpore & anima perfe-
rendos : deprehendere ghennam in
propria conſcientia : aliam non ha-
bere vitam, quàm æternitatem pœ-
narum : imò momentis ſingulis co-
gitare , Hoc omne, & totum, quod
patior , in flamma , in ſulphure, in
pice , in foëtore , ſiti , & fame, ſi-
ne fine , abſque ceſſatione, ſine in-
terruptione minima , perpetuè eſſe
patiendum. Hoc demum eſt terribi-
lium omnium terribiliſſimum.

Conceperat illud terribile arca-
num, quantum fas eſt homini, Æ-
gidius ille Religioſiſſimus, qui affir-
mabat : ſi vnus tantum homo dam-
nandus eſſet, cæterique omnes ſal-
uandi ; ego totis viribus anniterer,
ne vnquàm peccarem ; ne ſic eſſem
ille vnus. Quid verò ad iſta talia no-
bis animi eſt ? imò, quis eſſe debet ?
opportunè Bernardus : *Alterum è du-
obus eligamus, aut ſemper cruciari cum
impijs ; aut perpetuè latari cum ſanctis.
Bonum ſiquidem, & malum ; vita, &
mors, ante nos ſunt poſita : vt ad quod
voluerimus, manus extendamus.* Mag-
ni

De Lapid.
in 1. petri
1. 10.

1. de Ani-
mâ 6. 3.

ni vtrunque momenti sunt ea, quæ Christiano in deliberationem venire oportet. Vtrunque æternitas est; sed altera beata; infortunata altera: ab hominis cuiusque electione pendet, vtrum admittat. Qui rectè, prudenterque vult eligere; necesse est, imitetur Daudem, cuius est *psal. 76.* illud: *Cogitavi dies antiquos; annos æternos in mente habui, & meditatus sum nocte cum corde meo.* Dignum planè exercitium, non infimis duntaxat mortalibus; & mediocribus; sed summis etiam Capitibus, & coronatis verticibus, dies, noctesque cum secuturâ æternitate occupari. Præsertim quando de eâdem, volucres sibi alijsque occinunt. Civis Erfordij, corvum olim habuit, domi suæ cicurem incolam: Advertit aliquando herus, quod avis tristior sederet, suisque se plumis involueret, meditabundæ similis: Ergò hortatur, fateretur, quid mente coqueret, aut quæ se verior cogitatio animum exederet. Tum corvus quâ voce potuit: *Cogitavi, inquit, dies antiquos; & annos æternos in men-*

te habui: hæc ubi dixit, simul ex oculis patris-familias abiit; vt credibilè sit, sub corvi schemate, spiritum aliquem latuisse, quem æternitas memoria exercuerit. Neque tamen moror, spiritus hic fuerit, an veri nominis corvus? vellem, vt cum ipso singuli quotidie; immò in momenta singula nobis occineremus de annis æternis transigendis: aut inter gaudia quondam Beatorum; aut inter Inferorum supplicia. Denique, hæc pauca tecum identidem meditare: Necessè est, mihi sit post vltimum halitum corpori, & Animæ, æternùm Benè vel æternùm Malè. Elige; benè elegisse, erit eligenti æternum bonum; malè, æternum malum.

Vt quæ legisti effugias, hæc pauca expendas.

Quid gravius quàm semper velle quod nunquam erit, & semper nolle quod nunquam erit? In æternū peccator non assequetur quod vult & quod non vult, nihilominus in æternū cogetur pati. *Clarius orat. 12.*

Quid

Quid (inquit quidam Sanctus) tristius & durius quā dici semper NON, ad ea quæ petuntur : & semper dici ITA, adhæc quæ maximè odisti? Ad districti iudicij iustitiam pertinet, ut numquam careant supplicio, quorum mens in hac vita nunquam voluit carere peccato, & nullus detur iniquo terminus ultionis, quia quamdiu valuit, habere noluit terminum criminis. S. Gregor. in Moral.

Tunc videbit impius quòd Deus cuncta conspiciat, cum viderit se pro occultis damnari; aperiet oculos in poena, quos clausit in culpa. Idem 25. Moral. cap. 3.

Cruciatur, & non extinguitur; moritur, & viuit; deficit, & subsistit; finitur, & sine fine est. Idem lib. 9. Moral. cap. 40.

EXEMPLUM.

Iordanus Generalis Ordinis S. Dominici, filium cuiusdam Comitum lasciuum ac salacem, inferorum obiectis poenis ad frugem conuertit. Multa illi suggererat pia consilia, & salubria monita : sed surdo canebat,

cæco prælucebat. Tandem cum videret eum formâ decorum, vultu speciosum, aspectu gratum, his illum aggreditur verbis: O Iuuenis speciosissime, vnum te rogo, ut quando respicies tui ipsius formam & formæ suspicies venustatem, quando pulcherrima illa intuebere membra, cogita, sed seridò: Nunquid dolendum foret, si contingeret formosa hæc formosissimi corporis membra, fieri æterni incendij fomenta, perennium flammarum pabula? si illi limpidi oculi, aurea cæsaries, eburnea frons, roseæ genæ, corallina labra, niuea ceruix, lactea colla, hoc tam affabrè concinnatum corpus, deberet obduci fuligine, inuolui sulphure, fumare inter crepitantium flammarū globos? Non caruit hoc consilium successu: sæpiùs hæc Iuuenis ille secum perpendere, sæpiùs in mentem reuocare: nec fructu pœnitendo. Nam perspectâ tandem rerum omnium vanitate, mundū iussit res suas habere, ei que renuntians, ad religiosam se contulit familiā, malens ibi breui tempore corpus affligere pœnitentijs, quàm æternis affligi supplicijs.

Iuue.

Iuuenis quidam in quasuis sese effundebat delicias. Interdiu ambula-
bat inter rosas, noctu cubabat inter
plumas, omne tempus terebat inter
delitias. Hic die quodam hæc secum
cogitare: illam quam duceret vitam,
esse viam ad mortem: incumbere sibi
necessitatem semel patiendi, vel hîc
parua, vel postea summa: nemini fas
esse transire à delitijs ad delitias: toto
corpore totâ æternitate ardere, non
tantû esse graue, sed intolerabile. Er-
go patiamur, ne patiamur: hîc ad mo-
mentum, ne postea in æternum. His
ita expensis, ad D. Dominici sese con-
tulit asceteriû. Cum in sacra illa Pie-
tatis palæstra, corpus suum inflictis
per cilicia, & flagella pœnis, gnaviter
exerceret; parentes conscij virû gra-
uem ad eum delegant, qui suaderet,
priusquam votis se Deo obstringeret,
à statione discederet, Ordinem dese-
reret. Quia, inquit, naturæ complexio-
ne nimis es delicatus: non poteris tam
rigidi Ordinis sustinere asperitatem. Ad
quem Iuuenis: Itane verò? Ideo mihi
ad mundum suades reditum; quia
delicatus sum? At hæc ipsa vnica fuit,


cur mundū deserui, causa: cū enim non nescirem me adeò esse delicatum, vt nec pulicis in summa cute possim perferte aculeum, nec vnus noctis febriculam, nec vnus scintillæ ardorem, quin præ dolore exclamem: Æternos, eosque acerbissimos, per singula totius corporis membra, quī potero sustinere cruciatus? Itaque cū alterutrum sit eligendum, elegi potius poenitiæ asperitatē in hoc ordine, quā poenarum acerbitatem in illo loco, vbi nullus est ordo.

O homo qui desideras regnum Dei possidere, cur fecisti malū? Dum potes, emenda: dum tempus habes, clama ad omnipotentem Deum: dum datur spatium, luge: dum licentia est, poeniteas: festina dum potes, dum anima vesatur in corpore, dum adhuc viuis, futurum remedium require tibi, priusquam te in profundo absorbeat pelagus, & priusquam te malignus rapiat infernus, vbi nulla datur indulgentia, vbi nullus regreditur ad veniam. S. Aug. sem. 40. de Sanct.

Si haberes (vt ait S. Hieronymus) sapientiam Salomonis, pulchritudinem,

nem, & formam Abſalonis, fortitudinem Samſonis, annos, & vitæ tempora Enoch, Crœſi diuitias, Octauiani potentiam, quid hæc omnia in fine vitæ profuerint, ſi corpus vermibus, anima diabolis cedat, vt cum diuite Eputone æternis tormentis torqueatur?

Expiatura erit illic inextinguibilis concrematio, quidquid hîc non ſtuderit ſanare correptio. Ardēs inferni puteus aperietur, deſcenſus erit, reditus non erit. Illic denudati, & corporaliter mortui perpetuum demergentur, deiſcendi in tenebras exteriores, infelicitè excluſi, infeliciùs includēdi. De hoc puteo Propheta dicit: *Neque absorbeat profundum, neque urgeat ſuper me puteus os ſuum.* Pſal. 68. Ideò dicit, *Neque urgeat ſuper me puteus os ſuum;* quia cū ſuſceperit reos, claudetur ſuſum, & aperietur deorſum, dilatabitur in profundum, nullum ſpiramen, nullus liber anhelitus clauſtris deſuper urgētibus relinquetur, detrudentur illic vale dicentes rerum naturæ, vltrà neſcientur à Deo, qui Deum ſcire noluerunt, morituri vitæ, & morti ſine fine victuri. Eusebius Gall.



Tot afflues bonis, si fueris, bonus.

DE CÆLO.

P R O O E M I U M

Hactenus lustravimus illa tetra, & formidabilia draconum cubilia, peragrauimus subterranea illius regionis, quæ operta est mortis caligine, cauernosos specus, percepimus naribus illam pestilentissimam mephitim, quæ ex illo sulphureo vaporario exhalatur, excepimus auribus luctuosissimos illos eiulatus, stridores dentium, ac flebiles elegias damnatorum, enatauimus per ardens illud stagnum pice, & sulphure; iam tandem exemplo Christi, qui prius, descendit ad Inferos, postea ascendit ad calos, emargamus, ex hoc tartareo luto, & leteo flumine, & oculos attollamus in altum, contemplemur perspicacissima mentis acie pictum illud, & fulgentibus stellis, ut sapphiris, chrysolitisque radians summi Numinis palatium, ubi electi a quo sempiterno leti, coronatique fruuntur. Et hoc proprium est hominis qui hic velut in exilio peregrinatur à Domino, calum velut Patriam con-

contueri. Cur enim existimat is Deum os hominis, oculosque in altum erexisse? cur ut & bruta pecora lutum, solumque spectamus? Accipite responsum à Divo Bernardo. Propterea Deus

*Serm. S.
de Mar-
tino.*

rectum fecit hominem, etiam corpore ipso, & os hominis sublime dedit, cum prona utique spectent animantia cetera terram, & attollens ad sidera vultus illico suspiret, ubi tam beatam, & perennem conspicit mansionem: mane pie, & fideliter nobis eam intuentibus, vehementissimum quoddam incitium amoris, & prouocatio flagrantissimi desiderij & visio ipsa illius lucidissimæ regionis? non sunt stellæ cæli similes glebis terræ, inter splendorem solis, & caliginem terræ huius, non parua distantia est; forte tamen in terra non nulla pulchra videntur, & hæc ipsa undique mixta non pulchris, & aurum in luto, gemma in puluere, lilium inter spinas: tota pulchra es, patria, mea, & macula non est in te: tota pulchra, es, absque eo, quod intrinsicus latet: non sine causa

causa cælum dicitur plane eximium, nescio quid celatur in eo; videmus patriam, sed à longe salutamus, adoramus illas delicias, sed non gustamus. Ita S. Bernardus. *Nuncigitur & sursum ascendamus vos adhortor, duabus istis oculis, quas toties in sacrosancto Christi sacrificio auditis. sursum corda. Hactenus, corda vestra fuerunt deorsum in regione mortis, in tartarorum altissimo barathro, in centro terre; nunc sursum corda, sursum, supra terram, & terrarum palatia, ac duuitum pauimenta: ac quidquid ex terra concretum est: sursum super omnia sublunaria, & aeris regionem, & planetarum domicilia, ac spharam ignis; sursum super omnes stellas, & solem, & orbes caelestes, & firmamentum; intrate in gaudium domini, in illud gaudium quod nemo tollet à vobis, state ut viri illi Galilai, aspicientes in cælum, & ut verbis utar S. Bernardi. Visitate singulos ordines Angelorum, Patriarcharum numerum, & cuneos prophetarum, & Apostolorum senatum: suspicite Martyrum ceronas purpureis floribus rutilan-*

*Serm. 4.
de Ascens.
Dom.*

tilantes , redolentes lilijs choros virginum admiramini , & ad mellifluum noui cantici sonum , quantum præualet infirmitas cordis , erigite aures.

CAPUT I.

*Homo nouus despicit magna terræ ,
expensâ magnitudine cæli.*

Immensum propè est , vt spatij interuallum , sic & conditionis discrimen , inter hæc tria loca , celos , terras , Inferos. Cum enim mundus hic medius sit inter cælum , & Infernum , in quo ea quæ supra in cælo , & infra in orco continentur , inveniuntur ; ex amore eorum , quæ homo amplectitur , eius felicitatis , vel miseræ augurium capitur. In cælesti illa gloria , vita absque morte reperitur , in Inferno autem mors absque vita : medius vtriusque mundus , morte , & vita constat. In cælo sanitas est absque morbo : in Inferno infirmi-

tas

tas absque sanitate : in mundo , & sanitas , & infirmitas. In cælo gloria absque miseria regnat ; In Inferno miseria sine gloria dominatur : in terris , vtrumque inuenitur. In cælo pax absque bello , in inferno bellum sine pace. In mundo , vtrumque videre est : denique in cælo sunt omnia bona sine malis ; In Inferno , omnia mala sine vilo bono , in hoc mundo , bona , & mala inter se mixta.

Nunc autem nostri est arbitry quamdiu sol intelligentiæ lucet supra horizontem Animæ nostræ, quæ placet eligere, vel bona æterna vbi nulla sunt mala , vel mala æterna , vbi nulla sunt bona. Sed ne in horum electione erremus errorem irreparabilem , quem tota nec corrigit æternitas , post quam timore vos perculi proponendo æterna in orco mala , iam contendam desiderio accendere , obtinendi æterna quæ in cælo sunt bona. Illic interim fixa sint nostra & corda , & lumina , vbi vera sunt bona , & gaudia. Priusquam tibi infinitos

P

cæle-

cælestis gloriæ thesauros aperiam, locum ipsum in quo hi thesauri absconditi sunt, proponam, & quantus ille sit mole, quam altus, longus, latus exponam. Magnitudinem cæli facile quis conyciet ex altitudine, altitudinem eius de monstrant astronimi primo ex sole. Prodeat ergo in theatrum vas illud magnum, fons omnium luminum sol, cuius luce quotidie perfundimur, cuius aspectu quotidie fruimur, cuius speciem quotidie intuemur. Is nostris oculis non videtur maior globo aliquo communi sphaerico. Quantæ putatis solem esse molis? superat totius terræ ambitum centies, & sexagesies; hæc non est vnus, sed omnium plane, nullo excepto, astronomorum conspiciens sententia. Itaque sunt in sole, 160. quasi mundi. Et tamen quam exiguæ apparet nobis sol molis? Iam vero quantum putatis distare solem à terra? necesse enim est immenso quodam spaty intervallo à nobis distare, cum tam vastum corpus, nobis appareat tam pusillum. Audite

te & obstupefcite. Diffat fol à terra 4. millionibus milliarium (millionem voco decies centena millia) & amplius. Vnde fequitur tantam effe peripheream , & vafitatem Cæli solaris , vt fol 24. horis fuum circum peragens , vna hora percurrat vnum millionem & 140. millia milliarium : quod tantundem eft acfi terræ ambitum , & gyrum circumcurreret quinquagesies. Ambitus enim conuexi cæli folis continet 27. milliones & 360. millia milliario- rum. O liceat hic clamare. *O Israel* *Baruch*
quam magna eft domus Dei &c. *3. 24.* O Re-
ges ! ac terrarum Principes ! Quid pro digitali terræ glebula tam atroc-
cia bella geritis ! Quid pro arena
vna totum orbem cædibus funesta-
tis , & tam cruenta prælia prælia-
mini ? cælum aspici- te , & fufpici-
te. Quale regnum vertici veftrò in-
cumbit ; pro illo pugnate , donec
expugnetis. Nullum pro eo bellum
non iuftum eft. Sed relicto fole ,
altius animo ascendamus , & quam
puffillum fit , quidquid in terra vi-
detur magnum , intelligamus. Af-

cendamus à cælo solis ad ipsum firmamentum. Quantum putatis firmamentum distare à terra ? Docebunt nos iidem illi Astronomi. Probant illi , & conuincunt terram à concavo firmamenti , siue cæli octauui , & stellati ; distare octoginta millionibus miliarium cum dimidio, spissitudinem vero firmamenti esse eandem. Quanta ergo debet esse distantia , spissitudo , & amplitudo cæli noni, decimi , & vndecimi siqui sint alij ys superiores , ac maxime cæli empyrei ? Inde iam deducunt, si lapis molaris inciperet cadere à convexo firmamenti versus terram, antequam terram attingeret , opus esset 92. annis vt decideret. Deus immortalis , videtur id humana fide maius. Vos proponite vobis lapidem molarem , ingentem , quam vastum , summi ponderis;quo maioris est ponderis , eo celeriori impetu deorsum fertur : fingite talem lapidem cadere ex altissima quam vnquam vidistis turri , dicetis momento prope , esse in terra : omnes qui sunt circa turrin fuginūt, dum vident

vident ex alto moveri. Fingite Angelum reuelare vobis iam nunc ex firmamento deuolui lapidem huiusmodi recta super vestra capita. Non est quod quis hinc fugiat, vt interitum effugiat, maneat quisque securus sine metu: si sit adolescens, fiet iuuenis, fiet vir, fiet decrepitus & depontanus senex, toto incanescet capite, antequam lapis is tangat caput: cum inceperit agere annum 90. tum tempus est fugiat, & sibi prospiciat. Ex hac ergo cæli, à terra distantia, constat, quantà sit cæli altitudo. Sed firmemus in firmamento adhuc gradum, & quanta sit stellæ magnitudo, inquiramus, Docent Astronomi, nullam est stellam quæ non decies octies maior sit toto globo terræ & tamen stellæ prope sunt innumeræ. Quælibet autem stella in æquinoctiali posita singulis horis conficit plus quam 42. milliones miliarium; si ergo in stella aliqua, & multo magis si in cælo empyreo consisteremus, & despiceremus hunc terræ globulum, an non ex-

L. I. Na-
tur. un,
proemi-

clamaremus cum Seneca. *Hoc est*

punctum quod inter gentes ferro, & igni diuiditur ! ò quam rediculi sunt hominum termini. Punctum est in quo nauigatis, in quo beblatis, in quo regna disponitis, sursum ingentia spatia sunt. Deinde cum formicis homines conferens. Cum te, ait, in ista vere magna sustuleris, quoties videbis exercitus subiectis ire vexillis, dices: it nigrum campis agmen, formicarum est discursus iste, in angusto laborantium. Videte nunc quam sint omnia quæ hic videntur magna, risu, & contemptu digna. Poetæ si quando quempiam parui volunt facere, ac vilipendere, domum eius, aut prædium, aut fundum, aut agrum paruum esse aiunt; itaque contemptim describunt, vt cum ipsa domo Dominum contemnere & palam ridere videantur. Hoc pacto inter

L. 2. An-
tholog.

Græcos Luciluis scripsit, Monophanis agrum tam paruum extitisse, vti se suspendere in illo, propter famem non potuerit, neque mortuus sepeliri. Alius quidam Lupò gratiasagens, affirmat se prahdium

Martial
l. II, exig.
19.

ab

ab illo , quam prædium accipere maluisse. Nam pensilem præ fenestra hortum suum in florum testa, rure illo esse maiorem : cum ruta, vnica totum illud rus occupet, cum vnus cicadæ ala rus totum tegat : cum vno die formica totum rus absumat : cum clausæ rosæ folium, rus totum coronet. O mileri , Monophanes , qui agros tam angustos, qui fundos tam breues , qui domos tam exiguas, qui prædia tam contracta , qui atomos , qui vnus rutæ spatium , qui locum ab ala cicadæ tegendum , pratum à formica devorandum , hortum à rosæ nondum apertæ folio coronandum , capacissimo cælo , vastissimo palatio , immenso Deo antefertis. Bestiæ deorsum spectant , porcilutū versant , talpæ terram in delitys habent , forex fodit , & rimatur glebas, scarabæus stercora amplexatur, sic peccatores , sic infideles , sic hæretici, sic athei, quia neque animum , neque oculos ad cælum attollere possunt , toti terrenis inhiant , ad lumen noctuæ , ad tenebras

bras aquilæ. Aliter filij Dei , qui patrem suum non in rebus paruis , sed magnis , non in imis , sed summis , quærunt : quia spem , fidemque habent æternitatis : oculos in stellas conijciunt , animum ad cælum attollunt , mentem in Deo defigunt : hinc tam læti , alacresque caduca relinquunt , terrena contemnunt , vilia calcant.

C A P U T II.

*Novus homo spretis terræ angustijs ,
meditatur ampla ex cæli am-
plitudine.*

VT in hoc argumento de cælesti gloria , quod & iucundissimum est auditu , & vtilissimum fructu , ordinate , sine confusione procedamus ; hunc ordinem observamus , vt primo , locum ipsum , qui est cælum empyreum depingamus , deinde dotes & gaudia omnia quæ in corpus , tum quæ in animam redundabunt , exponamus. Prius conatus

natus fui ad oculum demonstra-
re cæli immensam magnitudinem ex
magnitudine solis, stellarum ac fir-
mamenti, eiusque a terris distantia,
modo à firmamento ad cælum ipsum
empyreum, Beatorum felicissimum
domicilium, gradum faciamus. Vt
cæli amplitudo ab omnibus intelliga-
tur, notandum est vndecim esse cæ-
los, qui his nominibus ab Astrolo-
gis insigniuntur, cælum Lunæ, Mer-
curij, Veneris, Solis, Martis, Iouis,
Saturni, firmamentum, primum
mobile, cælum crySTALLINUM, &
Empyreum: quod est regnum Bea-
torum. Hic est ergo cælorum ordo.
Iam vt reliquis omissis de cælo Em-
pyreo differamus, quantæ sit illud
capacitatis, accipite ex Astronomis.
Dixi antea, firmamentum distare à
terra 80. millionibus miliarium
cum medio, & ampilus: quantum
putatis ergo distare ipsum cælum
empyreum? Ex mente omnium
Astronomorum, cælum Empyreum,
quo ad concavam sui partem, dis-
tat à centro terræ mille 295. milli-
onibus, & 9 millibus miliarium.

Iam si secundum eorum principia, tantundem spissitudinis illi tribuas, pars eius conuexa distabit à centro terræ bis mille 590. millionibus, & 159. millibus milliarium, & hæc tantum semidiametrum faciunt. Integer ergo diameter per centrum terræ, usque ad conuexam eius partem continebit 5. mille, & 180. milliones, & 318. millia milliarium. Totam vero circumferentiam conuexæ eius partis, quæ ter diametrum continet, & paulo amplius, illud amplius relinquendo, complectetur 15. millia milliarium, & 540. milliones & 954 millia milliarium. Quæ certe altitudo, & latitudo immensa est, & vastitas incomprehensibilis: quæ licet fidem humanam superare videatur, tamen scripturæ loca varia non exhaurit: cum dicat locum cæli esse immensum, nec habere finem. Et Ecclesiastes. *Altitudinem cæli, & latitudinem terræ, quis dimensus est?* Quasi dicat. Nemo Geometra potest metiri: quia est tantum non immensum. Quis hæc cogitans tam amens sit, & stolidus, ut inique punctum ex

c. 3.

ex hoc puncto, videlicet agrum, domum, aut rem aliam, proximo, per vim aut fraudem surripere, itaque se immensis orbium supernorum spatijs excludere velit? Quis punctum terræ præferat cælorum immensitati? Quis particulâ terræ rubræ, vel albæ (nec enim aliud est aurum, vel argentum) vendat, vastissima stellarum palatia? Et tamen quot litibus contenditur; quot aduocati, causidici sese fatigant, pro vno prædiolo, pro iugere terræ? Vere Boetius, terram vniuersam non solum punctum, sed punctum puncti appellat, sic enim loquitur. *In hoc ergo minimo quodam puncti puncto conclusi, de pervulganda fama, de proferendo nomine cogitatis?* Tam parvus est vicus orbis terrarum, si cælo conferatur. Illic ergo conuersi sint semper nostri oculi, vbi æterni sunt thesauri. Ita S. Symphorianus, adolescens, cum ab Aureliano Imperatore ad martyrium raperetur, mater eum hisce verbis animavit. *Nate, nate, memento aeternæ vitæ, calum suspice, & ibi regnantem intueri, tibi enim vita*

L. 2. *do*
confid.

non

non eripitur, sed in melius mutatur.
Cælum suspexit, & tormenta omnia despexit, oblataque fortiter ceruice carnifici; cælum mox fuit ingressus, quod paulo ante fuerat intuitus. Quisquis hic affigeris infirmitate, angeris dolore, obrueris tristitia, involueris ærumnis, cælum suspice. Si post gravissimas multorum annorum lites, causâ cecideris, si ereptæ tibi sint opes, si læsa est fama, si passus es bonorum iacturam, si deturbatus es de gradu dignitatis, si excideris gratia Principis, si hostis agros vastavit, horrea incendit, domum expilauit, omnibus te fortunis exuit; Cupis contra hos morbos amuletum, quæris in tot ærumnis perfugium, exoptas contra omnia hæc mala certissimum præsidium? cælum suspice. Inter omnia circa se ruentia, stabit semper erecto animo, quisquis conuertit erectos ad sidera vultus. Interim quot sunt, qui ob digitale tuguriolum, ob pedale prædiolum, ob exiguum agellum, litibus acerrime contendunt, amicitiam violabunt, contra
fas,

fas, & nefas aliena inique tollent, altercabuntur, vociferabuntur, & tantum non se mutuo, si non dentibus, saltem contumelijs, & dicerijs lacerabunt. Audite hic loquentem Augustinum. *Vtere mundo, & non te capiat mundus. Quo intrasti? Iter agis, exiturus venisti. Iter agis, hospitium est hac vita.* Quid hic ergo immortalia opera cogitas mortalis? Breui migrandum est ex hospitio in domicilium, ex hoc exilio ad patriam, ex hoc carcere in regnum; soluta semel vinculis corporis Anima non diu hærebit in itinere, licet immenso quodam spatij interuallo diffitum sit cælum à terra. Sed, si cælesti gloria digna fuerit, ad summum illud cælum in momento quasi demigrabit: sicut cogitatio nostra in instanti excurrit, quocumque vult, & subito est in oriente, occidente, Græcia, Hispania, Indijs. Et sicut oculus noster quam primum nocte serena, illum aperimus, & ad cælum attollimus, statim videt cælum stellatum, & omnes stellas; Ita Anima nostra soluta corpore, sta-

Trac. 40.
in Ioan.

statim erit in cælo Empyreo , tot
 licet milliarium millionibus à nobis
 distito. Hac itineris ad cælum bre-
 uitate , sese solabatur , nostro se-
 culo matrona illa generosa , fidei
 causa in Anglia ad mortem damna-
 ta horrendam visu , ac perpeffu ,
 vt scilicet saxo acuto incubans ,
 superne imposito graui pondere
 premeretur , dum vita ei , & Ani-
 ma exprimeretur , alijs horrentibus ,
 ipsa læta cijgneum canens. *Tam bre-
 uis , ait , via est quæ ducit ad cælum :
 post sex horas super solem , & lunam
 euehar : astra pedibus premam , empy-
 reum inibo.* O quantus nobis om-
 nibus letitiæ campus aperitur co-
 gitantibus , post 6. fors dies , post
 sex menses , post sex annos , certe
 post 60. annos , hæc omnia quæ
 legimus miranda , spectabimus , effe-
 remus nos super aërem , & sphæram
 ignis & lunam , stabimus super pla-
 netas , & solem , & firmamentum ,
 calcabimus omnes quæ vertici no-
 stro imminet stellas. Cur ad illa
 excelsissima spatia cogitationes no-
 stras non efferimus , dum aduersis de-

*Alapide.
 in Penta.
 §2.*

deprimimur ? Hic frequens Animi per cogitationes ad cælum ascensus , suppeditaret niuietum contra omnes vitæ ærumnas robur. Ita S. Vincentius mente in cælum se librans , vicit , imo risit omnia Daciæni tormenta : cumque in equulio sublatuſ , ab eo per ludibrium quæreret Dacianus Tjrrannus , vbi nam eſſet ? *In ſublimi* , ait , *unde te poteſtate terrena tumentem aliter deſpicio.* Graviores minitanti : *Non minari mihi , videris* , reſpondit. *ſed quod votis omnibus concupieram , afferre.* Igitur cum ungulas , faces , prunas , toto corpore dilacerato conſtanter exciperet , ait. *frustra fatigaris Daciæne ; non poteſ tam horrenda cogitare tormenta , quam ipſe paratuſ ſum ſuſtinere.* Carcer , ungula , candentes lamina , morſque ipſa , luduſ , Iocuſque Chriſtianis ſunt , non tormenta : cælum enim cogitant. Sicut igitur qui cælum ſæpe ſupicit , non tam oculis illis craſſioribus corporis , quam acutioribus fidei , deſpicit omnia corporis tormenta , ita & contemnet omnia vitæ eblectamenta.

*Alapide.
Prop. Ma.
914.*

CA-

CAPUT III.

Homo nouus erigit se è cæno, ad cælum ; dum contemplatur venerationem Cali.

Cali venustas, ornatus, elegantia.

Psal. 86. 3.

STetimus nuper in atrijs domus Dei, in suburbijs cælestis Ierusalem, in vestibulo magni illius palatij : modò subeamus tecta : ingrediamur ipsum palatium, non ex auro, ebore, & electro, sed è nobiliori materiâ ædificatum : inferamus pedem in illam Ciuitatem, de quâ Prophetata loquitur : *Gloriosa dicta sunt de te, Ciuitas Dei* ; hæc est Ciuitas immortalium ciuium, Principum, & filiorum Dei ; qui vna cum Angelis politia, singulari voluntate, amore inuictò, & inflammato, Dei legibus perfectè sese submitunt. Hæc Ciuitas, est patria nostra : Illic amplissima sunt fundamenta, altissimi muri, plateæ prolixissimæ, quæ gemmato pauimento, tessellato emblemate, electo lapide vndique colucent.

lucent. Miratur posteritas opus illud prodigiosum Dionysij, qui cum magnis, multisque prælijs Indiam sibi subiugasset; postea in trophæum, templum sibi construxit adedò magnificum, vt in eo 365. gradus, quasi ex saphiro purpureo continerentur, teste Epiphanio. Hoc Templum collatum cum immenso illo Cæli palatio, minus est, quam dolium *L. 12. de gemmis c.* Diogenis, collatum cum toto hoc mundo. Sed frustrà conamur explicare inexplicabilem loci illius amplitudinem, & magnificentiam, multò minus inæstimabiles, quæ illic reconditæ latent, diuitias, & delitias. Non possunt eas, neque Arithmetici calculis numerare, neque Geometræ calamo metiri, neque Oratores, neque Dialectici, neque Grammatici Oratione explicare. Sed quia hîc potissimum agimus de loci duntaxat pulchritudine, ac splendore: quantus is sit, vel hinc licet arguere. Proponamus nobis finem, cur Deus cælum procreuit? ob quam causam? quid per hoc intendit? Non aliam ob causam

Q

fam , cælum condidit , quam vt
quanta fit eius Potentia, Sapiencia,
Bonitas , Maieſtas , Magnificencia,
omnibus , & Angelis , & homini-
bus , totique rerum vniuerſitati ,
palàm , non tantùm oftenderet ,
ſed oftentaret. Quod ſi igitur vo-
luerit Deus opus illud condere ; vt
in eo , velut in clariffimo theatro
Potentiam ſuam manifeſtaret, vos
iam concipite , quanta illa ſit? Tan-
ta eſt illa ; vt quemadmodum hunc
mundum vnico pollentis voluntatis
nutu fabricatus eſt ; ita infinitos ; vt
ſic loquar, eodem nutu , verbo vno
& procreare , & procreatos poſſit
in nihilum redigere. Dein quidquid
facit , nullo conatu , & labore fa-
cit ; eâdem facilitate , quâ produ-
cit arenam ; poteſt producere cæ-
lum : non plus laborat Deus , vt
producat Seraphinum , quàm formi-
cam ; Angelum , quàm muſcam :
non plus laborauit Deus , cùm pro-
duxit omnium Angelorum primatem
Luciferum , quàm infimùm terræ
vermiculum. Neque ſub operis maio-
ri pondere gemit , & ſudat; nec mi-
nori

nori releuatur , & respirat : omnia ,
 quæ vult , potest ; facitque , quid-
 quid vult , solo arbitrio , & volun-
 tate. Nunc ergò hoc modo nobiscum
 ratiocinemur : si tanta est Dei Po-
 tentia , quantam iam ostendi , tan-
 taque eius gloria : quale erit illud
 opus , quo voluit illam , & poten-
 tiam , & gloriam manifestare ? Quid
 enim deerit , quo minus ex omni
 parte sit absolutum ? Non artificis
 manus , aut industria ; potentia est
 immensæ : Non prudentia ; scien-
 tia est infinita : non voluntas ; sum-
 me bonus est : non opes , aut divi-
 tia ; ab illo vno , omnes illæ pro-
 cedunt. Quale opus , ex illâ officinâ
 prodibit ! ubi sunt tales architecti ,
 Omnipotentia Patris , Sapiencia Filij ,
 Bonitas Spiritus Sancti ? vbi Bonitas
 vult , & imperat ; sapientia ordinat ,
 & disponit ? Omnipotentia potest ;
 quidquid vult immensa Bonitas , &
 concipit , ac ordinat infinita Sapien-
 tia. Verè ergò de illâ immensâ Ci-
 uitate dixit David : *Gloriosa dicta sunt*
de te , &c. Et D. Prosper : *Illa Ci-*
uitas , qua est sanctorum , Angelorum ,

L 4. de
 vita con-
 templati-
 ua

omniumque Electorum congregatione ,
 beata , meritis fulgentibus micat ; ubi
 aterna salus exuberat , veritas regnat ;
 ubi nec fallit quispiam , nec fallitur : un-
 dè nullus Beatus ejicitur ; ubi nullus
 miser admittitur. Est ibi certa securitas,
 segura tranquillitas , felix aternitas ,
 aterna felicitas. Est ibi amor perfectus ,
 timor nullus , dies aternus , alcacer mo-
 tus , & unus omnium spiritus. De im-

De prem.
 calast. pa-
 tria.

menſa quoque felicitate incolentium
 illam Ciuitatem , ſuaniter more ſuo
 D. Bernardus : Videbit Beatus , Deum
 ad voluntatem , habebit ad voluptatem ,
 fruetur ad iucunditatem. In aternitate
 vigebit , in veritate fulgebit , in boni-
 tate gaudebit. Sicut habebit permanendi
 aternitatem : ſic cognoscendi facilitatem ,
 requieſcendi felicitatem. Sed quod fe-
 liciffimam reddit illam , de quâ lo-
 quimur , Dei Civitatem , eſt iugis
 illa , ac perennis pax ; de quâ lo-
 quitur David , agens de cæleſti Je-
 ruſalem : Qui poſuit fines tuos , pacem.

Pſal 147.
 14.

Quis fando explicet , quanta erit
 geſtientis Animæ iam beatæ lætitia ;
 dum ingreſſa iam illam Civitatem ,
 cuius fines , Deus poſuit pacem , Deo
 iam

iam vnita , & in centro suo collocata , dicet cum Dauide : *In pace , in id ipsum dormiam , & requiescam.* Psal. 4.

Vocat S. Poëta , *pacem , in id ipsum* : id est , immutabilem , vt vult Cassiodorus , pacem eodem modo semper se habentem , pacem nunquam interruptam , duraturam in omnem æternitatem. Tum pax erit æterna , & imperturbabilis quies ; cùm ad centrum omnis boni dabitur introitus , & exuti mortalitatis exuijs , arctè cum Principio nostro coniungemur. Huiusmodi plenissimam pacem frustrà in mundo , atque in huius vitæ curriculo expectes , supra cælos omnes tutum sibi , nec mutationibus obnoxium , domicilium consecuta est. Totus hic mundus , vt è contrarijs qualitatibus est compositus , & compactus ; sic turbulentæ perturbationis materiam continuo suggerit , quâ mortalium vita propè obruitur. Quot tamen sunt , qui malunt incolere hanc luteam casam , quàm cælestem Aulam ? Tune illum sapere contendes , qui cùm vniuersam domum , optimâ in-

structam supellectili ; horrea frugibus completa ; generosos in stabulis equos , armenta ; greges , in prædam Vulcano cedere , flammisque consumi , siccis oculis spectasset ; ut primum clausâ vilicæ reddy in memoriam philomela ; etiam igne sublata , cantu suo herum oblectare solita ; tum demum illachrymari cæpit , & auiculæ iacturam deplorare. Insipientem dubiò procul pronuntiabis. Nam etsi aures oblectet suavis philomelæ cantus ; magnarum tamen opum possessionem , quis non pluris æstimet ? sed omnes propè eandem insaniunt insaniam. Eadem multi sunt mentis hebetudine , quâ. Honorium fuisse narrant. Hic. post longam vrbs obsidionem ; cum intraret quidam , qui illi nuntiaret perijsse Romam , iam ob hoste occupatam ; auersâ cogitatione à tantâ Reginæ vrbum clade , ingemuit morti vnus caniculæ , quam Romam appellabat , & mortuam credebat annuntiari. Ridebat ad iacturam potentissimæ vrbs : gemitbat ad mortem abiectissimæ canis.

Sic

Sic plurimi eiulant, suspirant, mærent, copiosissimè lacrimantur; dum illis eripitur aurum, comburitur tuguriolum, aufertur pallium: verbo vt clarius dicam, dum priuantur cæno; exultant, gestiunt, epulantur, tripudiant, dum priuantur cælo. Videntur non pauci malè feriat *Fis. paradoxum fol. 68.* infanire non tantùm cum Honorio, sed cum Gallieno. Hic enim turpissimum omnis luxuriæ mancipium, cùm Romanum teneret imperium, ita libidini seruiebat, vt cætera omnia posthaberet. Cùm enim (ait Trebellius Pollio) *ei nuntiatum esset, Ægyptum descivisse; dixisse fertur. Quid? sine lino Ægyptio esse non possumus? Cùm autem vastatam Asiam, & elementorum concussionibus, & Schytarum incursionibus comperisset. Quid, inquit, sine Apphronitis esse non possumus? Perdita tota Gallia, arrisisse, ac dixisse perhibetur: Non sine trabeatis sagis tuta Respublica est?* Heu multos, hæc ætas habet Gallienos; eoque etiam turpiores, quo terrâ, cælum præstantius est. Vnus hic opes; ille delitias, alius dignitates, aut aliud pro libidine,

dine , & præterea nil cogitat. Oblectat hoc vnicum ; fastidio cætera sunt : & offendis, si de vitâ quondam in cælis agendâ ; vel de via, quâ illuc tenditur , vel verbulum. Vna propè omnium vox est : *Cælum, celi Domono ; terram autem dedit filiis hominum.* Malunt luteum in terris gurgustiolum , quàm auratum in cælis palatium. Digni , vel idèò æternum cælis excludi ; quia ipsi omnem de cælo cogitationem animo excludunt. Præcedat nostrum ad cælum desiderium , antequam eo inferatur Anima : ad illud Regnum prius auidi anhelemus , quàm beati intremus : vt illud , quod tantâ cupiditate desideramus , totâ æternitate possideamus.

CAPUT III.

Homo nouus, dum suspicit dotes gloriosi corporis, despicit suum corpus.

HActenus Cæli Empyrei amænitatem, magnitudinem, splendorem fuimus contemplati; superest modò, vt ad ipsos cælites, qui locum illum æternum incolent, sermonem convertamus. Sumemus exordium, à corpore Beatorum: deinde gradum faciemus ad Animam. Quemadmodum ex duabus partibus conflatus est homo: altera, quâ nihil humilior corpore; altera, quâ nil dignius Animâ: ita vtraque, gloriam in cælo, gaudiumque suum participabit. Sed quid commercij fætidæ, & putidæ carni, & in stercorebus desideriorum suorum conputrescenti, cum sanctuario cælorum? Caro, quæ in stabulo palo alligari debebat; ecce quomodò inter Angelos Dei inuenitur? sine, O Domine,

Q5

*Quatuor
dotes corporis.*

Gen. 17.
20.

mine, puluerem in puluere; non enim decet sanctuarium tuum, terram super cælos eleuari. Sed qui dixit: *Benedicam Ismaëli; augebo, & multiplicabo eum valde, etiamsi filius ancille sit*; Idem quoque volêt ostendere benevolentiam, & fauorem suum erga corpora sanctorum, propter communionem quam habent cum Animabus. Voluit enim, vt quæ iugum pariter cum Animabus portârunt; gloriam quoque, & felicitatem participant. Hoc est, quod innuit per Prophetam: *Duplicia possidebunt in terrâ suâ*; gloriam scilicet corporis, & Animæ. Ibi enim denarius dabitur mercenario; stipendium militi; torques victori; brauium comprehensori; amico dona; hæreditas filio; sponso nuptialia. Hæc inter erunt quatuor corporis dotes; claritas; impassibilitas, agilitas, subtilitas. Ordiamur à primâ. Hîc obseruandum, vt dotem illam probè intelligamus; duplici sensu aliquid dici clarum, vel quia peruium est: ita vitrum dicitur clarum, & aqua; aut quia lucidum. sic stel-
la

la dicitur clara. Corpora Beatorum utroque modo erunt clara; id est, peruia, & lucida. Peruia; sicut ait Gregorius: *Beatorum cinium corpora sibi inuicem, & claritate fulgent, & puritate translucent; ita quod vniuscuiusque mentem ab alterius oculis, membrorum corpulentia non abscondet; sed patebit omnium oculis, ipsa etiam corporis harmonia. Sicque unusquisque erit conspicabilis alteri; sicut nunc non potest esse conspicabilis sibi ipsi: sic ipse. Itaque præterquam quod exterior pulchritudo corporis rara, & eximia futura sit; ipsa interior, multis hanc partibus superabit, utque ab omnibus conspiciatur: corpus erit diaphanum; sic ut nulla sit futura in corpore vena, nervus, arteria, cartilago, tendo, fibra nulla: cuius pulchritudo, & symmetria singulorum oculis non sit futura conspicua, & spectabilis. Secundo, erunt non tantum peruia, sed lucida, & clara. Patet id clarissimè è verbis Christi: *fulgebunt Iusti, sicut sol in regno Patris mei.* Illa autem claritas ab Animæ gloriâ promanabit, quæ in corpus*

Mat. 13.

pus ipsum redundabit; adeò vt ipsum lucidum, splendidum, & rutilans redditurum sit. Ecquid erit illud gaudium, tot soles vno in loco collectos intueri? si enim vel unius sol, tanto interuallo à terrâ remotus, & nunquam quiescens, tanto-perè hominum & recreet oculos, & exhilaret animos, dum splendorem emittit; quantum Deus bone, gaudium erit, millenos, & decies millenos soles, oculis vicinos contueri! Tanta erit hæc corporum Gloriosorum claritas, vt quidam Theologi dicere non sinr veriti; vnus tantum corporis Gloriosi splendore, si de cælis in terram descenderet, solem, & stellas offuscandas, lumenque amissuras. Hæc claritas erit veluti vestis toti corpori: sed vestis, quam nec Seres texunt, nec Tiry inficiunt: vestis, quouis auro intexto, & bombycino elaborato elegantior. Si corporis gloriosi oculis vestris, vel tenuis aspectus occurreret: mihi credite, tantam amoris flammam illa pulchritudo excigaret; vt nil aliud, vel agere, vel spectare

ſpectare liberet , toti præ gaudio ,
 & ſtupore in eo ſpectaculo defixi
 teneremini ? vna eſſet omnium vox ,
 quæ Petri in monte Thabor : *Bonum
 eſt , nos hic eſſe* Secunda dos , eſt im-
 mortalis impaſſibilitas ; vel impaſſi-
 bilis immortalitas. Itaque corpus
 glorioſum erit immune ab omni ma-
 lo , quantum ad actum , & quantum
 ad potentiam. Quantum ad actum ;
 quia nulla corruptio , nulla defor-
 mitas , nulla infirmitas , debilitas ,
 vel defectus remanebit in eis. Quan-
 tum ad potentiam ; quia non pote-
 runt aliquid pati , quod ſit eis mo-
 leſtum , vel quod in minimo eos
 poſſit lædere. Nam fortior non pa-
 titur ab imbecilliori. Iam verò nul-
 la ſanctorum corporibus fortiora ,
 aut violentiora reperire eſt : ergò
 nec minimum quid patientur. De
 horum autem robore , hoc Apoſto-
 li ad Corinthios habemus testimo-
 nium : *Senunabitur in corruptione ; re- 1. Corin.*
ſurget in incorruptione. Item , illud B. 15.
Anſelmi , qui ait ; Sanctos in caloro- *l. de ſimi;*
bore Hercules , & Sampſones ſuperaturos ; lid.
 tantumque eorum robur , & virtu-
 tem

tem fore ; vt horum minimus , vniuersam hanc mundi machinam concutere , & instar pilæ , loco mouere posset. Gloriabatur olim Archimedes se , si pedem extra mundi limites ponere posset ; altero terram , quasi globum propulsaturum. Inanis hæc quædam , præsumptio fuit : in sanctis tamen hoc locum habet ; quibus vasta hæc orbis machina instar pilæ sit. Cùm igitur tanta sanctorum corporum vis sit , & potentia ; quid illis nocere queat ? si nil illis nocere potest : ergo impassibilia sunt. Itaque *non amplius esurient, neque sitient ; neque cadet super eos, sol, nec ullus æstus.* Et rursus : *Non erit luctus , neque clamor ; sed nec ullus dolor, quia priora transierunt.* Imò medijs in flammis non ardebunt ; in aquis non mergentur ; nulla machæra Carnificis poterit illis caput tollere ; nulla manus Tyranni poterit vel pilum capiti eripere : Nullam amplius habet potestatem in pedes podagra , in manus chiragra , in pectus asthma , in ventrem cholica : Vigor corporis nullo vnquam morbo marces-

Apo. 6.

c. 7.

marcescet ; sanitas erit integra , & perfecta ; pulchritudo semper florida , & viuida , nulli corruptioni obnoxia. Præter impassibilitatem hanc , & ab omni mutatione exemptionem , pollebunt corpora subtilitate quâdam incredibili ; cuius ope , & adminiculo , quocumque locorum ingredientur , & egredientur ; quin & ianuas violentes , sine vllâ tamen vi , perfringent , muros penetrabunt , cælos pertransibunt ; nulloque impediante instar spirituum , radiorumque solarium , vitreas fenestras perradiantium , per omnia sese ingerent. Patet id ex verbis Pauli : *Seminatur corpus animale ; surget corpus spiritale* ; quia à spiritibus , & Angelis , quo ad subtilitatem nil differet. Ultima dos est , quæ comuni nomine Agilitas appellatur ; per quam tantâ in corpus Anima potestate donabitur , vt illud ab vno loco , in alium mouere ; imò vno momeno è cælo , in terram descendere ; ab vno mundi cardine discurrere in alterum possint sine vllâ defatigatione , aut labore. Elici hoc è

ver-

verbis D. Pauli potest : *seminantur in infirmitate ; surget in virtute*. Et ratio planè conuincit fore huiusmodi corpora : Nam tarditas , & mora inimica sunt spiritui ; atqui gloriosa corpora , quasi spiritus erunt : ac ideo agilia , & leuia. Pluribus , hæc celeritas è sacræ scripturæ locis adstrui potest ; quæ Animarum motum rebus leuissimis , & moueri facillimis comparat. Sapiens , eam scintillis comparat : *Sicut scintilla in arundinetis discurrent*. Ezechiel , fulguri ; idque in *Ezech. 1.* ænigmate rotæ , quæ à spiritu impellitur : *Ibant , & reuertebantur instar fulguris*. Isaias , auibz per aëra volantibus : *Assument pennas , sicut aquilæ ; current , & non laborabunt ; volabunt , & non deficient*. O delicias incredibiles ! ignem celeritate , aues velocitate , fulminis alas leuitate anteuertere. At ne hoc vobis incredibile videatur ; similitudine quâdam notius faciam : si enim Cursores illi cælestes , quos Aristotiles intelligentias ; Nos sanctiori nomine Angelos appellamus : ad planetarum , orbiumque cælestium motum , directionemque

nemque destinati , viginti quatuor horarum spatio totum orbem obambulant ; adeò vt singulis horis , viginti sex passuum millia conficiant ; an non credemus gloriosas illas animas , naturales illas , & internas corporum suorum motrices , celeriore adhuc ipsis motum impressuras ? Ab vno , scilicet , polo , in alterum , eadem transserendo ; vni-coque momento ab vno mundi cardine , in alium deuehendo ? Angelus , qui Abacuc Prophetam in Babylonem è Iudæâ , quæ quingentorum passuum millibus à se inuicem distabant , cæsarie apprehensum , vnico momento transuexit : huiusce meæ sententiæ testis , & suffragator erit. Si enim hoc , ipse in alterius corpore ; quid non , Animam in proprium , facturam credendum est ? si in corpore adhuc mortali , spisso , crasso , patibili , hoc ille potuit ; quid porrò hæc Angelis par in gloriâ , in proprio ; & quidem glorioso , beato , spirituali , Divino , faciet ? Longius adhuc procedit Augustinus , ait namque tantam

R

horum

l. 22. de
civib.

horum corporum agilitatem fore; ut ipsum Animæ velle, & cogitationem quodammodò præuentura sit: *Vbi volet spiritus; ibi erit & corpus.* At tam celeres spiritus, & Animæ motus sunt; ut vnico instanti, & desiderio cælum adeat, & Inferos; & cogitatione Antipodes; spe quoque, & ambitione ad columnas vsque Herculeas pertingat; & ubique locorum imaginando peregrinetur. Cùm igitur corpus, eâdem quâ spiritus celeritate, movendum sit; ut Augustinus sensit: credere profectò oportet, magnam eius celeritatem, & agilitatem fore. Hæc erunt illa exquisita Beatorum decora, quibus corpus donabitur. Quis, hæc animo voluens, corpus suum volet impudiciâ contaminare? quis ei, lenocinabitur indulgendo? Quis non viriliter omnia carnis blandimenta respuat, si cogitet idem aliquando ad tantam gloriam euehendum? ut loco putredinis, claritas; loco cinerum, gemmæ; loco ægritudinum, sanitas; loco brevissimi temporis, æternitas; loco tenebrarum

rum, splendor; loco calamitatum,
& ærumnarum, felicitas, & gloria,
veraque beatitudo, successura sint?
O beata conditio! quæ adumbrari
quidem, non plenè exprimi, aut
repræsentari aliquâ, quæ in terris
habetur, excellentiâ possit! O ni-
mia filiorum Adam, & filiarum
Euæ cæcitas! qui ad rerum peritu-
rarum comparisonem, acquisitio-
nemque, ad botrum vuarum, ho-
noris cuiusdam perfectionem, mu-
lieris venustatem, domorum magni-
tudinem, commodorum desideri-
um, vrbiuū opulentiam, prouin-
ciarum vbertatem animantur: aded
verò negligentes, tepidi, atque in-
ertes sunt; vt inclijtas illas, de
quibus differuimus, corporis dotes
acquirant. Hirundines, aiunt, ni-
dum suum numquam ponere in pa-
riete caduco, aut domo ruinam mi-
nitante: & homines tam stolidi sunt,
ut ibi & nidum, & quietem suam
collocent; ubi cernunt omnia la-
befactanda, & repentino casu dey-
cienda, vt amatores suos opprimant,
& inuoluant? Quàm longè aliter

facerent, si fabricam illam corporis sui, tot dotibus honestandam, solidis virtutibus firmarent. Nemo, ut plumbum possideat, aurum perdit. Nemo mauult arundine niti, quàm scipione eburno. Nemo carbonem eligit, & thesaurum contemnit. Nemo potius umbram captat, quàm prædam. Nemo optat magis venari ventos, quam cervos. Nemo Regiam, marmoreamque domum negligit; ut possit habere casam, puerili ludo ex arenis ædificatam. Denique nemo pluris æstimat stillam, quam fontem; guttam, quam fluuium; granum, quam aceruum; punctum, quam circulum. Et nos, plumbeas has voluptates, aureis illis delicijs; umbras has vanissimorum honorum, illis veris titulis, ventos istos, casas has, istas arenas, stillas, guttas, grana, puncta, certis illis, æternisque gaudijs, quæ ex corporis folius beatitudine, hauriemus, anteferemus? O, si & vana ista, & vera illa; ista fluxa, illa æterna seriò perpenderemus! perspicuè profectò

cer-

cerneremus , quam exigui momenti sint omnia , quæ in terris tam ambitiosè amamus : imò quàm prorsus nihili facienda ; si cum cælo , rebusque sempiternis comparentur . Quippe , quidquid fluxum est , transit ; quidquid autem transit , post quàm transijt , perindè est , ac si nunquam extitisset . Idem enim restat post finem , quod fuit ante initium ; Ante initium nondum erat ; post finem non amplius erit : Nil ergò erit . Eat igitur aliquis cum Salomone , & dicat : *Vadam , & affluam delicijs , & fruor bonis .* Mox alteram eius cantionem vsurpabit , dicens : *Et vidi , quod hoc quoque esset vanitas .* Quare , etiamsi quis omnibus mundi voluptatibus perfundatur ; & si cum Sardanapalo , in delitijs natet ; cum Cleopatrà , in rosis , & gemmis cænet , etsi omnibus titulis salutetur ; omnibus honoribus afficiatur ; omni gloriâ colatur ; omnium vocibus , & sermonibus celebretur ; supra omne Imperium , & solium euehatur , idque longo tempore , plurimisque annis :

Platus 1.
3. 6. 38.

si tamen postea vel casu , vel fraude , aut violentiâ hostium , vel ipsâ morte cogatur hæc omnia deserre ; nil supererit ex omnibus , quod eum delectet , aut quod sit loco emolumenti. Quæ cogitatio , Bononiæ , in primis ferè Dominicani Ordinis initijs , Virum magnum , clarumque doctrinâ mirè perculit. Cùm enim Reginaldus , vnus ex præcipuis illius familiæ , magno hominum concursu , & approbatione , Verbum Dei prædicaret ; Monetus (sic enim ipse appellabatur) de industriâ illius congressum , & sermonem fugere consueuerat , multum sibi ab eo metuens ; tamen in Stephani Martijris natali , ad eius concionem , comitum importunitate pertractus , primis statim verbis captus est , cùm illam vocem exponeret : *Ecce video calas apertos*. Ita enim differebat ; nunc quidem cæli portas ad beatitudinem patere , ita vt quiuis ingredi posset : qui autem negligentes essent , & Deo , corsum clauderent ; ijs vicissim cælos claudi , vt deindè intrare non possint.

fiat. Nec pluribus opus fuit : statim enim corde immutato ; qui ad eam horam tam alienus fuerat à Religione , Religionis voluntatem concepit : finitâ concione , Reginaldum adiit , animum suum exposuit, eumque voti etiam vinculo confirmavit. Ecce , quisquis hæc legis, & ipse nunc dicere cum Proto-martyre potes : *Ecce video calos*. Video non oculis illis crassioribus corporis , sed acutioribus mentis : fide, quæ infusa est in fonte Baptismatis; *video calos apertos*. Cuilibet iam cælum patet ; nullus , dum spirat spe intrandi , excluditur. Contendite omnes intrare , antequam claudatur. Non intratur in Regnum gloriæ , nisi per ianuam pænitiæ. Non tenditur ad illud Regnum per viam latam superbiam, luxuriæ , invidiæ , socordiæ ; sed per angustam Humilitatis , Paupertatis , Pudicitiae. Festinate , quoniam tempus breue est. Erit , quando cælum, quod nunc tibi patet claudetur : nisi festines intrare , dum patet : audies, quod fatuæ illæ virgines : *Clausæ est*

Mat. 25.

R. 4

ianuæ

ianua. Tunc dices , non vt Stepha-
nus : *Ecce , video calos apertos ; sed ,*
Ecce video cælos clausos. Primo
momento , quo mors tibi claudit
oculos ; si Dei fueris inimicus , clau-
ditur tibi cælum : frustra tunc ex
auerni antro pulsabis suspirijs , ge-
mitibus , eiulatibus ad fores cæli :
audies triste illud : *Clausæ est ianua.*
Pulsa iterum post mille annorum
mijriades , post infinita sæculorum
curricula ; iterum audies : *Clausæ*
est ianua. Claudio & ego cum D.
Bernardo : *Quid ergò istud est negli-*
gentia ? quid pigritia ? imò , quid
vecordia est , vt non crebris suspirijs ,
& feruentissimâ affectione abrumpere
hinc , & in illa tam felicia agmina ia-
culari animos studeamus ?

Serm 5.
de omni-
bus His.



CAPUT V.

*Homo nouus, dum conuertit oculos,
 vt videat Beatorum oculorum
 voluptatem, auertit ocu-
 los, ne videat va-
 nitatem.*

EXposuimus partem beatitudinis,
 quæ ex animâ redundat in cor-
 pus; dum quatuor eius dotes exqui-
 sitissimas, quibus pollebit; explica-
 uimus: nunc de gaudijs, quibus quin-
 que sensus redundabunt, differemus.
 Ab oculis ducemus principium, quia
 inter sensus tenent principatum.
 Tantæ erunt perfectionis oculi, vt
 nihil eorum organum vel in mini-
 mo possit perturbare. Hæ porro,
 erunt visus perfectiones. Primò, Cor-
 pora omnia videndo penetrabit Bea-
 tus quilibet, seque etiam interius æ-
 que facilè, atque exterius, vsque-
 ad ipsam totius corporis harmoniam,
 perspiciet: Secundò, Eâdem facili-

*Busse
 ferm T.
 2. 503.*

R 5

tate

tate videbit remotissima quæque ac proxima; minima vti maxima; se ipsum sicut cætera. Tertio, Eodem corporis situ permanente, æque videbit retrò, quam ante se; non vertendo se, vel semel mouendo: imo videbit, quæ sunt supra se, non leuando oculos; quæ sunt infra, non declinando eos. Quartò, Videbit diuersa obiecta, & quasi infinitos radios, tanquam vnum, vel quasi vnitos. Et quod est præ omnibus admirandum, æquè videbit oculis clausis, atque apertis. Si enim oculi Beatorum visuri sint vltra densissimos parietes, aheneos muros, & vastissimos montes; omnia corpora quantumuis densa, & opaca penetraturi; multò minus palpebræ, seu membrana illa tenuis, quæ oculis oppanditur, quæ etiam ipsa gloria donabitur, impediet oculos, quo minus omnia videat. Hæc de facilitate, & modo, quo videbit; iam obiecta ipsa, in quæ videndo tendet, & tendendo delectabitur, in lucem proferamus. In primis, supra modum oculos oblectabit incredibi-

dibilis ille ornatus, splendidissima illa pompa, inexplicabilis illa magnificentia loci, quem incolunt, nimirum, ipsum cælum Empyreum. Itaque, ut iam compendio perstringamus omnia obiecta, quibus oculi delectabuntur; Videbit Beatus oculis corporeis fluuium illum vitæ electo puriorem, atque instar crystalli pellucidum; giro pulcherri-
mos, ac mæandros in vastâ illâ cælorum planitie facientem, fontes-
que hinc indè salientes. Videbit totum orbem inferiorem; nam licet convexum sui cæli, Empyreï, quod calcat ingentis, ac propè immensa sit spissitudinis, & solidissimum, est tamen summè transparens. Videbit totam terram, & omnia, quæ in eâ geruntur, cognoscet, præter cogitationes hominum liberas. Videbit Infernum, omnesque damnatos; denique totius terræ finem, & à centro emergens, videbit Antipodes, & quidquid in altero Hemisphærio, usque ad Empyreum inferior orbis continet. Sed quale concipient gaudium ex aspectu propè innu-

innumerabilium Angelorum ? Est admodum verosimile Angelos assumpturos corpora speciosissima ex aëre , quibus pascant oculos Beatorum ; vt ab ijs videri , & cum ijs colloqui possint : quæ sententia est D. Anselmi in suo Elucidario , & aliorum. Iam vel vnus Angeli pulchritudo superat omnem omnium hominum , qui vnquam fuerunt, velerunt, pulchritudines simul conflatas. Sed ex re aliâ nulla plus gaudy , & voluptatis percipient, quàm ex gloriosissimo , & ter-adorando Christi Corpore. In illud omnium oculi , atqne ora potissimum conuertentur. Et si verum est , quod quidam existimant ; Crucem Christi Domini in cælis totâ æternitate conseruandam ; imò , vt alijs placet ; omnia signa Pâssionis Christi Domini , quantum Divina illa spectacula , & præclarissima Redemptionis nostræ instrumenta , oculos omnium recreabunt ! sed quid volo, dicendo prosequi oblectamenta oculorum , quæ oculus non vidit ? O verè. *Beati oculi , qui vident , quæ Vos*
vide-

Fabri T.
3.773.

Luc. 10.
23.

videtis ! Quis , vt illa aliquando videat , quæ hîc à Beatis videnda proposuimus , nolit quæuis hîc & facere , & pati ? plenæ sunt gentium historiæ admirandis in omni malorum tolerantia pro honore , pro aurâ populari , pro auro , pro impudicis amoribus. Igitur , (vt optimè argumentatur Tertullianus) Sitanti vitrum ; quanti verum margaritam. L. ad Martij.

Quis non libentiſſimè tantum pro vero habeat erogare , quantum alij pro falso ? Confundemur , ſi reformidauerimus pati pro veritate in ſalutem ; quæ alij affectauerunt pro vanitate in perditionem. Scilicet lutei , & ſordidi , lutum , & cænum , cælo , & Deo præferimus. Egregiè ad rem noſtram Auguſtinus : Secari , & vri ſe ſinunt homines ; vt dolores non æterni , ſed aliquanto diuturnioris ulceris , acriorum dolorum pretio redimantur. Immaniſſimis bellis miles atteritur ; pluribus fortasſe annis in laboribus inquietus ; quàm in otio quietus. Quibus tempeſtatibus , & procellis , quàm horribili , & tremendâ ſcuiſiâ cæli , & maris impleti ſunt mercatores , vt diuitias ventofas , & perituras

Tom. 10.
ſerm. 9.

turas acquirant , maioribus quàm , quibus acquisita sunt periculis , & tempestatibus plenas ? Quos æstus , quæ frigora , quæ pericula abequis , à fossis , & precipitijs , à fluminibus , & à feris perferunt Venatores ? Quem laborem esuriendi , & sitiendi , ut feram capiant ? Quantis , & iam in scholis vigiliarum , & abstinentiæ molestijs exercentur ; non propter discendam sapientiam , sed propter opes , honoresque vanitatis : qui hæc amant , non graua pati videntur ; omnia enim sava , & immania prorsus , facilia , & propè nulla facit amor. Quantò ergò facilius , ac certius ad veram beatitudinem Caritas facit , quod ad miseriam cupiditas fecit ? Quàm facile toleratur quauis aduersitas temporalis ; ut aeterna pana vitetur , ut aeterna requies comparetur : Hæc Augustinus. Certum id est , non tantum laboris à nobis exigere Deum pro cælo ; quantum dæmon pro orco. Plus citra comparisonem laborant impy , ut pereant , & salute excidant ; quàm Iusti , ut salutem consequantur. Reperiuntur , qui plus operæ impendunt , ut excolant suum fundum ,
agrum,

agrum , hortum ; quàm vt obtineant cælum. Imò sunt , qui ita immerfi sunt hisce fluxis , ac caducis rebus ; vt parati sint , cedere omni iure , quod habent ad cælum ; si modò velit Deus illis perpetuò indulgere vsuram rerum periturarum. Talis repertus est nostro sæculo in Italiâ nobilis quidam , qui iuxta Florentiam hortum habebat suburbanum , perquàm amænum , tam fecundum fructibus , quàm iucundum floribus ; diceres Floram ipsam , illic sedem collocasse. Eo Nobilis hîc animi relaxandi causâ , fessus curarum , ex vrbe , tanquam è fluctibus ad portum sese conferebat. Hic cum die quodam cum vno è Patribus nostris per virentes horti ridentis semitas lætus , & alacer obambulet : Pater , ex loci amœnitate mentionem iniecit cælestis Paradisi , cumque ei conaretur suadere , illum locum citra vllam comparisonem esse & iucundiores oculis , & gratiorem animis , plusque deliciarum vno momento ; quàm pluribus sæculis ex horto suo , illic cum

*Le petit
Miroir
sans fla-
ter 23.*

eum percepturum. Itanè verò . inquit alter , siccinè de cælesti paradiso sentis ? cæcæ hæ sunt tuæ coniecturæ : cæcus de coloribus iudicas , dum hæc de cælo pronuntias. Quod ad me attinet , si Deus pro mercede omnium bonorum operum , quæ vnquam præstiti , vel præstabo olim , velit mihi totâ æternitate indulgere hunc meum , quo fruor , hortum ; næ ego libens concederem ipsi suum cælum , & renuntiarem omnibus cæli delitijs. Has blasphemias , & incæsto ore prolatas voces , Pater acriter reprehendit , eumque impietatis in loquendo insimulauit. Sed non tardus fuit in vindicando Deus . Nam cùm paulò post ex horto ad palatium se conferret ; ecce tibi è ponte , ubi transibat , præceps corruit ; fractâque ceruice miserè expirauit , sine vllò animi dolentis argumento. Ita miser , & hortum amisit ; nec cælum acquisiuit. O curuas in terram animas , & cælestium inanes ! Rem acu tetigit , dum hæc verba protulit D. Gregorius: *Omnes* , ait , *huius sæculi*

*Dist. c.
omnes.*

seculi dilectores, in terrenis rebus fortes sunt; in caelestibus autem debiles: nam pro temporali gloriâ desudare usque ad mortem appetunt, & pro perpetuâ, nec parum quidem in labore subsistunt: pro terrenis lucrus, quaslibet tolerant iniurias; & pro caelesti mercede, vel tenuissimi verbi contumelias ferre recusant. Terreno iudici, toto etiam die assistere, fortes sunt: in oratione verò coram Domino, vel unius horæ momento lassantur. Sapè nuditatem, deiectionem, famemque pro acquirendis divitijs, atque honoribus tolerant: superna autem laboriose tantò magis querere dissimulant, quanto ea tribui tardius putant. Hæc ille. Contra verò, qui oculos defigunt in cælum; terrena ad tempus negligunt possidere, ut valeant caelestibus sine fine gaudere: non curant hîc omnibus tormentis affici, ut possint ibi Diuinâ visionem refici. Omnia patienter tolerant, quia cælum impatienter desiderant. Homo igitur patiat, ut tali gloriâ potiatur: ferat, ut ad illam se conferat: subeat tormenta, ut transeat ad oblectamenta. Vndè Augustinus ad vnum.

S

quem-

quemque nostrum: *Tolera, quod non vis; ut assequaris, quod vis.* Sati^{us} enim est hîc modicâ miseriâ emere æternam felicitatem; quam modicâ felicitate, voluptate præ^{sen}ti emere æternam miseriam.

CAPUT VI.

*Homo novus, dum reliquas cogitat
Beatorum voluptates ex reli-
quis sensibus, censet se fuisse
hactenus insensatum.*

DE oculis, siue de sensu visus, abundè dictum est in priori capite. Expediamus reliquorum sensuum singulares, quibus perfundentur voluptates. Trahit me in odorem vnguentorum suorum cælestis paradisus, quem indubiè exhala-
bunt, in illis Elisijs hortis, lilia, rosæ, violæ, narcisci. Itaque, quod attinet ad olfactum, perfunderetur absque dubio fragrantissimis odoribus, quos corpora Beatorum sua-
nissi-

uissimè ispirabunt; ac præsertim sacratissimæ humanitatis Christi, & Beatæ Virginis; vtpotè, quæ in ipso suo in cælum ascensu, ambrosiâ suauissimi odoris compleuit totum cælum: vndè stupefacti cælestes genij tantâ odoris perfusi fragrantia clamabant: *Quæ est ista, quæ ascendit* Can. 3.
per desertum, sicut virgula fumi, ex aromatibus myrrha, & thuris, & uniuersi pulueris pigmentarij? Quod si corpora sanctorum in sepulchris inventa, summam exhalauerint odoris suauitatem, nondum glorificata vel immutata; qualem odorem effundent, excocta iam solis increati ardore, omni putredine? si tantum corpora; quantum Animæ ex se effundent odorem? Merito de ijs dic- C. 14.
tum est ab Oseâ: *sancti tui, Domine flore-
bunt, ut lilium; & sicut odor balsami erunt ante te.* Si tam gratus fusus sit odor Beatorum: qualis erit ipseus Christi? qui de seipso dicit: *sicut cin-* Eccle. 24.
namomum, & balsamum aromatizans, odorem dedi; quasi myrrha electa dedi suauitatem odoris. Similiter, & gustus erit plenus incredibili sapore, & dul-

cedine , & satietate quâdam & refectione cælesti oblectabitur: idque ob qualitatem quandam inhærentem, quæ non selectissimorum modo ciborum; sed & omnium , quæ fingi, cogitari , credique possunt, rerum saporem continebit. Hîc ergò sensus gustandi suam habebit voluptatem non in perceptione cibi , & potus; sed humoris cuiusdam suauissimî, qui linguam , palatum , & interiora imbuet. Hic humor proueniet, partim ex optimo temperamento: si enim homo boni temperamenti , & planè sanus , suauiter afficitur linguâ , & palato etiam jeiunus, quantò suauius ibi afficietur , ubi temperamentum erit perfectissimum? partim ex aliquo fortè cælesti liquore diuinitus infuso; quem , credibile est, etiam per stomachum , cæteraque interiora , diffundendum. Neque enim frustra de Beatis canit David:

psal. 35.

Inebriabuntur ab uberitate domus tuæ; & torrente voluptatis potabis eos. Sensus tangendi, suam voluptatem percipiet, tum ex aurâ cælesti, & cælestis corporis actu; tum ex inti-

umibus

mo

mo sensu optimi temperamentis: homo enim perfectè sanus, ipsam corporis bonam constitutionem in se suauiter sentit. Huius voluptas erit longè maxima; quia cum tactus sit toto corpore diffusus, purissimis quoque, sanctissimisque delitijs circumfluet. Imò ex mente celeberrimi scriptoris Granatensis: Tactus in mutuo pacis osculo, ipsius Dei Incarnati, & sanctorum summè delectabitur. Prò nimia cæcitas non credentium, vel credere nolentium, maiores Deum sibi, & Electis non seruasse delicias, ac voluptates, quam animalibus seruârit. Sciant porrò tantum inter cælestes, & omnes simul terrenas voluptates tam præsentis, præteritis, quam futuras discrimen esse; quantum inter Animam, & corpus; naturam, & gratiam; brutum pecus, & Seraphinum; tempus, & æternitatem. Superest vltimus sensus, Auditus. Itaque aures sine intermissione audient ineffabilis illius musicæ concentum, & harmoniam; cuius vox vna satis est ad omnium hominum animos in-

Apoc.
19. 6.

Baſto T.
2. *ſerm.*
504.

credibili voluptate perfundendos. Sonant enim ibi ſemper, vt ait B. Auguſtinus, melliflua hymnorum organa. Tunc complebitur illud, quod ſcribit S. Ioannes: *Post hæc, audiui quaſi vocem tubarum multarum in calo dicentium Alleluia: Laudem dicite Deo noſtro omnes ſancti eius; & qui timetis Deum, puſilli, & magni. Et audiui vocem quaſi tubæ magnæ; & ſicut vocem aquarum multarum; & ſicut vocem tonitruorum magnorum, dicentium Alleluia; quoniam regnauit Dominus Deus noſter Omnipotens; gaudeamus, & exultemus, & demus gloriam ei; quia venerunt nuptia Agni. Illic (vt docent quidam Theologi) quilibet ſanctus cantabit propriâ, & ſingulari voce; quæ ab omnibus, & ſingulis audietur, & discernetur. Innuit id David: *ſal. 149. Exultabunt ſancti in gloriâ, letabuntur in cubilibus ſuis; exaltationes Dei in gutture eorum. Exaltationes Dei, vocat laudes, quibus Deum extollent, immenſam eius excellentiam, omniaque opera magnifica commemorando. Haſ, ait, fore, In gutture eorum: non ergo ſolum in animo, nec ſolum**

solum cogitatione Deum laudabunt;
 sed & voce. Itaque dubitandum
 non est, fore ibi cantum vocalem: *De summo bono*
 ita Lessius. Quia cum homo corpo- *l. 3. c. 8.*
fol. 524.

re, & animo constet; oportet, vt
 non solum animo, sed & corpore
 feruiat. Seruitus autem Dei consistit
 in laude, & gratiarum actione; præ-
 fertim in patriâ, ubi omnia opera
 pænitiæ, & misericordiæ cessant.

Accedit, quod ex magno amore,
 & intenso gaudio homo naturaliter
 incitatur ad cantandum, vt experi-
 entiâ constat. Interna enim suauitas
 mentis, dum ex parte superiore re-
 dundat in inferiorem; etiam per
 corporis instrumenta se prodit foris.

Quare cum sancti sint Diuino amo-
 re inflammati, & gaudio vnde qua-
 que plenissimi; impensissimè ab in-
 trinseco ad Diuinas laudes cantu ce-
 lebrandas incitantur. Vndè S. Gre-
 gorius explicans versiculum illum,
 c. 8. Iob : *Donec impleatur os tuum.* *L. 8. Ma-*

Benè os risu impleri dicitur, & labia *ral. c. 31.*

iubilo; quia in illâ eterna patriâ, cum
Iustorum mens in exultationem rapitur;
lingua in cantum laudis eleuatur. De

eâdem re D. Augustinus: *Omne opus eorum, laus Dei, sine fine, sine defectio-
ne, sine labore. Felix ego, & verè in
æternum felix! si post resolutionem hu-
ius corpusculi audire meruero illa Can-
tica cælestis melodiæ, quæ cantantur ad
laudem Regis æterni, ab illis superna
patriæ ciuibus, Beatorumque spirituum
agminibus? fortunatus ego, nimium-
que beatus! si & ego ipse meruero can-
tare ea, & assistere Regi meo, Deo
meo? Quisque ibi canit laudes Di-
vinas modo sibi accomodato: An-
geli, voce spirituali; homines etiam
corporali. Quanta vero futura sit
voluptas cælestis illius musicæ, ex
humani cantus suauitate proclinè est
conijcere; quæ interdum tanta est,
(vt cùm excellens aliqua vox co-
niungitur cijtharæ, aut testudini)
animum quasi à corpore abducatur;
& homo vix ferre possit ob nimiam
cordis delectationem. Ars musica,
dulce laborum solamen: quantum
humanas afficiat mentes; illi maxi-
mè experiuntur, qui sonos inge-
niosè attemperatos, aurium deli-
cias norunt æstimare. Sed ausim di-
cere;*

cere ; si phonaſci hîc omnes , & quotquot in terris ſcientes ſunt muſices , conſerantur ad cæleſtes Aulædos , ſtridulæ cicadæ raucum aliquid , & infulſum murmurantes videbuntur. Finge te, modulatas auium voces audire ; eæ omnes ad illam cæleſtis muſicæ ſuauitatem fordebunt. Puta neruos , chordasque teſtudinum ſonare , plorabunt. Cogita liquidi gutturis . artiſque muſicam promitti : huic qualicumque muſicæ , ſimul ac alteram illam tu oppoſueris ; ocijus , & Byſthoniam teſtudinem ceſſare , & Leſbiam cytharam faceſſere , & pertæſus tacere Amphionis lyram iubebis Digni erunt cæleſtis illius concentus muſicam percipere , quorum aures apertæ ſunt , & largiſſimè patent audiendo verbo Dei , ſpiritus ſancti aſſatibus , ac inſtinctibus , Angeli tutelaribus inſpirationibus , pijs monitis , ſalubribus conſilijs ; clauſæ verò ſunt , dum cum Athenienſibus aliqui , de vmbraſini , & puerilibus nugis , & Anilibus fabulis , ofſutijs , & affanijs longos ſermones

S 5

texunt;

texunt ; sunt aliqui eo impietatis prolapsi , vt frustrâ illis inter vitia sua , & delitias sepultis , loquatur Ecclesiastes , in Templo ; Angelus , in conscientiâ ; Deus , in mente : furdi sunt. Lubet rem hanc planius exponere , fusiûsque. Cosmographi tradunt quosdam Nili accolâs , planè surdos esse , propter continuum fragorem , & vehementem impetum , quo fluvius ille de altissimis montibus se præcipitat : obtusæ semper magno strepitu aures , denique surdescent. Et mundus iste , nunquid torrens est ? Nunquid impetuoso Nilo simile flumen ? Nunquid & procellosum est mare ? O quanti in hoc pelago fluctus curarum ! quot vndæ sollicitudinum ? quanti strepitus affectuum ! quanti clamores , & vociferationes plorantium , cachinnantium , negotiantium , fabricantium , nubentium , bacchantium ! atque hæc causa est , cur impius quisque , ac sceleratus de altero mundo , alterâque vitâ , aut non audiat , aut non fructu percipiat ; quia totus eius absorptus

tus

tus est animus , in re familiari benè administrandâ , in sanitate conseruandâ , in lucro faciendo , in locupletandis liberis , & sexcentis alijs huius sæculi negotijs ? Demum hic mundi strepitus est ; quo multorum inter flagitia sua , ita aures obtunduntur , vt surdi fiant , nec admittant amplius pia , & salubria suadentium consilia : sic non pauci surdi fiunt ex consceleratis hominibus , ad conscientiaë suæ domesticas exprobrationes , ad clamores Ecclesiastæ , ad seuera Numinis ipsius , & frequentata monita. Aiunt quidem , & pro pallio continuandæ impietatis affirmant ; cùm olim ad extrema ventum fuerit , se vtramque aurem latissimè aperturos , salutaria dicturis , conscientiaë , sacerdoti , Deo : falluntur illi , plerique qui multo tempore , multisque annis inter vitia , & cupiditates suas obsurduerunt ; etiam sub mortem , nullis cohortationibus ad resipiscentiam possunt promoueri. Non est , vt sperent illi , se audituros , illud Divinum in cælesti Odeo,

LUC. II.
28.

Odeo , Alleluia. Quod , vt perci-
piatis audite nunc Verbum Dei; au-
ditum observate : *Beati enim , qui*
audiunt verbum Dei , & custodiunt il-
lud.

CAPUT VII.

*Exuberans gaudiorum copia, ex mu-
tuo Beatorum aspectu , & glo-
riâ.*

SI quis expetat in hâc valle la-
chrymarum habere spongiâ ,
quâ abstergat ab oculis suis omnem
lachrymam, is hodie mecum oculos
non in altum attollat ad sublime
cæli Amphitheatrum; sed conuertat
ad nobile illud patientiæ theatrum,
ad Iobi sterquilinum. Si rectè ex-
pendas , quæ audies verba in hoc
sterquilinio, terrena omnia cum Pau-
lo , arbitraberis vt stercora. Iob ,
verè monstrum patientiæ : cum ia-
ceret in olido fimeto, tanquam spec-
taculum humanæ miseriæ , velletque
suum in extremis ærumnis lenire
mæro-

mærorem, quin & aliorum omnium in quâvis calamitate mitigare dolorem; voluit verba quædam arcana exprimere, quæ ad omnem omnium sæculorum memoriam perennarent. Audite loquentem : *Quis* Job 19. *mihi tribuat, ut scribantur sermones mei?* 23.

Quis mihi det, ut exarentur in libro stylo ferreo, & plumbi lamina, vel celte sculphantur in silice? Quis mihi tribuat, inquit? sed quid vult tibi tribui? Quæ est petitio tua? ut scribantur sermones mei. Ad eam inopiam redactus sum, ut etiam tegula, in quâ scribam, mihi non suppetat; contorti digiti, compressæ manus, frigore tremulæ, & ulceribus plenæ. Optarem tamen ad solatium meum breves sermones litteris commendare. Aderit utique, qui scribat. Quid superest? papyrus. Ecce charta papyracea. sed parcite quæso: deferatur membrana, pergamena? nam charta papyracea deletur facilè, & frangitur. *Exarentur in libro.* concedimus per lubenter, cedo librum: scribe, quæ lubet. Absit, nollem tanti momenti verba, & digna cedro, exarare in libro, qui putre-

putrefactioni, & tinearum edacitati obnoxius est. Erit ne fortasse plumbum extensum per modum pergamænæ, cui verba mea perenniter imprimantur? Aderit: *stylo ferreo, & plumbi lamina*. Verùm, nec plumbum mihi placet, quia potest igne solui, & liquefieri. Aliud posco, quod sit ære perennius. Ecce filicem? placet: *Vel celte sculpantur in filice*. Habes ad manum, filicem. filemus, vt verba à te exaranda percipiamus: scio, inquit, quod Redemptor meus viuit; & in novissimo die de terrâ surrecturus sum, & rursus circumdabor pelle meâ; & in carne meâ videbo Deum Salvatorem meum, &c. reposita est hæc spes mea in sinu meo. Quasi dicat: Hæc spes sola videnti aliquando oculis meis Salvatorem meum; iam nunc & animum extremè afflictum, & corpus tot viceribus plenum, tanto vndeque perfundit gaudio; vt omnis mihi calamitas vertatur in solatium; omnis afflictio, in lætitiâ: multoque mihi acceptius sit, iacere in hoc sterquilinio; quàm sedere in solio.

Hic

Hic ergò Vos iam paucis expendite: si spes adhuc tenuis, & obscura illius gloriæ, quam à longè prospexit Iob mille retrò annis, tolerabilia, imò facilia; ne dicam, iucunda reddiderit, nuditatem, morbos, vlcus pessimum, ignem sacrum, lepram, scabiem, elephantiasim, dolorem articulare, viscera putrida, apostema, gravem halitum, vxorem stultam, dæmonem, infamiam, probrum, & sterquilinum, in paradisi speciem converterit; si, inquam, tantum potuerit sola spes Christum videndi? quid erit re ipsâ, & illius conspectu frui; & totâ, quæ infinita est, beatitudine potiri? *Vbi erit* (ait Gregorius) *lux, sine defectu; gaudium, sine* In psal. 7. *gemitu; desiderium, sine penâ; amor, sine tristitiâ; satietas, sine fastidio; sospitas, sine vitio; vita, sine morte; salus, sine longuore. Vbi* (ait Augustinus) *Rex, est veritas; lex, charitas; dignitas, æquitas; pax, felicitas; vita, æternitas? Vbi* (ait S. Bernardus) *premiu est videre Deum, vi-* De primo papæ calest. *uere cum Deo, vinere de Deo; esse* cum

cum Deo , esse in Deo , qui erit omnia in omnibus. Nos more nostro , ex immenso illo deliciarum Oceano, stillas aliquas delibemus; expendendo quantum futurum sit gaudium, ex beatissimâ illâ Beatorum omnium tum hominum, tum Angelorum societate. Plurimum confert ad solatium , plurimos esse , qui solatij suppeditent argumentum. Nunc autem quanta sit futura Beatorum se inuicem, summo cum gaudio conuentuum multitudo, expendamus. Inchoamus ab Angelis. Proditur 4. lib. Reuelat. S. Brigittæ, Deiparam dixisse D. Brigittæ, tantum esse numerum Beatorum spirituum Angelicorum; vt si computarentur omnes homines, ab Adam , vsque ad vltimum in fine mundi nasciturum , possent vnique homini deputari ad minus decem Angeli D. Dionysius Areopagita dicit tantum esse numerum Angelorum, vt soli Deo sit cognitus. S. Ambrosius dicit homines esse centesimam tantum partem numeri Angelorum; & quatuor superiores Ordines, Dominationes, Thronos,

Cælest.

Hierar.

c. 13.

& 14.

Ambros.

in Luc.

c. 15.

nos, Cherubinos & Seraphinos, longè
 esse numerosiores quinque Ordinibus infe-
 rioribus. Suares dicit, numerum An-
 gelorum, respectu hominum dici posse in-
 finitum, & innumerabilem. Albertinus
 dicit, Archangelos eodem excessu
 superare Angelos, quo ipsi supe-
 rant homines: Ergò cum teste D.
 Brigittâ, (cuius Reuelationem maxi-
 mi æstimat Vasques) pro vno homi-
 ne, decem Angeli dari possint; eo-
 dem excessu, dabuntur pro vno ho-
 mine centum Archangeli, mille Prin-
 cipes, decem millia Potestatum, cen-
 tum millia virtutum, millio Domi-
 nationum, decem milliones Throno-
 rum, centum milliones Cherubino-
 rum, mille milliones Seraphinorum.
 Quod & S. Thomas, apertè docet,
 dicens tantò magis in vnoquoque
 Ordine multiplicari Angelorum nu-
 merum; quantò Ordo ipse altior est,
 & præstantior. Vndè meritò inter-
 rogat Iob: *Nunquid est numerus mili-*
tum eius? quasi dicat innumerabiles
 esse. Iam verò est valdè credibile,
 quod docent grauiissimi Auctores,
 Angelos omnes in calo assumpturos cor-

Suar. l. de
 Angel.
 nat. c. ix.
 n. 3.

c. 25.

A. Lapide
 prop. Ma-
 ior, 298.

T

pora

pore speciosa ex æthere, quibus pascant oculos Beatorum; ut ab illis videri, & ore ad os loqui possint. Hoc enim videtur poscere amicitia, & arctissima vnio, & communicatio; quæ erit inter Angelos, & homines Beatos, quasi conciuēs cæli: aliàs etiam sensus Beatorum, nullum ex Angelis reciperent gaudium; imò in nullâ re cum illis communicarent: itaque inter Angelos, & Beatos tantum esset communicatio quoad mentem, non quoad corpus. Quod si ita est, Deus immortalis! quale erit gaudium, tot immensæ pulchritudinis spiritus intueri, alloqui, cum illis conuersari? Refert Serarius, de quodam Architecto, qui cum Erfordiæ erigeret Charitustiam, Angelum specie iuuenis conspexisse, tantâ elegantia, & pulchritudine; ut diceret se alterius oculi iacturam libenter facturum, si eum iteratò semel duntaxat conspici posset. Si quis posset vel Angelum videre vnum; cum eo loqui; audire illum de arcanis, & sublimibus rebus magnificè differentem; intueri illius vultum pulchritudine mirabili formosum; vim mentis

*l. Rerum
Mogunt.*

tis penetrare, & acervos perfectio-
 num, magnæque illa Intellectus, ac
 voluntatis eius decora, sanctimoni-
 amque augustam, quantis gaudijs
 colliquesceret? Et dubitemus, quin
 Beatus splendidissimo illo theatro
 omnium Angelorum incredibiliter
 capiatur? sanè, cùm oculos conijci-
 ent in illam tam illustrem Beatorum
 societatem, in quâ, vt à S. Basilio
 verba mutuer: *Sunt Angelorum myria-* *Exhort.*
des; festi primorum parentum confessus; ad Bapt.
Apostolorum throni; honorati Prophetarum
conuentus; Regia Patriarcharum
sceptra; corona Martyrum; Iustorum om-
nium laudes in commune triumphantium;
 Vix tenere se poterunt, quin excla-
 ment, atque gestiant. Socrates, bre-
 ui moriturus, singulari gaudio affi-
 ciebatur; cum sediceret pergere ad
 Heroas, ad semi-deos; ad optimos
 viros antiquitatis, cum quibus in æ-
 ternum agiturum se æuum aiebat.
 Quod si cuilibet arbitrarium esset,
 cum quibus vellet colloqui, indubiè
 quisque suæ artis Auctorem, vel in
 eâ maximè præcellentem vellet allo-
 qui? Philosophi, Aristotelem; Mat-

hematici , Archimedem ; Oratores , Tullium ; Pictores , Apellem ; Medici , Hipocratem ; Iuris-periti , Iustinianum ; Milites , Alexandrum , aut Cæsarem ; & optarent videre , & cuperent alloqui : maximâ afficerentur voluptate , posse eorum frui & conspectu , & societate. Quale ergò erit gaudium posse familiarissimè sermocinari cum Magnis illis antiquæ Legis Heroibus , Adamo , Noë , Abraham , Iacob , Ioseph ? cum illis , Divino spiritu olim afflatis vatibus , Isaiâ , Ieremiâ , Ezechiële , David &c : cum inclitis Regibus , Davide , Ezechiâ , Iosaphato , Manasse : cum honorato Apostolorum senatu , cum Petro , Paulo , Ioanne : cum Augustino , Hieronijmo , Chrysostomo , Gregorio ; quorum , & sanctimoniam veneratur , & scientiam admiratur tota posteritas. Nec tantùm gaudebunt mutuo conspectu ; sed & colloquio. Hîc iam magna est controversia in scholis Theologorum ; quo idiomate Beati se mutuo alloquentur , an Latino ? an Græco ? an Sijriaco ? Memini , me aliquando

do legisse in quodam impertinenti
Thesuro Theologicarum, vsuros Bea-
tos in cælo idiomate Hiberno : sed
nemo miretur impertinentia poni in
impertinenti. Sunt , qui existimant
quemque locuturum suo idiomate,
sibi vernaculô; vt omnium gentium
linguis Deus laudetur. Rem prodigio
simillimam, quæ sententiam nostram
confirmat , refert S. Gregorius:

Puer quidam armentarius, hâc vitâ prius l. 4. Dia-
defunctus ; deindè eidem restitutus, Do- 108. c. 26.
minum suum vocari iussit ; cui ait: Ego
in calo fui , & qui de hâc domo morituri
sunt , agnouit : Ille, ille , atque ille , mo-
rituri sunt , &c. Vt autem scias , quod
me in cælo fuisse verum fateor ; Ecce ac-
cepi illic , vt linguis omnium loquar.
Nunquid tibi incognitum fuit , quod
Græcam linguam omnino non nescem , &
tamen Græce loquar ; vt cognoscatis, an
verum sit , quod me omnes linguas acce-
pisse testificor. Cui tunc Græcè Domi-
nus suus locutus est; atque ita ille
in eâdem linguâ respondit; vt cuncti,
qui aderant , mirarentur. In eâdem
domo habitabat quidam Bulgarus;
qui ad hunc puerum deductus , Bul-

garicâ linguâ locutus est. Sed ita puer ille, cùm esset Italus natione, Bulgaricâ locutione respondit, ac si natione fuisset Bulgaricus? Ex duarum ergò linguarum experimento crediderunt eum, vti fatebatur, fuisse in cælo : ita D. Gregorius. Tametsi non constet ex Divinis oraculis, quo idiomate, Beati se invicem, vti plurimum sint allocuturi; tamen rationi conformius videtur, (quæ est & D. Hieronijmi opinio) futurum illud idioma, quod primo homini Adamo à Deo fuit infusum, nimirum Hebræum : Nam Deus ipse, Hebræâ linguâ, Adamo fuit locutus in paradiso. Et ipse filius Dei iam Incarnatus, eâdem linguâ usus est; plerunque, & eâ arcana omnia fidei mysteria, & Euangelia exposuit. Colloquia autem, quæ illic instituent, erunt, qualia olim fuerunt Apostolorum, cùm repleti iam spiritu sancto, in solemnitate Pentecostes, loquebantur varijs linguis. Et quid loquebantur? *Magnalia Dei?* sic illi inter sese iucundissimè different de immensis Dei perfectionibus; de eius

eius ineffabili sapientiâ , potentiâ , Bonitate , Misericordiâ , Iustitiâ ; & potissimum admirabili illâ Providentiâ eius œconomiâ , circa propriam suam salutem. Quam occultis callibus , & arcanis modis eos ad salutem promoverit ? quoties suâ gratiâ prævenit ? Divinis instinctibus ad virtutem permoverit ; in gravissimis dæmonis insultibus adfuerit ; è præsentibus periculis eripuerit ; ab æterno ex singulari favore eos ad gloriam elegerit ? O quanto exultantis animi gaudio vnusalteri , post enarrata salutis , quæ adiungere pericula , repetent illud sacrum Regij Vatis acroama ! *Nisi , quia Dominus adiuvit me ; paulò minus habitasset in Inferno* Psal. 93.
anima mea. 17. Quàm iucundum erit audire ex ore Magni illius Pauli quomodo cùm ipse in campo Damasci spirans irarum , & cædis in discipulos Christi , voce è cælo lapsâ , & fulgenti lycè circumfusus ; fuerit repente ex Ecclesiæ persecutore , reditus eiusdem Apostolus. Ex ore Petri , quo pacto , cum ille ter Christum negasset , eiudem oculis in se conver-

Psal. 50.
88. 2.

sis, illicò amarè fleuerit. Quibus
 verbis efferet Christi erga se bene-
 ficentiam Magdalena; cui post vitam
 obscœnissimè in lupanaribus actam,
 remissa subitò fuère omnia peccata.
 Quoties narrabit vltimum; quo pro-
 pè naufragium passus est, animæ
 periculum David; dum & iniquissi-
 mum commisit homicidium, & tur-
 pissimum patrauit adulterium? Non
 tunc amplius canet tristem illam Næ-
 niam: *Miserere mei Deus; sed Miseri-*
cordias Domini in æternum cantabo. De-
 indè alij different de arcanis fidei
 Mysterijs; de Christi Incarnatione,
 Natiuitate; vitæ eius normâ; de
 illius cruciatibus, Resurrectione,
 Ascensione ad cælum, de Sacramen-
 tis. Singuli præsertim Religiosi nar-
 rabunt; quibus Dei afflatibus, ex
 mundi fluctibus erepti, ad religio-
 sæ vitæ portum fuerint promoti:
 aliàs æternum perituri. Sic quilibet
 totius vitæ gesta, & pericula, &
 Divinæ circa se Prouidentiae dispo-
 sitionem, ac seriem, summâ cum,
 animi triumphantis præ gaudio, ex-
 ultatione enarrabit. In hac magnâ
 Dei

Dei Basilicâ non resonabunt, nec audientur illorum voces, quibus in hâc vitâ, lingua, nobile illud hominis ornamentum, non est aliud, quàm ad Deum offendendum instrumentum. Illos non admittendos in sacrum illud cælestium Oratorum Concilium; patet ex D. Paulo, qui dicit: *Neque maledicos, neque rapaces,* 1. Corin. 6. 10. *Regnum Dei possessuros.* Quisquis ergo es candidatus Regni cælestis; cave, ne censearis in cathalogo maledicorum. Qui sunt maledici? Qui, ut fanniones inuerecundi turpicula, è triuio, & fæce populari petita semper in ore habent; qui, teste Ambrosio, *velut pleni rimarum huc, atque illuc effluunt;* In psal. 118. & temerè, putidè, ac indecorè omnia effundunt; qui, quidquid est, vel acrimoniæ in satyris, vel severitatis in iambis, vel obscænitatis in elegijs, plenis buccis deblaterant. Sciant ergo detractores, nullum se reperturos locum inter illos, qui summâ charitate, & concordia sunt copulati. Oraculum enim est Pauli: *Neque maledici Regnum Dei possidebunt.* Quid deinde? Audiamus

mus

Apoc. 20.
15.

mus Empireæ domus secretarium
D. Ioannem? *Qui non inuentus est in
libro vita; missus est in stagnum ignis.*
In hoc stagno, stagno, inquam,
fluctuantis, & vndantis ignis; conf-
celerati detractores, maledici, au-
daces, & infandi, cælo exclusi; vt
ranæ informes, vt monstrosi pisces,
vt marini Dracones, squamis hirti,
ore fædi, & edentuli natabunt, &
in tempus sempiternum cruciabun-
tur. Iam quis nescit, vt maris, ac
fluviorum; sic stagnorum pisces, pro-
priè dici mutos. sic illis detractori-
bus, Deus in stagno illo fluitantibus,
vocem, & sermonem demet, quo
nefariè sunt abusi. Nec canent illud
lætum Alleluia; sed triste, & lamen-
tabile væ, væ. Væ ergò maledicis!
quoniam Regnum Dei non posside-
bunt.

CA.

CAPUT VIII.

Ingens Beatis est letitiæ materia, singulorum inter se concordia. & amor.

CHristus, vt electos suos in mundi iam deficientis occasu consolaretur, eorumque animos inter tot turbidas cæli, terræque tumultuantis tempestates erigeret; his, illos, verbis adhortatur. *His autem fieri incipientibus, respicite, & leuate capita vestra.* Non vult illos despiciere terras, sed respicere cælos: *Leuate capita vestra*, id est mentis, atque intelligentiæ aciem attollite; abite, & affectu, & re etiam ipsâ à terra, mundumque hunc aspectabilem contemnite. Opportuno planè consilio; quia vt rectè Galfridus: *Non expectemus, vt mundus nos obruat; qui necesse est, vt ruat.* Et vos ex medijs huius turbulenti mundi fluctibus, quibus involuimini, leuate capita vestra ad portum. Ex hoc cæno, luto, & fæcibus,

*Gaudium
ex societate san-
ctorum.
& eorum
amor.*

*Luc. 22.
:8.*

cibus, quibus volutamini, leuate capita vestra ad paradisum. Ex hoc luctuoso carcere, ex hoc mæsto exilio, ex hâc valle lachrymarum, leuate capita vestra ad illud regnum, ad patriam, ad montem Domini, ad cælestem Ierusalem. Ad hoc ipsum, pijsimis nos verborum aculeis stimulat Regius Propheta: *filij hominum usque quo graui corde; ut quid diligitis vanitatem, & queritis mendacium? filij hominum*, quorum origo cælestis, sator Deus, forma Diuina, Anima immortalis, corpus erectum. *filij hominum*, quibus patria, est cælum; merces, Dei possessio; vestis, gratia; expectatio, æterna gloria. *Usque quo graui corde?* Animi vestri, cum sint spiritus, subtiles sunt, cælos penetrant, comparantur Angelis, Deum imitantur; cur humi cor defigitis, per solum repitis, infra terram abijcitis? *filij hominum*, si filij belluarum, aut brutarum pecudum essetis, non mirum esset, vos pronos spectare terram, & prono affectu ferri ad terrena. Verum, *filij hominum*, rationis participes, totius
vni-

vniverſi Principes; quorum Animæ
è cælo fatæ, in cælum aspirant; quo-
rum oculi in ſupremo capite collo-
cati, quaſi ſupernorum ſpeculatores;
quorum mens tendit in verum, vo-
luntas rapitur ad bonum. *Uſque quo?*
Non ſat temporis, vanitati confecra-
tum? non ſat eſſet, ſemel, & iterum
in veterem vilitatem degeneraſſe?
Uſque quo? Abijt futilis infantia; ex-
pirauit fatua pueritia; euanuit inſa-
na iuuentus; præterijt virilis ætas,
properat ſegnīs ſenectus; inſtat mors,
imminet æternitas. Vos ergò, qui
hactenus fuiſtis graui corde, leua-
te capita veſtra, illic, ubi eſt mer-
ces veſtra: & quam illa copioſa fu-
tura ſit, ex copioſiſſimo gaudio, quo
Beati perfunduntur ob glorioſam cæ-
litum ſocietatem, mutuum amorem,
ſummam concordiam, intèlligite.
Homines in hoc mundo ſunt tan-
quam in itinere viatores, in diuer-
ſorio hoſpites, in exilio aduenæ: at
verò, ubi ad patriam peruenerint;
tunc demum audiunt ex ore Magni
illius Patris-familias: *Iam non eſtis hoſ-* *Eph. 2.*
pites, & aduenæ; ſed eſtis ciues ſancto-
rum,

rum, & domestici Dei? Modo dispiciamus, quales sint, qui admittuntur illic & ciues, & domestici. Quærit

psal. 14. 1. Regius Vates: Domine, quis habitabit in tabernaculo tuo? aut quis requiescet in monte sancto tuo? Respondet Deus.

Qui ingreditur sine maculâ, & operatur iustitiam. Itaque nemo vnus illic est cum minimâ velin. Animâ labe, vel

in fronte rugâ, vel in vultu næuo, vel in ueste maculâ. Illic nil intrat

coinquinatum. Apud Veteres, Temppla habebant fontes, quibus ante ingressum quilibet diluebatur: Inde &

templa huius-modi, Delubra, à diluendo, vocabantur, teste S. Isido-

15. Etij-

mol. c. 5.

ro. sic antequam ingredimur magnum illud Templum veri illius Salomonis; necesse est, labes omnes eluere: quia nil coinquinatum intrabit in Regnum cælorum. Ipsa verò Cui-

Apoc. 21.

tas, (ait S. Ioannes) aurum mundum simile vitro mundo. Non est vel mini-

mus illic puluisculus, multò minus in plateis cænum, aut lutum, aut

fæx. Illic sunt lilia, sed sine lolio; rosæ, sine spinis; aurum, sine scoria; vuae, sine labruscis; granum si-

ne

ne paleâ; frumentum, sine zizanio.

Hoc innuit Isaias, his verbis: *Hieru-* Isa. 51.

salem ciuitas sancta, non adiciet ultra,
ut pertranseat per te incircumcissus, &
immundus. scriptum est: foris canes. Apo. 12.

In illâ patriâ, nullus est cum Abele

Cain, qui occidat: in illo Regno,

nullus cum Dauide, qui persequa-

tur Saul: in illâ familiâ, nullus cum

Iacob Esau, qui oderit: in illâ domo,

nullus cum Isaaco, qui pugnet Is-

maël: in illo Collegio, nullus est cum

Apostolis, qui prodat, Iudas. Nulli

ibi claudi, manci, lufci, loripedes,

gibbosi, sed omnes staturâ corporis

æquales, colore candidi, corpore in-

tegrî, formâ speciosissimi; omnes in-

nocentes, sapientes, nobiles, affa-

biles. Deinde, si iuxta tritum ad-

agium: In omni re, varietas delectat;

huius profectò delectationis copio-

fissima erit materia, quia maxima

erit in tanta societate varietas. Pri-

mò, erit varietas sexuum, viri, fæ-

minæ, & neutri Angeli, in quibus,

tres Hierarchiæ; in quâlibet, tres

Chori. Secundò, varietas nationum;

ex omnibus Tribubus, linguis, nationi- Apo. 5. 9

bus,

bus, populis, vt loquitur S. Ioannes; qui tamen omnes se mutuò intelligent, quia quilibet omnibus linguis loqui poterit. Tertiò, erit varietas statuum; alij Patriarchæ, alij Prophetæ, Apostoli, Martyres, Episcopi, Doctores, Monachi, Eremitæ, Virgines, Viduæ, Coniugati. Quartò, diuersitas meritorum, in quouis Ordine: sicut enim stella differt à stellâ in claritate; & alia est claritas solis, alia lunæ: ita, & in sanctis erit varietas gloriæ. Iam, si varietas stellarum in cælo; varietas florum, in horto; varietas herbarum, in prato, arborum in siluâ, auium in aëre, ciborum in mensâ, nationum in terrâ; varietas pennarum, in pauone, piscium in mari, ve expressa tantum in libris, aut tabulis adedè delectet; quæ erit delectatio, videre in tantâ multitudine tantam varietatem? Quale gaudium erit, illic viuos, præsentisque spectare in cælo; quorum nunc ossa veneramur in sepulchro. Magni pendimus in thecâ aliquâ argenteâ gestare ad collum, illorum vel cineres, vel partem

tem vestis: deindè, multorum dierum conficimus itinera; vt vel loca, ubi sepulti sunt, lustremus; illorum fauillas, & cineres, prout corporis reuerentiâ colimus, & dissuauando osculamur; quid erit, videre illorum Corpora, quorum hîc veneramur vel ossa? Quanti æstimamus Augustini scripta, Chrysostomi Homilias, Gregorij Libros, Thomæ Doctrinam? quid erit, Magnos illos Heroes audire loquentes in cælis, quorum scripta sic admiramur in terris? Quanta erit voluptas, eorum consuetudine familiariter vtî? quos tamen nunquam viderimus, eorum tamen memoriam, festis diebus, cæremonijs, rituque solenni celebramus. Sed præcipuum gaudium, quod percipiunt Beati; est ex tantâ illâ Cælitum omnium inter se concordia. Nullæ enim in tam numerosâ cælestium Ciuium turbâ, erunt turbæ. Aded enim arcto charitatis, & sinceræ amicitie vinculo copulantur; vt non ita firmis compagibus, membra membris adhæreant. Nulla enim ibi contradictio, oppositio;

altercatio, ambitio, æmulatio. Omnes idem volunt, idem nolunt; quia omnes vnam, & eandem habent, & observant regulam, Dei voluntatem; cui refragari amplius non possunt. Maiores illic gloriâ impensissimè diligunt se inferiores: hi contra officiosissimè colunt, & venerantur eos, qui sibi gloriâ præcellunt; & de gratijs in eos collatis maxime operè, & collætantur, & congratulantur. Bonum vnius, bonum est omnium, & omnium vniuscuiusque figillatim: quisque namque bonum eius, quem diligit, tanquam proprium sibi adscribit; quin tantum, ne dicam amplius gaudet quisque de bono alterius, ac de proprio, idque per exuberantis charitatis excessum. Omnes eidem mensæ assident Divinitatis: omnes eodem bibunt è calice; omnes ex eodem fonte hauriunt. Deus si quidem in omnibus, & omnes in Deo; ipse illis omnia. Ac proindè nulli afficiuntur, nisi ipsi; aded vt illos sibi vniens, illos & invicem vniat, & connectat, iuxta vulgatum illud Philosophiæ axioma:

Quæ

Quæ sunt eadem uni tertio, sunt eadem inter se. O Beatam societatem! in qua multitudo, sine confusione; magnitudo, sine ambitione; varietas, sine contentione; inæqualitas, sine discordiâ; æterna, sine diminutione Charitas reperitur. Vnde S. Augustinus, exponens illa verba: *Laudate Dominum in sanctis eius*, ait, sanctos ipsosmet esse tubam, Psalterium, cytharam, tympanum, & chorum, chordas, organum, & cymbala benè sonantia, quibus ibi dicuntur laudare Deum. Ipsi siquidem, etsi diversa sint instrumenta, & diversos reddant sonos, & tonorum differentias, uti in musicâ, omnes tam aptissimè consonant, & hâc differentiarum consonantiâ Deum concordissimè laudant. Illic ergo, cum futura sit perfectissima Charitas; illa faciet quoque omnia communia. Pro hâc impetrandâ orabat olim Christus Patrem, cum diceret: *Rogo te Pater; ut illi unum sint*; per amorem, scilicet, *Sicut Nos unum sumus*, per naturam. Itaque omnes & Angeli, & Beati homines unum sunt,

In psal.
ulti.

Ioan. 17.
20.

magis , quàm membra vnus , eiusdemque corporis ; quia omnes participant de eodem spiritu , qui dat omnibus vnum esse , & vnâ beatam vitam. Vndè quæso , membra vnus corporis tantam inter se habent vnitatem , & concordiam ? Causa est ; quia omnes de vnâ , eademque formâ communicant , quæ est vnâ , eademque Anima : quæ dat vnicuique esse vnum , & vitam vnâ. Si anima , seu spiritus humanus tantæ sit virtutis , vt possit inter membra tam longè inter se , & naturâ , & officio differentia , vt sunt pedes , & caput , tantam vnitatem conciliare : quantò magis poterit spiritus Diuinus , per quem viuunt omnes Electi , tantam , & multò perfectiorem vnitatem facere inter ipsos cælorum ciues , & incolas. Iam verò , si hoc modo vnitas , & amor omnia communia faciat , tam bona , quàm mala , quantam lætitiâ vnus Electus ex gloriâ capit omnium aliorum , dum quemlibet , & singulos amat sicut seipsum ? Nam (vt D. Gregorius loquitur) hæreditas cælestis pro toto

totò exercitu Sanctorum est vna; & pro vno illorum, tota: singuli enim de gaudio omnium tantam percipiunt lætitiā, quantam perciperent, si ipsi omnium possiderent. Quid iam hinc sequitur, nisi, quemadmodum Electorum infinitus quasi est numerus; ita & singulorum gaudium futurum sit infinitum? Ut autem cælo potiamur, hanc prudentiæ regulam sectemur: videlicet ut non rarò totius vitæ nostræ rationes ob oculos nobis subiiciamus, eamque accuratè ad hanc amussim componamus? An vita hæc mea, quam, hoc modo duco, cælo sit digna? Quidquid Christus prohibet, facio; quidquid faciendum præcipit, reiicio: sperno eius consilia; non audio eius monita; despicio mandata; violo eius leges; non obtempero eius instinctibus: sicne itur ad astra? Deindè vehementer conducet, ut singulas sæpè actiones respiciam, meipsum in interrogando: Estne hæc actio consentanea vocationi meæ! arque aded ducitne hæc actio ad cælum? Estne talis, ut mer-

cedem indè , & brauium à cæleſti
 Agenotherâ expectare liceat? ſi non
 eo ſpectat; imprudens ſim, ſi exe-
 quar illam, vnde ad æterna bona
 mihi aditus vel intercipitur, vel im-
 peditior redditur. Hâc regula opera
 ſua omnia metiebatur S. Ludouicus
 Galliarum Rex, qui ſceptrum ad mo-
 dum obeliſci artiſcioſe elaboratum
 in annulo incluſum gerebat, cum hoc
 ſymbolo: *Volo ſolidum, perenne; qua-*
ſi dicat, omnia dicta, facta, cogita-
ta volo, vt cælum, & æternitatem
ſpectent. Sed mentes hominum faſ-
 cinat amor terræ. Hoſtis offert po-
 mum, vt rapiat Paradifum: terram
 cum auro ſuo ingerit, vt ſubtrahat
 cælum; voluptates fluxas obtrudit,
 vt auferat æternas; honoris ſumum
 venalem offert; vt adimat immorta-
 litatis gemmam. Concludo cum D.
 Bernardo. *O verè miſer homo, vt miſe-*
rum paſcas corpus; & veſtias; & car-
nis voluptatibus, quæ poſt paucos dies à
vermibus deuorabitur, ſatiſfacias; ſol-
licitus laboras; diſcurris, vigilas; &
ſomnum non capis, vt repleas ventrem:
& pro Animâ tuâ, quæ Deo præſentanda
eſt;

Serm. de
 miſeriâ
 hominu.

*est; cur non sollicitus fatigaris, ut ipsam
pascas bonis operibus, & induas virtuti-
bus, ne appareat nuditas eius? Væ tibi
est! & væ tibi erit! quia reddes, quæ
sunt Cesaris Cesari; & non quæ sunt Dei,
Deo. Vide miser, quia totum, est vani-
tas; totum, est stultitia; totum, demen-
tia; quidquid facis in hoc mundo, præter
id solum, quod in Deum, & propter De-
um, & honorem Dei facis.*

CAPUT IX.

*Deus clarè visus, est tota hominis
salus.*

Isaias plenus iam cælesti instinctu, *De Visio-
ne Dei.*
Iac Diuina afflatu, cum vellet præ-
dicando vaticinari, & exponere fe-
licissimam hominis Iusti iam demor-
tui conditionem; multa, imò om-
nia his paucis complexus est verbis:
Dicite Iusto, quoniam benè. Sub vnicâ.
illâ voculâ Benè, totam comprehen-
dit Beati felicitatem; quasi dicat, si
benè est peregrino, dum peruenit in
patriam; si benè est nautæ, dum su-

Iſa. 3.

bijt portum; si benè est militi; dum
 fruitur pace; si benè est rei cui cum-
 que, dum quiescit in centro: dicite
 Iusto, quoniam benè; quia dum De-
 um videt, iam quiescit in centro; iam
 factus est in pace locus eius; iam frui-
 tur portu; iam habitat in patriâ. Deus
 confirmaturus animum Moyſis, & in-
 duraturus contra omnes, quæ illi im-
 pendeabant calamitates, dicit: *Osten-*
dam tibi omne bonum; quasi dicat: No-
 li animo deiſci, nec frangaris aduer-
 sitate, tibi ipſi conſta in ærumnis;
 ſint, licet, graues, quos exantlas, la-
 bores, dura, quæ pateris, incommo-
 da; magna, quæ ſubis, pericula; mul-
 tæ, quas toleras, moleſtiæ; maior
 ramen his omnibus erit merces tua:
Oſtendam tibi omne bonum. Tria ſunt bo-
 norum genera: honeſtum, utile, iu-
 cundum; hæc omnia bona tibi oſten-
 dam. Ad hæc, alia ſunt animi bona:
 ſapientia ſcilicet, ſcientia, virtutes;
 alia corporis, pulchritudo, ſanitas,
 robur; alia verò externa, diuitiæ,
 voluptates, gloria. Hæc omnia oſten-
 dam, cum vnum bonum oſtendam;
 ſed quale bonum oſtendes? Omnis
 boni

boni bonum, cui nil potest addi. Hic
semper bono aliquid additur : dici-
tur enim bonus homo, bonus ager,
bona domus. Quoties dicis bonum,
semper aliquid adijcis : sed bonum
simplex : bonum, quo cuncta sunt
bona, est Visio Dei. De hac Visione
Dei, quæ est ipsa totius Beatitudinis
essentia : sine qua, licet omnia bona
adessent, nemo esset Beatus, differe-
mus. Hactenus, quæ de cælo diximus
magna, multa, mira : non modò
pauca, parva, communia, sed pro-
pè nulla censebuntur : si considere-
mus è folio Dei emicantes radios in-
finitæ sapientiæ, amorisque immen-
si, qui sua luce Beati mentem illustra-
bunt : & torrentes voluptatis indè
manantes, quibus animus, & omnis
illius affectio obruetur. Cum olim
Traianus Imperator in senatum ve-
nisset, vultumque illum suum exhi-
buisse, pueritiam, & diuina mo-
deratione augustum, ac Maiestate
suspiciendum : communi omnium se-
natorum voce acclamatum est : *O nos
felices !* Quam se felices exclamabunt
Beati omnes, cum Magnus ille Rex

*Plin in
panegy.*

Regum amabilem illum vultum suum aperiet: quem prius obvolutum, atque in hac vita per speculum, perque ænigma videbamus: in quo tuendo, & amando, & fruendo, summa, & absoluta est felicitas. Ibi tandem aliquando cor illud, quod in mortali hâc peregrinatione, *inquietum* semper est, vt aiebat Augustinus, cor quod ad Deum vnum perenni motu ferebatur, suauissimè conquiescit?

Arist. l. i.

de cælo c.

9.

Vniuersa cessant, desinuntque moueri, cum venerint suum in locum, ait Aristoteles.

Sic, cum Deus sit boni centrum, & totius Beatitudinis complexio; qui perfectè illum possidet, nil aliud est, cuius desiderio capi, & teneri queat. Ibi quiescet appetitus intellectus nostri, nec amplius sapere quidquam expetet, habebit enim in conspectu suo omnia, quæ sciri possunt. Quiescet hîc cupiditas voluntatis: amabit enim bonum illud, in quo vno, bona sunt omnia; extra quod, nulum bonum reperitur. Ibi appetitus omnis edendi, bibendi que satiabitur abundantia cælestium epularum? Ibi tres illæ virtutes, fides, spes, & Cha-

ritas,

ritas, quibus hâc in vitâ potissimum colitur Deus, liberalissimum recipient præmium? fides, visionem; spes, possessionem; Charitas imperfecta, vltimam perfectionem. Itaque non mirum, si tot bonis circumfluens anima, quæ toto mundo sic expleri non potuit, vt non longius, latiusque finem immensæ cupiditatis extenderet, iam beatam satietatem experiatur, iuxta Dauidis vaticinium: *Satiabor, cum apparuerit gloria tua.* Vel, *Psalm. 16.* vt vertit Hieronymus: *Implebor*, pro *15.* *satiabor.* Illa est gloriosa expletio, quæ nil vacuum, & inane dimittit; nil, quod prætereâ possit animus appetere, & profequi. Beata saturitas, sine nausæa; voluptas, sine fastidio; perennium voluptatum vsus, absque mollitiæ; & continua, sine labore, felicitas. Quantum ergò necesse est esse illam pulchritudinem, quæ soli conspecta tam Electos omnes reddit felices, vt non possint esse feliciores. Sed quid mirum est, si tantæ pulchritudinis visio beatos faciat Angelos omnes, iuxta achomines; cum beatum reddat ipsum etiam Deum, qui non

non habet aliam Beatitudinem; quã
 vt videat propriam suam pulchritu-
 dinem, eaque fruatur? Ad huius rei
 cognitionem, etiam in cæca illa gen-
 tilitatis caligine, peruenit Ethnicus
 ille Philosophus, imo Philosophorum
 Princeps Aristoteles, hoc inductus
 argumento: summum illud bonum,
 ait, cum vitam habeat, necesse est,
 in aliqua re se exerceat: sed non dor-
 mit, cum liberum sit ab omnibus
 operibus humanis; qualia sunt ede-
 re, bibere, & similia: oportet igitur
 in alio nullo se exerceat, quam in
 contemplatione. Quam igitur rem
 contemplabitur? An aliquid extra se,
 cuius contemplatione beatus sit? Ne-
 quaquam: nam si tale quid esset, id
 melius esset, atque nobilius illo: eius
 enim visio, beatum faceret illud
 summum Bonum: & per consequens
 hoc Deus esset, non illud. Rectè igitur
 concluditur: si exercitium sum-
 mi Boni sit contemplari, & contem-
 plando beatum esse; nil autem con-
 templetur extra se: sequitur, quod
 seipsum semper contempletur, &
 proindè infinitè beatus sit. Qualis igitur

tur

rar erit illa pulchritudo? si intueri illam, & contemplari duntaxat, beatum faciat etiam ipsum Deum, impleatque sinum illum immensum, & capacitatem felicitatis infinitæ infinitam? Qualis erit illa pulchritudo, quam Dominus ille ab æterno contemplatur, & in æternum contemplabitur, sine vllotædio, vel fatigatione? vnde & tantam, tamque inexplicabilem concipit voluptatem, vt quidquid vnquam creauit, vel creare possit, nil esse videatur, si cum illâ voluptate conferatur. Quomodo natabit homo in hoc tantæ magnitudinis pelago, cum ipsa Dei magnitudo in hoc natare valeat? Ah pulcherrime pulchritudinis Auctor, aperiantur oculi mei, vt videant hanc speciem; & cæteris rebus omnibus claudatur! sint mihi Domine, omnes creaturæ, speculum, in quo te contemplari: imago, in qua te videre: scala, qua ad te ascendere: liber, in quo tuas perfectiones legere possim. Non miror dixisse dæmonem aliquando ex ore obsessi: si totum cælum esset pergamenum, & totum mare atramen-

mentum, & omnes stellæ magistri
 Parisienses, & omnia stramina cala-
 mi: hi omnes magistri, & cæteri nec
 exprimere scribendo, nec exponere
 loquendo possent minimum gaudi-
 um, quod percipiunt sancti ex vultu
 Dei. Itaque in Deo videbitur decôr,
 & venustas omnium rerum creatarum,
 & creabilium. Illic videbimus
 varietatem, & pulchritudinem om-
 nium temporum, iucunditatem ver-
 ris, claritatem Æstatis, abundantiam
 Autumni, & Hyemis quietem.
 Illic sapientia Salomonis, videbitur
 ignorantia: illic pulchritudo Absolo-
 nis, deformitas: illic fortitudo Samp-
 sonis, imbecillitas. Tanta est autem
 delectatio, quæ percipitur ex visio-
 ne Dei, ut licet quis omnes omni-
 um Martyrum cruciatus sustinisset à
 primo mundi die, vsque ad extre-
 mum; abunde Deus illi satis faceret,
 & merita illa omnia compensaret,
 si se illi videndum exhiberet vnico
 momento. Effugit enim verò omnem
 intellectum, quanta futura sit delec-
 tatio intueri, & intelligere; quo-
 modò Deus sit inuisibilis, omnia vi-
 dens;

dens; immutabilis, omnia mutans; immotus, omnia mouens; semper agens, & semper quiescens; colligens, & non egens; omnia portans sine onere; omnia implens sine inclusione. Quomoddò, cum sibimet ipsi non dissimilis sit, dissimiliter tamen agat dissimilia? Quomoddò, qui ubique semper est, & tamen vix inueniri potest: quem stantem sequimur, & apprehendere non valemus. Quâ lætitiâ ergò Beatus non perfundetur? Quo gaudio extra se non efferreretur? Itaque videre Deum, est præmium vltæ æternæ, gloria spirituum, lætitiâ sempiterna, corona decoris, brauium felicitatis, pulchritudo pacis. Ipse præmium, & merces expectationis: *Ero*, inquit Moyse, *merces tua magna nimis?* Magnum enim magna decent. Verè tu Deus magnus es; & merces tu magna nimis. Neque enim magnus es tu; & parua merces tua: sed vt magnus es: ita magna merces tua. Quoniam non aliud es tu; & aliud merces tua. Sed tu ipse magnus nimis; tu ipse magna merces nimis. Tu corona, & Co-
rona-

ronator; Tu Promissor, & promissio; Tu Remunerator, & munus. Piè de hâc visione Laurentius Iusti-

*De disciplinâ
& perfectâ
monast.*

nianus: Diuinis splendoribus; & perpetuâ claritate fulgebit rationalis potentia; incomprehensibili lumine; veritate perspicua; serenitate lucidissima, & iucunda visione lastrabitur: Nam fecunda Dei verbo, & clara visione ei inherens, inscrutabilia secretorum Dei iudicia, & ineffabilia sapientia ipsius arcana, vero percipiet cognitionis intuitu: videbit Deum in seipso; videbit se in Deo, & Deum in se: videbit Deum in creaturis; & creaturas in Deo; sicque ineffabili luce decorabitur: lumine namque gloriæ circumfusa, Aeternum ab æterno æternaliter genitum contuebitur; atque meridiano splendore illustrata sine differente, vcl obnubilante medio, Dei essentiam contemplantur. Et paulo post: Ab immensitate decoris, à perennitate gloriæ, à suauitate spiritus, à liberalitate infusionis, à continuatione gaudiij, ab inhaisione dilecti totaliter comprehensi, omnes circumfusi quodam irreuerabili intuitu, & donati imperturbabili pace, Dei beatissimâ fruuntur essentiâ: sicque totus rationabilis spiritus

ritus Dei insignitus Imagine, in suum
 se transformabit Auctorem; nullâ deinceps
 polluendus labe, nullo timore turbandus:
 sic ipse. Verè dixit Augustinus: Quod ^{l. 22.}
 Deus preparauit diligentibus se, fide non ^{De Ciuit.}
 capitur, spe non attingitur, charitate non
 apprehenditur, desideria, & vota trans-
 greditur; acquiri potest, æstimari non po-
 test. Sed melius cælorum gaudia ex-
 primet idem Augustinus, admiranda ^{Epist.}
 quâdam quam ipse describit visione, ^{205.}
 quàm verbis: ipsis eius verbis histori-
 am contexam: Eâdem die; & horâ quâ
 obyt Hieronîmus, eram Hippone in cellu-
 lâ meâ quiescens, auide cogitans, qualis
 inesset animis Beatorum gloria, & latitia-
 rum quantitas; cupiens indè ex hâc ma-
 teriâ breuem componere tractatum, &c.
 Chartâ, calamo, pugillarique in manibus
 susceptis, ut breuem scriberem Epistolam
 sanctissimo Hieronîmo destinandam; ut
 quidquid ex hoc sentiret, responderet:
 Cumque iam scribens salutationis exordi-
 um, Hieronîmo prænотarem; ineffabile
 subito lumen, nostris inuisum, temporibus,
 nostrisque minimè linguis declaran-
 dum, cum ineffabili, inauditâque omni-
 um odoram fragrantia cellulam, in quâ

stabam, intrauit: quo à me viso, stupore, admirationeque commotus, animi, & membrorum vertutes repente amisi. Nesciebat enim, quod tunc Dextra mirabilis Dei exaltasset seruum suum. Itaque, quia talem nunquam oculi mei per spexerant lucem; olfactus meus odorem non senserat: tam nouis, tam inauditis miris obstupesceram. Inter hæc, de luce hæc dicens verba, vox emicuit: Augustine, quid quæris? putasne breui immittere vasculo mare totum? breui pugillo intercludere terrarum orbem? cælum firmare, ne vsitatos exerceat motus? Qua oculus nullius hominis videre potuit, tuus videbit? qua auris nulla per sonum hausit, audiet tua? qua cor humanum nulloatenus intellexit, nec etiam cogitauit, existimas te posse intelligere? Infinita rei, quis erit finis? Immensa, quâ mensurâ metieris? Potius totum mare in arctissimo claudetur vasculo; potius terrarum orbem paruulus teneret pugillus: potius cælum à motu continuo desisteret; quàm gaudiorum, & gloriæ, quibus Beatorum Animæ sine fine potiuntur, minorem intelligas particulam. Impossibilia facere ne coneris. Hic non quæres, quæ non alibi, nisi quo tam faciliter properas, inueniri possunt.

Hoc

Hoc satage, talia exerce opera; ut ea, quæ hîc aliququaliter intelligere cupis, in æternum habeas: Hæc de se Augustinus. Cur ad tanta, & tam certò nobis promissa bona; inter tot, quæ nos hîc premunt, mala, mentem non erigimus? Cur Danielelem, in Babylone captiuum non imitamur? Is, ait scriptura, ingressus est domum suam; & fenestris apertis in canaculo suo contra Ierusalem tribus temporibus, in die fleebat genua sua, & adorabat. Ipse ergo è tristi Babylonis captiuitate, eminus salutabat Patriam suam Ierusalem: non aperiebat fenestras, quæ ad Babylonem spectabant; sed quæ ad Ierusalem. Claudite hîc oculos, est Babylon, nil occurret hîc dignum visu: aperite, ut fursùm suspiciatis, ibi est Ierusalem, visio pacis. Habemus in nobis metipsis domum, cuius pars inferior, est corpus; superior, Anima: binæ illic sunt fenestræ; Intellectus, Voluntas. fertur Intellectus in omne verum; Voluntas in omne bonum: vtrumque nusquam verè, ac plenè inuenitur; nisi in Ierusalem. Per has geminas fenestras saluta, & respice

Dan. 6.

Ierusalem Patriam tuam. Filij Adam, hæc Patria vestra. Oves Christi, hoc est vestrum ouile, hæc pascua vestra. columbæ seductæ non habentes cor, hic vester nidus, hæc requies vestra. Quid agitis? quo curritis? quid persequimini? Cur tantum bonum vobis tam leuiter eripi finitis? Cur non fortiter tanto proposito stipendio dimicatis? cur celeriter tanto promisso braui non curritis? Hic tempus certaminis est: illic triumphi. Hic seminem facere: illic metere oportet. Cur vuas colligitis, antequam maturelscunt? Cur otio, & voluptatibus ante tempus vacatis? Vacate nunc contemplandæ cælesti Ierusalem, vt illic ingressi, aliquando audiat. *Vacate, & videte; quoniam suauis est Dominus.*

*Psal. 45.
II.*

CAPUT X.

Vltimus hominis finis, est bonorum omnium eternitas, sine fine.

Æternitas omnium bonorum in cælo.

Hoc capite finem imponemus materiæ illius Regni, cuius nullus

Ius est finis, ostendemulque, uberri-
mam Beatis omnibus accrescere læti-
tiæ segetem ex bonorum omnium,
quæ possident, æternitate. Bona om-
nia temporalia, perpetuas vicissitu-
dines subire, continuâ vertigine cir-
cumagi, iugi instabilitate, pernicio-
simâque fugacitate in suum præcipi-
tate occasum, quotidiana docet ex-
perientia: sola, quæ in cælis sunt, bo-
na sunt solida, stabilia, firma, immo-
bilia, æterna. Hinc rectè exclamat S.
Augustinus: *O regnum Beatitudinis* *solilog. c.*
sempiternæ! ubi iuventus nunquam senes- 35.
cit: ubi decorem nunquam pallefcit: ubi amor
nunquam tepescit: ubi sanitas nunquam
marcescit: ubi gaudium nunquam decre-
fcit: ubi vita, terminum nescit. Sic ipse:
de illo Regno ita loquitur Isaias: *Re-* *Isa. 57.*
gnum tuum, regnum omnium seculorum. 15.

Felix Regnum, cuius quot sunt habi-
tatores, tot sunt possessores; quot ci-
ues, tot Reges; felix, iterumque fe-
lix Regnum! cuius opulentia, infini-
tas; cuius amplitudo, immensitas;
cuius duratio, æternitas; cuius digni-
tas, diuinitas. Sed acturi de huius
Regni æternitate; de ipsâ prius aga-

mus æternitate. Viri Diuino spiritu afflati, aiunt solum Deum æternum esse, temporis Dominum; cuius regnum, sit regnum omnium sæculorum: alia omnia labi, & fluere, & pondere suo tendere in nihilum. Nam tametsi Animæ, & Beatæ mentes dicantur æternæ; non tamen semper fuerunt, nec nisi alieno beneficio sunt futuræ: ita vt quodammodò fæneratitiam æternitatem, & precariam perpetuitatem habere videantur. Cæterùm clarè Divina Oracula pronuntiant solum Deum esse propriè æternum. Quam ob causam, *Rex sæculorum* nuncupatur à D. Paulo. *Antiquus dierum* à Daniele. Ab Isaiâ; *Excelsus, & sublimis, habitans æternitatem*. A Sijris, *Gigas sæculorum*, ob magnitudinem potentiae, & maiestatem æternitatis: solus ergò Deus æternitate suâ tutus, & totus est, nusquam variabilis; qui omnem temporis fluxum, & sæculorum commutationem idem exuperat. Sicut enim immensitas Dei, totam Dei magnitudinem, quæ absque termino quaquaversum super cælos in immensum diffunditur, colligit in puncto.

Timos. 1.

Dñ. 7. 9.

Isa. 57.

15.

punctum ; vt non minus habeat in puncto loci , quàm in spatio infinito : ita æternitas durationem , & quasi ætatem Dei , quæ infinito tempori coextenditur , colligit in momentum ; ita vt totum possideat in instanti , siue in puncto. Sicut enim se habet immensitas ad punctum loci , ita æternitas se habet ad punctum temporis. Talem , aut hominibus , aut Angelis , æternitatem non transcribimus : solus enim Deus est , *Excelsus , & sublimis , habitans æternitatem , & Gigas sæculorum*. Vt tamen ei , quâ fieri poterat , etiam in duratione similes fieremus ; sicut *ille est viuens in sæcula sæculorum , & viuens in sempiternum* : ita voluit & nos , qui ab æterno quidem nec fuimus , nec esse potuimus ; saltem posthac in sæcula sæculorum , & in sempiternum viuere. Hæc , etsi non sit propriè dicta , & adæquata , sed quodammodò dimidiata ; est tamen à Deo participata , & in futurum infinitè extensa , veraque æternitas , diuinæ æternitati dissimilis quidem duratione retro infinita ; Similis tamen duratione in futurum in-

finita, & in exhausta. Qualis ergo
 in illis existere debet, & exuberans
 in omnem partem lætitiæ copia? ubi
 bona omnia sunt simul congesta, &
 singula æterna? possessio boni infi-
 niti, & æterni; æterna lux, æter-
 num conuiuium, æterna lætitia,
 æterna laus, æterna iubilatio, æter-
 nus triumphus, æternus pulcherri-
 mi Dei aspectus: & quidquid bo-
 norum optari potest. Verè ergo sunt
 Beati. Quia, *Beatitudo* (teste Boë-
 tio) est status omnium bonorum aggre-
 gatione perfectus. Beatitudo ergo est
 status, id est bonum quoddam per-
 manens; quod fortunæ lufibus non
 subest, neque enim novit fortunæ
 rotam volubilem, clauum enim ap-
 posuit ei: quare bonum illud im-
 mensum, occasum ignorat, & vi-
 cissitudinem. Hinc D. Augustinus
 dubitans, quomodo post diem Iu-
 dicij, misericordia Dei dicatur æter-
 na, cum in cælo non sint Beati in-
 digentes misericordiâ: & ait. Rectè
 in æternum futuram misericordiam eius
 dicimus: non quia in æternum miseri
 erunt, & ideo in æternum eius miseri-
 cor-

3. de Con-
 sol. prof. 2.

Exposit.

psal. 135.

Confite-

mini. &c.

cordiâ indigebunt; sed quia ipsa Beati-
tudo, quam misericorditer miseris præ-
stat, ut esse miseri desinant, & esse Bea-
ti incipiant, non habebit finem; & ideo
in æternum misericordia eius: quod
enim Iusti erimus, ex iniquis; sani,
ex infirmis; vivi, ex mortuis; im-
mortales, ex mortalibus; & Beati,
ex miseris, misericordia eius est: hoc
autem quod ita erimus, in æternum
erit; ideo misericordia est in æter-
num, quia benefactum, quod nobis mise-
ricorditer præstat, in æternum est. Est er-
gò status, & quidem omnium bono-
rum aggregatione perfectus: nullum
enim bonum non ibi. Plato beatum
illum dixit, cui nil boni deest. Et D.
Bernardus: *Beatitudo est, ubi nil sit, quod*
nolis; & ubi totum sit, quod velis: sic il-
le. Nil ibi, quod nolis; non fames,
non sitis, non nuditas, non paupertas,
non lassitudo, non dolor, non timor,
non labor, non inimicus, non morbus,
non mors: nullum ibi malum, nec pæ-
næ, nec culpæ. Nil ibi, quod non ve-
lis: sed totum ibi, quod tu velis; de-
litiæ, diuitiæ, honores, amici, salus
vita. Extollit mirificè ex hoc capite,

*Serm. de
triplici
genere bo-
no, &c.*

Beatroum statum S. Augustinus:

l. 22. de
ciuit. c.
30.

Quanta erit illa felicitas, ubi nullum erit malum, nullum latebit bonum? vacabitur Dei laudibus, quierit omnia in omnibus. Quia tunc non erit ulla necessitas; sed plena, certa, secuta, sempiterna felicitas. Ipse finis erit desideriorum nostrorum; qui sine fine videbitur, sine fastidio amabitur, sine fatigatione laudabitur. O verè maximum sabbathum, non habens vespertinum! Ibi vacabimus, & videbimus; videbimus, & amabimus; amabimus, & laudabimus? Ecce, quid erit in fine, sine fine? Nam quis alius noster est finis, nisi peruenire ad regnum, cuius nullus est finis? Hæc est equies sempiterna; sine fine erit requies ista; sine fine erit gaudium hoc; sine fine erit incorruptio. Vitam eternam habebis; requiem, qua non habet finem. Quanto labore digna est requies, qua non habet finem? sed finem imponamus huic Regno, cuius nullus est finis, probando illud regnum cum infinitis quos continet, thesauris; cum immensis, quæ complectitur, bonis, posse emi, & quidem exiguo pretio. Accipite ex D. Augustino, eius pretium. & accendite ad emendum, vestrum desiderium. Venale est, venale est, quod

In psal.
93. post.
mediū.

quod habeo, dicit tibi Deus. *Ene illud?* *Quid habes venale?* *Requiem*, ait, *venalem habeo; emellam.* Dicis ei: *Quantum valet?* *Pretium eius, labor est.* *Quanto labore digna est quies, qua non habet finem!* si verum vis comparare, & verum iudicare; *eterna requies, aeterno labore recte emittur: Verum hoc est; sed noli timere: misericors est Deus.* Si enim haberes aeternum laborem; nunquam peruenires ad aeternam quietem. Ergo ut aliquando peruenias ad id, quod emis; non in aeternum laborandum est: non quod non valeat tanti; sed ut possideatur, quod emittur. Digna est quidem emi labore perpetuo; sed necesse est, ut labore temporali ematur. Decies centena millia annorum habent finem: quod tibi dabo, dicit Dominus, non habet finem. *Qualis misericordia Dei?* non dicit decies centena millia annorum labora; non dicit, vel mille annis labora; non dicit, quingentis annis labora; sed cum vivis, inquit, labora, in paucis annis. Indè, iam requies erit; & finem non habebit, &c. Ecce quantum pretium damus: quodammodò unam siliquam, ad accipiendum thesaurus sempiternos: sic ipse. Sed fors erunt, qui se labore cælum emere posse negabunt: quia sunt viri-

viribus infirmi, conditione debiles, naturâ delicatuli. Idcirco, vt & hanc an-
sam tibi eriperet Augustinus; aliud
adhuc, & longè vilius pretium emen-
di cæli proponit. Cum multa simul
conglobasset in laudem cæli, tandem

De ver-
bis Do-
mini
serm. 64.
c. 2.

concludit: *facilius inueniemus, quid ibi
non sit; quam, quid ibi sit? Et tamen ve-
nale est. Eme, si vis. Nec multum aestues
de re magnâ, propter magnitudinem pre-
tij. Tantum valet, quantum habes. No-
li quærere, quid habeas; sed qualis sis. Res
ista te valet; tantum valet, quantum es tu.
Te da, & habebis illam. Quid ex aestuas,
quid turbaris? Nunquid quæsiturus es te;
aut empturus te? Et te tu qui es, qualis es
da te illi, & habebis illam. Sed malus
sum, inquit, & forte me non accipit: dan-
do te illi, bonus eris; sic ille. Hæc, cum
ita se habeant, eum in cælo sint om-
nia æterna; & æterna comparari pos-
sint tam exiguo pretio, labore mo-
mentaneo, nos, vt Regnum illud
omnium sæculorum emamus: in re-
bus omnibus omittendis, & agendis,
præcipue semper spectandum, quid
expostulent rationes æternæ; siue,
vt explicatius dicam, quid extremus*

vita

vitæ nostræ finis exigat; quid summum bonum, quo sunt omnia referenda; quid Deus ipse, qui summum bonum est, finis noster. Quid pustu-
let maior Dei gloria, cum nostrâ semper salute coniuncta. Quid super eâ re dicet, consulta fides? quid sacra scriptura? quid disciplina Christiana? Non quid sensibus arrideat: quid natura vitata requirat: quid in præ-
senti maximè sit gratum, facile, iucundum. Assumat igitur, æternita-
tis trutinam, & ad eam omnia dicta, facta, cogitata diligenter expendat. Ita faciebat olim S. Franciscus; vn-
dè, cum frater eius, homo arrogan-
ter insolens, ab illo semi-nudo, &
algente, amariore ioco, quam de-
ceret fratrem, rogasset, sudoris gut-
tam sibi drachmâ venderet: lætissi-
mus respondit; se iam pridem totum
Domino vendidisse, & quidem in-
genti pretio sempiternæ vitæ. Idem,
post aliquot annos, grauissimis dolo-
ribus exagitatus, & nouis insuper mo-
lestijs à dæmone diuexatus, vt iam
humanæ vires, ferendo, vix essent:
audiit è cælo, sibi verè gaudendum;
quod

quod per eas tribulationes tantum sibi thesaurum acquireret, cui nullus in terrâ comparari posset; licet tota terra in aurum; omnes lapides, in gemmas; omnes aquæ, in balsamum verterentur: quâ voce cælestis est recreatus, ut iam non sentiret dolorem; statimque aduocatis præ gaudio fratribus, narraret, quod e cælo solatium accepisset. Verè ergò,

- psal. 83. Beati, qui habitant in domo tuâ Domine, in sæcula sæculorum laudabunt te. Æternitas, sæculum vnum est; annus vnus est, dies vnus; imò punctum vnum, propter indiuisibilem unitatem infiniti. Tamen dies sunt infiniti, anni infiniti, infinita sæcula,*
- 1. Corin. 3. propter immensitatem. Dies Domini. Non est alia ætas digna Deo, quàm æternitas, nec alio digna æternitas, quàm Deo. Et nos æternitate fruentes in cælo, erimus Diuini, pleni Deo, filij Dei; viuemus cum Deo, erimus quasi Dei. O æternitas! Magnitudo Dei, est immensitas; Natura Dei, est bonitas; virtus Dei, est infinitas; voluntas Dei, est æquitas: lex Dei, est sanctitas: vita Dei, est feli-*

felicitas: ætas Dei, est æternitas. O admirabilem ætatem! Ætas, quæ nec tranſit, nec venit, nec in circum reuertitur: ſed commenſurata, (ſi dicere liceat) & adæquata Deo. Sicut enim ille immobilis eſt, & omnia mouet: ſic æternitas ſtat ſemper immota, vt centrum, & axis; voluit tamen tempus, & mundum, vt rotam, vel ſphæram. Ideoque æternitas omne tempus includit: præteritum, quia erat; præſens, quia eſt: futurum, quia erit. Non ſic erat, vt tranſierit, vti dies heſternus, quia fuit, & non eſt: non eſt, quomodo præſentis temporis inſtans, quod in ictu oculi currens eſt, & non eſt. Non erit, quia quod erit, nunc non eſt, ſed futurum expectatur. Sicut dies craſtine: ſed erat, ſine principio, & ſine medio: & erit ſine termino. O ætas incomprehenſibilis! ætas antiquiſſima, & prima! ætas nouiſſima, & vltima! imò nec prima, nec vltima! ætas vnica, & ſola! Dies vnus: *Melior eſt dies vna in atrijs tuis* *psal. 83:* *ſuper millia.* Quis te poterit laudare. o beata æternitas? Tu es antiqua,
&

& noua ; non prius antiqua , quàm noua ; non prius noua , quàm antiqua : imò idèd antiqua , quia noua ; idèd noua , quia antiqua. Antiqua es , O æternitas ! quia semper fuisti : Noua es , quia semper eadem es : Non deficit vnquam , O beata æternitas ! non mutaris vnquam ; quotidie reflorescis , & renouas omnia inferiora , cùm semper stes immobilis. Æternitas regnat , æternitas vincit , æternitas imperat , æternitati laudes , æternitati gratias , æternitati triumphales honores. Ad hanc æternitatem vos invito ; hanc æternitatem vobis opto ; hanc æternitatem precor , & spero.



INDEX CAPITVM.

PROOEMIUM.

DE MORTE. folio.I.

CAPUT PRIMUM.

Novi hominis, ex attentâ Mortis
consideratione, Genesis. 4.

CAPUT II.

Homo vetus ad intuitum sepulchri
euigilat; & iam novus, sibi inui-
gilat. 11.

CAPUT III.

Hominis fragilitas, temporis per-
nicitas. 19.

CAPUT IV.

Quid sit mori? 27.

CAPUT V.

Homo vetus, reddit animum ex de-
formi pulchrum, inspiciendo se-
pulchrum. 35.

CAPUT VI.

Novus homo, nova videt, audit,
intelligit; dum sepulchra inspicit. 41.

Y

CA-

INDEX.

CAPUT VII.

Mors multis est inuisa; quia non
paucis improuisa. 48

CAPUT VIII

Summi momenti summum momen-
tum.

PROOEMIUM.

DE EXTREMO IUDICIO. 65.

CAPUT I.

Euigilat homo vetus sonitu tubæ
sepulchralis, citantis eum ad Iudi-
cium. 69.

CAPUT II.

Post tubæ sonitum, sequitur Refur-
rectio corporum. 77.

CAPUT III.

Crux ante aduentum Iudicis appa-
rens in aëre, varijs vario se exhibe-
bit schemate. 89.

CAPUT IV.

Bene expensus descensus è cælo fu-
pre-

INDEX.

premi Iunicis , erit ascensus ad cælum noui hominis. 99.

CAPUT V.

Iudicis è cælo descendentis , & in throno confidentis magnificus apparatus. 108.

CAPUT VI.

Ante vltimum Tragædiæ actum ,
prodeunt varij reproborum Actores. 120.

CAPUT. VII.

Pronuntiatur faustissima in Electos sententia. 130.

CAPUT VIII.

Fulminatur decretoria in improbos sententia. 141.

CAPUT IX.

Vtriusque sententiæ executio , & omnis temporis consummatio. 155.

PR O O E M I V M.

DE INFERN O 165.

CAPVT I.

Locus , & Societas. 167.
CAP.

INDEX.
CAPVT II.

Tenebræ. 173.

CAPVT III.

Fætor. 179.

CAPVT IV.

Fletus. 184.

CAPVT V.

Fames. 189.

CAPVT VI.

Vermis conscientiæ. 197.

CAPVT VII.

Ignis. 202.

CAPVT VIII.

Desperatio. 206.

CAPVT IX.

Æternitas. 211.

PROOEMIUM.

DE CÆLO. 223

CAPUT I.

Homo nouus despicit magnā terræ,
expensâ magnitudine cæli. 226.

CAPUT II.

Nouus homo, spretis terræ angu-
stijs, meditatur ampla, ex cæli am-
plitudiue. 234.

CAPUT III.

Homo nouus erigit se è cæno, ad
cælum; dum contemplatur venu-
statem cæli. 242

INDEX.

CAPUT IV.

Homo nouus , dum suspicit dotes
gloriosi corporis , despicit suum
corpus. 251.

CAPUT V.

Homo nouus , dum conuertit ocu-
los , vt videat Beatorum oculorum
voluptatem ; auertit oculos , ne vi-
deat vanitatem. 267.

CAPUT VI.

Homo nouus , dum reliquas cogi-
rat Beatorum voluptates ; ex reli-
quis sensibus , censet se fuisse hac-
tenus insensatum. 276.

CAPVT VII.

Exuberans gaudiorum copia , ex
mutuo Beatorum aspectu , & glo-
riâ. 286.

CAPVT VIII.

Ingens Beatis est lætitiæ materia ,
singulorum inter se concordia , &
amor. 301.

CAPVT IX.

Deus clarè visus , est tota hominis
salus. 313.

CAPVT X.

Vltimus hominis finis , est bono-
rum omnium æternitas sine fine. 326.

FINIS.

FACULTAS

R. P.

PROVINCIALIS.

EGO infrascriptus Præpositus Provincialis Provinciæ Flandro-Belgicæ Societatis *IE. SV*, do facultatem vt typis vulgetur liber cui titulus *Veteris hominis per expensa quatuor nouissima Metamorphosis &c.* Auctore *P. Guilielmo Staniburſto* Societatis nostræ Sacerdote, quem prius examinarunt deputati ad id censores & prælo dignum censuerunt. In quorum fidem hisce manu propriâ subscripsi, easque solito officij mei sigillo munitas dedi. *Antuerpiæ 20 Novembris 1660.*


IOANNES RENTERGHEM.

APPROBATIO.

HÆc veteris hominis Metamorphosis, & Novi Genesis, Auctore R. P. Guilielmo Stanihurſto Societatis IESU, cum ſit ad veterem hominem exuendum, & novum hominem induendum quaſi paræneſis, cenſeo dignum qui fiat publici iuris.

Aſtum 31. Martij. 1661.

**C. VOOCHTS, Canonicus S. T.
L. & Archidiaconus Antverpienſis Lib. Cenſor.**



S V M M A

PRIVILEGII REGII.

Philippus Dei gratiâ Hispaniarum, Indiarumque, &c. Rex Catholicus, Archidux Austriæ, Dux Burgundiæ, Brabantiae, &c. Serenissimus Belgarum Princeps, diplomate suo sanxit, nequis librum cui titulus est *Veteris Hominis per expensam quatuor novissima Metamorphosis & novi Genesis*, Auctore R. P. Guilielmo Stanihursto Societatis IESU, præter Cornelij Woonsvoluntatē, ullo modo in Belgio intra sex annos proximos imprimat, aut alibi terrarum impressum in has inferiores Germaniæ ditiones importet venalemve habeat. Qui secus faxit, confiscatione Librorum, & pro singulis exemplaribus huc illatis triginta florenorum pensione mulctabitur: uti latiùs patet in litteris Bruxellæ 22 Ianuarij datis anno 1661.

Signat.

Loyens.

8-1



